



TROPUS
II

IV 53

IV 53

CORNELII TACITI

LIBRI QUI SUPERSUNT.

QUARTUM RECOGNOVIT

CAROLUS HALM.

TOMUS PRIOR

LIBROS AB EXCESSU DIVI AUGUSTI CONTINENS.



LIPSIAE

IN AEDIBUS B. G. TEUBNERI.

MDCCCXCI.

Cum Taciti libros iterum recognosceremus, non tantum, ut par erat, egregias Nipperdei et Haasei curas adhibuimus, sed etiam veterum criticorum commentarios diligenter perlustravimus, qui quam cogniti sint uno illustri exemplo ostendere operae pretium videtur. In libro enim annalium XII, 11 lectionem falsam *tanto toleratiora* ex vera *tanto laetiora* depravatam esse nuper Haase in praef. vol. I p. LXX recte monuit: at quid iam Acidalius criticus ille in paucis ingeniosus scripsit? 'Muretus voluit *tanto taetriora*, quod plane non convenit. Nec ego scio quid faciam. Hariolor tantum, *tanto laetiora*, bono quidem sensu: quanto inusitata magis ac nova barbaris, tanto gratiora futura.' Postea cognovimus in eandem emendationem, quae nobis quidem certissima videtur, iam Ursinum incidisse, ac tamen eius nulla mentio in commentariis recentiorum, quamquam Waltherus quidem quae veteres critici habent bona satis diligenter collegit. Videmur autem nobis non sine aliquo fructu hos fontes nondum exhaustos adisse; invenient enim homines litterati aliquot bonas emendationes a nobis primum in verborum contextum receptas, quae nimium diu neglectae iacuerant. In aliis locis critici nostrae aetatis quid Tacitus scripsisset bene illi quidem divinarunt, sed laus inventi alicui superiori in commentario nostro critico vindicanda erat. In hunc autem omnes lectiones codicum, quae ob aliquam causam cognitu dignae videbantur, rettulimus nec ullam nobis praetermisisse videmur, quae aliquem usum ad verba scriptoris emendanda praebere possit. Praeterea non tantum emendationum auctores suis quibusque locis indicavimus, sed etiam delectum coniecturarum, quae non admittendae videbantur, conguessimus, non quo omnes cognitu

dignas putarem, sed ut qui editione nostra utentur in locis corruptis aut suspectis viderent quid quoque loco iam ab aliis criticis tentatum esset. Nec quisquam tantam ingenii aciem aut iudicii subtilitatem sibi adrogabit, ut, cum in Taciti libris tot loci obscuri aut corrupti sint, ubique verum aut quod ad verum proxime accedit sano iudicio sese vidisse aut elegisse adfirmet. De rebus autem orthographicis quas vocant eas scribendi formas, quae in Mediceo primo, qui sex libros priores annalium habet, traditae sunt, per reliquos quoque libros servandas esse existimavimus; ille enim codex et antiquissimus est et eas in his rebus scripturas exhibet, quas apud Romanos in usu fuisse certis testimoniis iam fere comprobatum est.

D. Monachii mense Augusto a. MDCCCLVI.

In Taciti libris iterum recognoscendis familiares CAROLUS HERAEUS et EDUARDUS WOELFFLINUS re atque consiliis me egregie adiuverunt, quibus gratias ago quam maximas.

Monachii mense Januario a. MDCCCLXXIII.

Cum tabulae stereotypae, quibus Taciti libri expressi sunt, multo usu detritae renovandae essent, ab honestissimis librariis facile impetravi, ut adnotationem criticam ad commodiorem legentium usum verbis ipsis auctoris subiciendam curarent. In libris autem recognoscendis egregie adiutus sum relationibus annuis (*Jahresberichte der Zeitschrift für das Gymnasialwesen*), in quibus GEORGIUS ANDRESEN scripta ad Tacitum pertinentia, quae his postremis annis in lucem emissa sunt, sedulo enumeravit sanoque iudicio sub censum vocavit.

D. Monachii mense Januario a. MDCCCLXXXII.

Carolus Halm.

CORNELII TACITI AB EXCESSU DIVI AUGUSTI

LIBER I.

1. Urbem Romam a principio reges habuere; libertatem et consulatum L. Brutus instituit. dictaturae ad tempus sumebantur; neque decemviralis potestas ultra biennium, neque tribunorum militum consulare ius diu valuit. non Cinnae, non Sullae longa dominatio; et Pompei Crassique potentia cito in Caesarem, Lepidi atque Antonii arma in Augustum cessere, qui cuncta discordiis civilibus fessa nomine principis sub imperium accepit. sed veteris populi Romani prospera vel adversa claris scriptoribus memorata sunt; temporibusque Augusti dicendis non defuere decora ingenia, donec gliscente adulatione deterrentur. Tiberii Gaique et Claudii ac Neronis res florentibus ipsis ob metum falsae, postquam occiderant, recentibus odiis compositae sunt. inde consilium mihi pauca de Augusto et extrema tradere, mox Tiberii principatum et cetera, sine ira et studio, quorum causas procul habeo.

2. Postquam Bruto et Cassio caesis nulla iam publica arma, Pompeius apud Siciliam oppressus exutoque Lepido, interfecto Antonio ne Iulianis quidem partibus nisi Caesar dux reliquus, posito triumviri nomine consulem se ferens et ad tuendam plebem tribunicio iure contentum, ubi militem donis, populum annona, cunctos dulcedine otii pellexit, insurgere paulatim, munia senatus magistratuum legum in se trahere, nullo adversante, cum ferocissimi per acies aut proscriptione cecidissent, ceteri nobilium, quanto quis servitio promptior, opibus et honoribus extollerentur ac novis ex rebus aucti tuta et praesentia quam vetera et periculosa mallent. neque provinciae illum rerum statum abnuebant, suspecto senatus

populique imperio ob certamina potentium et avaritiam magistratum, invalido legum auxilio, quae vi, ambitu, postremo pecunia turbabantur.

3. Ceterum Augustus subsidia dominationi Claudium Marcellum sororis filium admodum adulescentem pontificatu et curuli aedilitate, M. Agrippam, ignobilem loco, bonum militia et victoriae socium, geminatis consulatibus extulit, mox defuncto Marcello generum sumpsit; Tiberium Neronem et Claudium Drusum privignos imperatoriis nominibus auxit, integra etiam tum domo sua. nam genitos Agrippam Gaium ac Lucium in familiam Caesarum induxerat, necdum posita puerili praetexta principes iuventutis appellari, destinari consules specie recusantis flagrantissime cupiverat. ut Agrippa vita concessit, Lucium Caesarem euntem ad Hispaniensis exercitus, Gaium remeantem Armenia et vulnere invalidum mors fato propera vel novercae Liviae dolus abstulit, Drusoque pridem extincto Nero solus e privignis erat, illuc cuncta vergere: filius, collega imperii, consors tribuniciae potestatis adsumitur omnisque per exercitus ostentatur, non obscuris, ut antea, matris artibus, sed palam hortatu, nam senem Augustum devinxerat adeo, uti nepotem unicum, Agrippam Postumum, in insulam Planasiam proiecerit, rudem sane bonarum artium et robore corporis stolidè ferocem, nullius tamen flagitii conpertum. at hercule Germanicum Druso ortum octo apud Rhenum legionibus inposuit adscirique per adoptionem a Tiberio iussit, quamquam esset in domo Tiberii filius juvenis, sed quo pluribus munimentis insisteret. bellum ea tempestate nullum nisi adversus Germanos supererat, abolendae magis infamiae ob amissum cum Quintilio Varo exercitum quam cupidine proferendi imperii aut dignum ob praemium. domi res tranquillae, eadem magistratum vocabula; iuniores post Actiacam victoriam, etiam senes plerique inter bella civium nati: quotus quisque reliquus, qui rem publicam vidisset?

3, 19 proiecerit Ritter: proieceret cod. Lectiones sunt Medicei primi, caeque, quibus in VI libris prioribus nomen emendatoris non adscriptum est, a Beroaldo correctae sunt | 24 munimentis Lipsius: monumentis

4. Igitur verso civitatis statu nihil usquam prisci et integri moris: omnes exuta aequalitate iussa principis aspectare, nulla in praesens formidine, dum Augustus aetate validus seque et domum et pacem sustentavit, postquam provecta iam senectus aegro et corpore fatigabatur aderatque finis et spes novae, pauci bona libertatis in cassum disserere, plures bellum pavescere, alii cupere. pars multo maxima imminentis dominos variis rumoribus differebant: trucem Agrippam et ignominia accensum non aetate neque rerum experientia tantae moli parem, Tiberium Neronem maturum annis, spectatum bello, set vetere atque insita Claudiae familiae superbia, multaque indicia saevitiae, quamquam premantur, erumpere. hunc et prima ab infantia eductum in domo regnatrice; congestos iuveni consulatus, triumphos; ne iis quidem annis, quibus Rhodi specie secessus exul egerit, aliud quam iram et simulationem et secretas lubricas meditatum. accedere matrem muliebri inpotentia: serviendum feminae duobusque insuper adulescentibus, qui rem publicam interim premant, quandoque distrahant.

5. Haec atque talia agitantibus gravescere valetudo Augusti, et quidam scelus uxoris suspectabant. quippe rumor incesserat, paucos ante menses Augustum, electis consciis et comite uno Fabio Maximo, Planasiam vectum ad visendum Agrippam; multas illic utrimque lacrimas et signa caritatis spemque ex eo fore ut iuvenis penetibus avi redderetur: quod Maximum uxori Marciae aperuisse, illam Liviae. gnarum id Caesari; neque multo post extincto Maximo, dubium an quaesita morte, auditos in funere eius Marciae gemitus semet incusantis, quod causa exitii marito fuisset. utcumque se ea res habuit, vixdum ingressus Illyricum Tiberius properis matris literis accitur; neque satis conpertum est, spirantem adhuc Augustum apud urbem Nolam an exanimem repperit. acribus namque custodiis domum et vias saepserat Livia, laetique interdum nuntii vulgabantur, donec pro-

4, 15 exul Muretus: exulem | aliud Nipperdey: aliquid (aliud quid Dräger) | 5, 7 gnarum Lipsius: c. (G. corr.) naum

visis quae tempus monebat simul excessisse Augustum et rerum potiri Neronem fama eadem tulit.

6. Primum facinus novi principatus fuit Postumi Agrippae caedes, quem ignarum inermumque quamvis firmatus animo centurio aegre confecit. nihil de ea re Tiberius apud senatum disseruit: patris iussa simulabat, quibus praescripsisset tribuno custodiae adposito, ne cunctaretur Agrippam morte adficere, quandoque ipse supremum diem explevisset. multa sine dubio saevaque Augustus de moribus adolescentis questus, ut exilium eius senatus consulto sanciretur, perfecerat: ceterum in nullius umquam suorum necem duravit, neque mortem nepoti pro securitate privigni inlatam credibile erat. propius vero Tiberium ac Liviam, illum metu, hanc novercalibus odii suspecti et invisii juvenis caedem festinavisse. nuntianti Carioni, ut mos militiae, factum esse quod imperasset, neque imperasse sese et rationem facti reddendam apud senatum respondit. quod postquam Sallustius Crispus particeps secretorum (is ad tribunum miserat codicillos) comperit, metuens ne reus subderetur, iuxta periculoso ficta seu vera promeret, monuit Liviam ne arcana domus, ne consilia amicorum, ministeria militum vulgarentur, neve Tiberius vim principatus resolveret cuncta ad senatum vocando: eam condicionem esse imperandi, ut non aliter ratio constet, quam si uni redatur.

7. At Romae ruere in servitium consules, patres, eques. quanto quis inlustrior, tanto magis falsi ac festinantes, vultuque composito, ne laeti excessu principis neu tristiores primordio, lacrimas gaudium, questus adulationem miscebant. 8. Sex Pompeius et Sex Appuleius consules primi in verba Tiberii Caesaris iuravere, apudque eos Seius Strabo et C. Turranius, ille praetoriarum cohortium praefectus, hic annonae; mox senatus milesque et populus. nam Tiberius cuncta per consules incipiebat, tamquam vetere re publica et ambiguus imperandi: ne edictum quidem, quo patres in

7, 3 tristior | 4 adulationem Nic. Heinsius: adulatione (adulationes Lips.) | 5 apuleius

curiam vocabat, nisi tribuniciae potestatis praescriptione possuit sub Augusto acceptae. verba edicti fuere pauca et sensu permodesto: de honoribus parentis consulturum, neque abscedere a corpore idque unum ex publicis muneribus usurpare. sed defuncto Augusto signum praetoriis cohortibus ut imperator dederat; excubiae, arma, cetera aulae; miles in forum, miles in curiam comitabatur. literas ad exercitum tamquam adepto principatu misit, nusquam cunctabundus nisi cum in senatu loqueretur. causa praecipua ex formidine, ne Germanicus, in cuius manu tot legiones, immensa sociorum auxilia, mirus apud populum favor, habere imperium quam exspectare mallet. dabat et famae, ut vocatus electusque potius a re publica videretur quam per uxorium ambitum et senili adoptione inrepsisse. postea cognitum est ad introspectiendas etiam procerum voluntates inductam dubitationem: nam verba vultus in crimen detorquens recondebat.

8. Nihil primo senatus die agi passus est nisi de supremis Augusti, cuius testamentum inlatum per virgines Vestae Tiberium et Liviam heredes habuit. Livia in familiam Iuliam nomenque Augustum adsumebatur; in spem secundam nepotes pronepotesque, tertio gradu primores civitatis scripserat, plerosque invisos sibi, sed iactantia gloriaque ad posteros. legata non ultra civilem modum, nisi quod populo et plebi quadringentiens triciens quinquens, praetoriarum cohortium militibus singula nummum milia, urbanis quingenos, legionariis aut cohortibus civium Romanorum trecenos nummos viritim dedit. tum consultatum de honoribus; ex quibus qui maxime insignes visi; ut porta triumphali duceretur funus, Gallus Asinius, ut legum latorum tituli, victarum ab eo gentium vocabula anteferrentur, L. Arruntius censuere. addebat Messalla Valerius renovandum per annos sacramentum in nomen Tiberii; interrogatus-

7, 25 indutam J. Fr. Gronovius | 8, 1 est add. Nipperdey | 4 Augustum Jac. Gronovius: augustae corr. ex augusta vel augusta | 9 urbanis quinquenos supplevit H. Sauppe | 10 aut: atque Britier, ac Hand, cf. ad 1, 16, 6 | 11 qui add. Bezenberger. [visi] Wopkens; in sententia relativa inest obiectum verbi censuere

que a Tiberio, num se mandante eam sententiam prompsisset, sponte dixisse respondit, neque in iis quae ad rem publicam pertinerent consilio nisi suo usurum, vel cum periculo offensionis: ea sola species adulandi supererat. conclamant patres corpus ad rogam umeris senatorum ferendum. remisit Caesar adroganti moderatione, populumque edicto monuit ne, ut quondam nimis studiis funus divi Iulii turbassent, ita Augustum in foro potius quam in campo Martis, sede destinata, cremari vellent. die funeris milites velut praesidio steterē, multum inridentibus qui ipsi viderant quique a parentibus acceperant diem illum crudi adhuc servitii et libertatis inprospere repetitae, cum occisus dictator Caesar aliis pessimum, aliis pulcherrimum facinus videretur: nunc senem principem, longa potentia, provisus etiam heredum in rem publicam opibus, auxilio scilicet militari tuendum, ut sepultura eius quietaret. // 24. 5. 98.

9. Multus hinc ipso de Augusto sermo, plerisque vana mirantibus, quod idem dies accepti quondam imperii princeps et vitae supremus, quod Nolae in domo et cubiculo in quo pater eius Octavius vitam finivisset. numerus etiam consulatum celebrabatur, quo Valerium Corvum et C. Marium simul aequaverat, continuata per septem et triginta annos tribunicia potestas, nomen inperatoris semel atque viciens partum aliaque honorum multiplicata aut nova. at apud prudentes vita eius varie extollebatur arguebaturve. hi pietate erga parentem et necessitudine rei publicae, in qua nullus tunc legibus locus, ad arma civilia actum, quae neque parari possent neque haberi per bonas artes. multa Antonio, dum interfectores patris ulcisceretur, multa Lepido concessisse. postquam hic socordia senuerit, ille per libidines pessum datus sit, non aliud discordantis patriae remedium fuisse quam ut ab uno regeretur. non regno tamen neque dictatura, sed principis nomine constitutam rem publicam; mari Oceano aut amnibus longinquis saeptum imperium; legiones, provincias, classes,

8, 26 inprospere repetitae Lipsius: in prospera repetita | 9, 12 dum Muretus: tunc (cum Haase) | 15 ut add. Perrettus

cuncta inter se conexa; ius apud cives, modestiam apud socios; urbem ipsam magnifico ornatu; pauca admodum vi tractata, quo ceteris quies esset. //

10. Dicebatur contra: pietatem erga parentem et tempora rei publicae obtentui sumpta: ceterum cupidine domnandi concitos per largitionem veteranos, paratum ab adulescente privato exercitum, corruptas consulis legiones, simulatam Pompeianarum gratiam partium; mox ubi decreto patrum fasces et ius praetoris invaserit, caesis Hirtio et Pansa, sive hostis illos, seu Pansam venenum vulnere adsumum, sui milites Hirtium et machinator doli Caesar abstulerat, utriusque copias occupavisse; extortum invito senatu consulatum, armaeque quae in Antonium acceperit contra rem publicam versa; proscriptionem civium, divisiones agrorum ne ipsis quidem qui fecere laudatas. sane Cassii et Brutorum exitus paternis inimicitiiis datos, quamquam fas sit privata odia publicis utilitatibus remittere: sed Pompeium imagine pacis, sed Lepidum specie amicitiae deceptos; post Antonium, Tarentino Brundisinoque foedere et nuptiis sororis inlectum, subdolae affinitatis poenas morte exsolvisse. pacem sine dubio post haec, verum cruentam: Lollianas Varianasque clades, interfectos Romae Varrones, Egnatios, Iulos. nec domesticis abstinebatur: abducta Neroni uxor et consulti per ludibrium pontifices, an concepto necdum edito partu rite nuberet; Q. † Tedii et Vedii Pollionis luxus; postremo Livia gravis in rem publicam mater, gravis domui Caesarum noverca. nihil deorum honoribus relictum, cum se templis et effigie numinum per flamines et sacerdotes coli vellet. ne Tiberium quidem caritate aut rei publicae cura successorem adscitum, sed quoniam adrogantiam saevitiamque eius introsperit, comparatione deterrima sibi gloriam quaesivisse. etenim Augustus paucis ante annis, cum Tiberio tribuniciam potestatem a patribus rursus postularet, quamquam honora oratione, quaedam de habitu cultuque et institutis eius iecerat, quae

10, 19 Iulos Lipsius: iulios | 21 Q. Victorius: que (Q. Pedii F. A. Wolf, C. Matii Freinsheim, Q. Alledii C. L. Roth ex Juven. 5, 118, que tedii et del. Mommsen)

velut excusando exprobraret. ceterum sepultura more perfecta templum et caelestes religiones decernuntur.

11. Versae inde ad Tiberium preces. et ille varie diserebat de magnitudine imperii, sua modestia. solam divi Augusti mentem tantae molis capacem: se in partem curarum ab illo vocatum experiendo didicisse quam arduum, quam subiectum fortunae regendi cuncta opus. proinde in civitate tot illustribus viris subnixa non ad unum omnia deferrent: plures facilius munia rei publicae sociatis laboribus exsecuturos. plus in oratione tali dignitatis quam fidei erat; Tiberioque etiam in rebus, quas non occuleret, seu natura sive adsuetudine, suspensa semper et obscura verba: tunc vero nitenti, ut sensus suos penitus abderet, in incertum et ambiguum magis implicabantur. at patres, quibus unus metus, si intellegere viderentur, in questus lacrimas vota effundi; ad deos, ad effigiem Augusti, ad genua ipsius manus tendere, cum proferri libellum recitarique iussit. opes publicae continerentur, quantum civium sociorumque in armis, quot classes, regna, provinciae, tributa aut vectigalia, et necessitates ac largitiones. quae cuncta sua manu perscripserat Augustus addideratque consilium coercendi intra terminos imperii, incertum metu an per invidiam.

12. Inter quae senatu ad infimas obtestationes procumbente, dixit forte Tiberius se ut non toti rei publicae parem, ita quaecumque pars sibi mandaretur, eius tutelam suscepturum. tum Asinius Gallus 'interrogo' inquit, 'Caesar, quam partem rei publicae mandari tibi velis'. percussus inprovisa interrogatione paulum reticuit: dein collecto animo respondit nequaquam decorum pudori suo legere aliquid aut evitare ex eo, cui in universum excusari mallet. rursus Gallus (etenim vultu offensionem coniecit) non idcirco interrogatum ait, ut divideret quae separari nequirent, sed ut sua confessione argueretur, unum esse rei publicae corpus atque unius animo regendum. addidit laudem de Augusto Tiberiumque ipsum victoriarum suarum quaeque in toga per tot annos

12, 10 sed ut Lipsius: sed et (an sed ut et?)

egregie fecisset admonuit. nec ideo iram eius lenivit, pridem invisus, tamquam ducta in matrimonium Vipsania M. Agrippae filia, quae quondam Tiberii uxor fuerat, plus quam civilia agigaret Pollionisque Asinii patris ferociam retineret. //

13. Post quae L. Arruntius haud multum discrepans a Galli oratione perinde offendit, quamquam Tiberio nulla vetus in Arruntium ira: sed divitem, promptum, artibus egregiis et pari fama publice, suspectabat. quippe Augustus supremis sermonibus cum tractaret, quinam adipisci principem locum suffecturi abnuerent aut in pares vellent vel idem possent cuperentque, M. Lepidum dixerat capacem sed aspernantem, Gallum Asinium avidum et minorem, L. Arruntium non indignum et, si casus daretur, ausurum. de prioribus consentitur, pro Arruntio quidam Cn. Pisonem tradidē; omnesque praeter Lepidum variis mox criminibus struente Tiberio circumventi sunt. etiam Q. Haterius et Mamercus Scaurus suspicacem animum perstrinxere, Haterius cum dixisset 'quo usque patieris, Caesar, non adesse caput rei publicae?', Scaurus quia dixerat, spem esse ex eo non inritas fore senatus preces, quod relationi consulum iure tribuniciae potestatis non intercessisset. in Haterium statim invectus est; Scaurum, cui inplacabilis irascebatur, silentio tramisit. fessusque clamore omnium, expostulatione singulorum flexit paulatim, non ut fateretur suscipi a se imperium, sed ut negare et rogari desineret. constat Haterium, cum deprecandi causa Palatium introisset ambulantisque Tiberii genua adolveretur, prope a militibus interfectum, quia Tiberius casu an manibus eius inpeditus prociderat. neque tamen periculo talis viri mitigatus est, donec Haterius Augustam oraret eiusque curatissimis precibus protegeretur.

14. Multa patrum et in Augustam adulatio. alii parentem, alii matrem patriae appellandam, plerique ut nomini Caesaris adscriberetur 'Iuliae filius' censebant. ille moderandos feminarum honores dictitans eademque se temperantia usurum in iis quae sibi tribuerentur, ceterum anxius invidia

13, 7 M.' Lipsius: M. | 14 caput Rhenanus: apud tē

et muliebri fastigium in deminutionem sui accipiens ne lictorem quidem ei decerni passus est aramque adoptionis et alia huiusce modi prohibuit. at Germanico Caesari proconsulare imperium petivit, missique legati qui deferrent, simul maestiam eius ob excessum Augusti solarentur. quō minus idem pro Druso postularetur, ea causa quod designatus consul Drusus praesensque erat. candidatos praeturae duodecim nominavit, numerum ab Augusto traditum; et hortante senatu ut augetet, iure iurando obstrinxit se non excessurum.

15. Tum primum e campo comitia ad patres translata sunt: nam ad eam diem, etsi potissima arbitrio principis, quaedam tamen studiis tribuum fiebant. neque populus ademptum ius questus est nisi inani rumore, et senatus largitionibus ac precibus sordidis exsolutus libens tenuit, moderante Tiberio ne plures quam quattuor candidatos commendaret, sine repulsa et ambitu designandos. inter quae tribuni plebei petivere, ut proprio sumptu ederent ludos, qui de nomine Augusti fastis additi Augustales vocarentur. sed decreta pecunia ex aerario, utque per circum triumphali vesti uterentur: curru vehi haud permissum. mox celebratio annua ad praetorem translata, cui inter cives et peregrinos iurisdictio evenisset.

16. Hic rerum urbanarum status erat, cum Pannonicas legiones seditio incessit, nullis novis causis, nisi quod mutatus princeps licentiam turbarum et ex civili bello spem praemiorum ostendebat. castris aestivis tres simul legiones habebantur, praesidente Iunio Blaeso, qui fine Augusti et initiis Tiberii auditis ob iustitium aut gaudium intermiserat so-

15, 6 ne praeturae plures Nipperdey | 11 annua Lipsius: annū (annum inclusit Nipperdey ex priore Ritteri coniectura) | 16, 4 castris hibernis Sirker | 6 [aut gaudium] Muretus; at ait Tacitus solita munia alia ob iustitium alia ob gaudium intermissa esse, cf. 1, 55 Arminium ac Segestem, insignem utrumque perfidia in nos aut fide. 4, 47 quod magna vis armata aut incondita tuebatur. 11, 38 quod (ferrum) frustra iugulo aut pectori per trepidationem admovens etc. 12, 12, 13, 43. H. 2, 92. Ac proprio quodam usu Tacitus sic etiam aut usurpat, ut fere idem sit quod et vicissim, ut est 2, 47 quique Mosteni aut

lita munia. eo principio lascivire miles, discordare, pessimi cuiusque sermonibus praebere aures, denique luxum et otium cupere, disciplinam et laborem aspernari. erat in castris Percennius quidam, dux olim theatralium operarum, dein gregarius miles, procax lingua et miscere coetus histrionali studio doctus. is inperitos animos et quaenam post Augustum militiae condicio ambigentes impellere paulatim nocturnis colloquiis aut flexo in vesperam die et dilapsis melioribus deterrimum quemque congregare.

17. Postremo promptis iam et aliis seditionis ministris velut contionabundus interrogabat, cur paucis centurionibus, paucioribus tribunis in modum servorum oboedirent. quando ausuros exposcere remedia, nisi novum et nutantem adhuc principem precibus vel armis adirent? satis per tot annos ignavia peccatum, quod tricena aut quadragena stipendia senes et plerique truncato ex vulneribus corpore tolerant. ne dimissis quidem finem esse militiae, sed apud vexillum tendentes alio vocabulo eosdem labores perferre. ac si quis tot casus vita superaverit, trahi adhuc diversas in terras, ubi per nomen agrorum uligines paludum vel inculta montium accipiant. enimvero militiam ipsam gravem, infructuosam: denis in diem assibus animam et corpus aestimari: hinc vestem arma tentoria, hinc saevitiam centurionum et vacationes munerum redimi. at hercule verbera et vulnera, duram hiemem exercitas aestates, bellum atrox aut sterilem pacem sempiterna. nec aliud levamentum quam si certis sub legibus militia iniretur, ut singulos denarios mererent, sextus decumus stipendii annus finem adferret, ne ultra sub vexillis tenerentur, sed isdem in castris praemium pecunia solveretur. an praetorias cohortes, quae binos denarios acceperint, quae post sedecim annos penatibus suis reddantur, plus periculo-

Macedones Hyrcani vocantur. 15, 47 quia in utero repressum aut iter iuxta editum est. Uterque horum locorum frustra coniecturis tentatus est | 16, 14 dilapsis Muretus: delapsis | 17, 8 tendentes Jac. Gronovius: tentes | 21 accepit (acciperent Faërnus)

rum suscipere? non obtrectari a se urbanas excubias: sibi tamen apud horridas gentes e contuberniis hostem aspici.

18. Adstrepebat vulgus, diversis incitamentis, hi verberum notas, illi canitiem, plurimi detrita tegmina et nudum corpus exprobrantes. postremo eo furoris venere, ut tres legiones miscere in unam agitaverint. depulsi aemulatione, quia suae quisque legioni eum honorem quaerebant, alio vertunt atque una tres aquilas et signa cohortium locant; simul congerunt caespites, exstruunt tribunal, quo magis conspicua sedes foret. properantibus Blaesus advenit, increpabatque ac retinebat singulos, clamitans 'mea potius caede imbuite manus: levioere flagitio legatum interficietis quam ab imperatore desciscitis. aut incolumis fidem legionum retinebo, aut iugulatus paenitentiam adcelerabo.'

19. Aggerabatur nihilo minus caespes iamque pectori usque adcreverat, cum tandem pervicacia victi inceptum omisere. Blaesus multa dicendi arte non per seditionem et turbas desideria militum ad Caesarem ferenda ait, neque veteres ab imperatoribus priscis neque ipsos a divo Augusto tam nova petivisse; et parum in tempore incipientis principis curas onerari. si tamen tenderent in pace temptare quae ne civilium quidem bellorum victores expostulaverint, cur contra morem obsequii, contra fas disciplinae vim meditentur? decernerent legatos seque coram mandata darent. adclamavere ut filius Blaesi tribunus legatione ea fungeretur peteretque militibus missionem ab sedecim annis: cetera mandatueros, ubi prima provenissent. profecto iuvene modicum otium: sed superbire miles, quod filius legati orator publicae causae satis ostenderet necessitate expressa quae per modestiam non obtinuissent.

20. Interea manipuli ante coeptam seditionem Nauportum missi ob itinera et pontes et alios usus, postquam turbatum in castris acceperunt, vexilla convellunt direptisque proximis vicis ipsoque Nauporto, quod municipii instar erat, re-

18, 8 operantibus *J. Fr. Gronovius* | 19, 1 aggerabatur *Walther*: aggerabatur | 2 eiusque

tinentis centuriones inrisu et contumeliis, postremo verberibus insectantur, praecipua in Aufidienum Rufum praefectum castrorum ira, quem dereptum vehiculo sarcinis gravant aguntque primo in agmine, per ludibrium rogantes an tam immensa onera, tam longa itinera libenter ferret. quippe Rufus diu manipularis, dein centurio, mox castris praefectus, antiquam duramque militiam revocabat, vetus operis ac laboris et eo inmitior, quia toleraverat.

21. Horum adventu redintegratur seditio, et vagi circumiecta populabantur. Blaesus paucos, maxime praeda onustos, ad terrorem ceterorum adfici verberibus, claudi carcere iubet; nam etiam tum legato a centurionibus et optimo quoque manipularium parebatur. illi obniti trahentibus, prensare circumstantium genua, ciere modo nomina singulorum, modo centuriam quisque cuius manipularis erat, cohortem, legionem, eadem omnibus imminere clamitantes. simul probra in legatum cumulant, caelum ac deos obtestantur, nihil reliqui faciunt quo minus invidiam misericordiam metum et iras permoerent. adcurritur ab universis, et carcere effracto solvunt vincula desertoresque ac rerum capitalium damnatos sibi iam miscent.

22. Flagrantior inde vis, plures seditioni duces. et Vibulenus quidam gregarius miles, ante tribunal Blaesi adlevatus circumstantium umeris, apud turbatos et quid pararet intentos 'vos quidem' inquit 'his innocentibus et miserimis lucem et spiritum reddidistis: sed quis fratri meo vitam, quis fratrem mihi reddit? quem missum ad vos a Germanico exercitu de communibus commodis nocte proxima iugulavit per gladiatores suos, quos in exitium militum habet atque armat. responde, Blaese, ubi cadaver abieceris: ne hostes quidem sepultura invident. cum osculis, cum lacrimis dolorem meum implevero, me quoque trucidari iube, dum interfectos nullum ob scelus, sed quia utilitati legionum consulebamus, hi sepepulant.'

20, 11 vetus *Lipsius*: intus (intentus *Vertranius*)

21, 7 cuius quisque *Bezenberger* | 22, 9 ablegeris | 12 hi *Lipsius*: ii

23. Incendebat haec fletu et pectus atque os manibus verberans. mox disiectis quorum per umeros sustinebatur, praeceps et singulorum pedibus advolutus tantum consternationis invidiaeque concivit, ut pars militum gladiatores, qui e servitio Blaesi erant, pars ceteram eiusdem familiam vincirent, alii ad quaerendum corpus effunderentur. ac ni prope neque corpus ullum reperiri, et servos adhibitis cruciatibus abnuere caedem, neque illi fuisse umquam fratrem pernotuisset, haud multum ab exitio legati aberant. tribunos tamen ac praefectum castrorum extrudere, sarcinae fugientium direptae, et centurio Lucilius interficitur, cui militaribus facetiis vocabulum 'cedo alteram' indiderant, quia fracta vite in tergo militis alteram clara voce ac rursus aliam poscebat. ceteros latebrae texere, uno retento Clemente Iulio, qui perferendis militum mandatis habebatur idoneus ob promptum ingenium. quin ipsae inter se legiones octava et quinta decuma ferrum parabant, dum centurionem cognomento Sirpicum illa morti deposcit, quintadecumani tuentur, ni miles nonanus preces et adversum aspernantis minas interiecisset.

24. Haec audita quamquam abstrusum et tristissima quaeque maxime occultantem Tiberium perpulere, ut Drusum filium cum primoribus civitatis duabusque praetoriis cohortibus mitteret, nullis satis certis mandatis, ex re consulturum. et cohortes delecto milite supra solitum firmatae. additur magna pars praetoriani equitis et roborum Germanorum, qui tum custodes imperatori aderant; simul praetorii praefectus Aelius Seianus, collega Straboni patri suo datus, magna apud Tiberium auctoritate, rector iuveni et ceteris periculorum praemiorumque ostentator. Druso propinquant quasi per officium obviam fuere legiones, non laetae, ut adsolet, neque insignibus fulgentes, sed inlucie deformi et vultu, quamquam maestitiam imitarentur, contumaciae propiores.

25. Postquam vallum introiit, portas stationibus firmant, globos armatorum certis castrorum locis opperiri iubent: ceteri tribunal ingenti agmine circumveniunt. stabat Drusus

silentium manu poscens. illi quotiens oculos ad multitudinem rettulerant, vocibus truculentis strepere, rursus viso Caesare trepidare; murmur incertum, atrox clamor et repente quies; diversis animorum motibus pavebant terrebantque. tandem interrupto tumultu literas patris recitat, in quis prescriptum erat, praecipuam ipsi fortissimarum legionum curam, quibuscum plurima bella toleravisset; ubi primum a luctu requiesset animus, acturum apud patres de postulatis eorum; misisse interim filium, ut sine cunctatione concederet quae statim tribui possent; cetera senatui servanda, quem neque gratiae neque severitatis expertem haberi par esset.

26. Responsum est a contione, mandata Clementi centurioni quae perferret. is orditur de missione a sedecim annis, de praemiis finitae militiae, ut denarius diurnum stipendium foret, ne veterani sub vexillo haberentur. ad ea Drusus cum arbitrium senatus et patris obtenderet, clamore turbatur. cur venisset, neque augendis militum stipendiis neque adlevandis laboribus, denique nulla bene faciendi licentia? at hercule verbera et necem cunctis permitti. Tiberium olim nomine Augusti desideria legionum frustrari solitum: easdem artes Drusum rettulisse. numquamne ad se nisi filios familiarum venturos? novum id plane quod imperator sola militis commoda ad senatum reiciat. eundem ergo senatum consulendum, quotiens supplicia aut proelia indicantur: an praemia sub dominis, poenas sine arbitro esse?

27. Postremo deserunt tribunal, ut quis praetorianorum militum amicorumve Caesaris occurreret, manus intentantes, causam discordiae et initium armorum, maxime infensi Cn. Lentulo, quod is ante alios aetate et gloria belli firmare Drusum credebatur et illa militiae flagitia primus aspernari. nec multo post digredientem cum Caesare ac provisu periculi hiberna castra repetentem circumstant, rogitantes quo pergeret, ad imperatorem an ad patres, ut illic quoque commodis legionum adversaretur; simul ingruunt, saxa iaciunt. iam-

10 que lapidis ictu cruentus et exitii certus adcurso multitudinis
quae cum Druso advenerat protectus est.

28. Noctem minacem et in scelus erupturam fors lenivit:
nam luna claro repente caelo visa languescere. id miles ra-
tionis ignarus omen praesentium accepit, suis laboribus de-
fectionem sideris adsimulans, prospereque cessura qua per-
5 gerent, si fulgor et claritudo deae redderetur. igitur aeris
sono, tubarum cornuumque concentu strepere; prout splen-
didior obscuriorve, laetari aut maerere; et postquam ortae
nubes offecere visui creditumque conditam tenebris, ut sunt
mobiles ad superstitionem percussae semel mentes, sibi ae-
10 ternum laborem portendi, sua facinora aversari deos lamen-
tantur. utendum inclinatione ea Caesar et quae casus obtu-
lerat in sapientiam vertenda ratus circumiri tentoria iubet;
accitur centurio Clemens et si alii bonis artibus grati in vul-
gus. hi vigiliis, stationibus, custodiis portarum se inserunt,
15 spem offerunt, metum intendunt. 'quo usque filium imperato-
ris obsidebimus? quis certaminum finis? Percennione et Vi-
buleno sacramentum dicturi sumus? Percennius et Vibule-
nus stipendia militibus, agros emeritis largientur? denique
pro Neronibus et Drusis imperium populi Romani capessent?
20 quin potius, ut novissimi in culpam, ita primi ad paenitentiam
sumus? tarda sunt quae in commune expostulantur: privatam
gratiam statim mereare, statim recipias.' commotis per haec
mentibus et inter se suspectis, fironem a veterano, legionem
a legione dissociant. tum redire paulatim amor obsequii:
25 omittunt portas, signa unum in locum principio seditionis
congregata suas in sedes referunt.

29. Drusus orto die et vocata contione, quamquam rudis
dicendi, nobilitate ingenita incusat priora, probat praesentia;
negat se terrore et minis vinci: flexos ad modestiam si vide-

28, 2 claro repente *Lipsius*: clamore plena (claro plena
Weissenborn coll. Cic. de Rep. 1, 15) | 3 suis *Freinsheim*: asuis |
4 qua *Nipperdey*: quae (quo *Heins. ad quae Orelli*, quae age-
rent, quae pararent *alii*; cessurum *praeterea mutavit Nipperdey*,
at recte dictum videtur cessura, i. e. coepta s. res coeptas ea via
qua pergerent) | 10 aduersari, *em. Rhenanus* | 14 hi *Weikert*: in

at, si supplices audiat, scripturum patri ut placatus legionum
preces exciperet. orantibus rursus idem Blaesus et L. Apro- 5
nius, eques Romanus e cohorte Drusi, Iustusque Catonius,
primi ordinis centurio, ad Tiberium mittuntur. certatum inde
sententiis, cum alii opperiendos legatos atque interim comi-
tate permulcendum militem censerent, alii fortioribus reme-
diis agendum: nihil in vulgo modicum; terrere, ni paveant, 10
ubi pertimuerint, impune contemni: dum superstitio urgeat,
adiciendos ex duce metus sublatis seditionis auctoribus. prom-
ptum ad asperiora ingenium Druso erat: vocatos Vibulenum
et Percennium interfici iubet. tradunt plerique intra taber-
naculum ducis obrutos, alii corpora extra vallum abiecta 15
ostentui.

30. Tum ut quisque praecipuus turbator conquisiti, et
pars, extra castra palantes, a centurionibus aut praetoriarum
cohortium militibus caesi: quosdam ipsi manipuli documen-
tum fidei tradidere. auxerat militum curas praematura hiems
imbribus continuis adeoque saevis, ut non egredi tentoria, 5
congregari inter se, vix tutari signa possent, quae turbine
atque unda raptabantur. durabat et formido caelestis irae,
nec frustra adversus impios hebescere sidera, ruere tempe-
states: non aliud malorum levamentum, quam si linquerent
castra infausta temerataque et soluti piaculo suis quisque 10
hibernis redderentur. primum octava, dein quinta decuma
legio rediere: nonanus opperiendas Tiberii epistulas clamita-
verat, mox desolatus aliorum discessione imminentem neces-
sitatem sponte praevenit. et Drusus non expectato legato-
rum regressu, quia praesentia satis consederant, in urbem rediit. 15

31. Isdem ferme diebus isdem causis Germanicae legio-
nes turbatae, quanto plures, tanto violentius, et magna spe
fore ut Germanicus Caesar imperium alterius pati nequiret
daretque se legionibus vi sua cuncta tracturis. duo apud
ripam Rheni exercitus erant: cui nomen superiori, sub C. 5
Silio legato, inferiorem A. Caecina curabat. regimen sum-
mae rei penes Germanicum, agendo Galliarum censui tum in-

30, 6 non congregari *Ritter* | 15 considerant | 31, 1 isdem
de causis *L. Spengel* | 4 tracturis *Freinsheim*: tracturus

tentum. sed quibus Silius moderabatur, mente ambigua fortunam seditionis alienae speculabantur: inferioris exercitus miles in rabiem prolapsus est, orto ab unetvicensimanis quintanisque initio, et tractis prima quoque ac vicensima legionibus: nam isdem aestivis in finibus Ubiorum habebantur per otium aut levia munia. igitur audito fine Augusti vernacula multitudo, nuper acto in urbe dilectu, lasciviae sueta, laborum intolerans, implere ceterorum rudes animos: venisse tempus quo veterani maturam missionem, iuvenes largiora stipendia, cuncti modum miseriarum exposcerent saevitiamque centurionum ulciscerentur. non unus haec, ut Pannonicas inter legiones Percennius, nec apud trepidas militum aures, alios validiores exercitus respicientium, sed multa seditionis ora vocesque: sua in manu sitam rem Romanam, suis victoriis augeri rem publicam, in suum cognomentum adscisci imperatores.

32. Nec legatus obviam ibat: quippe plurium vaecordia constantiam exemerat. repente lymphati dstrictis gladiis in centuriones invadunt: ea vetustissima militaribus odiis materies et saeviendi principium. prostratos verberibus mulcant, sexageni singulos, ut numerum centurionum adaequarent: tum convulsos laniatosque et partim exanimos ante vallum aut in amnem Rhenum proiciunt. Septimius cum perfugisset ad tribunal pedibusque Caecinae advolveretur, eo usque flagitatus est, donec ad exitium dederetur. Cassius Chaerea, mox caede Gai Caesaris memoriam apud posteros adeptus, tum adulescens et animi ferox, inter obstantes et armatos ferro viam patefecit. non tribunus ultra, non castrorum praefectus ius obtinuit: vigiliis, stationes, et si qua alia praesens usus indixerat, ipsi partiebantur. id militares animos altius conlectantibus praecipuum indicium magni atque inplacabilis motus, quod neque disiecti aut paucorum instinctu, set pariter ardescerent, pariter silerent, tanta aequalitate et constantia, ut regi crederes.

33. Interea Germanico per Gallias, ut diximus, census

31, 15 impellere malebat *Acidalius* | 32, 16 aut *I. H. Nolte*: nil (nec *Grotius*, nil disiecti neque *p. Heracus*)

accipienti excessisse Augustum adfertur. neptem eius Agrippinam in matrimonio pluresque ex ea liberos habebat, ipse Druso fratre Tiberii genitus, Augustae nepos, set anxius occultis in se patruī aviaeque odiis, quorum causae acriores, quia iniquae. quippe Drusi magna apud populum Romanum memoria, credebaturque, si rerum potitus foret, libertatem redditurus; unde in Germanicum favor et spes eadem. nam iuveni civile ingenium, mira comitas et diversa ab Tiberii sermone vultu, adrogantibus et obscuris. accedebant muliebres offensiones novercalibus Liviae in Agrippinam stimulis, atque ipsa Agrippina paulo commotior, nisi quod castitate et mariti amore quamvis indomitum animum in bonum vertebat.

34. Sed Germanicus quanto summae spei propior, tanto impensius pro Tiberio niti. Sequanos proximos et Belgarum civitates in verba eius adigit. dehinc audito legionum tumultu raptim profectus obvias extra castra habuit, deiectis in terram oculis velut paenitentia. postquam vallum iniit, dissoni questus audiri coepere. et quidam prensa manu eius per speciem exosculandi inseruerunt digitos, ut vacua dentibus ora contingeret; alii curvata senio membra ostendebant. adistentem contionem, quia permixta videbatur, discedere in manipulos iubet: sic melius audituros responsum; vexilla praeferrī, ut id saltem discerneret cohortes: tarde obtemperare. tunc a veneratione Augusti orsus flexit ad victorias triumphosque Tiberii, praecipuis laudibus celebrans quae apud Germanias illis cum legionibus pulcherrima fecisset. Italiae inde consensum, Galliarum fidem extollit; nil usquam turbidum aut discors. silentio haec vel murmure modico audita sunt.

35. Ut seditionem attigit, ubi modestia militaris, ubi veteris disciplinae decus, quonam tribunos, quo centuriones exegissent, rogatans, nudant universi corpora, cicatrices ex vulneribus, verberum notas exprobrant; mox indiscretis vocibus pretia vacationum, angustias stipendii, duritiam ope-

33, 9 ab *Weissenborn*: ad | 34, 2 *Sequanos Beroaldus*: seque adiecta virgula 7 (et?) super que m. 2 teste *Rittero* (seque et *Haase*) | 35, 3 uniuersa, em. *Lipsius*

rum ac propriis nominibus incusant vallum, fossas, pabuli materiae lignorum adgestus, et si qua alia ex necessitate aut adversus otium castrorum quaeruntur. atrocissimus veteranorum clamor oriebatur, qui tricena aut supra stipendia numerantes, mederetur fessis, neu mortem in isdem laboribus, sed finem tam exercitae militiae neque inopem requiem orabant. fuere etiam qui legatam a divo Augusto pecuniam reposerent, faustis in Germanicum omnibus; et si vellet imperium, promptas *res* ostentavere. tum vero, quasi scelere
 15 contaminaretur, praeceps tribunali desiluit. opposuerunt abeunti arma, minitantes, ni regrederetur; at ille moriturum potius quam fidem exueret clamitans, ferrum a latere diripuit elatumque deferebat in pectus, ni proximi prensam dextram vi adtinuissent. extrema et conglobata inter se pars contionis
 20 ac, vix credibile dictu, quidam singuli propius incedentes, feriret hortabantur; et miles nomine Calusidius strictum obtulit gladium, addito acutiorem esse. saevum id malique moris etiam furentibus visum, ac spatium fuit, quo Caesar ab amicis in tabernaculum raperetur.

36. Consultatum ibi de remedio; etenim nuntiabatur parari legatos, qui superiorem exercitum ad causam eandem traherent: destinatum excidio Ubiorum oppidum, imbutasque praeda manus in direptionem Galliarum erupturas. augebat
 5 metum gnarus Romanae seditionis et, si omitteretur ripa, invasurus hostis: at si auxilia et socii adversum abscedentis legiones armarentur, civile bellum suscipi. periculosa severitas, flagitiosa largitio: seu nihil militi sive omnia concederentur, in ancipiti res publica. igitur volutatis inter se rationibus placitum ut epistulae nomine principis scriberentur: missionem dari vicena stipendia meritis, exauctorari qui sena

35, 10 laboribus obirent *Ernesti* | 14 promptas *res Walther*: promptas (promptos, promptos se, prompta alii) *cf. 12, 12* Carene promptas *res ostentante* | 15 opposuerant *Haase* | 17 deripuit *Beroaldus* | 20 accedentes *Muretus* | 36, 8 sive *Jac. Gronovius*: sibi | concederentur *Rhenanus*: concedentur (*loci ratio haec esse videtur*: ut nihil militi aut ut omnia concederentur, in ancipiti erat res publica)

dena fecissent ac retineri sub vexillo ceterorum immunes nisi propulsandi hostis, legata quae petiverant exsolvi duplicarique.

37. Sensit miles in tempus conficta statimque flagitavit. missio per tribunos maturatur, largitio differebatur in hiberna cuiusque. non abscessere quintani unetvicensimanique, donec isdem in aestivis contracta ex viatico amicorum ipsiusque Caesaris pecunia persolveretur. primam ac vicensimam
 5 legiones Caecina legatus in civitatem Ubiorum reduxit, turpi agmine, cum fisci de imperatore rapti inter signa interque aquilas veherentur. Germanicus superiorem ad exercitum profectus secundam et tertiam decumam et sextam decumam legiones nihil cunctatas sacramento adigit. quartadecumani
 10 paulum dubitaverant: pecunia et missio quamvis non flagitantibus oblata est.

38. At in Chaucis coeptavere seditionem praesidium agitantes vexillarii discordium legionum et praesenti duorum militum supplicio paulum repressi sunt. iusserat id M. Ennius castrorum praefectus, bono magis exemplo quam concesso iure. deinde intumescente motu profugus repertusque,
 5 postquam intutae latebrae, praesidium ab audacia mutuatur: non praefectum ab iis, sed Germanicum ducem, sed Tiberium imperatorem violari. simul exterritis qui obstiterant, raptum vexillum ad ripam vertit, et si quis agmine decessisset, pro desertore fore clamitans, reduxit in hiberna turbidos et nihil ausos. 10

39. Interea legati ab senatu regressum iam apud aram Ubiorum Germanicum adeunt. duae ibi legiones, prima atque vicensima, veteranique nuper missi sub vexillo hiemabant. pavidos et conscientia vacordes intrat metus, venisse patrum iussu qui inrita facerent quae per seditionem expresserant. utque mos vulgo quamvis falsis reum subdere, Munatium Plancum consulatu functum, principem legationis, auctorem senatus consulti incusant; et nocte concubia vexillum in domo Germanici situm flagitare occipiunt, concursuque ad
 10 ianuam facto molliuntur fores, extractum cubili Caesarem tra-

37, 3 unt etuicessimanique, *fort. ex unietuicessimanique, ut H. 3, 14 unietuicessimae, qui est dativus* | 38, 3 M. Ennius *Nipperdey* (*coll. Dione 55, 13*): mennius

dere vexillum intento mortis metu subigunt. mox vagi per
vias obvios habuere legatos, audita consternatione ad Germa-
nicum tendentes. ingerunt contumelias, caedem parant,
Planco maxime, quem dignitas fuga impediverat; neque aliud
15 periclitanti subsidium quam castra primae legionis. illic
signa et aquilam amplexus religione sese tutabatur, ac ni
aquilifer Calpurnius vim extremam arcuisset, rarum etiam
inter hostes, legatus populi Romani Romanis in castris san-
guine suo altaria deum commaculavisset. Luce demum, post-
20 quam dux et miles et facta noscebantur, ingressus castra Ger-
manicus perducit ad se Plancum imperat recepitque in tribu-
nal. tum fatalem increpans rabiem, neque militum, sed deum
ira resurgere, cur venerint legati aperit; ius legationis atque
ipsius Planci gravem et inmeritum casum, simul quantum de-
25 decoris adierit legio, facunde miseratur, attonitaque magis
quam quæta contione legatos praesidio auxiliarium equitum
dimittit.

40. Eo in metu arguere Germanicum omnes, quod non
ad superiorem exercitum pergeret, ubi obsequia et contra
rebellis auxilium: satis superque missione et pecunia et mol-
libus consultis peccatum. vel si vilis ipsi salus, cur filium
5 parvulum, cur gravidam coniugem inter furentes et omnis hu-
mani iuris violatores haberet? illos saltem avo et rei publi-
cae redderet. diu cunctatus aspernantem uxorem, cum se
divo Augusto ortam neque degenerem ad pericula testaretur,
postremo utrum eius et communem filium multo cum fletu
10 complexus, ut abiret perpulit. incedebat muliebre et mise-
rabile agmen, profuga ducis uxor, parvulum sinu filium ge-
rens, lamentantes circum amicorum coniuges, quæ simul tra-
hebantur, nec minus tristes qui manebant.

41. Non florentis Caesaris neque suis in castris, set velut
in urbe victa facies gemitusque ac planctus etiam militum
aures oraque advertere: progrediuntur contuberniis. quis ille
flebilis sonus? quod tam triste? feminas inlustres, non cen-

40, 1 motu coni. Lipsius v. Wölflinum in Philol. 29, 723 |
41, 4 quid tam triste Heinsius, quod t. triste iter Emile Jacob
(quod = quod est illud triste? i. e. qui est ille tristis aspectus?)

turionem ad tutelam, non militem, nihil imperatoriae uxoris 5
aut comitatus soliti: pergere ad Treveros [et] externae fidei.
pudor inde et miseratio et patris Agrippae, Augusti avi me-
moriam, socer Drusus, ipsa insigni fecunditate, praeclara pu-
dicitia; iam infans in castris genitus, in contubernio legio-
num eductus, quem militari vocabulo Caligulam appellabant, 10
quia plerumque ad concilianda vulgi studia eo tegmine pe-
dum induebatur. sed nihil aequè flexit quam invidia in Tre-
veros: orant obsistunt, rediret maneret, pars Agrippinae oc-
cursantes, plurimi ad Germanicum regressi. isque ut erat
recens dolore et ira, apud circumfusos ita coepit. 15

42. Non mihi uxor aut filius patre et re publica cario-
res sunt, sed illum quidem sua maiestas, imperium Romanum
ceteri exercitus defendent. coniugem et liberos meos, quos
pro gloria vestra libens ad exitium offerrem, nunc procul a
furentibus summoveo, ut quidquid istud sceleris imminet, meo 5
tantum sanguine pietur, neve occisis Augusti pronepos, inter-
fecta Tiberii nurus nocentiores vos faciant. quid enim per
hos dies inausum intemeratumve vobis? quod nomen huic
coetui dabo? militesne appellem, qui filium imperatoris vestri
vallo et armis circumsestistis? an cives, quibus proiecta 10
senatus auctoritas? hostium quoque ius et sacra legationis et
fas gentium rupistis. divus Iulius seditionem exercitus verbo
uno compescuit, Quirites vocando qui sacramentum eius de-
tractabant: divus Augustus vultu et aspectu Actiacas legio-
nes exterruit: nos ut nondum eosdem, ita ex illis ortos si 15
Hispaniae Suriaeve miles aspernaretur, tamen mirum et in-
dignum erat. primane et vicensima legiones, illa signis a
Tiberio acceptis, tu tot proeliorum socia, tot praemiis aucta,
egregiam duci vestro gratiam refertis? hunc ego nuntium
patri, laeta omnia aliis e provinciis audienti, seram? ipsius 20
tirones, ipsius veteranos non missione, non pecunia satiatos:

41, 6 externam fidem Nipp. externae tradi fidei Ed. Wurm
in Philol. IX, 89; nos et inclusimus, cf. de genet. qualitatis 4, 29
Lentulus senectutis extremae; item H. 5, 10 et ante externae
abundat | 42, 7 faciunt Ritter: faciat | 18 aucta tam egregiam
M. Seyffert Z. f. Gymn. 1861, 301

hic tantum interfici centuriones, eici tribunos, includi legatos, infecta sanguine castra, flumina, meque precariam animam inter infensos trahere.

43. Cur enim primo contionis die ferrum illud, quod pectori meo infigere parabam, detraxistis, o improvidi amici? melius et amantius ille qui gladium offerebat. cecidissem certe nondum tot flagitiorum exercitui meo conscius; legis-
 5 setis ducem, qui meam quidem mortem impunitam sineret, Vari tamen et trium legionum ulcisceretur. neque enim disinant ut Belgarum quamquam offerentium decus istud et claritudo sit, subvenisse Romano nomini, compressisse Germaniae populos. tua, dive Auguste, caelo recepta mens, tua,
 10 pater Druse, imago, tui memoria isdem istis cum militibus, quos iam pudor et gloria intrat, eluant hanc maculam irasque civiles in exitium hostibus vertant. vos quoque, quorum alia nunc ora, alia pectora contueor, si legatos senatui, obsequium imperatori, si mihi coniugem et filium redditis,
 15 discedite a contactu ac dividite turbidos: id stabile ad paenitentiam, id fidei vinculum erit.²

44. Supplices ad haec et vera exprobrari fatentes orabant puniret noxios, ignosceret lapsis et duceret in hostem: revocaretur coniunx, rediret legionum alumnus neve opes Gallis traderetur. reditum Agrippinae excusavit ob imminentem partum et hiemem; venturum filium: cetera ipsi exsequerentur. discurrunt mutati et seditiosissimum quemque
 5 vinctos trahunt ad legatum legionis primae C. Caetronium, qui iudicium et poenas de singulis in hunc modum exercuit. stabant pro contione legiones dstrictis gladiis; reus in suggestu per tribunum ostendebatur: si nocentem adclamaverant, praeceps datus trucidabatur. et gaudebat caedibus miles, tamquam semet absolveret; nec Caesar arcebat, quando
 10 nullo ipsius iussu penes eosdem saevitia facti et invidia erat. secuti exemplum veterani haud multo post in Raetiam mittuntur, specie defendendae provinciae ob imminentis Suebos ceterum ut avellerentur castris trucibus adhuc non minus

43, 12 vosque quorum *Nipperdey*

asperitate remedii quam sceleris memoria. centurionatum inde egit. citatus ab imperatore nomen, ordinem, patriam, numerum stipendiorum, quae strenue in proclis fecisset, et cui erant dona militaria, edebat. si tribuni, si legio indu-
 20 striam innocentiamque adprobaverant, retinebat ordinem: ubi avaritiam aut crudelitatem consensu obiectavissent, solvebatur militia.

45. Sic compositis praesentibus haud minor moles supererat ob ferociam quintae et unetvicensimae legionum, sexagensimum apud lapidem (loco Vetera nomen est) hibernantium. nam primi seditionem coeptaverant: atrocissimum quodque facinus horum manibus patratum; nec poena com-
 5 militonum exterriti nec paenitentia conversi iras retinebant. igitur Caesar arma classem socios demittere Rheno parat, si imperium detrectetur, bello certaturus.

46. At Romae nondum cognitum, qui fuisset exitus in Illyrico, et legionum Germanicarum motu audito, trepida civitas incusare Tiberium quod, dum patres et plebem, invalida et inermia, cunctatione ficta ludificetur, dissideat interim miles neque duorum adulescentium nondum adulta auctoritate com-
 5 primi queat. ire ipsum et opponere maiestatem imperatoriam debuisse cessuris, ubi principem longa experientia eundemque severitatis et munificentiae summum vidissent. an Augustum fessa aetate totiens in Germanias commeari potuisse: Tiberium vigentem annis sedere in senatu, verba patrum cavillan-
 10 tem? satis prospectum urbanae servituti: militaribus animis adhibenda fomenta, ut ferre pacem velint.

47. Immotum adversus eos sermones fixumque Tiberio fuit non omittere caput rerum neque se remque publicam in casum dare. multa quippe et diversa angebant: validior per Germaniam exercitus, propior apud Pannoniam; ille Galliarum opibus subnixus, hic Italiae imminens: quos igitur ante-
 5 ferret? ac ne postpositi contumelia incenderentur. at per filios pariter adiri maiestate salva, cui maior e longinquo re-

44, 20 dona *P. Victorius*: donaria (*simile vitium* 6, 48 ludibria et pericularia) | 21 ordinem *Theoph. Kiessling*: ordines | 46, 7 longe, unde *Ritter* longae experientiae

verentia. simul adolescentibus excusatum quaedam ad patrem reicere, resistentisque Germanico aut Druso posse a se mitigari vel infringi: quod aliud subsidium, si imperatorem sprevissem? ceterum ut iam iamque iturus legit comites, conquisivit impedimenta, adornavit naves: mox hiemem aut negotia varie causatus primo prudentes, dein vulgum, diutissime provincias fefellit.

48. At Germanicus, quamquam contracto exercitu et parata in defectores ultione, dandum adhuc spatium ratus, si recenti exemplo sibi ipsi consulerent, praemittit literas ad Caecinam, venire se valida manu ac, ni supplicium in malos praesumant, usurum promisca caede. eas Caecina aquiliferis signiferisque et quod maxime castrorum sincerum erat occulte recitat, utque cunctos infamiae, se ipsos morti eximant hortatur: nam in pace causas et merita spectari, ubi bellum ingruat, innocentes ac noxios iuxta cadere. illi temptatis quos idoneos rebantur, postquam maiorem legionum partem in officio vident, de sententia legati statuunt tempus, quo foedissimum quemque et seditioni promptum ferro invadant. tunc signo inter se dato inrumpunt contubernia, trucidant ignaros, nullo nisi consciis noscente quod caedis initium, quis finis.

49. Diversa omnium, quae umquam accidere, civilium armorum facies. non proelio, non adversis e castris, sed isdem e cubilibus, quos simul vescentis dies, simul quietos nox habuerat, discedunt in partes, ingerunt tela. clamor vulnera sanguis palam, causa in occulto; cetera fors regit. et quidam honorum caesi, postquam intellecto in quos saeviretur pessimi quoque arma rapuerant. neque legatus aut tribunus moderator adfuit: permissa vulgo licentia atque ultio et satietas. mox ingressus castra Germanicus, non medicinam illud plurimis cum lacrimis, sed cladem appellans, cremari corpora iubet.

Truces etiam tum animos cupido involat eundi in hostem, piaculum furoris; nec aliter posse placari commilitonum manes, quam si pectoribus impiis honesta vulnera accepissent. sequitur ardorem militum Caesar iunctoque ponte tramittit

duodecim milia e legionibus, sex et viginti socias cohortis, octo equitum alas, quarum ea seditione intemerata modestia fuit.

50. Laeti neque procul Germani agitabant, dum iustitio ob amissum Augustum, post discordiis attinemur. at Romanus agmine propero silvam Caesiam limitemque a Tiberio coeptum scindit, castra in limite locat, frontem ac tergum vallo, latera concaedibus munitus. inde saltus obscuros per meat consultatque, ex duobus itineribus breve et solitum sequatur an inpeditus et intemptatum eoque hostibus incautum. delecta longiore via cetera adcelerantur: etenim attulerant exploratores festam eam Germanis noctem ac sollemnibus epulis ludicram. Caecina cum expeditis cohortibus praeire et obstantia silvarum amoliri iubetur: legiones modico intervallo sequuntur. iuvit nox sideribus inlustris, ventumque ad vicos Marsorum et circumdatae stationes stratis etiam tum per cubilia propterque mensas, nullo metu, non antepositis vigiliis: adeo cuncta incuria disiecta erant neque belli timor, ac ne pax quidem nisi languida et soluta inter temulentos.

51. Caesar avidas legiones, quo latior populatio foret, quattuor in cuneos dispergit; quinquaginta milium spatium ferro flammisque pervastat. non sexus, non aetas miseratorem attulit: profana simul et sacra et celeberrimum illis gentibus templum quod Tanfanae vocabant solo aequantur. sine vulnere milites, qui semisonnos, inermos aut palantis ceciderant. excivit ea caedes Bructeros, Tubantes, Usipetes, saltusque, per quos exercitui regressus, insedere. quod gnarum duci incessitque itineri et proelio. pars equitum et auxiliariae cohortes ducebant, mox prima legio, et mediis impedimentis sinistrum latus unetvicensimani, dextrum quintani clausere, vicensima legio terga firmavit, post ceteri sociorum. sed hostes, donec agmen per saltus porrigeretur, immoti, dein

50, 5 inde ad saltus *Wurm* | 6 consultatoque *Ritschl* | 51, 5 *Tanfanae*, unde alii *Tanfanae*, cf. *Müllenhoff, Zeitschr. f. deutsches Alterth.* vol. 23, p. 23 sqq. | 9 ante auxil. *Nipperdeio* numerus videtur excidisse

latera et frontem modice adsultantes, tota vi novissimos in-
 15 currere. turbabanturque densis Germanorum catervis leves
 cohortes, cum Caesar advectus ad vicensimanos voce magna
 hoc illud tempus obliterandae seditionis clamitabat: perge-
 rent, properarent culpam in decus vertere. exarsere animis
 unoque impetu perruptum hostem redigunt in aperta caedunt-
 20 que: simul primi agminis copiae evasere silvas castraque
 communivere. quietum inde iter, fidensque recentibus ac
 priorum oblitus miles in hibernis locatur.

52. Nuntiata ea Tiberium laetitia curaque adfecere: gau-
 debat oppressam seditionem, sed quod largiendis pecuniis et
 missione festinata favorem militum quaesivisset, bellica quo-
 que Germanici gloria angebatur. rettulit tamen ad senatum
 5 de rebus gestis multaque de virtute eius memoravit, magis
 in speciem verbis adornata quam ut penitus sentire crederetur.
 paucioribus Drusum et finem Illyrici motus laudavit, sed
 intentior et fida oratione. cunctaque quae Germanicus in-
 dulserat, servavit etiam apud Pannonicos exercitus.

53. Eodem anno Iulia supremum diem obiit, ob impudi-
 citiam olim a patre Augusto Pandateria insula, mox oppido
 Reginorum, qui Siculum fretum accolunt, clausa. fuerat in
 matrimonio Tiberii florentibus Gaio et Lucio Caesaribus
 5 spreveratque ut inparem; nec alia tam intima Tiberio causa
 cur Rhodum abscederet. imperium adeptus extorrem, infamem
 et post interfectum Postumum Agrippam omnis spei ege-
 nam inopia ac tabe longa peremit, obscuram fore necem lon-
 ginq̄uitate exilii ratus. par causa saevitiae in Sempronium
 10 Gracchum, qui familia nobili, sollers ingenio et prave facundus,
 eandem Iuliam in matrimonio Marci Agrippae temeraverat.
 nec is libidini finis: traditam Tiberio pervicax adulter
 contumacia et odiis in maritum accendebat; literaque, quas
 Iulia patri Augusto cum insectatione Tiberii scripsit, a Grac-
 15 cho compositae credebantur. igitur amotus Cercinam, Africi
 maris insulam, quattuordecim annis exilium toleravit. tunc
 milites ad caedem missi invenere in prominenti litoris, nihil
 laetum opperientem. quorum adventu breve tempus petivit,
 ut suprema mandata uxori Alliariae per literas daret, cer-

vicemque percussoribus obtulit, constantia mortis haud in-
 dignus Sempronio nomine: vita degeneraverat. quidam non
 Roma eos milites, sed ab L. Asprenate pro consule Africae
 missos tradidere auctore Tiberio, qui famam caedis posse in
 Asprenatem verti frustra speraverat.

54. Idem annus novas caerimonias accepit addito sode-
 lium Augustalium sacerdotio, ut quondam Titus Tadius reti-
 nendis Sabinorum sacris sodales Titios instituerat. sorte
 ducti e primoribus civitatis unus et viginti: Tiberius Drusus-
 que et Claudius et Germanicus adiciuntur. ludos Augustales 5
 tunc primum coeptos turbavit discordia ex certamine histrio-
 num. indulserat ei ludicro Augustus, dum Maecenati obtem-
 perat effuso in amorem Bathylli; neque ipse abhorrebat talibus
 studiis, et civile rebatur misceri voluptatibus vulgi. alia
 Tiberio morum via: sed populum per tot annos molliter ha-
 10 bitum nondum audebat ad duriora vertere.

55. Druso Caesare C. Norbano consulibus decernitur
 Germanico triumphus manente bello; quod quamquam in
 aestatem summa ope parabat, initio veris et repentino in
 Chattos excursu praecepit. nam spes incesserat dissidere
 hostem in Arminium ac Segestem, insignem utrumque per-
 5 fidia in nos aut fide. Arminius turbator Germaniae, Segestes
 parari rebellionem saepe alias et supremo convivio, post
 quod in arma itum, aperuit suasitque Varo ut se et Arminium
 et ceteros proceres vinciret: nihil ausuram plebem principi-
 bus amotis; atque ipsi tempus fore, quo crimina et innoxios 10
 discerneret. sed Varus fato et vi Armini cecidit: Segestes
 quamquam consensu gentis in bellum tractus discors mane-
 bat, auctis privatim odiis, quod Arminius filiam eius alii pa-
 ctam rapuerat: gener invisus, inimici soceri, quaeque apud
 concordem vincula caritatis, incitamenta irarum apud infensos 15
 erant.

54, 3 Titios *Vertranius*: tatio | 55, 11 armeni, item 2, 88
 armenius et 11, 16 armenii, ut nomen a Strabone traditum est |
 14 gener invisus inimici soceri alii, soceri pro genetivo acci-
 pientes; g. invisus, inimicus socer *Pichena*, g. invisus, inimicus
 soceri *Nipperdey*

56. Igitur Germanicus quattuor legiones, quinque auxiliarium milia et tumultuarias catervas Germanorum cis Rhenum colentium Caecinae tradit; totidem legiones, duplicem sociorum numerum ipse ducit, positoque castello super vestigia paterni praesidii in monte Tauno expeditum exercitum in Chattos rapit, L. Apronio ad munitiones viarum et fluminum relicto. nam (rarum illi caelo) siccitate et amnibus modicis inoffensum iter properaverat, imbresque et fluminum auctus regredienti metuebantur. sed Chattis adeo improvisus advenit, ut quod imbecillum aetate, ac sexu statim captum aut trucidatum sit. iuventus flumen Adranam nando tramiserat, Romanosque pontem coeptantis arcebant. dein tormentis sagittisque pulsus, temptatis frustra condicionibus pacis, cum quidam ad Germanicum perfugissent, reliqui omissis pagis vicisque in silvas disperguntur. Caesar incenso Mattio (id genti caput) aperta populatus vertit ad Rhenum, non auso hoste terga abeuntium lacessere, quod illi moris, quotiens astu magis quam per formidinem cessit. fuerat animus Cherusci iuvare Chattos, sed exterruit Caecina huc illuc ferens arma; et Marsos congredi ausos prospero proelio cohibuit.

57. Neque multo post legati a Segeste venerunt auxiliium orantes adversus vim popularium, a quis circumsedebatur, validiore apud eos Arminio, quoniam bellum suadebat: nam barbaris, quanto quis audacia promptus, tanto magis fidus rebusque motis potior habetur. addiderat Segestes legatis filium, nomine Segimundum: sed iuvenis conscientia cunctabatur. quippe anno quo Germaniae descivere sacerdotes apud aram Ubiorum creatus ruperat vittas, profugus ad rebelles. adductus tamen in spem clementiae Romanae per tulit patris mandata benigneque exceptus cum praesidio Gallicam in ripam missus est. Germanico pretium fuit convertere agmen, pugnatumque in obsidentis, et ereptus Segestes magna cum propinquorum et clientium manu. inerant feminae nobiles, inter quas uxor Arminii eademque filia Segestis,

56, 9 metuebatur, *em. Lipsius* | 11 tramiserit, *em. Acidalius* | 57, 5 rebusque motis *Lipsius*: rebus commotis

mariti magis quam parentis animo, neque evicta in lacrimas neque voce supplex; compressis intra sinum manibus gravidum uterum intuens. ferebantur et spolia Varianae cladis, plerisque eorum qui tum in deditionem veniebant praedae data: simul Segestes ipse, ingens visu et memoria bonae societatis inpavidus.

58. Verba eius in hunc modum fuere: 'non hic mihi primus erga populum Romanum fidei et constantiae dies. ex quo a divo Augusto civitate donatus sum, amicos inimicosque ex vestris utilitatibus delegi, neque odio patriae (quippe proditores etiam iis quos anteponunt invisi sunt), verum quia Romanis Germanisque idem conducere et pacem quam bellum probabam. ergo raptorem filiae meae, violatorem foederis vestri, Arminium apud Varum, qui tum exercitui praesidebat, reum feci. dilatus segnitia ducis, quia parum praesidii in legibus erat, ut me et Arminium et conscios vinciret flagitavi: testis illa nox, mihi utinam potius novissima! quae secuta sunt, desleri magis quam defendi possunt: ceterum et iniecti catenas Arminio et a factione eius iniectas perpressus sum. atque ubi primum tui copia, vetera novis et quieta turbidis antehabeo, neque ob praemium, sed ut me perfidia exsolvam, simul genti Germanorum idoneus conciliator, si paenitentiam quam perniciem maluerit. pro iuventa et errore filii veniam precor: filiam necessitate huc adductam fateor. tuum erit consultare, utrum praevaleat, quod ex Arminio concepit an quod ex me genita est.' Caesar clementi responso liberis propinquisque eius incolumitatem, ipsi sedem vetere in provincia pollicetur. exercitum reduxit nomenque imperatoris auctore Tiberio accepit. Arminii uxor virilis sexus stirpem edidit: educatus Ravennae puer quo mox ludibrio conflictatus sit, in tempore memorabo.

59. Fama dediti benigneque excepti Segestis vulgata, ut quibusque bellum invitis aut cupientibus erat, spe vel dolore accipitur. Arminium super insitam violentiam raptam uxorem,

57, 15 evicta *Al. Ruperti et Spengel*: victa, *cf. 11, 37* ad miserationem evicta, *H. 2, 64* in gaudium evicta | 58, 22 vetera *1 m. unde quidam Vetera, cf. Pfitzner Ann. d. Tac. p. 47*

subiectus servitio uxoris uterus vaecordem agebant, volitabat-
 5 que per Cheruscos, arma in Segestem, arma in Caesarem
 poscens. neque probris temperabat: egregium patrem, ma-
 gnum imperatorem, fortem exercitum, quorum tot manus
 unam mulierculam avexerint. sibi tres legiones, totidem le-
 10 gatos procubuisse; non enim se prodicione neque adversus
 feminas gravidas, sed palam adversus armatos bellum tra-
 ctare. cerni adhuc Germanorum in lucis signa Romana, quae
 dis patriis suspenderit. coleret Segestes victam ripam, red-
 deret filio sacerdotium hominum: Germanos numquam satis
 excusatos, quod inter Albim et Rhenum virgas et securas
 15 et togam viderint. aliis gentibus ignorantia imperi Romani
 inexperta esse supplicia, nescia tributa: quae quoniam exu-
 erint inritusque discesserit ille inter numina dicatus Augu-
 stus, ille delectus Tiberius, ne inperitum adulescentulum, ne
 seditiosum exercitum pavescerent. si patriam parentes anti-
 20 qua mallent quam dominos et colonias novas, Arminium po-
 tius gloriae ac libertatis quam Segestem flagitiosae servitu-
 tis ducem sequerentur.

60. Conciti per haec non modo Cherusci, sed conterminae
 gentes, tractusque in partibus Inguioemerus Arminii patruus,
 vetere apud Romanos auctoritate; unde maior Caesari metus.
 et ne bellum mole una ingrueret, Caecinam cum quadraginta
 5 cohortibus Romanis distrahendo hosti per Bructeros ad flu-
 men Amisiam mittit, equitem Peditum praefectus finibus Frisio-
 rum ducit. ipse inopitas navibus quattuor legiones per la-
 cus vexit; simulque pedes eques classis apud praedictum
 amnem convenere. Chauci cum auxilia pollicerentur, in com-
 10 militium adsciti sunt. Bructeros sua urentis expedita cum
 manu L. Stertinius missu Germanici fudit; interque caedem et
 praedam reperit undevicensimae legionis aquilam cum Varo

59, 13 hominum (corr. hominem): Romanum *K. H. Wolf*,
 hostium *Nipperdey* ex priore coniectura mea; praestare tamen
 visum est lectionem incertam hominum servare, i. e. sacerdotium
 Caesaris et Augusti, non verorum deorum; cf. etiam *Spengel*,
I. Buch der Annalen p. 31 | 14 exsecratos *Wurm* | 60, 3
 veteri, em. *Wesenberg* | 8 classes, em. *Lipsius*

amissam. ductum inde agmen ad ultimos Bructerorum, quan-
 tumque Amisiam et Lupiam amnes inter vastatum, haud pro-
 cul Teutoburgiensi saltu, in quo reliquiae Vari legionumque 15
 inseputae dicebantur.

61. Igitur cupidus Caesarem invadit solvendi suprema
 militibus ducique, permoto ad miserationem omni qui aderat
 exercitu ob propinquos, amicos, denique ob casus bellorum
 et sortem hominum. praemisso Caecina, ut occulta saltuum
 scrutaretur pontesque et aggeres umido paludum et fallaci-
 5 bus campis inponeret, incedunt maestos locos visuque ac
 memoria deformis. prima Vari castra lato ambitu et dimen-
 sis principiis trium legionum manus ostentabant; dein semi-
 ruto vallo, humili fossa accisae iam reliquiae consedissee in-
 tellegebantur: medio campi albenfia ossa, ut fugerant, ut re-
 10 stiterant, disiecta vel aggerata. adiacebant fragmina telorum
 equorumque artus, simul truncis arborum antefixa ora. lucis
 propinquis barbarae arae, apud quas tribunos ac primorum
 ordinum centuriones mactaverant. et cladis eius superstites,
 pugnam aut vincula elapsi, referebant hic cecidisse legatos,
 15 illic raptas aquilas; primum ubi vulnus Varo adactum, ubi in-
 felici dextera et suo ictu mortem invenerit; quo tribunali con-
 tionatus Arminius, quot patibula captivis, quae scrobes, ut-
 que signis et aquilis per superbiam inluserit.

62. Igitur Romanus qui aderat exercitus sextum post
 cladis annum trium legionum ossa, nullo noscente alienas re-
 liquias an suorum humo tegetet, omnes ut coniunctos, ut con-
 sanguineos, aucta in hostem ira, maesti simul et infensi con-
 debant. primum extruendo tumulo caespitem Caesar posuit,
 5 gratissimo munere in defunctos et praesentibus doloris socius.
 quod Tiberio haud probatum, seu cuncta Germanici in dete-
 rius trahenti, sive exercitum imagine caesorum inseputorum-
 que tardatum ad proelia et formidolosiorum hostium crede-
 bat; neque imperatorem auguratu et vetustissimis caerimoniis
 10 praeditum adtrectare feralia debuisse.

61, 12 simul — ora transposuit *Haase* post mactaverant v.
 14 | 19 inluserint *Heracus*

63. Sed Germanicus cedentem in avia Arminium secutus, ubi primum copia fuit, evehi equites campumque, quem hostis insederat, eripi iubet. Arminius colligi suos et propinquare silvis mōitos vertit repente: mox signum prorumpendi dedit
 5 iis, quos per saltus occultaverat. tunc nova acie turbatus eques, missaeque subsidiariae cohortes et fugientium agmine impulsae auxerant consternationem; trudebanturque in paludem gnaram vincentibus, iniquam nesciis, ni Caesar productas legiones instruxisset: inde hostibus terror, fiducia militi;
 10 et manibus aequis abscessum. mox reducto ad Amisiam exercitu legiones classe, ut advexerat, reportat; pars equitum litore Oceani petere Rhenum iussa; Caecina, qui suum militem ducebat, monitus, quamquam notis itineribus regrederetur, pontes longos quam maturrime superare. angustus
 15 is trames vastas inter paludes et quondam a L. Domitio aggeratus, cetera limosa, tenacia gravi caeno aut rivis incerta erant; circum silvae paulatim adclives, quas tum Arminius inplevit, compendiis viarum et cito agmine onustum sarcinis armisque militem cum antevenisset. Caecinae dubitanti, quonam modo ruptos vetustate pontes reponeret simulque propulsaret hostem, castra metari in loco placuit, ut opus et alii proelium inciperent.

64. Barbari perfringere stationes seque inferre munitoribus nisi lacessunt, circumgrediuntur, occursant: miscetur operantium bellantiumque clamor. et cuncta pariter Romanis adversa, locus uligine profunda, idem ad gradum instabilis, procedentibus lubricus, corpora gravia loriceis; neque
 5 librare pila inter undas poterant. contra Cheruscis sueta apud paludes proelia, procera membra, hastae ingentes ad vulnera facienda quamvis procul. nox demum inclinantis iam legiones adversae pugnae exēmit. Germani ob prospera in
 10 defessi, ne tum quidem sumpta quiete, quantum aquarum circum surgentibus iugis oritur vertere in subiecta, mersaque humo et obruto quod effectum operis duplicatus militi labor,

63, 11 duas legiones *Döderlein*, [legiones — reportat] *Nipderdey* | 64, 1 sequi | 8 nox *ed. Frobeniana*: mox

quadragesimum id stipendium Caecina parendi aut imperitandi habebat, secundarum ambiguarumque rerum sciens eoque intērritus. igitur futura volvens non aliud repperit quam
 15 ut hostem silvis coërceret, donec saucii quantumque gravioris agminis anteirent; nam medio montium et paludum porrigebatur planities, quae tenuem aciem pateretur. deliguntur legiones quinta dextro lateri, unetvicensima in laevum, primam
 20 ducendum ad agmen, vicensimanus adversum secuturos.

65. Nox per diversa inquietas, cum barbari festis epulis, laeto cantu aut truci sonore subiecta vallium ac resultantis saltus complerent, apud Romanos invalidi ignes, interruptae voces, atque ipsi passim adiacerent vallo, oberrarent tentoriis, insomnes magis quam pervigiles. ducemque terruit dira
 5 quietas: nam Quintilium Varum sanguine oblitum et paludibus emersum cernere et audire visus est velut vocantem, non tamen obsecutus et manum intendentis reppulisse. coepta luce missae in latera legiones, metu an contumacia, locum
 10 deseruere, capto prope campo umentia ultra. neque tamen Arminius quamquam libero incursu statim prorupit: sed ut haesere caeno fossisque impedimenta, turbati circum milites, incertus signorum ordo, utque tali in tempore sibi
 15 quisque properus et lentae adversum imperia aures, inrumperere Germanos iubet, clamitans 'en Varus eodemque iterum fato vinctae legiones!' simul haec et cum delectis scindit agmen equisque maxime vulnera ingerit. illi sanguine suo et
 20 lubrico paludum lapsantes excussis rectoribus disicere obvios, proterere iacentes. plurimus circa aquilas labor, quae neque ferri adversum ingruentia tela neque figi limosa humo poterant. Caecina dum sustentat aciem, suffosso equo delapsus circumveniebatur, ni prima legio sese opposuisset. iuivit hostium aviditas, ommissa caede praedam sectantium, enisaeque legiones vespascente die in aperta et solida, neque is miseriarum finis. struendum vallum, petendus agger,
 25

65, 8 intendentes 1 m. (manus intendentem *Sirker*) | 15 eodemque *Ritter*: et eodemque (et eodem v.) cf. *H. 4, 54*, ubi *Med. habet* per gallias et germaniasque

amissa magna ex parte per quae egeritur humus aut exciditur caespes; non tentoria manipulis, non fomenta sauciis; infectos caeno aut cruore cibos dividentes funestas tenebras et tot hominum milibus unum iam reliquum diem lamentabantur.

66. Forte equus abruptis vinculis vagus et clamore ter-
ritus quosdam occurrentium obturbavit. tanta inde consternatio inrupisse Germanos credentium, ut cuncti ruerent ad portas, quarum decumana maxime petebatur, aversa hosti et fugientibus tutior. Caecina comperto vanam esse formidinem, cum tamen neque auctoritate neque precibus, ne manu quidem obsistere aut retinere militem quiret, proiectus in limine portae miseratione demum, quia per corpus legati eundem erat, clausit viam: simul tribuni et centuriones falsum
10 pavorem esse docuerunt.

67. Tunc contractos in principia iussosque dicta cum silentio accipere temporis ac necessitatis monet. unam in armis salutem, sed ea consilio temperanda manendumque intra vallum, donec expugnandi hostes spe propius succederent; mox undique erumpendum: illa eruptione ad Rhenum perveniri. quod si fugerent, pluris silvas, profundas magis paludes, saevitiam hostium superesse; at victoribus decus gloriam. quae domi cara, quae in castris honesta, memorat; reticuit de adversis. equos dehinc, orsus a suis, legatorum tribunorumque nulla ambitione fortissimo cuique bellatori tradit, ut hi, mox pedes in hostem invaderent.

68. Haud minus iniquis Germanus spe, cupidine et diversis ducum sententiis agebat, Arminio sinerent egredi egressosque rursum per umida et impedita circumvenirent suadente, atrociora Inguiomero et laeta barbaris, ut vallum
5 armis ambirent: promptam expugnationem, plures captivos, incorruptam praedam fore. igitur orta die prouunt fossas, iniciunt crates, summa valli prensant, raro super milite et quasi ob metum defixo. postquam haesere munimentis, datur cohortibus signum cornuaque ac tubae concinuere. exim

65, 26 per quae egeritur *Rhenanus*: perq; geritur | 66, 10 docuerant *Haase* | 68, 6 prorumpunt *Fr. Thomae*, at v. *Wölfflin* in *Philol.* 27, 145

clamore et impetu tergis Germanorum circumfunduntur, ex-
10 probrantes non hic silvas nec paludes, sed aequis locis aequos deos. hosti facile excidium et paucos ac semermos cogitanti sonus tubarum, fulgor armorum, quanto inopina, tanto maiora offunduntur, cadebantque, ut rebus secundis avidi, ita adversis incauti. Arminius integer, Inguiomerus
15 post grave vulnus pugnam deseruere: vulgus trucidatum est, donec ira et dies permansit. nocte demum reversae legiones, quamvis plus vulnerum, eadem ciborum egestas fatigaret, vim sanitatem copias, cuncta in victoria habuere.

69. Pervaserat interim circumventi exercitus fama et infesto Germanorum agmine Gallias peti, ac ni Agrippina inpositum Rheno pontem solvi prohibuisset, erant qui id flagitium formidine auderent. sed femina ingens animi munia ducis per eos dies induit, militibusque, ut quis inops aut sa-
5 cius, vestem et fomenta dilargita est. tradit C. Plinius, Germanicorum bellorum scriptor, stetisse apud principium pontis, laudes et grates reversis legionibus habentem. id Tiberii animum altius penetravit: non enim simplices eas curas, nec adversus externos militum studia quaeri. nihil relictum im-
10 peratoribus, ubi femina manipulos intervísat, signa adeat, largitionem temptet, tamquam parum ambitiose filium ducis gregali habitu circumferat Caesaremque Caligulam appellari velit. potio-
15 rem iam apud exercitus Agrippinam quam legatos, quam duces; compressam a muliere seditionem, cui nomen principis obsistere non quiverit. accendebat haec onerabatque Seianus, peritia morum Tiberii odia in longum iacians, quae recondideret auctaque promeret.

70. At Germanicus legionum, quas navibus vexerat, secundam et quartam decumam itinere terrestri P. Vitellio ducendas tradit, quo levior classis vadoso mari innaret vel reciproco sideret. Vitellius primum iter sicca humo aut modice adlabente aestu quietum habuit: mox impulsu aquilonis,
5 simul sidere aequinoctii, quo maxime tumescit Oceanus, rapi

68, 14 offenduntur, em. *Rhenanus* | 69, 8 laudis, unde *malis* laudis et gratis coll. 6, 2, 13 | 10 studia add. *Döderlein*, militum *Beroaldus*, militum gratiam *Haase*, cf. *Heraei Stud. crit.* I, 68

agique agmen. et opplebantur terrae: eadem freto litori campis facies, neque discerni poterant incerta ab solidis, brevia a profundis. sternuntur fluctibus, hauriuntur gurgitibus; iumenta, sarcinae, corpora exanima interfluunt, occurrant. permiscuntur inter se manipuli, modo pectore, modo ore tenuis exstantes, aliquando subtracto solo disiecti aut obruti. non vox et mutui hortatus iuvabant adversante unda; nihil strenuus ab ignavo, sapiens ab imprudenti, consilia a casu differre: cuncta pari violentia involvebantur. tandem Vitellius in editiora enisus eodem agmen subduxit. pernoctavere sine utensilibus, sine igni, magna pars nudo aut mulcato corpore, haud minus miserabiles quam quos hostis circumsidet: quippe illic etiam honestae mortis usus, his inglorium exitium. lux reddidit terram, penetratumque ad amnem [Visurgin], quo Caesar classe contenderat. inpositae dein legiones, vagante fama submersas; nec fides salutis, antequam Caesarem exercitumque reducem videre.

71. Iam Stertinius, ad accipiendum in deditioem Segimerum fratrem Segestis praemissus, ipsum et filium eius in civitatem Ubiorum perduxerat. data utrique venia, facile Segimero, cunctantius filio, quia Quintilii Vari corpus inclusisse dicebatur. ceterum ad supplenda exercitus damna certavere Galliae Hispaniae Italia, quod cuique promptum, arma equos aurum offerentes. quorum laudato studio Germanicus, armis modo et equis ad bellum sumptis, propria pecunia militem iuvit. utque cladis memoriam etiam comitate leniret, circumire saucios, facta singulorum extollere, vulnera intuens alium spe, alium gloria, cunctos adloquio et cura sibi et proelio firmabat.

72. Decreta eo anno triumphalia insignia A. Caecinae, L. Apronio, C. Silio ob res cum Germanico gestas. nomen patris patriae Tiberius, a populo saepius ingestum, repudiavit; neque in acta sua iurari quamquam censente senatu permisit, cuncta mortalium incerta, quantoque plus adeptus fo-

70, 14 ab imprudenti Lipsius: a prudenti | 18 circumsidebat Ulrichs | 19 illis M corr. | 21 [Visurgin] Mercerus, Unsingim Alting, Vidrum Lipsius; cf. Ukerti geograph. Germaniae p. 189

ret, tanto se magis in lubrico dictitans. non tamen ideo faciebat fidem civilis animi; nam legem maiestatis reduxerat, cui nomen apud veteres idem, sed alia in iudicium veniebant, si quis prodicione exercitum aut plebem seditionibus, denique male gesta re publica maiestatem populi Romani minuisset: facta arguebantur, dicta inpune erant. primus Augustus cognitionem de famosis libellis specie legis eius tractavit, commotus Cassii Severi libidine, qua viros feminasque inlustres procacibus scriptis diffamaverat; mox Tiberius, consultante Pompeio Macro praetore, an iudicia maiestatis redderentur, exercendas leges esse respondit. hunc quoque asperavere carmina incertis auctoribus vulgata in saevitiam superbiamque eius et discordem cum matre animum.

73. Haud pigebit referre in Falanio et Rubrio, modicis equitibus Romanis, praemptata crimina, ut quibus initiis, quanta Tiberii arte gravissimum exitium inrepperit, dein repressum sit, postremo arserit cunctaque corripuerit, noscatur. Falanio obiciebat accusator, quod inter cultores Augusti, qui per omnes domos in modum collegiorum habebantur, Cassium quendam mimum corpore infamem adscivisset, quodque venditis hortis statuum Augusti simul mancipasset. Rubrio crimini dabatur violatum periurio numen Augusti. quae ubi Tiberio notuere, scripsit consulibus non ideo decretum patri suo caelum, ut in perniciem civium is honor verteretur. Cassium histrionem solitum inter alios eiusdem artis interesse ludis, quos mater sua in memoriam Augusti sacrasset; nec contra religiones fieri, quod effigies eius, ut alia numinum simulacra, venditionibus hortorum et domuum accedant. ius turandum perinde aestimandum quam si Iovem fefellisset: deorum iniurias dis curae.

74. Nec multo post Granium Marcellum praetorem Bithyniae quaestor ipsius Caepio Crispinus maiestatis postulavit, subscribente Romano Hispone: qui formam vitae iniit,

72, 6 dictitans Muretus: dictans corr. e dictan | 9 aut | 73, 9 numen Freinsheim: nomen | 74, 1 praetorem] proconsulem malebat Lipsius cum Mercero

quam postea celebrem miseriae temporum et audaciae hominum fecerunt. nam egens, ignotus, iniquus, dum occultis libellis saevitiae principis adrepat, mox clarissimo cuique periculum facessit, potentiam apud unum, odium apud omnes adeptus dedit exemplum, quod secuti ex pauperibus divites, ex contemptis metuendi perniciem aliis ac postremum sibi invenere. sed Marcellum insimulabat sinistros de Tiberio sermones habuisse, inevitabile crimen, cum ex moribus principis foedissima quaeque deligeret accusator obiectaretque reo. nam quia vera erant, etiam dicta credebantur. addidit Hispano statuum Marcelli alius quam Caesarum sitam, et alia in statua amputato capite Augusti effigiem Tiberii inditam. ad quod exarsit adeo, ut rupta taciturnitate proclamaret se quoque in ea causa laturum sententiam palam et iuratum, quo ceteris eadem necessitas fieret. manebant etiam tum vestigia morientis libertatis. igitur Cn. Piso 'quo' inquit 'loco censebis, Caesar? si primus, habeo quod sequar: si post omnes, vereor ne imprudens dissentiam.' permotus his, quantoque incautius efferverat, paenitentia patiens tulit absolvi reum criminibus maiestatis: de pecuniis repetundis ad recipiendos itum est.

75. Nec patrum cognitionibus satiatus iudiciis adsidebat in cornu tribunalis, ne praetorem curuli depelleret; multaque eo coram adversus ambitum et potentium preces constituta. set dum veritati consulitur, libertas corrumpebatur. inter quae Pius Aurelius senator questus mole publicae viae ductuque aquarum labefactas aedis suas, auxilium patrum invocabat. resistentibus aerarii praetoribus subvenit Caesar pretiumque aedium Aurelio tribuit, erogandae per honesta pecuniae cupiens, quam virtutem diu retinuit, cum ceteras exueret. Propertio Celeri praetorio, veniam ordinis ob paupertatem petenti, deciens sestertium largitus est, satis conperto paternis ei angustias esse. temptantis eadem alios probare causas senatui iussit, cupidine severitatis in iis etiam

74, 9 ac] ad *Wölfflin Philol.* 27, 219 | 10 insimulabant *Nipperdey* | 75, 13 causas *Sirker*: causa (causam vulgo) cf. *Suet. Tib.* 47

quae rite faceret acerbus. unde ceteri silentium et paupertatem confessioni et beneficio praeposuerunt. 25. 11. 99. 15

76. Eodem anno continuis imbribus auctus Tiberius plana urbis stagnaverat; relabentem secuta est aedificiorum et hominum strages. igitur censuit Asinius Gallus ut libri Sibullini adirentur. renuit Tiberius, perinde divina humanaque obtegens; sed remedium coercendi fluminis Ateio Capitoni et L. Arruntio mandatum. Achaïam ac Macedoniam onera deprecantis levare in praesens proconsulari imperio tradique Caesari placuit. edendis gladiatoribus, quos Germanici fratris ac suo nomine obtulerat, Drusus praesedit, quamquam vili sanguine nimis gaudens; quod in vulgus formidolosum et pater arguisse dicebatur. cur abstinerit spectaculo ipse, varie trahebant; alii taedio coetus, quidam tristitia ingenii et metu comparationis, quia Augustus comiter interfuisset. non crediderim ad ostentandam saevitiam movendasque populi offensiones concessam filio materiam, quamquam id quoque dictum est.

77. At theatri licentia, proximo priore anno coepta, gravius tum erupit, occisis non modo e plebe, set militibus et centurione, vulnerato tribuno praetoriae cohortis, dum probra in magistratus et dissensionem vulgi prohibent. actum de ea seditione apud patres dicebanturque sententiae, ut praetoribus ius virgarum in histriones esset. intercessit Haterius Agrippa tribunus plebei increpitusque est Asinii Galli oratione, silente Tiberio, qui ea simulacra libertatis senatui praebat. valuit tamen intercessio, quia divus Augustus immunes verberum histriones quondam responderat, neque fas Tiberio infringere dicta eius. de modo lucaris et adversus lasciviam fautorum multa decernuntur; ex quis maxime insignia, ne domos pantomimorum senator introiret, ne egredientes in publicum equites Romani cingerent aut alibi quam in theatro

76, 9 praesedit *I m.* | 10 in *add. in marg.* | 77, 1 aut proximo aut priore *Burmanno ad Suet. Claud.* 33 delendum videbatur | 2 sed *corr. ex et* (etiam *Pfitzner*), cf. *Nipp. ad I, 60* | 11 edicta eius *Wurm*

15 sectarentur, et spectantium immodestiam exilio multandi potestas praetoribus fieret.

78. Templum ut in colonia Tarraconensi strueretur Augusto petentibus Hispanis permissum, datumque in omnes provincias exemplum. centesimam rerum venalium post bella civilia institutam deprecante populo edixit Tiberius militare
5 aerarium eo subsidio niti; simul imparem oneri rem publicam, nisi vicensimo militiae anno veterani dimitterentur. ita proxima seditionis male consulta, quibus sedecim stipendiorum finem expresserant, abolita in posterum. *Th. II. 98*

79. Actum deinde in senatu ab Arruntio et Ateio, an ob moderandas Tiberis exundationes verterentur flumina et lacus, per quos augetur; auditaque municipiorum et coloniarum legationes, orantibus Florentinis, ne Clanis solito alveo demotus in amnem Arnun transferretur idque ipsis perniciem adferret. congruentia his Interamnates disseruere: pessum ituros fecundissimos Italiae campos, si amnis Nar (id enim parabatur) in rivos diductus superstagnavisset. nec Reatini silebant, Velinum lacum, qua in Narem effunditur, obstrui
10 recusantes, quippe in adiacentia erupturum; optume rebus mortalium consuluisse naturam, quae sua ora fluminibus, suos cursus utque originem, ita fines dederit; spectandas etiam religiones sociorum, qui sacra et lucos et aras patrii amnis dicaverint: quin ipsum Tiberim nolle prorsus accolis fluvii orbatum minore gloria fluere. seu preces coloniarum seu difficultas operum sive superstitio valuit, ut in sententiam Cn. Pisonis concederetur, qui nil mutandum censuerat.

80. Prorogatur Poppaeo Sabino provincia Moesia, additis Achaia ac Macedonia. id quoque morum Tiberii fuit, continuare imperia ac plerosque ad finem vitae in isdem exercitiis aut iurisdictionibus habere. causae variae traduntur: alii taedio novae curae semel placita pro aeternis ser-

77, 15 sectarentur *Wölflin*: spectarentur (*ortum ex eo quod sequitur spectantium*) | 78, 1 terra conensi | 79, 6 ante manates (*Antemnates malebat Pichena*) | 8 deductus | 13 sociorum: maiorum *Nipperdey* | 17 Cn. *add. idem* | concederet, *cm. Lipsius* | 80, 4 varie *Acidalius*

vavisse, quidam invidia, ne plures fruerentur; sunt qui existiment, ut callidum eius ingenium, ita anxium iudicium; neque enim eminentis virtutes sectabatur, et rursus vitia oderat: ex optimis periculum sibi, a pessimis dedecus publicum metuebat. qua haesitatione postremo eo proventus est, ut mandaverit quibusdam provincias, quos egredi urbe non erat passurus.

81. De comitiis consularibus, quae tum primum illo principe ac deinceps fuere, vix quicquam firmare ausim: adeo diversa non modo apud auctores, sed in ipsius orationibus reperuntur. modo subtractis candidatorum nominibus originem cuiusque et vitam et stipendia descripsit, ut qui forent intel-
5 legeretur; aliquando ea quoque significatione subtracta candidatos hortatus, ne ambitu comitia turbarent, suam ad id curam pollicitus est. plerumque eos tantum apud se professos disseruit, quorum nomina consulibus edidisset; posse et alios profiteri, si gratiae aut meritis confiderent: speciosa verbis,
10 re inania aut subdola, quantoque maiore libertatis imagine tegebantur, tanto eruptura ad infensus servitium.

28. XI. 98.

CORNELII TACITI

AB EXCESSU DIVI AUGUSTI

LIBER II.

1. Sisenna Statilio [Tauro] L. Libone consulibus mota Orientis regna provinciaeque Romanae, initio apud Parthos orto, qui petatum Roma acceptumque regem, quamvis gentis Arsacidarum, ut externum aspernabantur. is fuit Vonones, 5 obses Augusto datus a Phraate. nam Phraates quamquam depulisset exercitus ducesque Romanos, cuncta venerantium officia ad Augustum verterat partemque prolis firmandae amicitiae miserat, haud perinde nostri metu quam fidei popularium diffusus.

2. Post finem Phraatis et sequentium regum ob internas caedes venere in urbem legati a primoribus Parthis, qui Vononem vetustissimum liberorum eius accirent. magnificum id sibi credidit Caesar auxiliumque opibus. et accepere barbari 5 laetantes, ut ferre ad nova imperia. mox subiit pudor degeneravisse Parthos: petatum alio ex orbe regem, hostium artibus infectum; iam inter provincias Romanas solum Arsacidarum haberi darique. ubi illam gloriam trucidantium Crassum, exturbantium Antonium, si mancipium Caesaris, 10 tot per annos servitutem perpessum, Parthis imperitet? accendebat dedignantem et ipse diversus a maiorum institutis, raro venatu, segni equorum cura; quotiens per urbes incederet, lecticae gestamine fastuque erga patrias epulas. inridebantur et Graeci comites ac vilissima utensilium anulo 15 clausa. sed prompti aditus, obvia comitas, ignotae Parthis virtutes, nova vitia; et quia ipsorum moribus aliena, perinde odium pravis et honestis.

1, 1 [Tauro] Ritter | 2, 16 moribus Muretus: maioribus

3. Igitur Artabanus Arsacidarum e sanguine apud Dahhas adultus excitur, primoque congressu fusus reparat vires regnoque potitur. victo Vononi per fugium Armenia fuit, vacua tunc interque Parthorum et Romanas opes infida ob scelus Antonii, qui Artavasden regem Armeniorum specie 5 amicitiae inlectum, dein catenis oneratum, postremo interfecerat. eius filius Artaxias, memoria patris nobis infensus, Arsacidarum vi seque regnumque tutatus est. occiso Artaxia per dolum propinquorum, datus a Caesare Armeniis Tigranes deductusque in regnum a Tiberio Nerone. nec Tigrani diu- 10 turnum imperium fuit neque liberis eius, quamquam sociatis more externo in matrimonium regnumque.

4. Dein iussu Augusti inpositus Artavasdes et non sine clade nostra deiectus. tum Gaius Caesar componendae Armeniae deligitur. is Ariobarzanem, origine Medum, ob insignem corporis formam et praeclarum animum volentibus Armeniis praefecit. Ariobarzanem morte fortuita absumpto stir- 5 pem eius haud toleravere; temptatoque feminae imperio, cui nomen Erato, eaque brevi pulsa, incerti solutique et magis sine domino quam in libertate profugum Vononen in regnum accipiunt. sed ubi minitari Artabanus et parum subsidii in Armeniis, vel, si nostra vi defenderetur, bellum adversus Par- 10 thos sumendum erat, rector Syriae Creticus Silanus excitem custodia circumdat, manente luxu et regio nomine. quod ludibrium ut effugere agitaverit Vonones, in loco reddemus.

5. Ceterum Tiberio haud ingratum accidit turbari res Orientis, ut ea specie Germanicum suetis legionibus abstraheret novisque provinciis inpositum dolo simul et casibus obiectaret. at ille, quanto acriora in eum studia militum et aversa patrum voluntas, celerandae victoriae intentior, tra- 5 ctare proeliorum vias et quae sibi tertium iam annum belligeranti saeva vel prospera evenissent. fundi Germanos acie et iustis locis, iuvari silvis, paludibus, brevi aestate et praematura hieme; suum militem haud perinde vulneribus quam spatii itinerum, damno armorum adfici; fessas Gallias mi- 10

4, 10 si nos aui

nistrandis equis; longum impedimentorum agmen opportunum ad insidias, defensantibus iniquum. at si mare intretur, promptam ipsis possessionem et hostibus ignotam, simul bellum maturius incipi legionesque et commeatus pariter vehi; in-
 15 tegrum equitem equosque per ora et alveos fluminum media in Germania fore.

6. Igitur huc intendit, missis ad census Galliarum P. Vitellio et C. Antio. Silius et Anteius et Caecina fabricandae classi praeponuntur. mille naves sufficere visae properataeque, aliae breves, angusta puppi proraque et lato utero, quo
 5 facilius fluctus tolerarent; quaedam planae carinis, ut sine noxa siderent; plures adpositis utrimque gubernaculis, converso ut repente remigio hinc vel illinc adpellerent; multae pontibus stratae, super quas tormenta veherentur, simul aptae ferendis equis aut commeatui; velis habiles, citae remis
 10 augebantur alacritate militum in speciem ac terrorem. insula Batavorum in quam convenirent praedicta, ob faciles adpulsus accipiendisque copiis et transmittendum ad bellum opportuna. nam Rhenus uno alveo continuus aut modicas
 15 insulas circumveniens apud principium agri Batavi velut in duos amnes dividitur, servatque nomen et violentiam cursus, qua Germaniam praevehitur, donec Oceano misceatur: ad Gallicam ripam latior et placidior adfluens (verso cognomento Vahalem accolae dicunt), mox id quoque vocabulum mutat Mosa flumine eiusque immenso ore eundem in Oceanum effunditur.

7. Sed Caesar, dum adiguntur naves, Silium legatum cum expedita manu inruptionem in Chattos facere iubet: ipse auditio castellum Lupiae flumini adpositum obsideri, sex legiones eo duxit. neque Silio ob subitos imbres aliud actum
 5 quam ut modicam praedam et Arpi principis Chattorum coniugem filiamque raperet, neque Caesari copiam pugnas oppressores fecere, ad famam adventus eius dilapsi: tumutum

5, 11 oportunum, item alias | 6, 2 C. Antio Ursinus: cantio | A. (vel T.) Anteius Ritter, Apronius Nipperdey, [et Anteius] Ulrichs | 8 super quos Ernesti, super quis Döderlein | 7, 7 facere 1 m.

tamen nuper Varianis legionibus structum et veterem aram Druso sitam disiecerant. restituit aram honorique patris princeps ipse cum legionibus decucurrit; tumultum iterare haud
 10 visum. et cuncta inter castellum Alisonem ac Rhenum novis limitibus aggeribusque permunita.

8. Iamque classis advenerat, cum praemisso commeatu et distributis in legiones ac socios navibus fossam, cui Drusianae nomen, ingressus precatusque Drusum patrem, ut se eadem ausum libens placatusque exemplo ac memoria consiliorum atque operum iuaret, lacus inde et Oceanum usque
 5 ad Amisiam flumen secunda navigatione pervehitur. classis Amisiae ore relicta laevo amne, erratumque in eo, quod non subvexit aut transposuit militem dextras in terras iturum; ita plures dies efficiendis pontibus absumpti. et eques quidem ac legiones prima aestuaria, nondum adcrecente unda, intrepidi
 10 transiere: postremum auxiliorum agmen Batavique in parte ea, dum insultant aquis artemque nandi ostentant, turbati et quidam hausti sunt. metanti castra Caesari Ampsivariorum defectio a tergo nuntiatur: missus ilico Stertinius cum equite et armatura levi igne et caedibus perfidiam ultus est.

9. Flumen Visurgis Romanos Cheruscosque interfluebat. eius in ripa cum ceteris primoribus Arminius adstitit, quaesitoque an Caesar venisset, postquam adesse responsum est, ut liceret cum fratre colloqui oravit. erat is in exercitu cognomento Flavius, insignis fide et amisso per vulnus oculo paucis
 5 ante annis duce Tiberio. tum permissu ** progressusque salutatur ab Arminio; qui amotis stipatoribus, ut sagittarii nostra pro ripa dispositi abscederent postulat, et postquam digressi, unde ea deformitas oris interrogat fratrem. illo locum et proelium referente, quomam praemium recepisset exquirat. Fla-
 10

8, 7 [Amisiae Nipp.] | ore add. M. Seyffert Z. f. d. Gymn.-W. 1861, 302 | 8 [subvexit] Nipp. | aut add. Wurm | [transposuit] Ernesti | 13 Ampsivariorum Giefers: angriuatorum (idem nomen restituit Giefers c. 22, 6 et Nipperdey c. 24, 15), cf. Müllenhoff in Z. f. deutsches Alt. IX, 226 sqq. | 9, 6 Nipperdey signum lacunae posuit, hoc fere supplens: tum permissu imperatoris deducitur a Stertino progressusque etc.

vus aucta stipendia, torquem et coronam aliaque militaria dona memorat, inridente Arminio vilia servitii pretia.

10. Exim diversi ordiuntur, hic magnitudinem Romanam, opes Caesaris et victis graves poenas, in deditionem venienti paratam clementiam; neque coniugem et filium eius hostiliter haberi: ille fas patriae, libertatem avitam, penetralis Germaniae deos, matrem precum sociam; ne propinquorum et adfinium, denique gentis suae desertor et proditor quam imperator esse mallet. paulatim inde ad iurgia prolapsi quominus pugnam consererent ne flumine quidem interiecto cohibebantur, ni Stertinius adcurrrens plenum irae armaque et equum poscentem Flavum adinuisset. cernebatur contra minitabundus Arminius proeliumque denuntians; nam pleraque Latino sermone interiaciebat, ut qui Romanis in castris ductor popularium meruisset.

11. Postero die Germanorum acies trans Visurgim stetit. Caesar nisi pontibus praesidiisque inpositis dare in discrimen legiones haud imperatorium ratus, equitem vado trahit. praefuere Stertinius et e numero primipilium Aemilius, distantibus locis invecti, ut hostem diducerent. qua celerrimus amnis, Chariovalda dux Batavorum erupit. cum Cherusci fugam simulantes in planitiem saltibus circumiectam traxere: dein coorti et undique effusi trudunt adversos, instant cedentibus collectosque in orbem pars congressi, quidam eminus proturbant. Chariovalda diu sustentata hostium saevitia, hortatus suos ut ingruentes catervas globo perfringerent, atque ipse densissimos inrumpens, congestis telis et suffosso equo labitur, ac multi nobilium circa: ceteros vis sua aut equites cum Stertino Aemilioque subvenientes periculo exemere.

12. Caesar transgressus Visurgim indicio perfugae cognoscit delectum ab Arminio locum pugnae; convenisse et alias nationes in silvam Herculi sacram ausurosque noctur-

10, 6 quam liberator *Jacob* | 11, 5 deducerent, *em. Rhena-*
nus | 11 perfringerent *Bezzenberger*: fringerent (*frangerent Lips.*) |
12 ipse *Weissenborn*: ipsis (ipse in *vulgo*, ipsis densissimis
inruens *Haase*) | inrumpens

nam castrorum oppugnationem. habita indici fides et cernebantur ignes, suggestisque propius speculatores audiri fremittum equorum immensique et inconditi agminis murmur attulere. igitur propinquo summae rei discrimine explorandos militum animos ratus, quoniam id modo incorruptum foret, secum agitabat. tribunos et centuriones laeta saepius quam comperita nuntiare, libertorum servilia ingenia, amicis inesse adulationem; si contio vocetur, illic quoque quae pauci incipient reliquos adstreperere. penitus noscendas mentes, cum secreti et incustoditi inter militaris cibos spem aut metum profferrent.

13. Nocte coepta egressus augurali per occulta et vigilibus ignara, comite uno, contactus umeros ferina pelle, adit castrorum vias, adsistit tabernaculis fruiturque fama sui, cum hic nobilitatem ducis, decorem alius, plurimi patientiam, comitatem, per seria per iocos eundem animum laudibus ferrent reddendamque gratiam in acie faterentur, simul perfidos et ruptores pacis ultioni et gloriae mactandos. inter quae unus hostium, Latinae linguae sciens, acto ad vallum equo voce magna coniuges et agros et stipendii in dies, donec bellaretur, sestertios centenos, si quis transfugisset, Arminii nomine pollicetur. incendit ea contumelia legionum iras: veniret dies, daretur pugna; sumpturum militem Germanorum agros, tracturum coniuges; accipere omen et matrimonia ac pecunias hostium praedae destinare. tertia ferme vigilia ad-sultatum est castris sine coniectu teli, postquam crebras promunimentis cohortes et nihil remissum sensere.

14. Nox eadem laetam Germanico quietem tulit, viditque se operatum et sanguine sacri respersa praetexta pulchriorem aliam manibus aviae Augustae accepisse. auctus omine, addicentibus auspiciis, vocat contionem et quae sapientia provisa aptaque imminenti pugnae disserit. non cam-
pos modo militi Romano ad proelium bonos, sed si ratio adsit, silvas et saltus; nec enim immensa barbarorum scuta,

14, 1 vidit se *Muretus* | 2 sacro *Beroaldus* | 5 provisa *Jo.*
Fr. Gronovius: praevisa

enormis hastas inter truncos arborum et enata humo virgulta perinde haberi quam pila et gladios et haerentia corpori tegmina. denserent ictus, ora mucronibus quaerent: non loricam Germano, non galeam, ne scuta quidem ferro nervove firmata, sed viminum textus vel tenuis et fucatas colore tabulas; primam utcumque aciem hastatam, ceteris praeusta aut brevia tela. iam corpus ut visu torvum et ad brevem impetum validum, sic nulla vulnerum patientia: sine pudore flagitii, sine cura ducum abire, fugere, pavidos adversis, inter secunda non divini, non humani iuris memores. si taedio viarum ac maris finem cupiant, hac acie parari: propiorum iam Albim quam Rhenum neque bellum ultra, modo se, patris patrique vestigia prementem, isdem in terris victorem sisterent.

15. Orationem ducis secutus militum ardor, signumque pugnae datum. nec Arminius aut ceteri Germanorum proceres omittebant suos quisque testari, hos esse Romanos Variani exercitus fugacissimos, qui ne bellum tolerarent, seditionem induerint; quorum pars onusta vulneribus terga, pars fluctibus et procellis fractos artus infensis rursus hostibus, adversis dis obiciant, nulla boni spe. classem quippe et avia Oceani quaesita, ne quis venientibus occurreret, ne pulsos premeret: sed ubi miscuerint manus, inane victis ventorum remorumve subsidium. meminissent modo avaritiae, crudelitatis, superbiae: aliud sibi reliquum quam tenere libertatem aut mori ante servitium?

16. Sic accensos et proelium poscentes in campum, cui Idisiaviso nomen, deducunt. is medius inter Visurgim et colles, ut ripae fluminis cedunt aut prominentia montium resistunt, inaequaliter sinuatur. pone tergum insurgebat silva, editis in altum ramis et pura humo inter arborum truncos. campum et prima silvarum barbara acies tenuit: soli Cherusci iuga insedere, ut proeliantibus Romanis desuper incurrerent. noster exercitus sic incessit: auxiliares Galli Ger-

15, 5 terga *Muretus*: tergū | 16, 2 Idisiaviso *Jac. Grimm*: idista uiso (*Idisiavisa Müllenhoff*)

manique in fronte, post quos pedites sagittarii; dein quattuor legiones et cum duabus praetoriis cohortibus ac delecto equite Caesar; exim totidem aliae legiones et levis armatura cum equite sagittario ceteraque sociorum cohortes. intentus paratusque miles, ut ordo agminis in aciem adsisteret.

17. Visis Cheruscorum catervis, quae per ferociam proruperant, validissimos equitum incurrere latus, Stertinium cum ceteris turmis circumgredi tergaque invadere iubet, ipse in tempore adfuturus. interea pulcherrimum augurium, octo aquilae petere silvas et intrare visae imperatorem advertere. exclamat irent, sequerentur Romanas aves, propria legionum numina. simul pedestris acies infertur et praemissus eques postremos ac latera impulit. mirumque dictu, duo hostium agmina diversa fuga, qui silvam tenerant, in aperta, qui campis adstiterant, in silvam ruebant. medii inter hos Cherusci collibus detrudebantur, inter quos insignis Arminius manu voce vulnere sustentabat pugnam. incubueratque sagittariis, illa rupturus, nisi Raetorum Vindellicorumque et Gallicae cohortes signa obiecissent. nisu tamen corporis et impetu equi pervasit, oblitus faciem suo cruore, ne nosceretur. quidam adgnitum a Chaucis inter auxilia Romana agentibus emissumque tradiderunt. virtus seu fraus eadem Inguimero effugium dedit: ceteri passim trucidati. et plerosque tranare Visurgim conantes iniecta tela aut vis fluminis, postremo moles ruentium et incidentes ripae operuere. quidam turpi fuga in summa arborum nisi ramisque se occultantes admotis sagittariis per ludibrium figebantur, alios prorutae arbores adflixere.

18. Magna ea victoria neque cruenta nobis fuit. quinta ab hora diei ad noctem caesi hostes decem milia passuum cadaveribus atque armis opplevire, repertis inter spolia eorum catenis, quas in Romanos ut non dubio eventu portaverant. miles in loco proelii Tiberium imperatorem salutavit struxitque aggerem et in modum tropaeorum arma subscriptis victarum gentium nominibus imposuit.

17, 3 tergaque *Lipsius*: tergaue | 10 in campis *Nipperdey*: 20 obruere *Ritter*

19. Haut perinde Germanos vulnera, luctus, excidia quam ea species dolore et ira adfecit. qui modo abire sedibus, trans Albim concedere parabant, pugnam volunt, arma rapiunt; plebes primores, iuventus senes agmen Romanum
5 repente incursant, turbant. postremo deligunt locum flumine et silvis clausum, arta intus planitie et umida: silvas quoque profunda palus ambibat, nisi quod latus unum Angrivarii lato aggere extulerant, quo a Cheruscis dirimerentur. hic pedes adstitit: equitem propinquis lucis texere, ut ingressis
10 silvam legionibus a tergo foret.

20. Nihil ex his Caesari incognitum: consilia locos, prompta occulta noverat astusque hostium in perniciem ipsis vertebat. Seio Tuberoni legato tradit equitem campumque; peditum aciem ita instruxit, ut pars aequo in silvam aditu incederet, pars obiectum aggerem eniteretur; quod arduum sibi, cetera legatis permisit. quibus plana evenerant, facile inrupere: quis inpugnandus agger, ut si murum succederent, gravibus superne ictibus conflictabantur. sensit dux inparem comminus pugnam remotisque paulum legionibus funditores
10 libratosque excutere tela et proturbare hostem iubet. missae e tormentis hastae, quantoque conspicui magis propugnatores, tanto pluribus vulneribus deiecti. primus Caesar cum praetoriis cohortibus capto vallo dedit impetum in silvas; conlato illic gradu certatum. hostem a tergo palus,
15 Romanos flumen aut montes claudebant: utrisque necessitas in loco, spes in virtute, salus ex victoria.

21. Nec minor Germanis animus, sed genere pugnae et armorum superabantur, cum ingens multitudo artis locis praelongas hastas non protenderet, non colligeret, neque ad-sultibus et velocitate corporum uteretur, coacta stabile ad
5 proelium; contra miles, cui scutum pectori adpressum et insidens capulo manus, latos barbarorum artus, nuda ora foderet viamque strage hostium aperiret, inprompto iam *Arminio* ob continua pericula, sive illum recens acceptum vulnus

20, 1 his *Oberlin*: iis | 10 libratosque *Beroaldus*, cf. 13, 39 | 21, 3 non collinearet *Madvig* | 7 *Arminio* *Beroaldus* *supplevit*

tardaverat. quin et Inguiomerum, tota volitantem acie, fortuna magis quam virtus deserebat. et Germanicus quo magis ad-
10 gnosceretur, detraxerat tegimen capiti orabatque insisterent caedibus: nil opus captivis, solam internicionem gentis finem bello fore. iamque sero diei subducit ex acie legionem faciendis castris: ceterae ad noctem cruore hostium satiatae sunt. equites ambigue certavere.
15

22. Laudatis pro contione victoribus Caesar congeriem armorum struxit, superbo cum titulo: debellatis inter Rhenum Albimque nationibus exercitum Tiberii Caesaris ea munimenta Marti et Iovi et Augusto sacravisse. de se nihil addidit, metu invidiae an ratus conscientiam facti satis esse.
5 mox bellum in Ampsivarios Stertino mandat, ni deditionem properavissent. atque illi supplices nihil abnuendo veniam omnium acceperere.

23. Sed aestate iam adulta legionum aliae itinere terrestri in hibernacula remissae; plures Caesar classi inpositas per flumen Amisiam Oceano invexit. ac primo placidum aequor mille navium remis strepere aut velis impelli: mox
5 atro nubium globo effusa grando, simul variis undique procellis incerti fluctus prospectum adimere, regimen impedire; milesque pavidus et casuum maris ignarus dum turbat nautas vel intempestive iuvat, officia prudentium corrumpibat. omne dehinc caelum et mare omne in austrum cessit, qui
10 umidis Germaniae terris, profundis annibus, immenso nubium tractu validus et rigore vicini septentrionis horridior rapuit disiecitque naves in aperta Oceani aut insulas saxis abruptis vel per occulta vada infestas. quibus paulum aegreque vitatis, postquam mutabat aestus eodemque quo ventus ferebat, non adhaerere ancoris, non exhaurire inrumpentis
15 undas poterant: equi, iumenta, sarcinae, etiam arma praecipitantur, quo levarentur alvei, manantes per latera et fluctu superurgente.

24. Quanto violentior cetero mari Oceanus et truculen-

22, 3 munimenta, *em. Lipsius* | 5 facti *Aldus*: factis | 6 Ampsivarios *cf. ad II, 8, 13* | 23, 10 tumidis, *em. Rhenanus*

tia caeli praestat Germania, tantum illa clades novitate et magnitudine excessit, hostilibus circum litoribus aut ita vasto et profundo, ut credatur novissimum ac sine terris mare. pars navium haustae sunt, plures apud insulas longius sitas eiectae; milesque nullo illic hominum cultu fame absumptus, nisi quos corpora equorum eodem elisa toleraverant. sola Germanici triremis Chaucorum terram adpulit; quem per omnes illos dies noctesque apud scopulos et prominentis oras, cum se tanti exitii reum clamitaret, vix cohibere amici quo minus eodem mari oppeteret. tandem relabente aestu et secundante vento claudae naves raro remigio aut intentis vestibus, et quaedam a validioribus tractae, revertere; quas raptim refectas misit, ut scrutarentur insulas. collecti ea cura plerique: multos Ampsivarii nuper in fidem accepti redemptos ab interioribus reddidere; quidam in Britanniam rapti et remissi a regulis. ut quis ex longinquo venerat, miracula narrabant, vim turbinum et inauditas volucres, monstra maris, ambiguas hominum et beluarum formas, visa sive ex metu credita.

25. Sed fama classis amissae ut Germanos ad spem belli, ita Caesarem ad coercendum erexit. C. Silio cum triginta peditum, tribus equitum milibus ire in Chattos imperat; ipse maioribus copiis Marsos inrupit, quorum dux Malloendus nuper in deditionem acceptus propinquo luco defossam Varianae legionis aquilam modico praesidio servari indicat. missa extemplo manus, quae hostem a fronte eliceret, alii, qui terga circumgressi recluderent humum; et utrisque adfuit fortuna. eo promptior Caesar pergat introrsus, populatur, excindit non ausum congredi hostem aut, sicubi restiterat, statim pulsum nec umquam magis, ut ex captivis cognitum est, paventem. quippe invictos et nullis casibus superabiles Romanos praedicabant, qui perdita classe, amissis armis, post constrata equorum virorumque corporibus litora eadem virtute, pari ferocia et velut aucti numero inrupissent.

24, 5 mari Jo. Fr. Gronovius | 15 Ampsiverii cf. ad II, 8, 13 | 25, 5 luco Lipsius: loco | 6 indicarat malim

26. Reductus inde in hiberna miles, laetus animi, quod adversa maris expeditione prospera pensavisset. addidit munificentiam Caesar, quantum quis damni professus erat, exsolvendo. nec dubium habebatur labare hostes petendaeque pacis consilia sumere, et si proxima aestas adiceretur, posse bellum patrari. sed crebris epistulis Tiberius monebat rediret ad decretum triumphum: satis iam eventuum, satis casuum. prospera illi et magna proelia: eorum quoque meminisset, quae venti et fluctus, nulla ducis culpa, gravia tamen et saeva damna intulissent. se noviens a divo Augusto in Germaniam missum plura consilio quam vi perfecisse. sic Sugambros in deditionem acceptos, sic Suebos regemque Maroboduum pace obstrictum. posse et Cheruscos ceterasque rebellium gentes, quoniam Romanae ultioni consultum esset, internis discordiis relinqui. precante Germanico annum efficiendis coeptis, acrius modestiam eius adgreditur alterum consulatum offerendo, cuius munia praesens obiret. simul adnectebat, si foret adhuc bellandum, relinqueret materiem Drusi fratris gloriae, qui nullo tum alio hoste non nisi apud Germanias adsequi nomen imperatorium et deportare lauream posset. haud cunctatus est ultra Germanicus, quamquam fingi ea seque per invidiam parto iam decori abstrahi intellegeret.

27. Sub idem tempus e familia Scriboniorum Libo Drusus defertur moliri res novas. eius negotii initium, ordinem, finem curatius disseram, quia tum primum reperta sunt quae per tot annos rem publicam exedere. Firmius Catus senator, ex intima Libonis amicitia, iuvenem improvidum et facilem inanibus ad Chaldaeorum promissa, magorum sacra, somniorum etiam interpretes impulit, dum proavum Pompeium, amatam Scriboniam, quae quondam Augusti coniunx fuerat, consobrinos Caesares, plenam imaginibus domum ostentat, hortaturque ad luxum et aes alienum, socius libidinum et necessitatum, quo pluribus indiciis inligaret.

26, 14 esset Muretus: est (sit Otto) | 27, 8 consobrinos Caesares Rhenanus: consobrinus caesaris

28. Ut satis testium et qui servi eadem noscerent reperit, aditum ad principem postulat, demonstrato crimine et reo per Flaccum Vescularium equitem Romanum, cui propior cum Tiberio usus erat. Caesar indicium haud aspernatus congressus abnuat: posse enim eodem Flacco internuntio sermones commeari. atque interim Libonem ornat praetura, convictibus adhibet, non vultu alienatus, non verbis commotior (adeo iram condiderat); cunctaque eius dicta factaque, cum prohibere posset, scire malebat, donec Iunius quidam, temptatus ut infernas umbras carminibus eliceret, ad Fulcinium Trionem indicium detulit. celebre inter accusatores Trionis ingenium erat avidumque famae malae. statim corripit reum, adit consules, cognitionem senatus poscit. et vocantur patres, addito consultandum super re magna et atroci.

29. Libo interim veste mutata cum primoribus feminis circumire domos, orare adfines, vocem adversum pericula poscere, abnuentibus cunctis, cum diversa praetenderent, eadem formidine. die senatus metu et aegritudine fessus, sive, ut tradidere quidam, simulato morbo, lectica delatus ad fores curiae innisusque fratri et manus ac supplices voces ad Tiberium tendens immoto eius vultu excipitur. mox libellos et auctores recitat Caesar ita moderans, ne lenire neve asperare crimina videretur.

30. Accesserant praeter Trionem et Catum accusatores Fonteius Agrippa et C. Vibius, certabantque cui ius perorandi in reum daretur, donec Vibius, quia nec ipsi inter se concederent et Libo sine patrono introisset, singillatim se crimina obiecturum professus, protulit libellos vaecordes adeo, ut consultaverit Libo, an habiturus foret opes, quis viam Appiam Brundisium usque pecunia operiret. inerant et alia huiusce modi stolidi vana, si mollius acciperes, miseranda. uno tamen libello manu Libonis nominibus Caesarum aut senatorum additas atroces vel occultas notas accusator arguebat. negante reo agnoscentes servos per tormenta in-

28, 6 sermones *Rhenanus*: sermone (sermonem *Ritter*, at cf. *H. 2, 99* ministro sermonum *Rubrio*) | 30, 2 et 3 *Vibius Gruterus*: *liuius* cf. 4, 28 | 9 uno *Kritz*: uni | 11 interrogare, em. *Lipsius*

terrogari placuit. et quia vetere senatus consulto quaestio in caput domini prohibebatur, callidus et novi iuris repertor Tiberius mancipari singulos actori publico iubet, scilicet ut in Libonem ex servis salvo senatus consulto quaereretur. ob quae posterum diem reus petivit domumque digressus extremas preces P. Quirinio propinquo suo ad principem mandavit.

31. Responsum est ut senatum rogaret. cingebatur interim milite domus, strepebant etiam in vestibulo, ut audiri, ut aspici possent, cum Libo ipsis quas in novissimam voluptatem adhibuerat epulis excruciatas vocare percussorem, prensare servorum dextras, inserere gladium. atque illis, dum trepidant, dum refugiunt, evertentibus adpositum in mensa lumen, feralibus iam sibi tenebris duos ictus in viscera derexit. ad gemitum conlabentis adcurrere liberti, et caede visa miles abstinit. accusatio tamen apud patres adseveratione eadem peracta, iuravitque Tiberius petiturum se vitam quamvis nocenti, nisi voluntariam mortem properavisset.

32. Bona inter accusatores dividuntur, et praeturae extra ordinem datae iis qui senatorii ordinis erant. tunc Cotta Messalinus, ne imago Libonis exsequias posterorum comitaretur, censuit, Cn. Lentulus, ne quis Scribonius cognomentum Drusi adsumeret. supplicationum dies Pomponii Flacci sententia constituti, dona Iovi, Marti, Concordiae, utque iduum Septembrium dies, quo se Libo interfecerat, dies festus haberetur, L. Piso et Gallus Asinius et Papius Mutilus et L. Apronius decrevere; quorum auctoritates adulationesque rettuli, ut sciretur vetus id in re publica malum. facta et de mathematicis magisque Italia pellendis senatus consulta; quorum e numero L. Pituanus saxo deiectus est, in P. Marcium consules extra portam Esquilinam, cum classicum canere iussissent, more prisco advertere.

31, 3 possint, em. *Rhen.* | 6 in add. *Groslotius*, cum mensa *Ritter* in edit. *Cantabrig.* | 9 abstinit *Lipsius*: adstitit | 32, 2 iis *Bekker*: his | 6 constituti *Freinsheim*: constituti ut (constituti. et *Muretus*, constituti. at *G. C. Herrmann*) | 8 Piso *Jo. Fr. Gronovius*: P (sic)

33. Proximo senatus die multa in luxum civitatis dicta a Q. Haterio consulari, Octavio Frontone praetura functo; decretumque ne vasa auro solida ministrandis cibis fierent, ne vestis serica viros foedaret. excessit Fronto ac postulavit modum argenti, suppellectili, familiae: erat quippe adhuc frequens senatoribus, si quid e re publica crederent, loco sententiae promere. contra Gallus Asinius disseruit: auctu imperii adolevisse etiam privatas opes, idque non novum, sed e vetustissimis moribus: aliam apud Fabricios, aliam apud Scipiones pecuniam; et cuncta ad rem publicam referri, qua tenui angustas civium domos, postquam eo magnificentiae venerit, gliscere singulos. neque in familia et argento quaeque ad usum parentur nimium aliquid aut modicum nisi ex fortuna possidentis. distinctos senatus et equitum census, non quia diversi natura, sed, ut locis ordinibus dignationibus antissent, ita iis, quae ad requiem animi aut salubritatem corporum parentur, nisi forte clarissimo cuique plures curas, maiora pericula subeunda, delenimentis curarum et periculorum carendum esse. facilem adsensum Gallo sub nominibus honestis confessio vitiorum et similitudo audientium dedit. adiecerat et Tiberius non id tempus censurae nec, si quid in moribus labaret, defuturum corrigendi auctorem.

34. Inter quae L. Piso ambitum fori, corrupta iudicia, saevitiam oratorum accusationes minitantium increpans, abire se et cedere urbe, victurum in aliquo abdito et longinquo rure testabatur; simul curiam relinquebat. commotus est Tiberius, et quamquam mitibus verbis Pisonem permulsisset, propinquos quoque eius impulit ut abeuntem auctoritate vel precibus tenerent. haud minus liberi doloris documentum idem Piso mox dedit vocata in ius Urgulania, quam supra leges amicitia Augustae extulerat. nec aut Urgulania optem-

33, 4 sirica, em. Rhen. | 5 [erat . . promere] Nipperdey | 15 ut sicut locis Ulrichs, ut et locis . . antissent et aliis quae Walther, ut, qui l. o. dignationibus, antissent et aliis Nipp. cf. W. Clemm N. Mus. rhen. 33, 318 | 16 ita, iis Ruperti: Talis (et aliis Grotius, ita aliis Pichena) | 34, 1 L. ipso ambitum fore

peravit, in domum Caesaris spreto Pisonem vecta, aut ille abscessit, quamquam Augusta se violari et imminui quereretur. Tiberius hactenus indulgere matri civile ratus, ut se iturum ad praetoris tribunal, adfuturum Urgulaniae diceret, processit Palatio, procul sequi iussis militibus. spectabatur occurrente populo compositus ore et sermonibus variis tempus atque iter ducens, donec propinquis Pisonem frustra coercens deferri Augusta pecuniam, quae petebatur, iuberet. isque finis rei, ex qua neque Piso inglorius et Caesar maiore fama fuit. ceterum Urgulaniae potentia adeo nimia civitati erat, ut testis in causa quadam, quae apud senatum tractabatur, venire dedignaretur: missus est praetor, qui domi interrogaret, cum virgines Vestales in foro et iudicio audiri, quotiens testimonium dicerent, vetus mos fuerit.

35. Res eo anno prolatae haud referrem, ni pretium foret Cn. Pisonis et Asinii Galli super eo negotio diversas sententias noscere. Piso, quamquam afuturum se dixerat Caesar, ob id magis agendas censebat, ut absente principe senatum et equites posse sua munia sustinere decorum rei publicae foret. Gallus, quia speciem libertatis Piso praeceperat, nihil satis illustre aut ex dignitate populi Romani nisi coram et sub oculis Caesaris, eoque conventum Italiae et adfluentis provincias praesentiae eius servanda dicebat. audiente haec Tiberio ac silente magnis utrimque contentionibus acta, sed res dilatae.

36. Et certamen Gallo adversus Caesarem exortum est. nam censuit in quinquennium magistratum comitia habenda, utque legionum legati, qui ante praeturam ea militia fungebantur, iam tum praetores destinarentur, princeps duodecim candidatos in annos singulos nominaret. haud dubium erat eam sententiam altius penetrare et arcana imperii temptari. Tiberius tamen, quasi augeretur potestas eius, disseruit: grave moderationi suae tot eligere, tot differre. vix per singulos annos offensiones vitari, quamvis repulsam propinqua

34, 10 illi | abscissit, em. Jac. Gron. (abstitit alii) | 35, 4 ut] quod Weissenborn, et . . fore Jac. Gronovius

10 spes soletur: quantum odii fore ab iis, qui ultra quinquen-
 nium proiciantur? unde prospici posse quae cuique tam longo
 temporis spatio mens, domus, fortuna? superbire homines
 etiam annua designatione: quid si honorem per quinquennium
 agitent? quinquuplicari prorsus magistratus, subverti leges,
 15 quae sua spatia exercendae candidatorum industriae quaeren-
 disque aut potiundis honoribus statuerint. favorabili in spe-
 ciem oratione vim imperii tenuit. *10. XII. 98.*

37. Censusque quorundam senatorum iuvit. quo magis
 mirum fuit, quod preces Marci Hortali, nobilis iuvenis, in pau-
 pertate manifesta superbius accepisset. nepos erat oratoris
 Hortensii, inlectus a divo Augusto liberalitate deciens sester-
 5 tii ducere uxorem, suscipere liberos, ne clarissima familia
 exstingeretur. igitur quattuor filiis ante limen curiae adstan-
 tibus, loco sententiae, cum in Palatio senatus haberetur, modo
 Hortensii inter oratores sitam imaginem, modo Augusti intu-
 ens, ad hunc modum coepit: 'patres conscripti, hos, quorum
 10 numerum et pueritiam videtis, non sponte sustuli, sed quia
 princeps monebat; simul maiores mei meruerant ut posteros
 haberent. nam ego, qui non pecuniam, non studia populi ne-
 que eloquentiam, gentile domus nostrae bonum, varietate tem-
 porum accipere vel parare potuissem, satis habebam, si te-
 15 nues res meae nec mihi pudori nec cuiquam oneri forent.
 iussus ab imperatore uxorem duxi. en stirps et progenies
 tot consulum, tot dictatorum. nec ad invidiam ista, sed con-
 ciliandae misericordiae refero. adsequenter florente te, Cae-
 sar, quos dederis honores: interim Q. Hortensii pronepotes,
 20 divi Augusti alumnos ab inopia defende.'

38. Inclinatio senatus incitamentum Tiberio fuit quo prom-
 tius adversaretur, his ferme verbis usus: 'si quantum paupe-
 rum est venire huc et liberis suis petere pecunias coeperint,
 singuli numquam exsatiabuntur, res publica deficiet. nec sane
 5 ideo a maioribus concessum est egredi aliquando relationem
 et quod in commune conducat loco sententiae proferre, ut

36, 13 honorem Lipsius: honorum | 14 quintuplicari Lips.
 37, 1 quo Rhenanus: quod cf. 4, 31, 4 | 18 florente aetate P.
 Voss, Tidskr. f. Philol. 7, 101

privata negotia et res familiares nostras hic augeamus, cum
 invidia senatus et principum, sive indulserint largitionem sive
 abnuerint. non enim preces sunt istud, sed efflagitatio, in-
 tempestiva quidem et improvisa, cum aliis de rebus convene- 10
 rint patres, consurgere et numero atque aetate liberum suo-
 rum urgere modestiam senatus, eandem vim in me transmit-
 tere ac velut perfringere aerarium, quod si ambitione exhau-
 serimus, per scelera supplendum erit. dedit tibi, Hortale,
 divus Augustus pecuniam, sed non compellatus nec ea lege, 15
 ut semper daretur. languescet alioqui industria, intendetur
 socordia, si nullus ex se metus aut spes, et securi omnes
 aliena subsidia expectabunt, sibi ignavi, nobis graves.' haec
 atque talia, quamquam cum adsensu audita ab iis, quibus
 omnia principum, honesta atque inhonesta, laudare mos est, 20
 plures per silentium aut occultum murmur exceperunt. sensit-
 que Tiberius; et cum paulum reticisset, Hortalo se respon-
 disse ait: ceterum si patribus videretur, daturum liberis eius
 ducena sestertia singulis, qui sexus virilis essent. egere alii
 grates: siluit Hortalus, pavore an avitae nobilitatis etiam in- 25
 ter angustias fortunae retinens. neque miseratus est post-
 hac Tiberius, quamvis domus Hortensii pudendam ad inopiam
 delaberetur. *14. XII. 98.*

39. Eodem anno mancipii unius audacia, ni mature sub-
 ventum foret, discordiis armisque civilibus rem publicam per-
 culisset. Postumi Agrippae servus, nomine Clemens, conperto
 fine Augusti pergere in insulam Planasiam et fraude aut vi
 raptum Agrippam ferre ad exercitus Germanicos non servili 5
 animo concepit. ausa eius inpedivit tarditas onerariae navis:
 atque interim patrata caede ad maiora et magis praecipitia
 conversus furatur cineres vectusque Cosam Etruriae pro-
 munturium ignotis locis sese abdit, donec crinem barbamque
 promitteret: nam aetate et forma haud dissimili in dominum 10
 erat. tum per idoneos et secreti eius socios crebrescit vivere
 Agrippam, occultis primum sermonibus, ut vetita solent, mox

38, 12 transmittere margo: transmeri | 26 post haec
 Wölfflin | 28 dilabaretur, em. Ernesti | 39, 7 patrata Rhenanus:
 parata | 8 Cosam Lipsius: coram

vago rumore apud inperitissimi cuiusque promptas aures aut
rursum apud turbidos eoque nova cupientes. atque ipse adire
15 municipia obscuro diei, neque propalam aspici neque diutius
isdem locis, sed quia veritas visu et mora, falsa festinatione
et incertis valescunt, relinquebat famam aut praeveniebat.

40. Vulgabatur interim per Italiam servatum munere
deum Agrippam, credebatur Romae; iamque Ostiam in-
vectum multitudo ingens, iam in urbe clandestini coetus ce-
lebrabant, cum Tiberium anceps cura distrahere, vine mili-
5 tum servum suum coërceret an inanem credulitatem tempore
ipso vanescere sineret: modo nihil spernendum, modo non
omnia metuenda ambiguus pudoris ac metus reputabat. po-
stremo dat negotium Sallustio Crispo. ille e clientibus duos
(quidam milites fuisse tradunt) deligit atque hortatur, simu-
10 lata conscientia adeant, offerant pecuniam, fidem atque pe-
ricula polliceantur. exsequuntur ut iussum erat. dein specu-
lati noctem incustoditam, accepta idonea manu, vinctum
clauso ore in Palatium traxere. percontanti Tiberio, quo modo
Agrippa factus esset, respondisse fertur 'quo modo tu Cae-
15 sar.' ut ederet socios subigi non potuit. nec Tiberius poe-
nam eius palam ausus, in secreta Palatii parte interfici iussit
corpusque clam auferri. et quamquam multi e domo princi-
pis equitesque ac senatores sustentasse opibus, iuvisse con-
siliis dicerentur, haud quaesitum.

41. Fine anni arcus propter aedem Saturni ob recepta
signa cum Varo amissa ductu Germanici, auspiciis Tiberii, et
aedes Fortis Fortunae Tiberim iuxta in hortis, quos Caesar
dictator populo Romano legaverat, sacrarium genti Iuliae
5 effigiesque divo Augusto apud Bovillas dicantur.

C. Caelio L. Pomponio consulibus Germanicus Caesar
a. d. VII. Kal. Iunias triumphavit de Cheruscis Chattisque et
Angrivariis quaeque aliae nationes usque ad Albim colunt.
vecta spolia, captivi, simulacra montium, fluminum, proelio-
10 rum; bellumque, quia conficere prohibitus erat, pro confecto

40, 5 suum *del. Muretus* | 9 diligit, *fort. ex dilēgit* | 13
quonam modo *Wölfflin (Philol. 30, 744)* | 41, 6 Caecilio *Ver-*
tranius, cf. Nipp. adnot. | 7 a. d. *Lipsius: ad*

accipiebatur. augebat intuentium visus eximia ipsius species
currusque quinque liberis onustus. sed suberat occulta for-
mido, reputantibus haud prosperum in Druso patre eius favo-
rem vulgi, avunculum eiusdem Marcellum flagrantibus plebis
studiis intra iuventam ereptum, breves et infaustos populi
15 Romani amores.

42. Ceterum Tiberius nomine Germanici trecenos plebi
sestertios viritim dedit seque collegam consulatui eius desti-
navit. nec ideo sinceræ caritatis fidem adsecutus amoliri
iuvenem specie honoris statuit struxitque causas aut forte
oblata arripuit. rex Archelaus quinquagensimum annum 5
Cappadocia potiebatur, invisus Tiberio, quod eum Rhodi
agentem nullo officio coluisset. nec id Archelaus per super-
biam omiserat, sed ab intimis Augusti monitus, quia florente
Gaio Caesare missoque ad res Orientis intuta Tiberii amici-
tia credebatur. ut versa Caesarum subole imperium adeptus 10
est, elicit Archelaum matris litteris, quae non dissimulatis
filii offensionibus clementiam offerebat, si ad precandum ve-
niret. ille ignarus doli vel, si intellegere crederetur, vim
metuens in urbem properat; exceptusque immiti a principe et
15 mox accusatus in senatu, non ob crimina quae fingebantur,
sed angore, simul fessus senio et quia regibus aequa, nedum
infima insolita sunt, finem vitae sponte an fato implevit.
regnum in provinciam redactum est, fructibusque eius levari
posse centesimae vectigal professus Caesar ducentesimam
in posterum statuit. per idem tempus Antiocho Commageno- 20
rum, Philopatore Cilicum regibus defunctis turbabantur na-
tiones, plerisque Romanum, aliis regium imperium cupientibus;
et provinciae Suria atque Iudaea, fessae oneribus, de-
minutionem tributi orabant.

43. Igitur haec et de Armenia quae supra memoravi
apud patres disseruit, nec posse motum Orientem nisi Germa-
nici sapientia conponi: nam suam aetatem vergere, Drusi
nondum satis adolevisse. tunc decreto patrum permissae

41, 11 arrigebat *Haase* | 42, 12 ad deprecandum *Haase* |
13 ignarus *Rhenanus: gnarus*

5 Germanico provinciae, quae mari dividuntur, maiusque imperium, quoquo adisset, quam iis, qui sorte aut missu principis obtinerent. sed Tiberius demoverat Suria Creticum Silanum, per adfinitatem conexum Germanico, quia Silani filia Neroni vetustissimo liberorum eius pacta erat, praefeceratque Cn. Pisonem, ingenio violentum et obsequii ignarum, insita ferocia a patre Pisone, qui civili bello resurgentes in Africa partes acerrimo ministerio adversus Caesarem iuvit, mox Brutum et Cassium secutus concesso reditu petitione honorum abstinuit, donec ultro ambiretur delatum ab Augusto consulatum accipere. sed praeter paternos spiritus uxoris quoque Plancinae nobilitate et opibus accendebatur; vix Tiberio concedere, liberos eius ut multum infra despectare. nec dubium habebat se delectum, qui Suriae impone-
retur ad spes Germanici coërcendas. credidere quidam data et a Tiberio occulta mandata; et Plancinam haud dubie Augusta monuit aemulatione muliebri Agrippinam insectandi. divisa namque et discors aula erat tacitis in Drusum aut Germanicum studiis. Tiberius ut proprium et sui sanguinis Drusum fovebat: Germanico alienatio patrum amorem apud ceteros auxerat, et quia claritudine materni generis anteibat, avum M. Antonium, avunculum Augustum ferens. contra Druso proavus eques Romanus Pomponius Atticus dedecere Claudiorum imagines videbatur: et coniunx Germanici Agrippina fecunditate ac fama Liviam uxorem Drusi praecellebat.
sed fratres egregie concordēs et proximorum certaminibus inconcussi. 17. 20. 98.

44. Nec multo post Drusus in Illyricum missus est, ut suesceret militiae studiaque exercitus pararet; simul iuvenem urbano luxu lascivientem melius in castris haberi Tiberius seque tutiorem rebatur utroque filio legiones obtinente. sed Suebi praetendebantur auxilium adversus Cheruscos orantes; nam discessu Romanorum ac vacui externo metu gentis adsuetudine et tum aemulatione gloriae arma in se ver-

43, 21 insectans *Madvig*; insectari ipse malim | 25 materni *Rhenanus*: mater | 44, 6 [ac] *Orelli* | 7 et *Ernestio* suspectum erat, at est et tum nostrum und damals noch, ut 3, 18. 4, 28. 11, 12 etc.

terant. vis nationum, virtus ducum in aequo; set Maroboduum regis nomen invisum apud populares, Arminium pro libertate bellantem favor habebat.

45. Igitur non modo Cherusci sociique eorum, vetus Arminii miles, sumpsere bellum, sed e regno etiam Marobodui Suebae gentes, Semnones ac Langobardi, defecere ad eum. quibus additis praepollebat, ni Inguiomerus cum manu clientium ad Maroboduum perfugisset, non aliam ob causam, quam quia fratris filio iuveni patruus senex parere dedignabatur. deriguntur acies, pari utrimque spe, nec, ut olim apud Germanos, vagis incursibus aut disiectas per catervas: quippe longa adversum nos militia insueverant sequi signa, subsidiis firmari, dicta imperatorum accipere. ac tunc Arminius equo conlustrans cuncta, ut quosque advectus erat, reciperatam libertatem, trucidatas legiones, spolia adhuc et tela Romanis derepta in manibus multorum ostentabat; contra fugacem Maroboduum appellans, proeliorum expertem, Hercyniae latebris defensum; ac mox per dona et legationes petivisse foedus, proditorem patriae, satellitem Caesaris, haud minus infensis animis exturbandum, quam Varum Quintilium interfecerint. meminissent modo tot proeliorum, quorum eventu et ad postremum eiectis Romanis satis probatum, penes utros summa belli fuerit.

46. Neque Maroboduus iactantia sui aut probris in hostem abstinebat, sed Inguiomerum tenens illo in corpore decus omne Cheruscorum, illius consiliis gesta quae prospere ceciderint testabatur: vaecordem Arminium et rerum nescium alienam gloriam in se trahere, quoniam tres vagas legiones et ducem fraudis ignarum perfidia deceperit, magna cum clade Germaniae et ignominia sua, cum coniunx, cum filius eius servitium adhuc tolerent. at se duodecim legionibus petitem duce Tiberio inlibatam Germanorum gloriam servavisse, mox condicionibus aequis discessum; neque paenitere quod ipsorum in manu sit, integrum adversum Romanos bellum an pacem incruentam malint. his vocibus in-

46, 5 vagas *Draeger*: uacuas
TACITI PARS I.

inctos exercitus propriae quoque causae stimulabant, cum a Cheruscis Langobardisque pro antiquo decore aut recenti
 15 libertate et contra augendae dominationi certaretur. non alias maiore mole concursum neque ambiguo magis eventu, fuis utrimque dextris cornibus; sperabaturque rursus pugna, ni Maroboduus castra in colles subduxisset. id signum percussi fuit; et transfugiis paulatim nudatus in Marcomanos concessit misitque legatos ad Tiberium oraturos auxilia.
 20 responsum est non iure eum adversus Cheruscos arma Romana invocare, qui pugnantis in eundem hostem Romanos nulla ope iuvisset. missus tamen Drusus, ut rettulimus, paci firmator.

47. Eodem anno duodecim celebres Asiae urbes conlapsae nocturno motu terrae, quo inprovisior graviorque pestis fuit, neque solitum in tali casu effugium subveniebat, in aperta prorumpendi, quia diductis terris hauriebantur. sedisse inmensos montes, visa in arduo quae plana fuerint, effulsisse inter ruinam ignes memorant. asperima in Sardonios lues plurimum in eosdem misericordiae traxit: nam centiens sestertium pollicitus Caesar, et quantum aerario aut fisco pendebant, in quinquennium remisit. Magnetes a Sipylo proximi damno ac remedio habiti. Temnios, Philadelphenos, Aegeatas, Apollonidenses, quique Mosteni aut Macedones Hyrcani vocantur, et Hierocaesariam, Myrinam, Cymen, Tmolium levati idem in tempus tributis mitique ex senatu placuit, qui praesentia spectaret refoveretque. delectus est M. Ateius e praetoriis, ne consulari obtinente Asiam aemulatio inter pares et ex eo impedimentum oreretur.

48. Magnificam in publicum largitionem auxit Caesar

46, 14 recente, em. Lips. | 19 marcomannos, sed 2, 62 marcomanorum, ut codd. Germ. 42 et monum. Ancy. tab. 6, 3 (p. LXXXII ed. Momms.), Stat. Silv. 3, 3, 170 quae modo Marcomanos post horrida bella vagosque etc. | 47, 4 deductis | 5 enisa in arduum Heinsius | 11 Apollonidenses Ernesti: apollonienses | 12 aut] et qui Freinsheim, at v. ad 1, 16, 6 | 15 Ateius Mommsen: aletus (Aletius Orelli)

haud minus grata liberalitate, quod bona Aemiliae Musae, locupletis intestatae, petita in fiscum, Aemilio Lepido, cuius e domo videbatur, et Patulei divitis equitis Romani hereditatem, quamquam ipse heres in parte legeretur, tradidit M. Servilio, quem prioribus neque suspectis tabulis scriptum compererat, nobilitatem utriusque pecunia iuvandam praefatus. neque hereditatem cuiusquam adiit nisi cum amicitia meruisset: ignotos et aliis infensos eoque principem nuncupantes procul arcebat. ceterum ut honestam innocentium
 19 paupertatem levavit, ita prodigos et ob flagitia egentes, Vibidium Virronem, Marium Nepotem, Appium Appianum, Cornelium Sullam, Q. Vitellium movit senatu aut sponte cedere passus est.

49. Isdem temporibus deum aedes vetustate aut igni abolitas coeptasque ab Augusto dedicavit, Libero Liberaeque et Cereri iuxta circum maximum, quam A. Postumius dictator voverat, eodemque in loco aedem Florae ab Lucio et Marco Publiciis aedilibus constitutam, et Iano templum, quod apud
 5 forum holitorium C. Duilius struxerat, qui primus rem Romanam prospere mari gessit triumphumque navalem de Poenis meruit. Spei aedes a Germanico sacratur: hanc A. Atilius voverat eodem bello.

50. Adolescebat interea lex maiestatis. et Appuleiam Varillam, sororis Augusti neptem, quia probrosis sermonibus divum Augustum ac Tiberium et matrem eius inlusisset Caesarique conexa adulterio teneretur, maiestatis delator arcessebat. de adulterio satis caveri lege Iulia visum: maiestatis crimen distingui Caesar postulavit damnarique, si qua de Augusto inreligiose dixisset: in se iacta nolle ad cognitionem vocari. interrogatus a consule, quid de iis censeret, quae de matre eius locuta secus argueretur, reticuit; dein proximo senatus die illius quoque nomine oravit, ne
 10 cui verba in eam quoquo modo habita crimini forent. liberavitque Appuleiam lege maiestatis: adulterii graviorem poe-

48, 12 Virronem Nipperdey: uarronem, cf. Nipp. ad XI, 32 | 49, 3 quam Lipsius: quas | 6 duilius | 8 a] in | A. Atilius Nipperdey: iatillius | 50, 2 uarilliam, em. Furlanetto

nam deprecatus, ut exemplo maiorum propinquis suis ultra ducentesimum lapidem removeretur suasit. adultero Manlio Italia atque Africa interdictum est.

51. De praetore in locum Vipstani Galli, quem mors abstulerat, subrogando certamen incessit. Germanicus atque Drusus (nam etiam tum Romae erant) Haterium Agrippam propinquum Germanici fovebant: contra plerique nitebantur, ut numerus liberorum in candidatis praepolleret, quod lex iubebat. laetabatur Tiberius, cum inter filios eius et leges senatus disceptaret. victa est sine dubio lex, sed neque statim et paucis suffragiis, quo modo etiam, cum valerent, leges vincebantur.

52. Eodem anno coeptum in Africa bellum, duce hostium Tacfarinate. is natione Numida, in castris Romanis auxiliaria stipendia meritis, mox desertor, vagos primum et latrocinii suetos ad praedam et raptus congregare, dein more militiae per vexilla et turmas componere, postremo non inconditae turbae, sed Musulamiorum dux haberi. valida ea gens et solitudinibus Africae propinqua, nullo etiam tum urbium cultu, cepit arma Maurosque accolae in bellum traxit: dux et his, Mazippa. divisusque exercitus, ut Tacfarinas lectos viros et Romanum in modum armatos castris attineret, disciplinae et imperiis suesceret, Mazippa levi cum copia incendia et caedes et terrorem circumferret. compulerantque Cinithios, haud spernendam nationem, in eadem, cum Furius Camillus pro consule Africae legionem et quod sub signis sociorum in unum conductos ad hostem duxit, modicam manum, si multitudinem Numidarum atque Maurorum spectares; sed nihil aequae cavebatur quam ne bellum metu eluderent: spe victoriae inducti sunt ut vincerentur. igitur legio medio, leves cohortes duaeque alae in cornibus locantur. nec Tacfarinas pugnam detrectavit. fusi Numidae, multosque post annos Furio nomini partum decus militiae. nam post illum recipe-

52, 2 auxiliarius *Lipsius* | 6 Musulamiorum *Bekker*: musula maiorum | valide agens | 10 disciplinae *Pichena*: disciplina *cf* 1, 31, 2, 44, 13, 42, 15, 31. *H.* 2, 32 | 12 cinitios

ratorem urbis filiumque eius Camillum penes alias familias imperatoria laus fuerat; atque hic, quem memoramus, bellorum expers habebatur. eo pronior Tiberius res gestas apud senatum celebravit; et decrevere patres triumphalia insignia, quod Camillo ob modestiam vitae impune fuit.

53. Sequens annus Tiberium tertio, Germanicum iterum consules habuit. sed eum honorem Germanicus iniiit apud urbem Achaiae Nicopolim, quo venerat per Illyricam oram viso fratre Druso in Delmatia agente, Hadriatici ac mox Ionii maris adversam navigationem perpessus. igitur paucos dies insumpsit reficiendae classi; simul sinus Actiaca victoria inclutos et sacratas ab Augusto manubias castraque Antonii cum recordatione maiorum suorum adiit. namque ei, ut memoravi, avunculus Augustus, avus Antonius erant, magna- que illic imago tristium laetorumque. hinc ventum Athenas, foederique sociae et vetustae urbis datum, ut uno lictore uteretur. excepere Graeci quaesitissimis honoribus, vetera suorum facta dictaque praeferentes, quo plus dignationis adulatio haberet.

54. Petita inde Euboea tramisit Lesbum, ubi Agrippina novissimo partu Iuliam edidit. tum extrema Asiae Perinthumque ac Byzantium, Thraecias urbes, mox Propontidis angustias et os Ponticum intrat, cupidine veteres locos et fama celebratos noscendi; pariterque provincias internis certaminibus aut magistratuum iniuriis fessas refovebat. atque illum in regressu sacra Samothracum visere nitentem obvii aquilones depulere. igitur adito Ilio quaeque ibi varietate fortunae et nostri origine veneranda, relegit Asiam adpellitque Colophona, ut Clarii Apollinis oraculo uteretur. non femina illic, ut apud Delphos, sed certis e familiis et ferme Mileto accitus sacerdos numerum modo consultantium et nomina audit; tum in specum degressus, hausta fontis arcani aqua, ignarus plerumque litterarum et carminum edit responsa versibus compositis super rebus, quas quis mente

53, 1 tertium *Nipperdey*, *cf.* *Sirker Tacit. Formenl. p. 63* | 12 excipere | 54, 8 adito Ilio *Sev. Vater*: alio

conceptit. et ferebatur Germanico per ambages, ut mos oraculis, maturum exitum cecinisse.

55. At Cn. Piso, quo properantius destinata inciperet, civitatem Atheniensium turbido incessu exterritam oratione saeva increpat, oblique Germanicum perstringens, quod contra decus Romani nominis non Athenienses tot cladibus extinctos, sed conluviem illam nationum comitate nimia coluisset: hos enim esse Mithridatis adversus Sullam, Antonii adversus divum Augustum socios. etiam vetera obiectabat, quae in Macedones inprosperare, violenter in suos fecissent, offensus urbi propria quoque ira, quia Theophilum quendam Areo iudicio falsi damnatum precibus suis non concederent. exim navigatione celeri per Cycladas et compendia maris adsequitur Germanicum apud insulam Rhodum, haud nescium quibus insectationibus petitus foret: sed tanta mansuetudine agebat, ut, cum orta tempestas raperet in abrupta possetque interitus inimici ad casum referri, miserit triremis, quarum subsidio discrimini eximeretur. neque tamen mitigatus Piso, et vix diei moram perpessus linquit Germanicum praeventique. et postquam Suriam ac legiones attigit, largitione, ambitu, infimos manipularium iuvando, cum veteres centuriones, severos tribunos demoveret locaque eorum clientibus suis vel deterrimo cuique attribueret, desidiam in castris, licentiam in urbibus, vagum ac lascivientem per agros militem sineret, eo usque corruptionis proventus est, ut sermone vulgi parens legionum haberetur. nec Plancina se intra decora feminis tenebat, sed exercitio equitum, decursibus cohortium interesse, in Agrippinam, in Germanicum contumelias iacere, quibusdam etiam bonorum militum ad mala obsequia promptis, quod haud invito imperatore ea fieri occultus rumor incedebat. nota haec Germanico, sed praeverti ad Armenios instantior cura fuit.

56. Ambigua gens ea antiquitus hominum ingeniis et situ terrarum, quoniam nostris provinciis late praetenta pe-

54, 17 exitum *Heracius coll. c. 71 praematurato exitu* | 55, 29 *incidebat, em. Lipsius* | 56, 1 et *Pichena*: sed

nitus ad Medos porrigitur; maximisque imperiis interiecti et saepius discordes sunt, adversus Romanos odio et in Parthum invidia. regem illa tempestate non habebant, amoto Vonone: sed favor nationis inclinabat in Zenonem, Polemonis regis Pontici filium, quod is prima ab infantia instituta et cultum Armeniorum aemulatus, venatu epulis et quae alia barbari celebrant, proceres plebemque iuxta devinxerat. igitur Germanicus in urbe Artaxata adprobantibus nobilibus, circumfusa multitudine, insigne regium capiti eius imposuit. ceteri venerantes regem Artaxiam consalutavere, quod illi vocabulum indiderant ex nomine urbis. at Cappadoces in formam provinciae redacti Q. Veranium legatum acceperere; et quaedam ex regis tributis deminuta, quo mitius Romanum imperium speraretur. Commagenis Q. Servaeus praepositus, tum primum ad ius praetoris translatis.

57. Cunctaque socialia prospere composita non ideo laetum Germanicum habebant ob superbiam Pisonis, qui iussus partem legionum ipse aut per filium in Armeniam ducere utrumque neglexerat. Cyrrhi demum apud hiberna decumae legionis convenere, firmato vultu, Piso adversus metum, Germanicus, ne minari crederetur; et erat, ut rettuli, clementior. sed amici accendendis offensionibus callidi intendere vera, adgerere falsa ipsumque et Plancinam et filios variis modis criminari. postremo paucis familiarium adhibitis sermo coeptus a Caesare, qualem ira et dissimulatio gignit, responsum a Pisone precibus contumacibus; disceseruntque apertis odiis. post quae rarus in tribunali Caesaris Piso, et si quando adsideret, atrox ac dissentire manifestus. vox quoque eius audita est in convivio, cum apud regem Nabataeorum coronae aureae magno pondere Caesari et Agrippinae, leves Pisoni et ceteris offerrentur, principis Romani, non Parthi regis filio eas epulas dari; abiecitque simul

56, 12 *infra c. 64 Artaxian* | 13 *Cappadoces et Cilices J. Steup Mus. rhen. 24, 76 not.* | 16 *Servaeus Lipsius: seruaeius* | 57, 5 *conuenire, em. Rhenanus* | 8 *filium Lipsius* | 11 *disceserantque, em. Pichena* | 12 *apertis Lipsius: opertis* | post quae *Muretus: postque, cf. Wölfflin in Philol. 25, 107*

coronam et multa in luxum addidit, quae Germanico quamquam acerba tolerabantur tamen.

22. 87. 98. *ly*
 58. Inter quae ab rege Parthorum Artabano legati venerunt. miserat amicitiam ac foedus memoraturos, et cupere renovari dextras, daturumque honori Germanici, ut ripam Euphratis accederet: petere interim, ne Vonones in Suria haberetur neu proceres gentium propinquis nuntiis ad discordias traheret. ad ea Germanicus de societate Romanorum Parthorumque magnifice, de adventu regis et cultu sui cum decore ac modestia respondit. Vonones Pompeiopolim, Ciliciae maritimam urbem, amotus est. datum id non modo precibus Artabani, sed contumeliae Pisonis, cui gratissimus erat ob plurima officia et dona, quibus Plancinam devinxerat.

59. M. Silano L. Norbano consulibus Germanicus Aegyptum proficiscitur cognoscendae antiquitatis. sed cura provinciae praetendebatur, levavitque apertis horreis pretia frugum multaque in vulgus grata usurpavit: sine milite incedere, pedibus intactis et pari cum Graecis amictu, P. Scipionis aemulatione, quem eadem facitavisse apud Siciliam, quamvis flagrante adhuc Poenorum bello, accepimus. Tiberius cultu habituque eius lenibus verbis perstricto, acerrime increpuit, quod contra instituta Augusti non sponte principis Alexandriam introisset. nam Augustus inter alia dominationis arcana, vetitis nisi permissu ingredi senatoribus aut equitibus Romanis inlustribus, seposuit Aegyptum, ne fame urgeret Italiam, quisquis eam provinciam claustraque terrae ac maris quamvis levi praesidio adversum ingentes exercitus insedisset.

60. Sed Germanicus nondum comperto profectionem eam incusari Nilo subvehebatur, orsus oppido a Canopo. condidit id Spartani ob sepultum illic rectorem navis Canopum, qua tempestate Menelaus Graeciam repetens diversum ad mare terramque Libyam deiectus est. inde proximum amnis os dicatum Herculi, quem indigenae ortum apud se et

c. 59—61 post cap. 67 transponenda censet J. Steup *Mus. rhein.* 24, 72 sqq. | 59, 11 permissu suo Ed. Wurm | 60, 5 deiectus Jac. Gronovius: delectus | est add. Pichena



antiquissimum perhibent eosque, qui postea pari virtute fuerint, in cognomentum eius adscitos; mox visit veterum Thebarum magna vestigia. et manebant structis molibus litterae Aegyptiae, priorem opulentiam complexae: iussusque e senioribus sacerdotum patrium sermonem interpretari, referebat habitasse quondam septingenta milia aetate militari, atque eo cum exercitu regem Rhamsen Libya Aethiopia Medisque et Persis et Bactriano ac Scythia potitum quasque terras Suri Armeniique et contigui Cappadoces colunt, inde Bithynum, hinc Lycium ad mare imperio tenuisse. legebantur et indicta gentibus tributa, pondus argenti et auri, numerus armorum equorumque et dona templis ebur atque odores, quasque copias frumenti et omnium utensilium quaeque natio penderet, haud minus magnifica, quam nunc vi Parthorum aut potentia Romana iubentur. *4. J. 1899.*

61. Ceterum Germanicus aliis quoque miraculis intendit animum, quorum praecipua fuere Memnonis saxea effigies, ubi radiis solis icta est, vocalem sonum reddens, disiectaque inter et vix pervias arenas instar montium eductae pyramides certamine et opibus regum, lacusque effossa humo, superfluentis Nili receptacula; atque alibi angustiae et profunda altitudo, nullis inquirentium spatiis penetrabilis. eximium Elephantinen ac Syenen, claustra olim Romani imperii, quod nunc rubrum ad mare patescit.

62. Dum ea aestas Germanico plures per provincias transigitur, haud leve decus Drusus quaesivit inciciens Germanos ad discordias utque fracto iam Maroboduus usque in exitum insisteretur. erat inter Gotones nobilis iuvenis nomine Catualda, profugus olim vi Marobodui et tunc dubiis rebus eius ultionem ausus. is valida manu fines Marcomanorum ingreditur corruptisque primoribus ad societatem inrumpit regiam castellumque iuxta situm. veteres illic Sueborum praedae et nostris e provinciis lixae ac negotiatores reperti, quos ius commercii, dein cupido augendi pecuniam, postre-

60, 16 Lycium Lipsius: lycum | 61, 7 penetrabiles, em. Lipsius | 62, 10 postremo Wölfflin *Philol.* 27, 119

num oblivio patriae suis quemque ab sedibus hostilem in agrum transtulerat.

63. Maroboduus undique deserto non aliud subsidium quam misericordia Caesaris fuit. transgressus Danuvium, qua Noricam provinciam praefluit, scripsit Tiberio non ut profugus aut supplex, sed ex memoria prioris fortunae: nam multis nationibus clarissimum quondam regem ad se vocantibus Romanam amicitiam praetulisse. responsum a Caesare tutam ei honoratamque sedem in Italia fore, si maneret: sin rebus eius aliud conduceret, abiturum fide qua venisset. ceterum apud senatum disseruit non Philippum Atheniensibus, non Pyrrum aut Antiochum populo Romano perinde metuendos fuisse. extat oratio, qua magnitudinem viri, violentiam subiectarum ei gentium et quam propinquus Italiae hostis, suaque in destruendo eo consilia extulit. et Maroboduus quidem Ravennae habitus, si quando insolescerent Suebi, quasi rediturus in regnum ostentabatur: sed non excessit Italia per duodeviginti annos consenuitque multum imminuta claritate ob nimiam vivendi cupidinem. idem Cautaldae casus neque aliud per fugium. pulsus haud multo post Hermundurorum opibus et Vibilio duce receptusque, Forum Iulium, Narbonensis Galliae coloniam, mittitur. barbari utrumque comitati, ne quietas provincias immixti turbarent, Danuvium ultra inter flumina Marum et Casum locantur, dato rege Vannio gentis Quadorum.

64. Simul nuntiato regem Artaxian Armeniis a Germanico datum, decrevere patres ut Germanicus atque Drusus ovantes urbem introirent. structi et arcus circum latera templi Martis Ultoris cum effigie Caesarum, laetiore Tiberio, quia pacem sapientia firmaverat, quam si bellum per acies confecisset. igitur Rhescuporim quoque, Thraeciae regem, astu adgreditur. omnem eam nationem Rhoemetalces tenuerat; quo defuncto Augustus partem Thraecum Rhescuporidi fratri eius, partem filio Cotyi permisit. in ea divisione arva

62, 12 transtulat, em. Ernesti | 63, 14 si *Rhenanus*: nesi (inde si *Weissenborn*) | 15 rediturus *Rhenanus*: reditus

et urbes et vicina Graecis Cotyi, quod incultum, ferox, adnexum hostibus, Rhescuporidi cessit: ipsorumque regum ingenia, illi mite et amoenum, huic atrox, avidum et societatis inpatiens erat. sed primo subdola concordia egere: mox Rhescuporis egredi fines, vertere in se Cotyi data et resistenti vim facere, cunctanter sub Augusto, quem auctorem utriusque regni, si sperneretur, vindicem metuebat. enimvero audita mutatione principis inmittere latronum globos, excindere castella, causas bello.

65. Nihil aequae Tiberium anxium habebat, quam ne composita turbarentur. deligit centurionem, qui nuntiaret regibus ne armis disceptarent; statimque a Cotye dimissa sunt quae paraverat auxilia. Rhescuporis ficta modestia postulat eundem in locum coiretur: posse de controversiis conloquio transigi. nec diu dubitatum de tempore, loco, dein conditionibus, cum alter facilitate, alter fraude cuncta inter se concederent acciperentque. Rhescuporis sanciendo, ut dictitabat, foederi convivium adicit, tractaque in multam noctem laetitiam per epulas ac vinolentiam incautum Cotyn et, postquam dolum intellexerat, sacra regni, eiusdem familiae deos et hospitalis mensas obstantem catenis onerat. Thraeciaeque omni potitus scripsit ad Tiberium structas sibi insidias, praeventum insidiatorem; simul bellum adversus Bastarnas Scythasque praetendens novis peditum et equitum copiis sese firmabat. molliter rescriptum, si fraus abesset, posse eum innocentiae fidere; ceterum neque se neque senatum nisi cognita causa ius et iniuriam discreturos: proinde tradito Cotye veniret transferretque invidiam criminis.

66. Eas litteras Latinus Pandusa pro praetore Moesiae cum militibus, quis Cotys traderetur, in Thraeciam misit. Rhescuporis inter metum et iram cunctatus maluit patrati quam incepti facinoris reus esse: occidi Cotyn iubet mortemque sponte sumptam ementitur. nec tamen Caesar placitas semel artis mutavit, sed defuncto Pandusa, quem sibi infen-

64, 14 resistenti vim *Rhenanus*: resistentium | 65, 14 Bastarnas *idem*: bastarnas, cf. *Germ. 46. mon. Ancyr. 5, 52* | 66, 1 et 6 Pandusa *Nipperdey*: pandus et padusa | 4 coty cf. c. 65, 10

sum Rhescuporis arguebat, Pomponium Flaccum, veterem stipendiis et arta cum rege amicitia eoque accommodatiorem ad fallendum, ob id maxime Moesiae praefecit.

67. Flaccus in Thraeciam transgressus per ingentia promissa quamvis ambiguum et scelera sua reputantem perpulit ut praesidia Romana intraret. circumdata hinc regi specie honoris valida manus, tribunique et centuriones monendo, suadendo, et quanto longius abscedebatur, apertiore custodia, postremo gnarum necessitatis in urbem traxere. accusatus in senatu ab uxore Cotyis damnatur, ut procul regno teneretur. Thraecia in Rhoemetalcen filium, quem paternis consiliis adversatum constabat, inque liberos Cotyis dividitur; iisque nondum adultis Trebellenus Rufus praetura functus datur, qui regnum interim tractaret, exemplo quo maiores M. Lepidum Ptolemaei liberis tutorem in Aegyptum miserant. Rhescuporis Alexandriam devectus atque illic fugam temptans an ficto crimine interficitur.

68. Per idem tempus Vonones, quem amotum in Ciliciam memoravi, corruptis custodibus effugere ad Armenios, inde Albanos Heniochosque et consanguineum sibi regem Scytharum conatus est. specie venandi omissis maritimis locis avia saltuum petiit, mox pernicitate equi ad amnem Pyramum contendit, cuius pontes accolae ruperant audita regis fuga, neque vado penetrari poterat. igitur in ripa fluminis a Vibio Frontone praefecto equitum vincitur, mox Remmius evocatus, priori custodiae regis adpositus, quasi per iram gladio eum transigit. unde maior fides conscientia sceleris et metu indicii mortem Vononi inlatam.

69. At Germanicus Aegypto remeans cuncta, quae apud legiones aut urbes iusserat, abolita vel in contrarium versa cognoscit. hinc graves in Pisonem contumeliae, nec minus acerba quae ab illo in Caesarem intentabantur. dein Piso abire Suria statuit. mox adversa Germanici valetudine deten-

67, 7 et 9 cotys | 68, 2 inde *Wopkens*: inde in (dein *Haase*, at v. *Wölflin* in *Philol.* 25, 106) | 69, 4 intentabantur *Wurm*: temptabantur

tus, ubi recreatum accepit votaue pro incolumitate solvebantur, admotas hostias, sacrificalem apparatus, festam Antiochensium plebem per lictores proturbat. tum Seleuciam degreditur, opperiens aegritudinem, quae rursus Germanico acciderat. saevam vim morbi augebat persuasio veneni a Pisone accepti; et reperiebantur solo ac parietibus erutae humanorum corporum reliquiae, carmina et devotiones et nomen Germanici plumbeis tabulis insculptum, semusti cineres ac tabo oblitae aliaeque malefica, quis creditur animas numinibus infernis sacrari. simul missi a Pisone incusabantur ut valetudinis adversa rimantes.

70. Ea Germanico haud minus ira quam per metum accepta. si limen obsideretur, si effundendus spiritus sub oculis inimicorum foret, quid deinde miserrimae coniugi, quid infantibus liberis eventurum? lenta videri veneficia: festinare et arguere, ut provinciam, ut legiones solus habeat. sed non usque eo defectum Germanicum, neque praemia caedis apud interfectorem mansura. componit epistulas, quis amicitiam ei renuntiabat: addunt plerique iussum provincia decedere. nec Piso moratus ultra navis solvit, moderabaturque cursui, quo propius regrederetur, si mors Germanici Suriam aperuisset.

71. Caesar paulisper ad spem erectus, dein fesso corpore, ubi finis aderat, adsistentes amicos in hunc modum adloquitur: 'si fato concederem, iustus mihi dolor etiam adversus deos esset, quod me parentibus liberis patriae intra iuventam praemature exitu raperent: nunc scelere Pisonis et Plancinae interceptus ultimas preces pectoribus vestris relinquo: referatis patri ac fratri, quibus acerbitatibus dilaceratus, quibus insidiis circumventus miserrimam vitam pessima morte finierim. si quos spes meae, si quos propinquus sanguis, etiam quos invidia erga viventem movebat, inlacrimabunt quondam florentem et tot bellorum superstitem mu-

69, 8 digreditur *Lipsius* | 14 tabe, em. *Lipsius* | maleficia *Beroaldus* | 70, 9 nec ipso | 10 quo *Lipsius*: qui | 71, 9 propinquos

libri fraude cecidisse. erit vobis locus querendi apud senatum, invocandi leges. non hoc praecipuum amicorum munus est, prosequi defunctum ignavo questu, sed quae voluerit
 15 meminisse, quae mandaverit exsequi. flebunt Germanicum etiam ignoti: vindicabitis vos, si me potius quam fortunam meam fovebatis. ostendite populo Romano divi Augusti neptem eandemque coniugem meam, numerate sex liberos. misericordia cum accusantibus erit, fingentibusque scelestamandata aut non credent homines aut non ignoscent. iurare amici, dextram morientis contingentes, spiritum ante quam ultionem amissuros.

72. Tum ad uxorem versus per memoriam sui, per communes liberos oravit, exueret ferociam, saevienti fortunae submitteret animum, neu regressa in urbem aemulatione potentiae validiores irritaret. haec palam et alia secreto, per
 5 quae ostendere credebatur metum ex Tiberio. neque multo post extinguitur, ingenti luctu provinciae et circumiacentium populorum. indoluere exterae nationes regesque: tanta illi comitas in socios, mansuetudo in hostis; visuque et auditu iuxta venerabilis, cum magnitudinem et gravitatem summae
 10 fortunae retineret, invidiam et adrogantiam effugerat.

73. Funus sine imaginibus et pompa per laudes ac memoriam virtutum eius celebre fuit. et erant qui formam, aetatem, genus mortis ob propinquitatem etiam locorum, in quibus interit, magni Alexandri fati adaequarent. nam
 5 utrumque corpore decoro, genere insigni, haud multum triginta annos egressum, suorum insidiis externas inter gentes occidisse: sed hunc mitem erga amicos, modicum voluptatum, uno matrimonio, certis liberis egisse, neque minus proeliatorem, etiam si temeritas a fuerit praepeditusque sit percussas tot victoriis Germanias servitio premere. quod si solus
 10 arbiter rerum, si iure et nomine regio fuisset, tanto promptius adsecuturum gloriam militiae, quantum clementia, temperantia, ceteris bonis artibus praestitisset. corpus antequam cremaretur nudatum in foro Antiochensium, qui locus sepulturae destinabatur, praetuleritne veneficii signa, parum constat; nam ut quis misericordia in Germanicum et praesumpta

suspicione aut favore in Pisonem pronior, diversi interpretabantur.

74. Consultatum inde inter legatos quique alii senatorum aderant, quisnam Suriae praeficeretur. et ceteris modice
 5 nis, inter Vibium Marsum et Cn. Sentium diu quaesitum: dein Marsus seniori et acrius tendenti Sentio concessit. isque infamem veneficiis ea in provincia et Plancinae per
 5 caram nomine Martinam in urbem misit, postulantis Vitellio ac Veranio ceterisque, qui crimina et accusationem tamquam adversus receptos iam reos instruebant.

75. At Agrippina, quamquam defessa luctu et corpore aegro, omnium tamen quae ultionem morarentur intolerans, ascendit classem cum cineribus Germanici et liberis, miserantibus cunctis, quod femina nobilitate princeps, pulcherrimo modo matrimonio inter venerantis gratantisque aspici
 5 solita, tunc feralis reliquias sinu ferret, incerta ultionis, anxia sui et infelici fecunditate fortunae totiens obnoxia. Pisonem interim apud Coum insulam nuntius adsequitur excessisse Germanicum. quo intemperanter accepto caedit victimas, adit templa, neque ipse gaudium moderans et magis
 10 insolescente Plancina, quae luctum amissae sororis tum primum laeto cultu mutavit.

76. Adfluebant centuriones monebantque prompta illi legionum studia: repeteret provinciam non iure ablatam et vacuum. igitur quid agendum consultant M. Piso filius properandum in urbem censebat: nihil adhuc inexpiabile admissum, neque suspiciones inbecillas aut inania famae pertimescenda. discordiam erga Germanicum odio fortasse dignam, non poena; et ademptione provinciae satis factum inimicis. quod si regrederetur, obsistente Sentio civile bellum incipi; nec duraturos in partibus centuriones militesque, apud quos recens imperatoris sui memoria et penitus infixus in Caesa
 10 res amor praevaleat.

77. Contra Domitius Celer, ex intima eius amicitia, disseruit utendum eventu: Pisonem, non Sentium Suriae praepo-

situm; huic fasces et ius praetoris, huic legiones datas. si
 quid hostile ingruat, quem iustius arma oppositurum, *quam*
 5 qui legati auctoritatem et propria mandata acceperit? relin-
 quendum etiam rumoribus tempus, quo senescant: plerumque
 innocentes recenti invidiae inpares. at si teneat exercitum,
 augeat vires, multa, quae provideri non possint, fortuito in
 melius casura. 'an festinamus cum Germanici cineribus ad-
 10 pellere, ut te inauditum et indefensum planctus Agrippinae
 ac vulgus imperitum primo rumore rapiant? est tibi Augustae
 conscientia, est Caesaris favor, sed in occulto; et perisse
 Germanicum nulli iactantius maerent quam qui maxime lae-
 tantur.'

78. Haud magna mole Piso, promptus ferocibus, in sen-
 tentiam trahitur missisque ad Tiberium epistulis incusat Ger-
 manicum luxus et superbiae; seque pulsum, ut locus rebus
 novis patefieret, curam exercitus eadem fide qua tenuerit re-
 5 petivisse. simul Domitium inpositum triremi vitare litorum
 oram praeterque insulas lato mari pergere in Suriam iubet.
 concurrentes desertores per manipulos conponit, armat lixas
 traiectisque in continentem navibus vexillum tironum in Su-
 riam euntium intercipit, regulis Cilicum ut se auxiliis iuva-
 10 rent scribit, haud ignavo ad ministeria belli iuvene Pisone,
 quamquam suscipiendum bellum abnuisset.

79. Igitur oram Lyciae ac Pamphyliae praelegentes, ob-
 viis navibus quae Agrippinam vehebant, utrimque infensi
 arma primo expedire: dein mutua formidine non ultra iur-
 gium processum est, Marsusque Vibius nuntiavit Pisoni Ro-
 5 mam ad dicendam causam venire. ille eludens respondit ad-
 futurum, ubi praetor, qui de veneficiis quaereret, reo atque
 accusatoribus diem prodixisset. interim Domitius Laodiciam
 urbem Suriae adpulsus, cum hiberna sextae legionis peteret,
 quod eam maxime novis consiliis idoneam rebatur, a Pacuvio
 10 legato praevenitur. id Sentius Pisoni per litteras aperit mo-
 netque ne castra corruptoribus, ne provinciam bello temptet.

77, 4 quam add. Lipsius, v. Heraei Stud. crit. 1, 165 |
 78, 6 alto mari Nipperdey | 79, 4 Vibius Rhenanus: uibimus
 | denuntiavit malebat Nipperdey

quosque Germanici memores aut inimicis eius adversos co-
 gnoverat, contrahit, magnitudinem imperatoris identidem in-
 gerens et rem publicam armis peti; ducitque validam manum
 et proelio paratam.

80. Nec Piso, quamquam coepta secus cadebant, omisit
 tutissima e praesentibus, sed castellum Ciliciae munitum ad-
 modum, cui nomen Celenderis, occupat; nam admixtis deser-
 toribus et tirone nuper intercepto suisque et Plancinae ser-
 vitiis auxilia Cilicum, quae reguli miserant, in numerum le-
 5 gionis composuerat. Caesarisque se legatum testabatur pro-
 vincia, quam is dedisset, arceri, non a legionibus (earum
 quippe accitu venire), sed a Sentio privatum odium falsis
 criminibus tegente. consisterent in acie, non pugnaturis mi-
 litibus, ubi Pisonem ab ipsis parentem quondam appellatum,
 10 si iure ageretur, potioem, si armis, non invalidum vidissent.
 tum pro munimentis castelli manipulos explicat, colle arduo
 et derupto; nam cetera mari cinguntur. contra veterani or-
 dinibus ac subsidiis instructi: hinc militum, inde locorum
 asperitas, sed non animus, non spes, ne tela quidem nisi
 15 agrestia aut subitum in usum properata. ut venire in ma-
 nus, non ultra dubitatum, quam dum Romanae cohortes in
 aequum eniterentur: vertunt terga Cilices seque castello
 claudunt.

81. Interim Piso classem haud procul opperientem ad-
 pugnare frustra temptavit; regressusque et pro muris, modo
 semet adflitando, modo singulos nomine ciens, praemiis vo-
 cans, seditionem coeptabat, adeoque commoverat, ut signifer
 legionis sextae signum ad eum transtulerit. tum Sentius
 5 occanere cornua tubasque et peti aggerem, erigi scalas ius-
 sit, ac promptissimum quemque succedere, alios tormentis
 hastas saxa et faces ingerere. tandem victa pertinacia Piso
 oravit, ut traditis armis maneret in castello, dum Caesar, cui

80, 3 celendris | 6 provinciam, em. Rhenanus | 14 hinc
 militum via Muretus, h. virtus militum Ritter | 16 aut subitum
 in Döderlein: aut subitum (aut ad sub. Weissenborn, ad subitum
 vulgo | 81, 5 legionis uocans sextae | 8 hastas et saxa et faces
 vel hastas saxa faces Wesenberg coll. 4, 49 saxa hastae ignes

10 Suriam permetteret, consulitur. non receptae condiciones, nec aliud quam naves et tutum in urbem iter concessum est.

82. At Romae, postquam Germanici valetudo percrebruit cunctaque ut ex longinquo aucta in deterius adferebantur, dolor ira, et erumpebant questus. ideo nimirum in extremas terras relegatum, ideo Pisoni permissam provinciam; hoc egisse secretos Augustae cum Plancina sermones. vera prorsus de Druso seniores locutos: displicere regnantibus civilia filiorum ingenia, neque ob aliud interceptos, quam quia populum Romanum aequo iure complecti reddita libertate agita-
10 ante edictum magistratum, ante senatus consultum sumpto iustitio desererentur fora, clauderentur domus. passim silentia et gemitus, nihil compositum in ostentationem; et quamquam neque insignibus lugentium abstinerent, altius animis maerebant. forte negotiatores, vivente adhuc Germanico
15 Suria egressi, laetiora de valetudine eius attulere. statim credita, statim vulgata sunt: ut quisque obvius, quamvis leviter audita in alios atque illi in plures cumulata gaudio transferunt. cursant per urbem, moliuntur templorum fores; iuvat credulitatem nox et promptior inter tenebras adfirmatio.
20 nec obstitit falsis Tiberius, donec tempore ac spatio vane-
scerent: et populus quasi rursus ereptum acrius doluit.

83. Honores, ut quis amore in Germanicum aut ingenio validus, reperti decretique: ut nomen eius Saliari carmine caneretur; sedes curules sacerdotum Augustalium locis superque eas querceae coronae statuerentur; ludos circenses
5 eburna effigies praeiret, neve quis flamen aut augur in locum Germanici nisi gentis Iuliae crearetur. arcus additi Romae et apud ripam Rheni et in monte Suriae Amano, cum inscriptione rerum gestarum ac mortem ob rem publicam obisse. sepulchrum Antiochiae, ubi crematus, tribunal Epidaphnae,
10 quo in loco vitam finierat. statuarum locorumve, in quis coleretur, haud facile quis numerum inierit. cum censeretur

82, 1 percrebruit cf. *Sirker Formenl.* 56 | 18 iuvat *Lipsius* | 83, 7 amono, 9 epidaphene, em. *Lipsius* | 10 colerentur

clipeus auro et magnitudine insignis inter auctores eloquentiae, adseveravit Tiberius solitum paremque ceteris dicaturum: neque enim eloquentiam fortuna discerni, et satis illustre, si veteres inter scriptores haberetur. equester ordo
15 cuneum Germanici appellavit, qui iuniorum dicebatur, instituitque uti turmae idibus Iuliis imaginem eius sequerentur. ple-
raque manent: quaedam statim omissa sunt aut vetustas ob-
litteravit.

84. Ceterum recenti adhuc maestitia soror Germanici Livia, nupta Druso, duos virilis sexus simul enixa est. quod rarum laetumque etiam modicis penetibus tanto gaudio principem adfecit, ut non temperaverit quin iactaret apud patres, nulli ante Romanorum eiusdem fastigii viro geminam stirpem
5 editam: nam cuncta, etiam fortuita, ad gloriam vertebat. sed populo tali in tempore id quoque dolorem tulit, tamquam auctus liberis Drusus domum Germanici magis urgueret.

85. Eodem anno gravibus senatus decretis libido feminarum coërcita cautumque, ne quaestum corpore faceret cui avus aut pater aut maritus eques Romanus fuisset. nam Vistilia praetoria familia genita licentiam stupri apud aediles
5 vulgaverat, more inter veteres recepto, qui satis poenarum adversum inpudicas in ipsa professione flagitii credebant. exactum et a Titidio Labeone, Vistiliae marito, cur in uxore delicti manifesta ultionem legis omisisset. atque illo praetendente sexaginta dies ad consultandum datos necdum praeterisse, satis visum de Vistilia statuere; eaque in insulam
10 Seriphon abdita est. actum et de sacris Aegyptiis Iudaicisque pellendis factumque patrum consultum, ut quattuor milia libertini generis ea superstitione infecta, quis idonea aetas, in insulam Sardiniam veherentur, coërcendis illic latrociniis et, si ob gravitatem caeli interissent, vile damnum; ceteri
15 cederent Italia, nisi certam ante diem profanos ritus exuissent.

86. Post quae rettulit Caesar capiendam virginem in locum Occiae, quae septem et quinquaginta per annos summa

83, 13 adseveravit *Jac. Gronovius*: adseravit | 84, 2 viriles exus (virile secus *Jac. Gronovius*) | 85, 7 exactum *Vertranius*: exacta

sanctimonia Vestalibus sacris praesederat; egitque grates Fonteio Agrippae et Domitio Pollioni, quod offerendo filias de officio in rem publicam certarent. praelata est Pollionis filia, non ob aliud quam quod mater eius in eodem coniugio manebat; nam Agrippa discidio domum imminuerat. et Caesar quamvis posthabitam deciens sestertii dote solatus est.

87. Saevitiam annonae incusante plebe statuit frumento pretium, quod emptor penderet, binosque nummos se additurum negotiatoribus in singulos modios. neque tamen ob ea parentis patriae delatum et antea vocabulum adsumsit, acerbeque increpuit eos, qui divinas occupationes dominum dixerant. unde angusta et lubrica oratio sub principe, qui libertatem metuebat, adulationem oderat.

88. Reperio apud scriptores senatoresque eorundem temporum Adgandestrii principis Chattorum lectas in senatu litteras, quibus mortem Arminii promittebat, si patrandae neci venenum mitteretur; responsumque esse non fraude neque occultis, sed palam et armatum populum Romanum hostes suos ulcisci. qua gloria aequabat se Tiberius priscis imperatoribus, qui venenum in Pyrrum regem vetuerant prodiderantque. ceterum Arminius abscedentibus Romanis et pulso Maroboduo regnum adfectans libertatem popularium adversam habuit, petitusque armis cum varia fortuna certaret, dolo propinquorum cecidit: liberator haud dubie Germaniae et qui non primordia populi Romani, sicut alii reges ducesque, sed florentissimum imperium lacessierit, proeliis ambiguus, bello non victus. septem et triginta annos vitae, duodecim potentiae explevit, caniturque adhuc barbaras apud gentes, Graecorum annalibus ignotus, qui sua tantum mirantur, Romanis haud perinde celebris, dum vetera extollimus recentium incuriosi.

86, 4 Domitio *Lipsius*: comicio | 87, 5 occupationes eius *Ritter* | 88, 1 senioresque *Lipsius* malebat | 11 haudubie

CORNELII TACITI AB EXCESSU DIVI AUGUSTI

LIBER III.

1. Nihil intermissa navigatione hiberni maris Agrippina Corcyram insulam advehitur, litora Calabriae contra sitam. illic paucos dies componendo animo insumit, violenta luctu et nescia tolerandi. interim adventu eius audito intimus quisque amicorum et plerique militares, ut quique sub Germanico stipendia fecerant, multique etiam ignoti vicinis e municipiis, pars officium in principem rati, plures illos secuti, ruere ad oppidum Brundisium, quod naviganti celerrimum fidissimumque adpulsus erat. atque ubi primum ex alto visa classis, complentur non modo portus et proxima maris, sed moenia ac tecta, quaque longissime prospectari poterat, maerentium turba et rogitantium inter se, silentione an voce aliqua egredientem exciperent. neque satis constabat quid pro tempore foret, cum classis paulatim successit, non alacri, ut adsolet, remigio, sed cunctis ad tristitiam compositis. postquam duobus cum liberis, feralem urnam tenens, egressa navi defixit oculos, idem omnium gemitus; neque discerneres proximos alienos, virorum feminarumve planctus, nisi quod comitatum Agrippinae longo maerore fessum obvii et recentes in dolore anteibant.

2. Miserat duas praetorias cohortes Caesar, addito ut magistratus Calabriae Apulique et Campani suprema erga memoriam filii sui munia fungerentur. igitur tribunorum centurionumque umeris cineres portabantur; praecedebant

1, 9 adpulsū (ad adpulsū *Döderlein*) | 10 mari *Muretus* | 2, 3 munia *Ritter*: munera

5 incompta signa, versi fasces; atque ubi colonias transgrede-
rentur, atrata plebes, trabeati equites pro opibus loci vestem
odores aliaque funerum sollemnia cremabant. etiam quorum
diversa oppida, tamen obvii et victimas atque aras dis Ma-
nibus statuentes lacrimis et conclamationibus dolorem testa-
10 bantur. Drusus Tarracinam progressus est cum Claudio fra-
tre liberisque Germanici, qui in urbe fuerant. consules M.
Valerius et M. Aurelius (iam enim magistratum occeperant)
et senatus ac magna pars populi viam complevere, disiecti et
ut cuique libitum flentes; aberat quippe adulatio, gnaris
15 omnibus laetam Tiberio Germanici mortem male dissimulari.

3. Tiberius atque Augusta publico abstinuere, inferius
maiestate sua rati, si palam lamentarentur, an ne omnium
oculis vultum eorum scrutantibus falsi intellegentur. ma-
trem Antoniam non apud auctores rerum, non diurna acto-
rum scriptura reperio ullo insigni officio functam, cum super
5 Agrippinam et Drusum et Claudium ceteri quoque consangu-
inei nominatim perscripti sint, seu valetudine praepedieba-
tur, seu victus luctu animus magnitudinem mali perferre visu
non toleravit. facilius crediderim Tiberio et Augusta, qui
10 domo non excedebant, cohibitam, ut par maeror et matris
exemplo avia quoque et patruus attineri viderentur. 18. 7. 99.

4. Dies, quo reliquiae tumulo Augusti inferebantur, mo-
do per silentium vastus, modo ploratibus inquires; plena
urbis itinera, conlucentes per campum Martis faces. illic
miles cum armis, sine insignibus magistratus, populus per
5 tribus concidisse rem publicam, nihil spei reliquum clami-
tabant, promptius apertiusque, quam ut meminisse imperitan-
tium crederes. nihil tamen Tiberium magis penetravit quam
studia hominum accensa in Agrippinam, cum decus patriae,
solum Augusti sanguinem, unicum antiquitatis specimen ap-

2, 12 M. Aurelius *Panvinus*: c. aurelius | 3, 4 non in
diurna *Wurm*; est species *zeugmatis* et in *ex* apud cogitando
repetendum; nam notissimum est *Tacitum* praepositiones non ite-
rare, v. *Nipperdey* ad 2, 68 | 8 praeferre *Haase* | 9 Augustae
Döderlein; at dicit *Tacitus* Antoniam exemplo *Tiberii* et *Augustae*,
non ab ipsis aut eorum iussu cohibitam esse.

pellarent versique ad caelum ac deos integram illi subolem 10
ac superstitem iniquorum precarentur.

5. Fuere qui publici funeris pompam requirerent com-
pararentque quae in Drusum patrem Germanici honora et
magnifica Augustus fecisset. ipsum quippe asperrimo hiemis
Ticinum usque progressum neque abscedentem a corpore
simul urbem intravisse; circumfusas lecto Claudiorum Iulio-
rumque imagines; desletum in foro, laudatum pro rostris,
5 cuncta a maioribus reperta aut quae posteri invenerint cu-
mulata: at Germanico ne solitos quidem et cuicumque nobili
debitos honores contigisse. sane corpus ob longinquitatem
itinerum externis terris quoquo modo crematum: sed tanto 10
plura decora mox tribui par fuisse, quanto prima fors nega-
visset. non fratrem, nisi unius diei via, non patruum saltem
porta tenuis obvium. ubi illa veterum instituta, propositam
toro effigiem, meditata ad memoriam virtutis carmina et lau-
dationes, et lacrimas vel doloris imitamenta? 15

6. Gnarum id Tiberio fuit; utque premeret vulgi sermo-
nes, monuit edicto multos inlustrum Romanorum ob rem
publicam obisse, neminem tam flagranti desiderio celebratum.
idque et sibi et cunctis egregium, si modus adiceretur. non
enim eadem decora principibus viris et imperatori populo,
5 quae modicis domibus aut civitatibus. convenisse recenti do-
lori luctum et ex maerore solacia; sed referendum iam ani-
mum ad firmitudinem, ut quondam divus Iulius amissa unica
filia, ut divus Augustus ereptis nepotibus abstruserint tristi-
tiam. nil opus vetustioribus exemplis, quotiens populus Ro-
10 manus clades exercituum, interitum ducum, funditus amissas
nobiles familias constanter tulerit. principes mortales, rem
publicam aeternam esse. proin repeterent sollemnia, et quia
ludorum Megalesium spectaculum suberat, etiam voluptates
resumerent. 15

7. Tum exuto iustitio reditum ad munia, et Drusus Illy-
ricos ad exercitus profectus est, erectis omnium animis spe

5, 5 Liviorumque *Lipsius* | 11 quando *Muretus* | 12 fratres
Lipsius | 13 praepositam, em. *Muretus* | 7, 2 spe addidit *Freins-
heim*.

petendae e Pisone ultionis et crebro questu, quod vagus interim per amoena Asiae atque Achaiae adroganti et subdola mora scelerum probationes subverteret. nam vulgatum erat missam, ut dixi, a Cn. Sentio famosam veneficiis Martinam subita morte Brundisii extinctam, venenumque nodo crinium eius occultatum, nec ulla in corpore signa sumpti exitii reperta.

8. At Piso praemisso in urbem filio datisque mandatis, per quae principem molliret, ad Drusum pergit, quem haud fratris interitu trucem quam remoto aemulo aequiorem sibi sperabat. Tiberius quo integrum iudicium ostentaret, exceptum comiter iuvenem sueta erga filios familiarum nobiles liberalitate auget. Drusus Pisoni, si vera forent quae iacerentur, praecipuum in dolore suum locum respondit: sed malle falsa et inania nec cuiquam mortem Germanici exitiosam esse. haec palam et vitato omni secreto; neque dubitabantur praescripta ei a Tiberio, cum incallidus alioqui et facilis iuventa senilibus tum artibus uteretur.

9. Piso Delmatico mari tramisso relictisque apud Ancenam navibus per Picenum ac mox Flaminiam viam adsequitur legionem, quae e Pannonia in urbem, dein praesidio Africae ducebatur: eaque res agitata rumoribus, ut in agmine atque itinere crebro se militibus ostentavisset. ab Narnia, vitandae suspicionis an quia pavidis consilia in incerto sunt, Nare ac mox Tiberi devectus auxit vulgi iras, quia navem tumulo Caesarum adpulerat dieque et ripa frequenti, magno clientium agmine ipse, seminarum comitatu Plancina et vultu alacres incessere. fuit inter inritamenta invidiae domus foro imminens festa ornatu conviviumque et epulae et celebritate loci nihil occultum.

10. Postera die Fulcinius Trio Pisonem apud consules postulavit. contra Vitellius ac Veranium ceterique Germanicum comitati tendebant, nullas esse partis Trioni; neque se accusatores, sed rerum indices et testes mandata Germanici

8, 10 ei Lipsius: et | 9, 3 dein: inde Wurm coll. 2, 68, 2 | 6 suspicioni Pichena | 11 festo Lipsius

perluros. ille dimissa eius causae delatione, ut priorem vitam accusaret obtinuit, petitumque est a principe cognitionem exciperet. quod ne reus quidem abnuebat, studia populi et patrum metuens: contra Tiberium spernendis rumoribus validum et conscientiae matris innexum esse; veraque aut in deterius credita iudice ab uno facilius discerni, odium et invidiam apud multos valere. haud fallebat Tiberium mole cognitionis quaque ipse fama distraheretur. igitur paucis familiarum adhibitis minas accusantium et hinc preces audit integramque causam ad senatum remittit.

11. Atque interim Drusus rediens Illyrico, quamquam patres censuissent ob receptum Maroboduum et res priore aestate gestas ut ovans iniret, prolato honore urbem intravit. post quae reo L. Arruntium, P. Vinicium, Asinium Gallum, Aeserninum Marcellum, Sex. Pompeium patronos petenti iisque diversa excusantibus M. Lepidus et L. Piso et Livineius Regulus adfuere, adrecta omni civitate, quanta fides amicis Germanici, quae fiducia reo; satin cohiberet ac premeret sensus suos Tiberius. haud alias intentior populus plus sibi in principem occultae vocis aut suspicacis silentii per-

12. Die senatus Caesar orationem habuit meditato temperamento. patris sui legatum atque amicum Pisonem fuisse adiutoremque Germanico datum a se auctore senatu rebus apud Orientem administrandis. illic contumacia et certaminibus asperasset iuvenem exituque eius laetatus esset, an scelerem extinxisset, integris animis diiudicandum. nam si legatus officii terminos, obsequium erga imperatorem exiit eiusdemque morte et luctu meo laetatus est, odero seponamque a domo mea et privatas inimicitias non vi principis ulciscar: sin facinus in cuiuscumque mortalium nece vindicandum de-

11, 2 [priore aestate] Nipperdey, eadem verba infra c. 20, 1 obelo notavit | 4 L. Nic. Faber: T. | P. Vinicium Borghesi: fulnicium | 6 M. Lipsius: m. | 9 Tiberius Pichena: tiberius. ac praemeret | haud Acidalius: is haud (his haud alii, is haud alias intentior, populus Pichena interpunctit) | 12, 9 set Pluygers | non vi Muretus: noui cf. 5, 5



tegitur, vos vero et liberos Germanici et nos parentes iustis solaciis adfocite. simulque illud reputate, turbide et seditiose tractaverit exercitus Piso, quaesita sint per ambitionem studia militum, armis repetita provincia, an falsa haec in maius vul-
 15 gaverint accusatores, quorum ego nimis studiis iure suscen-
 seo. nam quo pertinuit nudare corpus et contrectandum vulgi oculis permittere differrique etiam per externos, tamquam
 20 veneno interceptus esset, si incerta adhuc ista et scrutanda sunt? desleo equidem filium meum semperque deslebo: sed neque reum prohibeo quo minus cuncta proferat, quibus innocentia eius sublevari aut, si qua fuit iniquitas Germanici, coargui possit, vosque oro ne, quia dolori meo causa conexa est, obiecta crimina pro adprobatis accipiatis. si quos propinquus sanguis aut fides sua patronos dedit, quantum quis-
 25 que eloquentia et cura valet, iuvate periclitantem: ad eundem laborem, eandem constantiam accusatores hortor. id solum Germanico super leges praestiterimus, quod in curia potius quam in foro, apud senatum quam apud iudices de morte eius inquiritur: cetera pari modestia tractentur. nemo
 30 Drusi lacrimas, nemo maestitiam meam spectet, nec si qua in nos adversa finguntur.

13. Exim biduum criminibus obiciendis statuitur utque sex dierum spatio interiecto reus per triduum defenderetur. tum Fulcinus vetera et inania orditur, ambitiose avareque habitam Hispaniam; quod neque convictum noxae reo, si recentia purgaret, neque defensum absolutioni erat, si teneretur maioribus flagitiis. post quem Servaeus et Veranius et Vitellius consimili studio, et multa eloquentia Vitellius, obiecere odio Germanici et rerum novarum studio Pisonem vulgus militum per licentiam et sociorum iniurias eo usque corrupisse, ut parens legionum a deterrimis appellaretur; contra in optimum quemque, maxime in comites et amicos Germanici saevisse; postremo ipsum devotionibus et veneno peremisse; sacra hinc et immolationes nefandas ipsius atque

13, 6 quem *Rhenanus*: q; (quae *Baiter*) | 7 et] sed *Rhenanus*

Plancinae, petitam armis rem publicam, utque reus agi posset, acie victum.

14. Defensio in ceteris trepidavit; nam neque ambitionem militarem neque provinciam pessimo cuique obnoxiam, ne contumelias quidem adversum imperatorem infitari poterat: solum veneni crimen visus est diluisse, quod ne accusatores quidem satis firmabant, in convivio Germanici, cum super eum Piso discumberet, infectos manibus eius cibos arguentes. quippe absurdum videbatur inter aliena servitia et tot adstantium visu, ipso Germanico coram, id ausum; offerebatque familiarum reus et ministros in tormenta flagitabat. sed iudices per diversa implacabiles erant, Caesar ob bellum provinciae inlatum, senatus numquam satis credito sine fraude Germanicum interisse. ** scripsissent expostulantes, quod haud minus Tiberius quam Piso abnuere. simul populi anteriorum voces audiebantur: non temperaturos manibus, si patrum sententias evasisset. effigiesque Pisonis traxerant in Gemonias ac divellebant, ni iussu principis protectae repositaeque forent. igitur inditus lecticae et a tribuno praetoriae cohortis deductus est, vario rumore, custos salutis an mortis exactor sequeretur.

15. Eadem Plancinae invidia, maior gratia; eoque ambiguum habebatur, quantum Caesari in eam liceret. atque ipsa, donec mediae Pisoni spes, sociam se cuiuscumque fortunae et, si ita ferret, comitem exitii promittebat: ut secretis Augustae precibus veniam obtinuit, paulatim segregari a marito, dividere defensionem coepit. quod reus postquam sibi exitiabile intellegit, an adhuc experiretur dubitans, hortantibus filiis durat mentem senatumque rursus ingreditur; redintegratamque accusationem, infensas patrum voces, adversa et saeva cuncta perpessus, nullo magis exterritus est quam quod Tiberium sine miseratione, sine ira, obstinatum clausumque vidit, ne quo adfectu perumperetur. relatus domum, tamquam defensionem in posterum meditaretur, pauca

14, 2 cuique *Rhenanus*: cui | 8 visus *Pichena* | 12 lacunam indicavit *Ferretius*, cf. *Nipperdey ad h. l.* | 16 devellebant *Ernesti*

comperatorem

conscribit obsignatque et liberto tradit; tum solita curando
 15 corpori exsequitur. dein multam post noctem, egressa cubi-
 culo uxore, operiri fores iussit; et coepta luce perfosso in-
 gulo, iacente humi gladio, repertus est. 28 I. 99 -

16. Audire me memini ex senioribus visum saepius inter
 manus Pisonis libellum, quem ipse non vulgaverit; sed ami-
 cos eius dictitavisse, litteras Tiberii et mandata in Germani-
 cum contineri, ac destinatum promere apud patres principem-
 5 que arguere, ni elusus a Seiano per vana promissa foret;
 nec illum sponte extinctum, verum inmisso percussore. quo-
 rum neutrum adseveraverim: neque tamen oculere debui
 narratum ab iis, qui nostram ad inventam duraverunt. Caesar
 flexo in maestitiam ore suam invidiam tali morte quaesitam
 10 apud senatum *conquestus M. Pisonem vocari iubet* crebris-
 que interrogationibus exquirat, qualem Piso diem supremum
 noctemque exegisset. atque illo pleraque sapienter, quae-
 dam inconsultius respondente, recitat codicillos a Pisonem in
 hunc ferme modum compositos: 'conspiratione inimicorum et
 15 invidia falsi criminis oppressus, quatenus veritati et innocen-
 tia meae nusquam locus est, deos immortales testor vixisse
 me, Caesar, cum fide adversum te, neque alia in matrem
 tuam pietate; vosque oro liberis meis consulatis, ex quibus
 Cn. Piso qualicumque fortunae meae non est adiunctus, cum
 20 omne hoc tempus in urbe egerit, M. Piso repetere Suriam
 dehortatus est. atque utinam ego potius filio iuveni quam
 ille patri seni cessisset. eo inpensius precor, ne meae pra-
 vilitatis poenas innoxius luat. per quinque et quadraginta an-
 norum obsequium, per collegium consulatus quondam divo
 25 Augusto parenti tuo probatus et tibi amicus nec quicquam
 post haec rogaturus salutem infelicis filii rogo.' de Plancina
 nihil addidit.

17. Post quae Tiberius adolescentem crimine civilis belli
 purgavit, patris quippe iussa nec potuisse filium detrectare,
 simul nobilitatem domus, etiam ipsius quoquo modo meriti

16, 10 conquestus — iubet *supplevimus Weissenbornium se-
 cuti, qui tamen etiam in senatum post iubet addidit.*

gravem casum miseratus. pro Plancina cum pudore et fla-
 gitio disseruit, matris preces obtendens, in quam optimi cuius- 5
 que secreti questus magis ardescebant. id ergo fas aviae,
 interfetricem nepotis adspicere, adloqui, eripere senatui.
 quod pro omnibus civibus leges obtineant, uni Germanico non
 contigisse. Vitellii et Veranii voce desletum Caesarem, ab
 imperatore et Augusta defensam Plancinam. proinde venena 10
 et artes tam feliciter expertas verteret in Agrippinam, in li-
 beros eius, egregiamque aviam ac patruum sanguine miser-
 rimae domus exsatiaret. biduum super hac imagine cogni-
 tionis absumptum, arguente Tiberio liberos Pisonis matrem
 uti tuerentur. et cum accusatores ac testes certatim perora- 15
 rent respondente nullo, miseratio quam invidia augebatur.
 primus sententiam rogatus Aurelius Cotta consul (nam refe-
 rente Caesare magistratus eo etiam munere fungebantur) no-
 men Pisonis eradendum fastis censuit, partem bonorum publi-
 candam, pars ut Cn. Pisoni filio concederetur isque praeno- 20
 men mutaret; M. Piso exuta dignitate et accepto quinquagiens
 sestertio in decem annos relegaretur, concessa Plancinae in-
 columitate ob preces Augustae.

18. Multa ex ea sententia mitigata sunt a principe: ne
 nomen Pisonis fastis eximeretur, quando M. Antonii, qui bel-
 lum patriae fecisset, Iuli Antonii, qui domum Augusti violas-
 set, manerent. et M. Pisonem ignominiae exemit concessit- 5
 que ei paterna bona, satis firmus, ut saepe memoravi, adver-
 sum pecuniam et tum pudore absolutae Plancinae placabilior.
 atque idem, cum Valerius Messalinus signum aureum in aede
 Martis Ultoris, Caecina Severus aram ultionis statuendam cen-
 suissent, prohibuit, ob externas ea victorias sacrari dictitans,
 domestica mala tristitia operienda. addiderat Messalinus Ti- 10
 berio et Augustae et Antoniae et Agrippinae Drusoque ob

17, 10 proinde *Rhenanus*: perinde | 19 eradendum *Baiter*.
 radendum, *cf. 4, 42, 17* | 22 relegaretur *Lipsius*: religatur |
 18, 3 Iuli *Lipsius*: iulii | 8 ultionis *scripsi*: ultioni; *ara statu-
 enda erat ob ultionem perfectam, cf. 1, 4 ara adoptionis, 4, 74
 ara clementiae, ara amicitiae, Suet. Cal 8 addit etiam pro argu-
 mento aras ibi ostendi inscriptas 'ob Agrippinae puerperium'.*

vindictam Germanici grates agendas omiseratque Claudii mentionem. et Messalinum quidem L. Asprenas senatu coram percontatus est an prudens praeterisset; ac tum demum nomen Claudii adscriptum est. mihi, quanto plura recentium seu veterum revolve, tanto magis ludibria rerum mortalium cunctis in negotiis obversantur. quippe fama spe veneratione potius omnes destinabantur imperio quam quem futurum principem fortuna in occulto tenebat.

19. Paucis post diebus Caesar auctor senatui fuit Vitellio atque Veranio et Servaeo sacerdotia tribuendi: Fulcinio suffragium ad honores pollicitus monuit, ne facundiam violentia praecipitaret. is finis fuit in ulciscenda Germanici morte, non modo apud illos homines, qui tum agebant, etiam secutis temporibus vario rumore iactata. adeo maxima quaeque ambigua sunt, dum alii quoquo modo audita pro compertis habent, alii vera in contrarium vertunt, et gliscit utrumque posteritate. at Drusus urbe egressus repetendis auspiciis, mox ovans introit. paucosque post dies Vipsania mater eius excessit, una omnium Agrippae liberorum miti obitu: nam ceteros manifestum ferro vel creditum est veneno aut fame extinctos.

20. Eodem anno Tacfarinas, quem priore aetate pulsum a Camillo memoravi, bellum in Africa renovat, vagis primum populationibus et ob pernecitatem inultis, dein vicos excindere, trahere graves praedas; postremo haud procul Pagyda flumine cohortem Romanam circumsevit. praerat castello Decrius impiger manu, exercitus militia et illam obsidionem flagitii ratus. is cohortatus milites ut copiam pugnae in aperto facerent, aciem pro castris instruit. primoque impetu pulsa cohorte promptus inter tela occurrat fugientibus, increpat signiferos, quod inconditis aut desertoribus miles Romanus terga daret; simul excepta vulnera et quamquam transosso oculo adversum os in hostem intendit, neque proelium omisit, donec desertus suis caderet.

19, 4 in *addidi* (*diversus est locus 14, 4, 19*) | 7 audita *margo*: audire (quae quoquo m. audire *Weissenborn*) | 20, 8 faceret *H. Probst* | 11 exceptat *Julius Held* | 13 a suis *Wesenberg*

21. Quae postquam L. Apronio (nam Camillo successerat) comperta, magis dedecore suorum quam gloria hostis anxius, raro ea tempestate et e vetere memoria facinore decum quemque ignominiosae cohortis sorte ductos fusti necat. tantumque severitate profectum, ut vexillum veteranorum, non amplius quam quingenti numero, easdem Tacfarinatis copias praesidium, cui Thala nomen, adgressas fuderint. quo proelio Rufus Helvius gregarius miles servati civis decus rettulit donatusque est ab Apronio torquibus et hasta. Caesar addidit civicam coronam, quod non eam quoque Apronius iure proconsulis tribuisset, questus magis quam offensus. sed Tacfarinas percussis Numidis et obsidia aspernantibus spargit bellum, ubi instaretur, cedens ac rursus in terga remeans. et dum ea ratio barbaro fuit, inritum fessumque Romanum impune ludificabatur: postquam deflexit ad maritimos locos et inligatus praeda stativis castris adhaerebat, missu patris Apronius Caesianus cum equite et cohortibus auxiliariis, quis velocissimos legionum addiderat, prosperam adversum Numidas pugnam facit pellitque in deserta.

22. At Romae Lepida, cui super Aemiliorum decus L. Sulla et Cn. Pompeius proavi erant, defertur simulavisse partum ex P. Quirinio divite atque orbo. adiciebantur adulteria, venena quaesitumque per Chaldaeos in domum Caesaris, defendente ream Manio Lepido fratre. Quirinius post dictum repudium adhuc infensus quamvis infami ac nocenti miserationem addiderat. haud facile quis dispexerit illa in cognitione mentem principis: adeo vertit ac miscuit irae et clementiae signa. deprecatus primo senatum, ne maiestatis crimina tractarentur, mox M. Servilium e consularibus aliisque testes inlexit ad proferenda quae velut reicere voluerat. idemque servos Lepidae, cum militari custodia haberentur, transtulit ad consules neque per tormenta interrogari passus est de iis, quae ad domum suam pertinerent. exemit etiam

21, 6 quam quingenti *Weissenborn*: quam genti (quingenti sine quam *Beroaldus*) | 16 et *add. Haase*, inligatusque *Pichena* | 22, 11 reicere: reticere *Acidalius*, nescire *Nipperdey*; cf. *Petersenii adn. ad Tac. II p. 25* (etiam in *ed. Ruperti 3, 651*)

15 Drusum consulem designatum dicendae primo loco sententiae; quod alii civile rebantur, ne ceteris adsentiendi necessitas fieret, quidam ad saevitiam trahebant: neque enim cessurum nisi damnandi officio.

23. Lepida ludorum diebus, qui cognitionem intervenerant, theatrum cum claris feminis ingressa, lamentatione flebili maiores suos ciens ipsumque Pompeium, cuius ea monimenta et adstantes imagines visebantur, tantum misericordiae permovit, ut effusi in lacrimas saeva et detestanda Quirinio clamitarent, cuius senectae atque orbitati et obscurissimae domui destinata quondam uxor L. Caesari ac divo Augusto nurus dederetur. dein tormentis servorum patefacta sunt flagitia itumque in sententiam Rubelli Blandi, a quo aqua atque igni arcebatur. huic Drusus adsensit, quamquam alii mitius censuissent. mox Scauro, qui filiam ex ea genuerat, datum, ne bona publicarentur. tum demum aperuit Tiberius conpertum sibi etiam ex P. Quirinii servis veneno eum a Lepida petutum.

24. Inlustrium domuum adversa (etenim haud multum distanti tempore Calpurnii Pisonem, Aemilii Lepidam amiserant) solacio adfecit D. Silanus Iunia familiae redditus. casum eius paucis repetam. ut valida divo Augusto in rem publicam fortuna, ita domi inprospera fuit ob inprudicium filiae ac neptis, quas urbe depulit adulterosque earum morte aut fuga punivit. nam culpam inter viros ac feminas vulgatam gravi nomine laesarum religionum ac violatae maiestatis appellando clementiam maiorum suasque ipse leges egrediebatur. sed aliorum exitus, simul cetera illius aetatis memorabo, si effectis in quae tetendi plures ad curas vitam produxero. D. Silanus in nepti Augusti adulter, quamquam non ultra foret saevitum, quam ut amicitia Caesaris prohiberetur, exilium sibi demonstrari intellexit, nec nisi Tiberio imperitante deprecari senatum ac principem ausus est M. Silani fratris potentia, qui per insignem nobilitatem et eloquentiam

23, 4 misericordia, *em. Lipsius* | 24, 1 etenim *Mercerus*: adenim | 11 tetendi *Ernesti*: tendi (intendi *Haase*) | 16 fratris fretus potentia *Bezenberger*

praecellebat. sed Tiberius gratis agenti Silano patribus coram respondit se quoque laetari, quod frater eius e peregrinatione longinqua revertisset; idque iure licitum, quia non senatus consulto, non lege pulsus foret: sibi tamen adversus eum integras parentis sui offensiones, neque reditu Silani dissoluta quae Augustus voluisset. fuit posthac in urbe neque honores adeptus est.

25. Relatum dein de moderanda Papia Poppaea, quam senior Augustus post Iulias rogationes incitandis caelibum poenis et augendo aerario sanxerat. nec ideo coniugia et educationes liberum frequentabantur, praevalida orbitate: ceterum multitudo periclitantium gliscebat, cum omnis domus delatorum interpretationibus subverteretur, utque antehac flagitiis, ita tunc legibus laborabatur. ea res admonet, ut de principiis iuris, et quibus modis ad hanc multitudinem infinitam ac varietatem legum perventum sit, alius disseram.

26. Vetustissimi mortalium, nulla adhuc mala libidine, sine probro, scelere eoque sine poena aut coërcitionibus agebant. neque praemiis opus erat, cum honesta suoapte ingenio peterentur; et ubi nihil contra morem cuperent, nihil per metum vetabantur. at postquam exui aequalitas et pro modestia ac pudore ambitio et vis incedebat, provenere dominationes multosque apud populos aeternum mansere. quidam statim, aut postquam regum pertaesum, leges maluerunt. hae primo rudibus hominum animis simplices erant; maximeque fama celebravit Cretensium, quas Minos, Spartanorum, quas Lycurgus, ac mox Atheniensibus quaesitores iam et plures Solo perscripsit. nobis Romulus, ut libitum, imperitaverat: dein Numa religionibus et divino iure populum devinxit, repertaque quaedam a Tullo et Anco. sed praecipuus Servius Tullius sanctorum legum fuit, quis etiam reges obtemperarent.

27. Pulso Tarquinio adversum patrum factiones multa populus paravit tuendae libertatis et firmandae concordiae,

25, 1 dein *Wölfflin*: deinde | 26, 4 peterent *Ursinus* | 6 incedebat provenere *Lipsius*: incidebat provenire | 9 ae (ac *Sirker*, an eae?)

creatique decemviri et accitis quae usquam egregia compositae duodecim tabulae, finis aequi iuris. nam secutae leges
 5 etsi aliquando in maleficos ex delicto, saepius tamen dissensione ordinum et apiscendi illicitos honores aut pellendi claros viros aliaque ob prava per vim latae sunt. hinc Gracchi et Saturnini turbatores plebis, nec minor largitor nomine senatus Drusus; corrupti spe aut inlusi per intercessionem
 10 socii. ac ne bello quidem Italico, mox civili omisum, quin multa et diversa sciscerentur, donec L. Sulla dictator abolit vel conversis prioribus, cum plura addidisset, otium eius rei haud in longum paravit, statim turbidis Lepidi rogationibus, neque multo post tribunis reddita licentia quoquo vellent
 15 populum agitandi. iamque non modo in commune, sed in singulos homines latae quaestiones, et corruptissima re publica plurimae leges.

28. Tum Cn. Pompeius, tertium consul corrigendis moribus delectus, set gravior remediis, quam delicta erant, suarumque legum auctor idem ac subversor, quae armis tuebatur, armis amisit. exim continua per viginti annos discordia, non
 5 mos, non ius; deterrima quaeque inpune ac multa honesta exitio fuere. sexto demum consulatu Caesar Augustus, potentiae securus, quae triumviratu iusserat abolevit deditque iura, quis pace et principe uteremur. acriora ex eo vincla, inditi custodes et lege Papia Poppaea praemiis inducti, ut, si
 10 a privilegiis parentum cessaretur, velut parens omnium populus vacantia teneret. sed altius penetrabant urbemque et Italiam et quod usquam civium corripuerant, multorumque excisi status. et terror omnibus intentabatur, ni Tiberius statuendo remedio quinque consularium, quinque e praetoriis, totidem e cetero senatu sorte duxisset, apud quos exsoluti plerique legis nexus modicum in praesens levamentum
 15 fuere.

29. Per idem tempus Neronem e liberis Germanici, iam ingressum iuventam, commendavit patribus, utque munere

27, 12 ei rei *Rhenanus* | 28, 2 set *Pluygers*: et | 8 artiora *Pichena* | 9 ut si *Lipsius*: uisi

capessendi vigintiviratus solveretur et quinquennio maturius quam per leges quaesturam peteret, non sine inrisu audientium postulavit. praetendebat sibi atque fratri decreta eadem
 5 petente Augusto. sed neque tum fuisse dubitaverim, qui eius modi preces occulti inluderent: ac tamen initia fastigii Caesaribus erant magisque in oculis vetus mos, et privignis cum vitrico levior necessitudo quam avo adversum nepotem. additur pontificatus et quo primum die forum ingressus est
 10 congiarium plebi admodum laetae, quod Germanici stirpem iam puberem aspiciebat. auctum dehinc gaudium nuptiis Neronis et Iuliae Drusi filiae. utque haec secundo rumore, ita adversis animis acceptum, quod filio Claudii socer Seianus destinaretur. polluisse nobilitatem familiae videbatur suspen-
 15 ctumque iam nimiae spei Seianum ultra extulisse.

30. Fine anni concessere vita insignes viri L. Volusius et Sallustius Crispus. Volusio vetus familia neque tamen praeturam egressa: ipse consulatum intulit, censoria etiam potestate legendis equitum decuriis functus, opumque, quis domus illa inmensum viguit, primus adcumulator. Crispum
 5 equestri ortum loco C. Sallustius, rerum Romanarum florentissimus auctor, sororis nepotem in nomen adscivit. atque ille, quamquam prompto ad capessendos honores aditu, Maecenatem aemulatus sine dignitate senatoria multos triumphalium consulariumque potentia anteit, diversus a veterum
 10 instituto per cultum et munditias copiaque et affluentia luxu propior. suberat tamen vigor animi ingentibus negotiis par, eo acrior, quo somnum et inertiam magis ostentabat. igitur incolumi Maecenate proximus, mox praecipuus, cui secreta imperatorum inniterentur, et interficiendi Postumi Agrippae
 15 conscius, aetate provecta speciem magis in amicitia principis quam vim tenuit. idque et Maecenati acciderat, fato potentiae raro sempiternae, an satias capit aut illos, cum omnia tribuerunt, aut hos, cum iam nihil reliquum est quod cupiant.

20

29, 7 fastidii | 15 uidebantur, em. *Jo. Fr. Gronovius* | 16 ultro *Alciatus*

31. Sequitur Tiberi quartus, Drusi secundus consulatus, patris atque filii collegio insignis. nam triennio ante Germanici cum Tiberio idem honor neque patruo laetus neque natura tam conexus fuerat. eius anni principio Tiberius quasi firmandae valetudini in Campaniam concessit, longam et continuam absentiam paulatim meditans, sive ut amoto patre Drusus munia consulatus solus impleret. ac forte parvas res magnum ad certamen progressa praebuit iuveni materiam apiscendi favoris. Domitius Corbulo praetura functus de L. Sulla nobili iuvene questus est apud senatum, quod sibi inter spectacula gladiatorum loco non decessisset. pro Corbulone aetas, patrius mos, studia seniorum erant: contra Mamercus Scaurus et L. Arruntius aliique Sullae propinqui nitebantur. certabantque orationibus et memorabantur exempla maiorum, qui iuventutis inreverantiam gravibus decretis notavissent, donec Drusus apta temperandis animis disseruit; et satisfactum Corbuloni per Mamercum, qui patruus simul ac vitricus Sullae et oratorum ea aetate uberrimus erat. idem Corbulo plurima per Italiam itinera fraude mancipum et incuria magistratuum interrupta et inpervia clamitando, executionem eius negotii libens suscepit; quod haud perinde publice usui habitum quam exitiosum multis, quorum in pecuniam atque famam damnationibus et hasta saeviebat.

32. Neque multo post missis ad senatum litteris Tiberius motam rursus Africam incursu Tacfarinatis docuit, iudicioque patrum deligendum pro consule gnarum militiae, corpore validum et bello suffecturum. quod initium Sex. Pompeius agitando adversus Marcum Lepidum odii nactus, ut socordem, inopem et maioribus suis dedecorum eoque etiam Asiae sorte depellendum incusavit, adverso senatu, qui Lepidum mitem magis quam ignavum, paternas ei angustias et nobilitatem sine probro actam honori quam ignominiae habendam ducebat. igitur missus in Asiam, et de Africa decretum, ut Caesar legeret cui mandanda foret.

31, 2 triennio *Nipperdey*: biennio | 4 conexus *J. Fr. Gronovius* | 18 ea *add. Ferretus*

33. Inter quae Severus Caecina censuit, ne quem magistratum, cui provincia obvenisset, uxor comitaretur, multum ante repetito concordem sibi coniugem et sex partus enixam, seque quae in publicum statueret domi servavisse, cohibita intra Italiam, quamquam ipse pluris per provincias quadraginta stipendia explevisset. haud enim frustra placitum olim, ne feminae in socios aut gentes externas traherentur: inesse mulierum comitatu quae pacem luxu, bellum formidine morentur et Romanum agmen ad similitudinem barbari incessus convertant. non inbecillum tantum et inparem laboribus sexum, sed si licentia adsit, saevum, ambitiosum, potestatis avidum; incedere inter milites, habere ad manum centuriones; praesedissem nuper feminam exercitio cohortium, decursu legionum. cogitarent ipsi, quotiens repetundarum aliqui arguerentur, plura uxoribus obiectari: his statim adhaerescere deterrimum quemque provincialium, ab his negotia suscipi, transigi; duorum egressus coli, duo esse praetoria, pervicacibus magis et inpotentibus mulierum iussis, quae Oppiis quondam aliisque legibus constrictae, nunc vinclis exsolutis domos, fora iam et exercitus regerent.

34. Paucorum haec adsensu audita: plures obturbabant, neque relatum de negotio neque Caecinam dignum tantae rei censorem. mox Valerius Messalinus, cui parens Messalla ineratque imago paternae facundiae, respondit multa duritiae veterum in melius et laetius mutata; neque enim, ut olim, obsideri urbem bellis aut provincias hostilis esse. et pauca feminarum necessitatibus concedi, quae ne coniugum quidem penates, adeo socios non onerent; cetera promisca cum marito nec ullum in eo pacis impedimentum. bella plane accinctis obeunda: sed revertentibus post laborem quod honestius quam uxorium levamentum? at quasdam in ambitionem aut avaritiam prolapsas. quid? ipsorum magistratuum nonne plerosque variis libidinibus obnoxios? non tamen ideo nemi-

34, 4 e duritiae *Ernesti malebat*, a duritiae *Muretus*, cf. 3, 55, 20 multa laudis et artium | 5 in *add. Muretus* | 6 obsideri *corr. ex absidere* (*adsidere Haase*, *adsideri Baiter*)

nem in provinciam mitti. corruptos saepe pravitatibus uxorum maritos: num ergo omnis caelibes integros? placuisse quondam Oppias leges, sic temporibus rei publicae postulantibus: remissum aliquid postea et mitigatum, quia expedierit. frustra nostram ignaviam alia ad vocabula transferri: nam viri in eo culpam, si femina modum excedat. porro ob unius aut alterius inbecillum animum male eripi maritis consortia rerum secundarum adversarumque. simul sexum natura invalidum deserere et exponi suo luxu, cupidinibus alienis. vix praesenti custodia manere inlaesa coniugia: quid fore, si per plures annos in modum discidii oblitterentur? sic obviam irent iis, quae alibi peccarentur, ut flagitiorum urbis meminissent. addidit pauca Drusus de matrimonio suo; nam principibus adeunda saepius longinqua imperii. quotiens divum Augustum in Occidentem atque Orientem meavisse comite Livia! se quoque in Illyricum profectum et, si ita conducatur, alias ad gentes iturum, haud semper aequo animo, si ab uxore carissima et tot communium liberorum parente divelleretur. sic Caecinae sententia elusa est.

35. Proximo senatus die Tiberius per litteras, castigatis oblique patribus quod cuncta curarum ad principem reicerent, M. Lepidum et Iunium Blaesum nominavit, ex quis pro consule Africae legeretur. tum audita amborum verba, intentius excusante se Lepido, cum valetudinem corporis, aetatem liberum, nubilem filiam obtenderet, intellegereturque etiam quod silebat, avunculum esse Sejani Blaesum atque eo praevalidum. respondit Blaesus specie recusantis, sed neque eadem adseveratione, et consensu adulantium haud adiutus est.

36. Exim promptum quod multorum intimis questibus tegebatur. incedebat enim deterrimo cuique licentia impune probra et invidiam in bonos excitandi arrepta imagine Caesaris; libertique etiam ac servi, patrono vel domino cum

34, 32 elusa est *Freinsheim*: elusa et | 35, 1 proximo *Freinsheim*: proximi cf. 2, 33, 1. 2, 50, 10 | 9 haud iutus *Jac. Gronovius*, haud iustus (adiutus [sine haud] *J. Fr. Gronovius*

voces, cum manus intentarent, ultro metuebantur. igitur C. Cestius senator disseruit principes quidem instar deorum esse, sed neque a dis nisi iustas supplicum preces audiri, neque quemquam in Capitolium aliave urbis templa perfugere, ut eo subsidio ad flagitia utatur. abolitas leges et funditus versas, ubi in foro, in limine curiae ab Annia Rufilla, quam fraudis sub iudice damnavisset, probra sibi et minae intendantur, neque ipse audeat ius experiri ob effigiem imperatoris oppositam. haud dissimilia alii et quidam atrociora circumstrepebant, precabanturque Drusum daret ultionis exemplum, donec accitam convictamque attineri publica custodia iussit.

37. Et Considius Aequus et Caelius Cursor equites Romani, quod fictis maiestatis criminibus Magium Caecilianum praetorem petivissent, auctore principe ac decreto senatus puniti. utrumque in laudem Drusi trahebatur: ab eo in urbe, inter coetus et sermones hominum obversante, secreta patris mitigari. neque luxus in iuvene adeo displicebat: huc potius intenderet, diem aedificationibus, noctem convivii traheret, quam solus et nullis voluptatibus avocatus maestam vigilantiam et malas curas exercebat.

38. Non enim Tiberius, non accusatores fatiscebant. et Ancharius Priscus Caesium Cordum pro consule Cretae postulaverat repetundis, addito maiestatis crimine, quod tum omnium accusationum complementum erat. Caesar Antistium Veterem e primoribus Macedoniae, absolutum adulterii, increpitis iudicibus ad dicendam maiestatis causam retraxit, ut turbidum et Rhescuporidis consilii permixtum, qua tempestate Cotye [fratre] interfecto bellum adversus nos voverat. igitur aqua et igni interdictum reo, adpositumque ut teneretur insula neque Macedoniae neque Thraeciae oppor- tuna. nam Thraecia diviso imperio in Rhoemetalcen et libe-

37, 7 diem editionibus *Lipsius*, d. ludis et venationibus *Urlichs*, d. ludicris factionibus *Raim. Seyffert* | traheret *Lipsius*: trahere | 38, 3 de repetundis *Nipperdey*, at confert *Dräger Suet. Oth.* 2 damnatus repetundis, i. e. repetundarum crimine | 8 [fratre] *Ernesti*, fratris filio *Muretus*

ros Cotyis, quis ob infantiam tutor erat Trebellenus Rufus, insolentia nostri discors agebat neque minus Rhoemetalcen quam Trebellenum incusans popularium iniurias inultas
 15 sinere. Coelaetae Odrusaeque et Dii, validae nationes, arma cepere, ducibus diversis et paribus inter se per ignobilitatem; quae causa fuit, ne in bellum atrox coalescerent. pars turbant praesentia, alii montem Haemum transgrediuntur, ut remotos populos concirent; plurimi ac maxime compositi regem urbemque Philippopolim, a Macedone Philippo
 20 sitam, circumsidunt.

39. Quae ubi cognita P. Vellao (is proximum exercitum praesidebat), alarios equites ac levis cohortium mittit in eos, qui praedabundi aut adsumendis auxiliis vagabantur, ipse robur peditum ad exsolvendum obsidium ducit. simul
 5 que cuncta prospere acta, caesis populatoribus et dissensione orta apud obsidentes regisque opportuna eruptione et adventu legionis. neque aciem aut proelium dici decuerit, in quo semerimi ac palantes trucidati sunt sine nostro sanguine.

40. Eodem anno Galliarum civitates ob magnitudinem aeris alieni rebellionem coeptavere, cuius exstimulator acerrimus inter Treveros Iulius Florus, apud Aeduos Iulius Sacrovir. nobilitas ambobus et maiorum bona facta, eoque
 5 Romana civitas olim data, cum id rarum nec nisi virtuti pretium esset. ii secretis conloquiis, ferocissimo quoque adsumpto aut quibus ob egestatem ac metum ex flagitiis maxima peccandi necessitudo, componunt Florus Belgas, Sacrovir propiores Gallos concire. igitur per conciliabula et
 10 coetus seditiosa disserebant de continuatione tributorum, gravitate faenoris, saevitia ac superbia praesidentium; et discordare militem audito Germanici exitio. egregium resumendae libertati tempus, si ipsi florentes, quam inops Italia, quam inbellis urbana plebes, nihil validum in exercitibus nisi
 15 quod externum, cogitarent.

38, 12 trebellienus et 14 trebellienum, em. *Andresen ad 2, 67* | 15 Dii *Lipsius (coll. Thucyd. 2, 96)*: alii | 21 positam *Thomae coll. 12, 63* | 39, 8 semerime, em. *Jac. Gronovius cf. 1, 63, 3, 45*

41. Haud ferme ulla civitas intacta seminibus eius motus fuit: sed erupere primi Andecavi ac Turoni. quorum Andecavos Acilius Aviola legatus excita cohorte, quae Lugduni praesidium agitabat, coërcuit. Turoni legionario milite, quem
 Visellius Varro inferioris Germaniae legatus miserat, oppressi
 5 eodem Aviola duce et quibusdam Galliarum primoribus, qui tulere auxilium, quo dissimularent defectionem magisque in tempore efferrent. spectatus et Sacrovir intecto capite pugnam pro Romanis ciens, ostentandae, ut ferebat, virtutis: sed captivi, ne incessetur telis, adgnosendum se praebuisse
 10 arguebant. consultus super eo Tiberius aspernatus est indicium aluitque dubitatione bellum.

42. Interim Florus insistere destinatis, pellicere alam equitum, quae conscripta e Treveris militia disciplinaque nostra habebatur, ut caesis negotiatoribus Romanis bellum
 inciperet; paucique equitum corrupti, plures in officio mansere. aliud vulgus obaeratorum aut clientium arma cepit;
 5 petebantque saltus, quibus nomen Arduenna, cum legiones utroque ab exercitu, quas Visellius et C. Silius adversis itineribus obiecerant, arcuerunt. praemissusque cum delecta manu Iulius Indus e civitate eadem, discors Floro et ob id
 navandae operae avidior, inconditam multitudinem adhuc dis-
 10 iciecit. Florus incertis latebris victores frustratus, postremo visis militibus, qui effugia insederant, sua manu cecidit. isque Treverici tumultus finis.

43. Apud Aeduos maior moles exorta, quanto civitas opulentior et comprimendi procul praesidium. Augustodunum caput gentis armatis cohortibus Sacrovir occupaverat,
 ut nobilissimam Galliarum subolem, liberalibus studiis ibi
 operatam, et eo pignore parentes propinquosque eorum ad-
 5 iungeret; simul arma occulte fabricata iuventuti dispertit.

42, 2 conscripta e *Bekker*: conscriptae | 10 adhuc multitudinem *Nipperdey*, cf. *Andresen Jahresber. II, p. 78 n. 2 et Lex. Tacit. s. v. adhuc extr.* | 43, 4 ut *add. Bezenberger* | nobilissimarum, em. *Lipsius* (occup., nobilissima G. subole l. s. i. operata *Haase*, o. nobilissima cum G. subole . . operata *Joh. Müller*) | 5 et *Bezenberger*: ut

quadraginta milia fuere, quinta sui parte legionariis armis, ceteri cum venabulis et cultris quaeque alia venantibus tela sunt. adduntur e servitiis gladiaturae destinati, quibus more gentico continuum ferri tegimen: cruppellarios vocant, inferendis ictibus inhabiles, accipiendis inpenetrabiles. augebantur eae copiae vicinarum civitatum ut nondum aperta consensione, ita viritim promptis studiis, et certamine ducum Romanorum, quos inter ambigebatur utroque bellum sibi poscente. mox Varro invalidus senecta vigenti Silio concessit.

44. At Romae non Treveros modo et Aeduos, sed quatuor et sexaginta Galliarum civitates descivisse, adsumptos in societatem Germanos, dubias Hispanias, cuncta, ut mos famae, in maius credita. optumus quisque rei publicae cura maerebat: multi odio praesentium et cupidine mutationis suis quoque periculis laetabantur, increpabantque Tiberium, quod in tanto rerum motu libellis accusatorum insumeret operam. an Sacrovirum maiestatis crimine reum in senatu fore? extitisse tandem viros, qui cruentas epistulas armis cohiberent. miseram pacem vel bello bene mutari. tanto inpensius in securitatem conpositus, neque loco neque vultu mutato, sed ut solitum per illos dies egit, altitudine animi, an conpererat modica esse et vulgatis leviora.

45. Interim Silius, cum legionibus duabus incedens, praemissa auxiliari manu vastat Sequanorum pagos, qui finium extremi et Aeduis contermini sociique in armis erant. mox Augustodunum petit propero agmine, certantibus inter se signiferis, fremente etiam gregario milite, ne suetam requiem, ne spatia noctium opperiretur: viderent modo adversos et aspicerentur; id satis ad victoriam. duodecimum apud lapidem Sacrovir copiaeque patentibus locis apparuere. in fronte statuerat ferratos, in cornibus cohortes, a tergo semermos. ipse inter primores equo insigni adire, memorare veteres Gallorum glorias quaeque Romanis adversa intulissent; quam decora victoribus libertas, quanto intolerantior servitus iterum victis.

45, 8 fronte *Lipsius*: frontē

46. Non diu haec nec apud laetos: etenim propinquabat legionum acies, inconditique ac militiae nescii oppidani neque oculis neque auribus satis competebant. contra Silius, etsi praesumpta spes hortandi causas exemerat, clamitabat tamen, pudendum ipsis, quod Germaniarum victores adversum Gallos tamquam in hostem ducerentur. una nuper cohors rebellem Turonum, una ala Treverum, paucae huius ipsius exercitus turmae profligavere Sequanos. quanto pecunia dites et voluptatibus opulentos, tanto magis inbelles Aeduos evincite et fugientibus consulite. ingens ad ea clamor, et circumfudit eques frontemque pedites invasere, nec cunctatum apud latera. paulum morae attulere ferrati, restantibus laminis adversum pila et gladios; set miles correptis securibus et dolabris, ut si murum perrumperet, caedere tegmina et corpora; quidam trudibus aut furcis inertem molem prosternere, iacentesque nullo ad resurgendum nisu quasi exanimes linquebantur. Sacrovir primo Augustodunum, dein metu deditiois in villam propinquam cum fidissimis pergit. illic sua manu, reliqui mutuis ictibus occidere: incensa super villa omnes cremavit.

47. Tum demum Tiberius ortum patratumque bellum senatu scripsit; neque dempsit aut addidit vero, sed fide ac virtute legatos, se consiliis superfuisse. simul causas, cur non ipse, non Drusus profecti ad id bellum forent, adiunxit, magnitudinem imperii extollens, neque decorum principibus, si una alterave civitas turbet ** omissa urbe, unde in omnia regimen. nunc, quia non metu ducatur, iturum, ut praesentia spectaret componeretque. decrevere patres vota pro reditu eius supplicationesque et alia decora. solus Dolabella Cornelius, dum anteire ceteros parat, absurdam in adulatorem progressus, censuit ut ovans e Campania urbem introiret. igitur secutae Caesaris litterae, quibus se non tam vacuum gloria praedicabat, ut post ferocissimas gentes perdomitas,

46, 9 inbelles esse *A. Pfitzner* | 11 circumfudit terga eques *Ritter* | tuncatum (diu certatum *Wölfflin*, dubitatum *C. Jacoby*) | 19 incensa *Rhenanus*: ingressa | 47, 1 senatus | 6 lacunae signum hic posuit *Nipperdey*

tot receptos in iuventa aut spretos triumphos, iam senior per-
15 egrinationis suburbanae inane praemium peteret.

48. Sub idem tempus, ut mors Sulpicii Quirini publicis
exsequiis frequentaretur, petivit a senatu. nihil ad veterem
et patriciam Sulpiciorum familiam Quirinius pertinuit, ortus
apud municipium Lanuvium: sed impiger militiae et acribus
5 ministeriis consulatum sub divo Augusto, mox expugnatis per
Ciliciam Homonadensium castellis insignia triumphi adeptus,
datusque rector Gaio Caesari Armeniam optinenti Tiberium
quoque Rhodi agentem coluerat. quod tunc patefecit in sen-
nato, laudatis in se officiis et incusato M. Lollio, quem aucto-
10 rem Gaio Caesari pravitatis et discordiarum arguebat. sed
ceteris haud laeta memoria Quirini erat ob intenta, ut me-
moravi, Lepidae pericula sordidamque et praepotentem se-
nectam.

49. Fine anni Clutorium Priscum equitem Romanum, post
celebre carmen, quo Germanici suprema desleverat, pecunia
donatum a Caesare, corripuit delator, obiectans aegro Druso
composuisse quod, si extinctus foret, maiore praemio vulga-
5 retur. id Clutorius in domo P. Petronii, socru eius Vitellia
coram multisque inlustribus feminis, per vaniloquentiam le-
gerat. ut delator extitit, ceteris ad dicendum testimonium
exterritis, sola Vitellia nihil se audivisse adseveravit. sed
arguentibus ad perniciem plus fidei fuit, sententiaque Ha-
10 terii Agrippae consulis designati indictum reo ultimum sup-
plicium.

50. Contra M. Lepidus in hunc modum exorsus est: 'si,
patres conscripti, unum id spectamus, quam nefaria voce
Clutorius Priscus mentem suam et aures hominum polluerit,
neque carcer neque laqueus, ne serviles quidem cruciatus
5 in eum suffecerint. sin flagitia et facinora sine modo sunt,
supplicii ac remedii principis moderatio maiorumque et
vestra exempla temperant, et vana a scelestis, dicta a male-
ficiis differunt, est locus sententiae, per quam neque huic de-

48, 5 per] super *M. Haupt* | 9 *Lollio Lipsius*: folio | 49, 6
legerat: iecerat *Weissbrodt* (apud *Ritterum*), cf. 1, 10, 31 | 50,
1 *M. Lipsius*: M.

lictum impune sit et nos clementiae simul ac severitatis non
paeniteat. saepe audiui principem nostrum conquerentem,
10 si quis sumpta morte misericordiam eius praevenisset. vita
Clutorii in integro est, qui neque servatus in periculum rei
publicae neque interfectus in exemplum ibit. studia illi, ut
plena vaecordiae, ita inania et fluxa sunt; nec quicquam
grave ac serium ex eo metuas, qui suorum ipse flagitiorum
15 proditor non virorum animis, sed muliercularum adrepat. cedat
tamen urbe et bonis amissis aqua et igni arceatur: quod per-
inde censeo ac si lege maiestatis teneretur.'

51. Solus Lepido Rubellius Blandus e consularibus ad-
sensit: ceteri sententiam Agrippae secuti, ductusque in car-
cerem Priscus ac statim exanimatus. id Tiberius solitis sibi
ambagibus apud senatum incusavit, cum extolleret pietatem
quamvis modicas principis iniurias acriter ulciscientium, de-
5 precaretur tam praecipitis verborum poenas, laudaret Lepi-
dum neque Agrippam argueret. igitur factum senatus con-
sultum, ne decreta patrum ante diem *decimum* ad aerarium
deferrentur idque vitae spatium damnatis prorogaretur. sed
non senatui libertas ad paenitendum erat, neque Tiberius in-
10 teriectu temporis mitigabatur.

52. C. Sulpicius D. Haterius consules sequuntur, in-
turbidus externis rebus annus, domi suspecta severitate ad-
versum luxum, qui inmensum proruperat ad cuncta, quis pe-
cunia prodigitur. sed alia sumptuum, quamvis graviora, dis-
simulatis plerumque pretiis occultabantur; ventris et ganeae
5 paratus adsiduis sermonibus vulgati fecerant curam, ne prin-
ceps antiquae parsimoniae durius adverteret. nam incipiente
C. Bibulo ceteri quoque aediles disseruerant, sperni sum-
ptuariam legem vetitaeque utensilium pretia augeri in dies,
nec mediocribus remediis sisti posse. et consulti patres in-
10 tegrum id negotium ad principem distulerant. sed Tiberius
saepe apud se pensitato, an coërceri tam profusae cupidines
possent, num coërcitio plus damni in rem publicam ferret,

50, 12 est: sit *Madvig* | 51, 6 tamen *Heraeus* | 8 *decimum*
add. Lipsius | 52, 1 *Haterius Rhenanus*: harius | 10 *remediis*
sisti Pichena: remedii isti

quam indecorum adtrectare quod non obtineret vel retentum
 15 ignominiam et infamiam virorum inlustrium posceret, postremo litteras ad senatum composuit, quarum sententia in hunc modum fuit.

53. 'Ceteris forsitan in rebus, patres conscripti, magis expediat me coram interrogari et dicere quid e re publica censeam: in hac relatione subtrahi oculos meos melius fuit, ne denotantibus vobis ora ac metum singulorum, qui pudenti
 5 luxu arguerentur, ipse etiam viderem eos ac velut deprenderem. quod si mecum ante viri strenui, aediles, consilium habuissent, nescio an suasurus fuerim omittere potius praevalida et adulta vitia quam hoc adsequi, ut palam fieret quibus flagitiis impares essemus. sed illi quidem officio
 10 functi sunt, ut ceteros quoque magistratus sua munia implere velim: mihi autem neque honestum silere neque proloqui expeditum, quia non aedilis aut praetoris aut consulis partis sustineo. maius aliquid et excelsius a principe postulatur; et cum recte factorum sibi quisque gratiam trahant, unius
 15 invidia ab omnibus peccatur. quid enim primum prohibere et priscum ad morem recidere adgrediar? villarumne infinita spatia? familiarum numerum et nationes? argenti et auri pondus? aeris tabularumque miracula? promiscas viris et feminis vestes atque illa feminarum propria, quis lapidum
 20 causa pecuniae nostrae ad externas aut hostilis gentes transferuntur?

54. Nec ignoro in conviviis et circulis incusari ista et modum posci: set si quis legem sanciat, poenas indicat, idem illi civitatem verti, splendidissimo cuique exitium parari, neminem criminis expertem clamitabunt. atqui ne corporis quidem morbos veteres et diu auctos nisi per dura et aspera
 5 coërceas: corruptus simul et corruptor, aeger et flagrans animus haud levioribus remediis restinguendus est, quam libidinis ardescit. tot a maioribus repertae leges, tot quas divus Augustus tulit, illae oblivione, hae, quod flagitiosius est,
 10 contemptu abolitae securiorem luxum fecere. nam si velis

quod nondum vetitum est, timeas ne vetere: at si prohibita impune transcenderis, neque metus ultra neque pudor est. cur ergo olim parsimonia pollebat? quia sibi quisque moderabatur, quia unius urbis cives eramus; ne inritamenta quidem eadem intra Italiam dominantibus, externis victoriis
 15 aliena, civilibus etiam nostra consumere didicimus. quantum istud est, de quo aediles admonent! quam, si cetera respicias, in levi habendum! at hercule nemo refert, quod Italia externae opis indiget, quod vita populi Romani per incerta maris et tempestatum cotidie volvitur. ac nisi pro-
 20 vinciarum copiae et dominis et servitiis et agris subvenerint, nostra nos scilicet nemora nostraeque villae tuebuntur. hanc, patres conscripti, curam sustinet princeps; haec ommissa funditus rem publicam trahet. reliquis intra animum medendum est: nos pudor, pauperes necessitas, divites satias in melius
 25 mutet. aut si quis ex magistratibus tantam industriam ac severitatem pollicetur, ut ire obviam queat, hunc ego et laudo et exonerari laborum meorum partem fateor: sin accusare vitia volunt, dein, cum gloriam eius rei adepti sunt, simultates faciunt ac mihi relinquunt, credite, patres conscripti, me
 30 quoque non esse offensionum avidum; quas cum graves et plerumque iniquas pro re publica suscipiam, inanes et inritas neque mihi aut vobis usui futuras iure deprecor.'

55. Auditis Caesaris litteris remissa aedilibus talis cura; luxusque mensae, a fine Actiaci belli ad ea arma, quis Servius Galba rerum adeptus est, per annos centum profusis sumptibus exerciti paulatim exolevere. causas eius mutationis quaerere libet. dites olim familiae nobilium aut claritudo
 5 insignes studio magnificentiae prolabebantur. nam etiam tum plebem socios regna colere et coli licitum; ut quisque opibus domo paratu speciosus, per nomen et clientelas inlustrior habebatur. postquam caedibus saevitum et magnitudo famae exitio erat, ceteri ad sapientiora convertere. si-
 10 mul novi homines e municipiis et coloniis atque etiam pro-

vinciis in senatum crebro adsumpti domesticam parsimoniam intulerunt, et quamquam fortuna vel industria plerique pecuniosam ad senectam pervenirent, mansit tamen prior animus. sed praecipuus adstricti moris auctor Vespasianus fuit, antiquo ipse cultu victuque. obsequium inde in principem et aemulandi amor validior quam poena ex legibus et metus. nisi forte rebus cunctis inest quidam velut orbis, ut quem ad modum temporum vices, ita morum vertantur; nec omnia apud priores meliora, sed nostra quoque aetas multa laudis et artium imitanda posteris tulit. verum haec nobis in maiores certamina ex honesto maneant.

56. Tiberius fama moderationis parta, quod ingruentis accusatores represserat, mittit litteras ad senatum, quis potestatem tribuniciam Druso petebat. id summi fastigii vocabulum Augustus repperit, ne regis aut dictatoris nomen adsumeret ac tamen appellatione aliqua cetera imperia praemineret. Marcum deinde Agrippam socium eius potestatis, quo defuncto Tiberium Neronem delegit, ne successor in incerto foret. sic cohiberi pravas aliorum spes rebatur; simul modestiae Neronis et suae magnitudini fidebat. quo tunc exemplo Tiberius Drusum summae rei admovit, cum incolumi Germanico integrum inter duos iudicium tenuisset. sed principio litterarum veneratus deos, ut consilia sua rei publicae prosperarent, modica de moribus adolescentis neque in falsum aucta rettulit. esse illi coniugem et tres liberos eamque aetatem, qua ipse quondam a divo Augusto ad capessendum hoc munus vocatus sit. neque nunc propere, sed per octo annos capto experimento, compressis seditionibus, compositis bellis, triumphalem et bis consulem noti laboris participem sumi.

57. Praeceperant animis orationem patres, quo quaesitor adulatio fuit. nec tamen repertum nisi ut effigies principum, aras deum, templa et arcus aliaque solita censerent, nisi quod M. Silanus ex contumelia consulatus honorem prin-

55, 21 in *add. Lipsius*, erga maiores *Rhenanus*, [maiores] *Mitscherlich*, animorum *Joh. Müller* | 56, 10 admovit nos: admouet

cipibus petivit dixitque pro sententia, ut publicis privatisve monumentis ad memoriam temporum non consulum nomina praescriberentur, sed eorum qui tribuniciam potestatem gererent. at Q. Haterius cum eius diei senatus consulta aureis litteris figenda in curia censuisset, deridiculo fuit senex foedissimae adulationis tantum infamia usus.

58. Inter quae provincia Africa Iunio Blaeso prorogata, Servius Maluginensis flamen Dialis ut Asiam sorte haberet postulavit, frustra vulgatum dictitans non licere Dialibus egredi Italia, neque aliud ius suum quam Martialium Quirinaliumque flaminum: porro, si hi duxissent provincias, cur Dialibus id vetitum? nulla de eo populi scita, non in libris caerimoniarum reperiri. saepe pontifices Dialia sacra fecisse, si flamen valetudine aut munere publico impediretur. quinque et septuaginta annis post Cornelii Merulae caedem neminem suffectum, neque tamen cessavisse religiones. quod si per tot annos possit non creari nullo sacrorum damno, quanto facilius afuturum ad unius anni proconsulare imperium? privatis olim simultatibus effectum, ut a pontificibus maximis ire in provincias prohiberentur: nunc deum munere summum pontificum etiam summum hominum esse, non aemulationi, non odio aut privatis adfectionibus obnoxium.

59. Adversus quae cum augur Lentulus alique varie dissererent, eo decursum est, ut pontificis maximi sententiam opperirentur. Tiberius dilata notione de iure flaminis, decretas ob tribuniciam Drusi potestatem caerimonias temperavit, nominatim arguens insolentiam sententiae aureasque litteras contra patrium morem. recitatae et Drusi epistolae quamquam ad modestiam flexae pro superbissimis accipiuntur. huc decidisse cuncta, ut ne iuvenis quidem tanto honore accepto adiret urbis deos, ingrederetur senatum, auspicia saltem gentile apud solum inciperet. bellum scilicet aut diverso

57, 5 privatisque *Muretus* | 8 at Q. *Lipsius*: atque | 58, 5 sibi | 8 V *Lachmann*: duobus (VII *Sirker Ann. philol.* 1872 p. 135) | 15 aemulatione, em. *Muretus* | 59, 3 delata | 5 ins. Silamanae sententiae *Joh. Müller* | 10 bello *Lipsius*, bello eum *Pichena*

terrarum distineri, litora et lacus Campaniae cum maxime peragrantem. sic imbui rectorem generis humani, id primum e paternis consiliis discere. sane gravaretur aspectum civium senex imperator fessamque aetatem et actos labores praetenderet: Druso quod nisi ex adrogantia impedimentum?

60. Sed Tiberius, vim principatus sibi firmans, imaginem antiquitatis senatui praebebat, postulata provinciarum ad disquisitionem patrum mittendo. crebrescebat enim Graecas per urbes licentia atque impunitas asyla statuendi; conplebantur templa pessimis servitorum; eodem subsidio obaerati adversum creditores suspectique capitalium criminum receptabantur. nec ullum satis validum imperium erat coërendis seditionibus populi, flagitia hominum ut caerimonias deum protegentis. igitur placitum ut mitterent civitates iura atque legatos. et quaedam quod falso usurpaverant sponte omisere; multae vetustis superstitionibus aut meritis in populum Romanum fidebant. magnaue eius diei species fuit, quo senatus maiorum beneficia, sociorum pacta, regum etiam, qui ante vim Romanam valuerant, decreta ipsorumque numinum religiones intropexit, libero, ut quondam, quid firmaret mutaretve.

61. Primi omnium Ephesii adiere, memorantes non, ut vulgus crederet, Dianam atque Apollinem Delo genitos: esse apud se Cencreum amnem, lucum Ortygiam, ubi Latonam partu gravidam et oleae, quae tum etiam maneat, adnisam edidisse ea numina, deorumque monitu sacratum nemus, atque ipsum illic Apollinem post interfectos Cyclopas Iovis iram vitavisse. mox Liberum patrem, bello victorem, supplicibus Amazonum, quae aram insiderant, ignovisse. auctam hinc concessu Herculis, cum Lydia poteretur, caerimoniam templo, neque Persarum ditione deminutum ius; post Macedonas, dein nos servavisse.

60, 9 protegentes, *em. Rhenanus* | civitatis, *em. idem* | 61, 2 in Delo *Bezenberger* | 3 Cencreum *Beroaldus*; *εὶ* diphthongus e producta expressa est, ut 3, 63 in Dareus, *cf. Alexandri Aetoli versum ἢ τ' ἐπὶ Κεγγαστῶ τίμων οἶκον ἔχει in Meinekii Anal. Alex. p. 225* | 3 lucum *Lipsius*: locum | 4 et] *ei Bezenberger*

62. Proximi hos Magnetes L. Scipionis et L. Sullae constitutis nitebantur, quorum ille Antiocho, hic Mithridate pulsis fidem atque virtutem Magnetum decoravere, uti Dianae Leucophrynae perfugium inviolabile foret. Aphrodisienses posthac et Stratonicensis dictatoris Caesaris ob vetusta in partis merita et recens divi Augusti decretum adtulere, laudati, quod Parthorum inruptionem nihil mutata in populum Romanum constantia pertulissent. sed Aphrodisiensium civitas Veneris, Stratonicensium Iovis et Triviae religionem tuebantur. altius Hierocaesarienses exposuere, Persicam apud se Dianam, delubrum rege Cyro dicatum; et memorabantur Perpennae, Isaurici multaque alia imperatorum nomina, qui non modo templo, sed duobus milibus passuum eandem sanctitatem tribuerant. exim Cyprii tribus de delubris, quorum vetustissimum Paphiae Veneri auctor Aërias, post filius eius Amathus Veneri Amathusiae et Iovi Salaminio Teucer, Telamonis patris ira profugus, posuissent.

63. Auditaë aliarum quoque civitatum legationes. quorum copia fessi patres, et quia studiis certabatur, consulibus permisere, ut perspecto iure, et si qua iniquitas involveretur, rem integram rursus ad senatum referrent. consules super eas civitates, quas memoravi, apud Pergamum Aesculapii conpertum asylum rettulerunt: ceteros obscuris ob vetustatem initiis niti. nam Zmyrnaeos oraculum Apollinis, cuius imperio Stratonicipi Veneri templum dicaverint, Tenios eiusdem carmen referre, quo sacrare Neptuni effigiem aedemque iussi sint. propiora Sardianos: Alexandri victoris id donum. neque minus Milesios Dareo rege niti; set cultus numinum utrisque Dianam aut Apollinem venerandi. petere et Cretenses simulacro divi Augusti. factaque senatus consulta, quis multo cum honore modus tamen praescriberetur, iussi-

62, 1 proximi hos *M. Wurm*: proximo magnetes (proximi *M. Freinsheim*) | 4 leucophine, *em. Lipsius* (Leucophrynae *Beroaldus*) | 11 regi *Freinsheim* | 14 de *add. Bezenberger* | 63, 7 zmyrnetis | 8 Stratonicipi *Rhenanus*: strato nicidiuae | 11 rege niti set *Lipsius*: regi uti et

15 que ipsis in templis figere aera sacrandam ad memoriam, neu specie religionis in ambitionem delaberentur.

64. Sub idem tempus Iuliae Augustae valetudo atrox necessitudinem principi fecit festinati in urbem reditus, sincera adhuc inter matrem filiumque concordia sive occultis odiis. neque enim multo ante, cum haud procul theatro Marcelli effigiem divo Augusto Iulia dicaret, Tiberi nomen suo postscripterat, idque ille credebatur ut inferius maiestate principis gravi et dissimulata offensione abdidisse. set tum supplicia dis ludique magni ab senatu decernuntur, quos pontifices et augures et quindecimviri septemviris simul et sodalibus Augustalibus ederent. censuerat L. Apronius, ut fetiales quoque iis ludis praesiderent. contra dixit Caesar, distincto sacerdotiorum iure et repetitis exemplis: neque enim umquam fetialibus hoc maiestatis fuisse. ideo Augustales adiectos, quia proprium eius domus sacerdotium esset, pro qua vota persolverentur.

65. Exsequi sententias haud institui nisi insignes per honestum aut notabili dedecore, quod praecipuum munus annalium reor, ne virtutes sileantur, utque pravis dictis factisque ex posteritate et infamia metus sit. ceterum tempora illa adeo infecta et adulatione sordida fuere, ut non modo primores civitatis, quibus claritudo sua obsequiis protegenda erat, sed omnes consulares, magna pars eorum qui praetura functi multique etiam pedarii senatores certatim exsurgerent foedaque et nimia censerent. memoriae proditur Tiberium, quotiens curia egrederetur, Graecis verbis in hunc modum eloqui solitum 'o homines ad servitum paratos!' scilicet etiam illum, qui libertatem publicam nollet, tam proiectae servientium patientiae taedebat.

66. Paulatim dehinc ab indecoris ad infesta transgrediebantur. C. Silanum pro consule Asiae, repetundarum a sociis postulatum, Mamercus Scaurus e consularibus, Iunius Otho praetor, Bruttedius Niger aedilis simul corripunt obiectantque violatum Augusti numen, spretam Tiberii maiesta-

63, 15 figere *Pichena*: fieri | 66, 4 Bruttedius *Beroaldus*, Brutidius *Rhenanus*, at cf. *Buecheler in N. mus. Rhen. XI, 295*

tem, Mamercus antiqua exempla iaciens, L. Cottam a Scipione Africano, Servium Galbam a Catone censorio, P. Rutilium a M. Scauro accusatos. videlicet Scipio et Cato talia ulciscabantur, aut ille Scaurus, quem proavum suum obprobrium maiorum Mamercus infami opera dehonestabat. Iunio Othoni litterarium ludum exercere vetus ars fuit: mox Seiani potentia senator obscura initia impudentibus ausis propolluebat. Bruttedium artibus honestis copiosum et, si rectum iter pergeret, ad clarissima quaeque iturum festinatio exstimulabat, dum aequalis, dein superiores, postremo suasmet ipse spes antire parat: quod multos etiam bonos pessum dedit, qui spretis quae tarda cum securitate, praematura vel cum exitio properant.

67. Auxere numerum accusatorum Gellius Publicola et M. Paconius, ille quaestor Silani, hic legatus. nec dubium habebatur saevitiae captarumque pecuniarum teneri reum: sed multa adgerebantur etiam insontibus periculosa, cum super tot senatores adversos facundissimis totius Asiae eoque ad accusandum delectis responderet solus et orandi nescius, proprio in metu, qui exercitam quoque eloquentiam debilitat, non temperante Tiberio quin premeret voce vultu, eo quod ipse creberrime interrogabat, neque refellere aut eludere dabatur, ac saepe etiam confitendum erat, ne frustra quaesivisset. servos quoque Silani, ut tormentis interrogarentur, actor publicus mancipio acceperat. et ne quis necessariorum iuvaret periclitantem, maiestatis crimina subdebantur, vinclum et necessitas silendi. igitur petito paucorum dierum interiectu defensionem sui deseruit, ausis ad Caesarem codicillis, quibus invidiam et preces miscuerat.

66, 10 maiorum *Rhenanus*: malorum | 12 prope polluebat *Raim. Seyffert*; prolucebat *Walther*, occulebat *Madvig*, protegebatur *Hiller*, provolvebat *Jac. Gronovius*, protollebat *Acidalius*, porro polluebat *Lipsius*; vide ne quod *Lipsius* voluit in ipsa cod. lectione dictum sit, ut item 6, 25 provivere nove usurpatum est | 14 perageret, em. *Rhenanus* | 16 antire parat *Bach*: antereparat | 67, 7 eloquende belitat | 9 eoque quod *Acidalius* | 11 interrogentur, em. *Lipsius* | 15 ausis: alii missis, alii ausus . . . codicillos

68. Tiberius quae in Silanum parabat, quo excusatus sub exemplo acciperentur, libellos divi Augusti de Voleso Messalla eiusdem Asiae pro consule factumque in eum senatus consultum recitari iubet. tum L. Pisonem sententiam rogat. ille multum de clementia principis praefatus aqua atque igni Silano interdicendum censuit ipsumque in insulam Gyarum relegandum. eadem ceteri, nisi quod Cn. Lentulus separanda Silani materna bona, quippe Atia parente geniti, reddendaque filio dixit, adnuente Tiberio.

69. At Cornelius Dolabella dum adulationem longius sequitur, increpitis C. Silani moribus addidit, ne quis vita probrosus et opertus infamia provinciam sortiretur, idque princeps diiudicaret. nam a legibus delicta puniri: quanto fore mitius in ipsos, melius in socios, provideri ne peccaretur? adversum quae disseruit Caesar: non quidem sibi ignara quae de Silano vulgabatur, sed non ex rumore statuendum. multos in provinciis contra, quam spes aut metus de illis fuerit, egisse: excitari quosdam ad meliora magnitudine rerum, hebescere alios. neque posse principem sua scientia cuncta complecti, neque expedire ut ambitione aliena trahatur. ideo leges in facta constitui, quia futura in incerto sint. sic a maioribus institutum, ut, si antissent delicta, poenae sequerentur. ne verterent sapienter reperta et semper placita: satis onerum principibus, satis etiam potentiae. minui iura, quotiens gliscat potestas, nec utendum imperio, ubi legibus agi possit. quanto rarius apud Tiberium popularitas, tanto laetioribus animis accepta. atque ille prudens moderandi, si propria ira non inpelleretur, addidit insulam Gyarum inमितem et sine cultu hominum esse: darent Iuniae familiae et viro quondam ordinis eiusdem, ut Cythnum potius concederet. id sororem quoque Silani Torquatam, priscae sanctimoniae virginem, expetere. in hanc sententiam facta discessio.

68, 8 Atia *Madvig*: alia' (Manlia *Grotius*, sic item vel Mallia *Borghesi Oeuvr. compl. 3, 17 et 5, 183*) | 69, 4 nam legibus *Wurm* | 15 minui iura *Lipsius*: minutura | 21 Cythnum *Lipsius*: cythenum

70. Post auditi Cyrenenses, et accusante Anchario Prisco Caesius Cordus repetundarum damnatur. L. Ennium equitem Romanum, maiestatis postulatum, quod effigiem principis promiscum ad usum argenti vertisset, recipi Caesar inter reos vetuit, palam aspernante Ateio Capitone quasi per libertatem. non enim debere eripi patribus vim statuendi neque tantum maleficium impune habendum. sane lentus in suo dolore esset: rei publicae iniurias ne largiretur. intellexit haec Tiberius, ut erant magis quam ut dicebantur, perstititque intercedere. Capito insignitior infamia fuit, quod humani divinique iuris sciens egregium publicum et bonas domi artes dehonestavisset.

71. Incessit dein religio, quoniam in templo locandum foret donum, quod pro valetudine Augustae equites Romani voverant equestri Fortunae: nam etsi delubra eius deae multa in urbe, nullum tamen tali cognomento erat. repertum est aedem esse apud Antium, quae sic nuncuparetur, cunctasque caerimonias Italicis in oppidis templaque et numinum effigies iuris atque imperii Romani esse. ita donum apud Antium statuitur. et quoniam de religionibus tractabatur, dilatum nuper responsum adversus Servium Maluginensem flaminem Dialectem prompsit Caesar recitavitque decretum pontificum, quotiens valetudo adversa flaminem Dialectem incessisset, ut pontificis maximi arbitrio plus quam binoctium abesset, dum ne diebus publici sacrificii neu saepius quam bis eundem in annum; quae principe Augusto constituta satis ostendebant annuam absentiam et provinciarum administrationem Dialibus non concedi. memorabaturque L. Metelli pontificis maximi exemplum, qui Aulum Postumium flaminem attinuisset. ita sors Asiae in eum, qui consularium Maluginensi proximus erat, conlata.

72. Isdem diebus Lepidus ab senatu petivit ut basilicam Pauli, Aemilia monumenta, propria pecunia firmaret ornaretque. erat etiam tum in more publica munificentia; nec Augu-

71, 10 prompsit *Lipsius*: promisit | 11 quotiens non val. *Haase*, alii in proximis (incessisset ut) quaedam decesse statuunt, cf. tamen *Madvigii Adv. II, 545* | 72, 1 M. Lepidus *Nipperdey*

stus arcuerat Taurum, Philippum, Balbum hostiles exuvias
 5 aut exundantis opes ornatum ad urbis et posterum gloriam
 conferre. quo tum exemplo Lepidus, quamquam pecuniae
 modicus, avitum decus recoluit. at Pompei theatrum igne
 fortuito haustum Caesar extracturum pollicitus est, eo quod
 nemo e familia restaurando sufficeret, manente tamen nomine
 10 Pompei. simul laudibus Seianum extulit, tamquam labore
 vigilantiaque eius tanta vis unum intra damnum stetisset. et
 censuere patres effigiem Seiano, quae apud theatrum Pom-
 pei locaretur. neque multo post Caesar, cum Iunium Blaesum
 pro consule Africae triumphis insignibus attolleret, dare id se
 15 dixit honori Seiani, cuius ille avunculus erat. ac tamen res
 Blaesi dignae decore tali fuere.

73. Nam Tacfarinas, quamquam saepius depulsus, repa-
 ratis per intima Africae auxiliis huc adrogantiae venerat, ut
 legatos ad Tiberium mitteret sedemque ultro sibi atque exer-
 citui suo postulareret, aut bellum inexplicabile minitaretur.
 5 non alias magis sua populique Romani contumelia indoluisset
 Caesarem ferunt, quam quod desertor et praedo hostium more
 ageret. ne Spartaco quidem post tot consularium exer-
 cituum clades inultam Italiam urenti, quamquam Sertorii at-
 que Mithridatis ingentibus bellis labaret res publica, datum,
 10 ut pacto in fidem acciperetur; nedum pulcherrimo populi
 Romani fastigio latro Tacfarinas pace et concessione agro-
 rum redimeretur. dat negotium Blaeso, ceteros quidem ad
 spem proliceret arma sine noxa ponendi, ipsius autem ducis
 quoquo modo poteretur. et recepti ea venia plerique.
 15 mox adversum artes Tacfarinatis haud dissimili modo belli-
 geratum.

74. Nam quia ille robore exercitus inpar, furandi melior,
 pluris per globos incursaret eluderetque et insidias simul
 temptaret, tres incessus, totidem agmina parantur. ex quis
 Cornelius Scipio legatus praefuit qua praedatio in Leptitanos
 5 et suffugia Garamantum; alio latere, ne Cirtensium pagi

72, 4 arcuerat *Lipsius*: arguerat | 73, 4 inexplicabile *Pluygers* |
 74, 4 Leptitanos *Freinsheim*: leptinos *corr.* e lepcinos

impune traherentur, propriam manum Blaesus filius duxit.
 medio cum delectis, castella et munitiones idoneis locis in-
 ponens, dux ipse arcta et infensa hostibus cuncta fecerat,
 quia, quoquo inclinarent, pars aliqua militis Romani in ore,
 in latere et saepe a tergo erat; multique eo modo caesi aut 10
 circumventi. tunc tripertitum exercitum pluris in manus
 dispergit praepositque centuriones virtutis expertae. nec,
 ut mos fuerat, acta aestate retrahit copias aut in hibernaculis
 veteris provinciae componit, sed ut in limine belli dispositis
 castellis per expeditos et solitudinum gnaros mutantem ma- 15
 palia Tacfarinatem proturbabat, donec fratre eius capto re-
 gressus est, properantius tamen quam ex utilitate sociorum,
 relictis per quos resurgeret bellum. sed Tiberius pro con-
 fecto interpretatus id quoque Blaeso tribuit, ut imperator a
 legionibus salutaretur, prisco erga duces honore, qui bene 20
 gesta re publica gaudio et impetu victoris exercitus concla-
 mabantur; erantque plures simul imperatores nec super ce-
 terorum aequalitatem. concessit quibusdam et Augustus id
 vocabulum, ac tunc Tiberius Blaeso postremum.

75. Obiere eo anno viri inlustres Asinius Saloninus, M.
 Agrippa et Pollione Asinio avis, fratre Druso insignis Cae-
 sarique progener destinatus, et Capito Ateius, de quo me-
 moravi, principem in civitate locum studiis civilibus adsecu- 5
 tus, sed avo centurione Sullano, patre praetorio. consula-
 tum ei adceleraverat Augustus, ut Labeonem Antistium isdem
 artibus praecellentem dignatione eius magistratus anteiret.
 namque illa aetas duo pacis decora simul tulit: sed Labeo
 incorrupta libertate, et ob id fama celebratior, Capitonis ob-
 sequium dominantibus magis probabatur. illi, quod praetu- 10
 ram intra stetit, commendatio ex iniuria, huic, quod consula-
 tum adeptus est, odium ex invidia oriebatur.

76. Et Iunia sexagesimo quarto post Philippensem
 aciem anno supremum diem explevit, Catone avunculo ge-
 nita, C. Cassii uxor, M. Bruti soror. testamentum eius multo

74, 14 sed in l. *Nipperdey*; at est sententia: sed quasi esset
 belli initium, non iam exacta aestas, ita proturbabat etc. | 75,
 7 magistratibus

apud vulgum rumore fuit, quia in magnis opibus, cum ferme
 5 cunctos proceres cum honore nominavisset, Caesarem omi-
 sit. quod civiliter acceptum, neque prohibuit quo minus
 laudatione pro rostris ceterisque sollemnibus funus cohone-
 staretur. viginti clarissimarum familiarum imagines antelatae
 sunt, Manlii, Quinctii aliaque eiusdem nobilitatis nomina.
 10 sed praefulgebant Cassius atque Brutus eo ipso, quod effigies
 eorum non visebantur.

76. 4 operibus

CORNELII TACITI

AB EXCESSU DIVI AUGUSTI

LIBER IV.

1. C. Asinio C. Antistio consulibus nonus Tiberio annus
 erat compositae rei publicae, florentis domus (nam Germa-
 nici mortem inter prospera ducebat), cum repente turbare
 fortuna coepit, saevire ipse aut saevientibus vires praebere.
 initium et causa penes Aelium Seianum cohortibus praeto- 5
 riis praefectum, cuius de potentia supra memoravi: nunc
 originem, mores, et quo facinore dominationem raptum ierit,
 expediam. genitus Vulsiniis patre Seio Strabone equite Ro-
 mano, et prima iuventa Gaium Caesarem divi Augusti nepo-
 tem sectatus, non sine rumore Apicio diviti et prodigo stu- 10
 prum veno dedisse, mox Tiberium variis artibus devinxit,
 adeo ut obscurum adversum alios sibi uni incautum intectum-
 que efficeret, non tam sollertia (quippe isdem artibus victus
 est) quam deum ira in rem Romanam, cuius pari exitio vi-
 guit ceciditque. corpus illi laborum tolerans, animus audax; 15
 sui obtegens, in alios criminator; iuxta adulatio et super-
 bia; palam compositus pudor, intus summa apiscendi libido,
 eiusque causa modo largitio et luxus, saepius industria ac
 vigilantia, haud minus noxiae, quotiens parando regno fin-
 guntur. 20

2. Vim praefecturae modicam antea intendit, dispersas
 per urbem cohortes una in castra conducendo, ut simul im-
 peria acciperent, numeroque et robore et visu inter se fidu-
 cia ipsis, in ceteros metus oreretur. praetendebat lascivire
 militem diductum; si quid subitum ingruat, maiore auxilio 5

1, 7 ierit *Pichena*: perit | 2, 4 oreretur *Faërnus*: credetur |
 5 deductum

pariter subveniri; et severius acturos, si vallum statuatur procul urbis inlecebris. ut perfecta sunt castra, inrepere paulatim militares animos adeundo, appellando; simul centuriones ac tribunos ipse deligere. neque senatorio ambitu abstinebat clientes suos honoribus aut provinciis ornandi, facili Tiberio atque ita prono, ut socium laborum non modo in sermonibus, sed apud patres et populum celebraret colique per theatra et fora effigies eius interque principia legionum sineret.

3. Ceterum plena Caesarum domus, iuvenis filius, nepotes adulti moram cupitis adferebant; et quia vi tot simul corripere intutum, dolus intervalla scelerum poscebat. placuit tamen occultior via et a Druso incipere, in quem recenti ira ferebatur. nam Drusus inpatiens aemuli et animo commotior orto forte iurgio intenderat Seiano manus et contra tendentis os verberaverat. igitur cuncta temptanti promptissimum visum ad uxorem eius Liviam convertere, quae soror Germanici, formae initio aetatis indecorae, mox pulchritudine praecellebat. hanc ut amore incensus adulterio pellexit, et postquam primi flagitii potitus est (neque femina amissa pudicitia alia abnuerit), ad coniugii spem, consortium regni et necem mariti impulit. atque illa, cui avunculus Augustus, socer Tiberius, ex Druso liberi, seque ac maiores et posteriores municipali adultero foedabat, ut pro honestis et praesentibus flagitiosa et incerta exspectaret. sumitur in conscientiam Eudemus, amicus ac medicus Liviae, specie artis frequens secretis. pellit domo Seianus uxorem Apicatam, ex qua tres liberos genuerat, ne paelici suspectaretur. sed magnitudo facinoris metum, prolationes, diversa interdum consilia adferebat.

4. Interim anni principio Drusus ex Germanici liberis togam virilem sumpsit, quaeque fratri eius Neroni decreverat senatus repetita. addidit orationem Caesar, multa cum laude filii sui, quod patria benevolentia in fratris liberos foret. nam Drusus, quamquam arduum sit eodem loci potentiam et con-

3, 2 et del. *Nipperdey* | 10 ad adulterium *Nipperdey*

cordiam esse, aequus adolescentibus aut certe non adversus habebatur. exim vetus et saepe simulatum proficiscendi in provincias consilium refertur. multitudinem veteranorum praetexebat imperator et dilectibus supplendos exercitus: nam voluntarium militem deesse, ac si suppeditet, non eadem virtute ac modestia agere, quia plerumque inopes ac vagi sponte militiam sumant. percensuitque cursim numerum legionum et quas provincias tutarentur. quod mihi quoque exsequendum reor, quae tunc Romana copia in armis, qui socii reges, quanto sit angustius imperitatum.

5. Italiam utroque mari duae classes, Misenum apud et Ravennam, proximumque Galliae litus rostratae naves praesidebant, quas Actiaca victoria captas Augustus in oppidum Foroiuliense miserat valido cum remige. sed praecipuum robur Rhenum iuxta, commune in Germanos Gallosque subsidium, octo legiones erant. Hispaniae recens perdomitae tribus habebantur. Mauros Iuba rex acceperat donum populi Romani. cetera Africae per duas legiones parique numero Aegyptus, dehinc initio ab Suriae usque ad flumen Euphraten, quantum ingenti terrarum sinu ambitur, quattuor legionibus coërcita, accolis Hiberno Albanoque et aliis regibus, qui magnitudine nostra proteguntur adversum externa imperia. et Thraeciam Rhoemetalces ac liberi Cotyis, ripamque Danuvii legionum duae in Pannonia, duae in Moesia attingebant, totidem apud Delmatiam locatis, quae positu regionis a tergo illis, ac si repentinum auxilium Italia posceret, haud procul accirentur, quamquam insideret urbem proprius miles, tres urbanae, novem praetoriae cohortes, Etruria ferme Umbriaque delectae aut vetere Latio et coloniis antiquitas Romanis. at apud idonea provinciarum sociae triremes alaeque et auxilia cohortium, neque multo secus in iis virium: sed persequi incertum fuit, cum ex usu temporis huc illuc mearent, gliscerent numero et aliquando minuerentur.

6. Congruens crediderim recensere ceteras quoque rei

5, 2 constrictae *Nipperdey* | 9 Suriae *Muretus*: suria, v. *Nipperdey ad 3, 72* | 19 coloniis *Lipsius*: colonis | 22 incertum fuerit *Lipsius*, ut est 15, 41

publicae partes, quibus modis ad eam diem habitae sint, quoniam Tiberio mutati in deterius principatus initium ille annus attulit. iam primum publica negotia et privatorum maxima apud patres tractabantur, dabaturque primoribus disse-
 5 rere, et in adulationem lapsos cohibebat ipse; mandabatque honores, nobilitatem maiorum, claritudinem militiae, inlustres domi artes spectando, ut satis constaret non alios potiores fuisse. sua consulibus, sua praetoribus species; minorum
 10 quoque magistratuum exercita potestas; legesque, si maiestatis quaestio eximeretur, bono in usu. at frumenta et pecuniae vectigales, cetera publicorum fructuum societatibus equitum Romanorum agitabantur. res suas Caesar spectatissimo cuique, quibusdam ignotis ex fama mandabat, semelque ad-
 15 sumpti tenebantur prorsus sine modo, cum plerique isdem negotiis insenescerent. plebes acri quidem annona fatigabatur, sed nulla in eo culpa ex principe: quin infecunditati terrarum aut asperis maris obviam iit, quantum impendio diligentiaque poterat. et ne provinciae novis oneribus turba-
 20 rentur utque vetera sine avaritia aut crudelitate magistratuum tolerarent, providebat: corporum verbera, ademptionses bonorum aberant. rari per Italiam Caesaris agri, modesta servitia, intra paucos libertos domus; ac si quando cum privatis disceptaret, forum et ius.

7. Quae cuncta non quidem comi via, sed horridus ac plerumque formidatus, retinebat tamen, donec morte Drusi verterentur: nam dum superfuit, mansere, quia Seianus incipiente adhuc potentia bonis consiliis notescere volebat, et
 5 ultor metuebatur non occultus odii, set crebro querens incolumi filio adiutorem imperii alium vocari. et quantum superesse, ut collega dicatur? primas dominandi spes in arduo: ubi sis ingressus, adesse studia et ministros. exstructa iam sponte praefecti castra, datos in manum milites; cerni effi-
 10 giem eius in monumentis Cn. Pompei; communes illi cum familia Drusorum fore nepotes: precandam post haec modestiam, ut contentus esset. neque raro neque apud paucos

6, 16 acri *Rhenanus*: agri | 7, 5 odii set *Döderlein*: odii et

talia iaciebat, et secreta quoque eius corrupta uxore prode-
 bantur.

8. Igitur Seianus maturandum ratus deligit venenum, quo paulatim inrepente fortuitus morbus adsimularetur. id Druso datum per Lygdum spadonem, ut octo post annos cognitum est. ceterum Tiberius per omnes valetudinis eius dies, nullo metu an ut firmitudinem animi ostentaret, etiam defuncto nec-
 5 dum sepulto, curiam ingressus est. consulesque sede vulgari per speciem maestitiae sedentes honoris locique admonuit, et effusum in lacrimas senatum victo gemitu simul oratione continua erexit: non quidem sibi ignarum posse argui, quod tam recenti dolore subierit oculos senatus: vix propinquorum
 10 adloquia tolerari, vix diem aspici a plerisque lugentium. neque illos inbecillitatis damnandos: se tamen fortiora solacia e complexu rei publicae petivisse. miseratusque Augustae extremam senectam, rudem adhuc nepotum et vergentem aetatem suam, ut Germanici liberi, unica praesentium malorum
 15 levamenta, inducerentur petivit. egressi consules firmatos adloquio adulescentulos deductosque ante Caesarem statuunt. quibus adprensis 'patres conscripti, hos' inquit 'orbatos parente tradidi patruo ipsorum precatusque sum, quamquam
 20 esset illi propria suboles, ne secus quam suum sanguinem foveret, attolleret, sibi et posteris conformaret. erepto Druso preces ad vos converto disque et patria coram obtestor: Augusti pronepotes, clarissimis maioribus genitos, suscipite, regite, vestram meamque vicem explete. hi vobis, Nero et Druse, parentum loco. ita nati estis, ut bona malaque vestra
 25 ad rem publicam pertineant.'

9. Magno ea fletu et mox precationibus faustis audita; ac si modum orationi posuisset, misericordia sui gloriaque animos audientium impleverat: ad vana et totiens inrisa revolutus, de reddenda re publica utque consules seu quis alius regimen susciperent, vero quoque et honesto fidem dempsit.
 5 memoriae Drusi eadem quae in Germanicum decernuntur, plerisque additis, ut ferme amat posterior adulatio. funus

8, 18 parenti 1 m. | 21 foveret ac tolleret *Beroaldus* | confirmaret *Lipsius*

imaginum pompa maxime inlustre fuit, cum origo Iuliae gentis Aeneas omnesque Albanorum reges et conditor urbis Romulus, post Sabina nobilitas, Attus Clausus ceteraque Claudiorum effigies longo ordine spectarentur.

10 In tradenda morte Drusi quae plurimis maximaque fidei auctoribus memorata sunt rettuli: set non omiserim eorundem temporum rumorem, validum adeo, ut nondum exlescat. corrupta ad scelus Livia Seianum Lygdi quoque spadonis animum stupro vinxisse, quod is aetate atque forma carus domino interque primores ministros erat; deinde inter conscios ubi locus veneficii tempusque composita sint, eo audaciae provectum, ut verteret et occulto indicio Drusum veneni in patrem arguens moneret Tiberium, vitandam potio-
nem, quae prima ei apud filium epulanti offerretur. ea fraude
10 captum senem, postquam convivium inierat, exceptum poculum Druso tradidisse; atque illo ignaro et iuveniliter hauriente auctam suspicionem, tamquam metu et pudore sibimet inrogaret mortem, quam patri struxerat.

11. Haec vulgo iactata super id, quod nullo auctore certo firmantur, prompte refutaveris. quis enim mediocri prudentia, nedum Tiberius tantis rebus exercitus, inaudito filio exitium offerret, idque sua manu et nullo ad paenitentium regressu? quin potius ministrum veneni excrucia-
ret, auctorem
5 exquireret, insita denique etiam in extraneos cunctatione et mora adversum unicum et nullius ante flagitii conpertum uteretur? sed quia Seianus facinorum omnium repertor habebatur, ex nimia caritate in eum Caesaris et ceterorum in
10 utrumque odio quamvis fabulosa et immania credebantur, atrocior semper fama erga dominantium exitus. ordo alioqui sceleris per Apicatam Seiani proditus, tormentis Eudemi ac Lygdi patefactus est. neque quisquam scriptor tam infensus extitit, ut Tiberio obiectaret, cum omnia alia conqui-
15 rerent intenderentque. mihi tradendi arguendique rumoris

10, 1 maximaeque fidei Ritter: maximaeque fideis (maximeque fidis al.) | 5 is aetate Ernesti: is lygdus aetate | 10 ei Rhenanus: et | 11 captum Muretus: cum (tum Beroaldus, deceptum Heinsius)

causa fuit, ut claro sub exemplo falsas auditiones depellerem peteremque ab iis, quorum in manus cura nostra venerit, ne divulgata atque incredibilia avide accepta veris neque in miraculum corruptis antehabeant.

12. Ceterum laudante filium pro rostris Tiberio senatus populusque habitum ac voces dolentum simulatione magis quam libens induebat, domumque Germanici revirescere occulti laetabantur. quod principium favoris et mater Agrippina spem male tegens perniciem adceleravere. nam Seianus ubi videt mortem Drusi inultam interfectoribus, sine maerore publico esse, ferox scelerum, et quia prima provenerat, volutare secum, quonam modo Germanici liberos perverteret, quorum non dubia successio. neque spargi venenum in tres poterat, egregia custodum fide et pudicitia
10 Agrippinae impenetrabili. igitur contumaciam eius insectari, vetus Augustae odium, recentem Liviae conscientiam exagitare, ut superbam fecunditate, subnixam popularibus studiis inhiare dominationi apud Caesarem arguerent. atque haec callidis criminatoribus, inter quos delegerat Iulium Postu-
15 mum, per adulterium Mutiliae Priscae inter intimos aviae et consiliis suis peridoneum, quia Prisca in animo Augustae valida anum suapte natura potentiae anxiam insociabilem nurui efficiebat. Agrippinae quoque proximi inliciebantur pravis sermonibus tumidos spiritus perstimulare. 20

13. At Tiberius nihil intermissa rerum cura, negotia pro solaciis accipiens, ius civium, preces sociorum tractabat; factaque auctore eo senatus consulta, ut civitati Cibyrticae apud Asiam, Aegiensi apud Achaia, motu terrae labefactis, subveniretur remissione tributis in triennium. et Vibius Sere-
5 nus pro consule ulterioris Hispaniae, de vi publica damnatus, ob atrocitatem morum in insulam Amorgum deportatur.

11, 17 ne add. Rhenanus, ante veris Thomae | 18 incredibili (incred. inclusit Nipperdey, neque incredibilia Haase, divulg. incredibila atque a. acc. W. Oncken *Annal. philol.* vol. 87, 359) | 12, 6 multam | 13 superbam Muretus: superbiam | 14 alitque haec Madvig | 16 int. Liviae Ritter, [inter i. aviae et] Nipperdey | 13, 7 morum Lipsius: temporum

Carsidius Sacerdos, reus tamquam frumento hostem Tacfarinatem iuvisset, absolvitur, eiusdemque criminis C. Gracchus. hunc comitem exilii admodum infantem pater Sempronius in insulam Cercinam tulerat. illic adultus inter extorres et liberalium artium nescios, mox per Africam ac Siciliam mutando sordidas merces sustentabatur; neque tamen effugit magnae fortunae pericula. ac ni Aelius Lamia et L. Apronius, qui Africam obtinuerant, insontem protexissent, claritudine infausti generis et paternis adversis foret abstractus.

14. Is quoque annus legationes Graecarum civitatum habuit, Samiis Iunonis, Cois Aesculapii delubro vetustum asyli ius ut firmaretur petentibus. Samii decreto Amphictyonum nitebantur, quis praecipuum fuit rerum omnium iudicium, qua tempestate Graeci conditis per Asiam urbibus oramaris potiebantur. neque dispar apud Coos antiquitas, et accedebat meritum ex loco: nam cives Romanos templo Aesculapii induxerant, cum iussu regis Mithridatis apud cunctas Asiae insulas et urbes trucidarentur. variis dehinc et saepius inritis praetorum questibus, postremo Caesar de inmodestia histrionum rettulit: multa ab iis in publicum seditiose, foeda per domos temptari; Oscum quondam ludicrum, levissimae apud vulgum oblectationis, eo flagitiorum et virium venisse, ut auctoritate patrum coercendum sit. pulsi tum 15 histriones Italia.

15. Idem annus alio quoque luctu Caesarem adfecit, alterum ex geminis Drusi liberis extinguendo, neque minus morte amici. is fuit Lucilius Longus, omnium illi tristium laetorumque socius unusque e senatoribus Rhodii secessus comes. ita quamquam novo homini censorium funus, effigiem apud forum Augusti publica pecunia patres decrevere, apud quos etiam tum cuncta tractabantur, adeo ut procurator Asiae Lucilius Capito accusante provincia causam dixerit, magna cum adseveratione principis, non se ius nisi in

13, 8 Carsidius *Reinesius*: carsius | 15 claritudini | 14, 5 qua *Lipsius*: ea qua (ex qua *Weissenborn*, ea tempestate qua *al.*) | 8 incluserant *Madvig* | 14 ut *om.* 1 m. | 15, 1 adfecit *Ritter*: adfcit, cf. *Andresen Jahresb.* 1873 p. 7

servitia et pecunias familiares dedisse: quod si vim praetoris 10 usurpasset manibusque militum usus foret, spreta in eo mandata sua: audirent socios. ita reus cognito negotio damnatur. ob quam ultionem, et quia priore anno in C. Silanum vindicatum erat, decrevere Asiae urbes templum Tiberio matricae eius ac senatui. et permissum statuere; egitque Nero 15 grates ea causa patribus atque avo, laetas inter audientium adfectiones, qui recenti memoria Germanici illum aspici, illum audiri rebantur. aderantque iuveni modestia ac forma principe viro digna, notis in eum Seiani odiis ob periculum gratiora. 20

16. Sub idem tempus de flamine Diali in locum Servi Maluginensis defuncti legendo, simul roganda nova lege deseruit Caesar. nam patricos confarreatis parentibus genitos tres simul nominari, ex quis unus legeretur, vetusto more; neque adesse, ut olim, eam copiam, omissa confarreati ad- 5 suetudine aut inter paucos retenta: (pluresque eius rei causas adferebat, potissimam penes incuriam virorum feminarumque; accedere ipsius caerimoniae difficultates, quae consulto vitarentur) et quod exiret e iure patrio, qui id flaminium apisceretur quaeque in manum flaminis conveniret. ita 10 medendum senatus decreto aut lege, sicut Augustus quaedam ex horrida illa antiquitate ad praesentem usum flexisset. igitur tractatis religionibus placitum instituto flaminum nihil demutari: sed lata lex, qua flaminica Dialis sacrorum causa in potestate viri, cetera promisco feminarum iure ageret. 15 et filius Maluginensis patri suffectus. utque glisceret dignatio sacerdotum atque ipsis promptior animus foret ad capessendas caerimonias, decretum Corneliae virgini, quae in locum Scantiae capiebatur, sestertium viciens, et quotiens Augusta theatrum introisset, ut sedes inter Vestalium consideret. 20

17. Cornelio Cethego Visellio Varrone consulibus pontifices eorumque exemplo ceteri sacerdotes, cum pro incolu-

16, 8 accederet | 9 post vitarentur *Lipsio* quaedam *desse* videbantur, at v. *Madvigii Advers. critica* II, 546 | quod *Rhe-nanus*: quo | flaminium *Med. corr.*, cf. 13, 2 et *Mommsen in Ephem. epigr.* I, 222

mitate principis vota susciperent, Neronem quoque et Drusum isdem dis commendavere, non tam caritate iuvenum
 5 quam adulatione, quae moribus corruptis perinde anceps, si nulla et ubi nimia est. nam Tiberius haud umquam domui Germanici mitis, tum vero aequari adulescentes senectae suae inpatienter indoluit; accitosque pontifices percontatus est, num id precibus Agrippinae aut minis tribuissent. et illi
 10 quidem, quamquam abnuerent, modice perstricti; etenim pars magna e propinquis ipsius aut primores civitatis erant: ceterum in senatu oratione monuit in posterum, ne quis mobiles adulescentium animos praematuris honoribus ad superbiam extolleret. instabat quippe Seianus incusabatque diductam civitatem ut civili bello: esse qui se partium Agrippinae
 15 vocent, ac ni resistatur, fore pluris; neque aliud gliscentis discordiae remedium, quam si unus alterve maxime prompti subverterentur.

18. Qua causa C. Silium et Titium Sabinum adgreditur. amicitia Germanici perniciose utrique, Silio et quod ingentis exercitus septem per annos moderator partisque apud Germaniam triumphalibus Sacroviriani belli victor, quanto
 5 iore mole procideret, plus formidinis in alios dispersebatur. credebant plerique auctam offensionem ipsius intemperantia, immodice iactantis suum militem in obsequio duravisse, cum alii ad seditiones prolaberentur; neque mansurum Tiberio imperium, si iis quoque legionibus cupido novandi fuisset.
 10 destrui per haec fortunam suam Caesar inparemque tanto merito rebatur. nam beneficia eo usque laeta sunt, dum videntur exsolvi posse: ubi multum antevenere, pro gratia odium redditur.

19. Erat uxor Silio Sosia Galla, caritate Agrippinae invisa principi. hos corripi dilato ad tempus Sabino placitum, inmissusque Varro consul, qui paternas inimicitias obtendens odiis Seiani per dedecus suum gratificabatur. precante reo
 5 brevem moram, dum accusator consulatu abiret, adversatus

17, 5 perinde *Rhenanus*: proinde | 14 deductam | 18, 4 victor. quanto *alii* | 5 procederet, *em. Rhenanus* | 10 inparemque se tanto *Pichena*

est Caesar: solitum quippe magistratibus diem privatis dicere: nec infringendum consulis ius, cuius vigiliis niteretur, ne quod res publica detrimentum caperet. proprium id Tiberio fuit scelera nuper reperta priscis verbis obtegere. igitur multa adseveratione, quasi aut legibus cum Silio ageretur aut Varro
 10 consul aut illud res publica esset, coguntur patres. silente reo, vel si defensionem coeptaret, non occultante cuius ira premeretur, conscientia belli Sacrovir diu dissimulatus, victoria per avaritiam foedata et uxor Sosia arguebantur. nec dubie repetundarum criminibus haerebant, sed cuncta quac-
 15 stione maiestatis exercita, et Silius imminentem damnationem voluntario fine praevertit.

20. Saevitum tamen in bona, non ut stipendiariis pecuniae redderentur, quorum nemo repetebat, sed liberalitas Augusti avulsa, computatis singillatim quae fisco petebantur. ea prima Tiberio erga pecuniam alienam diligentia fuit. Sosia in exilium pellitur Asinii Galli sententia, qui partem
 5 honorum publicandam, pars ut liberis relinqueretur censuerat. contra M. Lepidus quartam accusatoribus secundum necessitudinem legis, cetera liberis concessit. hunc ego Lepidum temporibus illis gravem et sapientem virum fuisse comperior: nam pleraque ab saevis adulationibus aliorum in
 10 melius flexit. neque tamen temperamenti egebat, cum aequabili auctoritate et gratia apud Tiberium vigerit. unde dubitare cogor, fato et sorte nascendi, ut cetera, ita principum inclinatio in hos, offensio in illos, an sit aliquid in nostris consiliis liceatque inter abruptam contumaciam et deforme
 15 obsequium pergere iter ambitione ac periculis vacuum. at Messalinus Cotta haud minus claris maioribus, sed animo diversus, censuit cavendum senatus consulto, ut quamquam in sontes magistratus et culpae alienae nescii provincialibus uxorum criminibus proinde quam suis plecterentur. 20

19, 8 caperet quo prium | 11 patres, silente reo . . premeretur. Conscientia *alii* interpungunt | 14 socia | 20, 7 M. *Lipsius*: M. | 9 ut temporibus illis *C. F. W. Müller in Ann. philol. 1866 p. 502* | 10 comperio *Beroaldus*, at *cf. Sall. Jug. 45* | 20 perinde *Beroaldus*

21. Actum dehinc de Calpurnio Pisone, nobili ac feroci viro. is namque, ut rettuli, cessurum se urbe ob factiones accusatorum in senatu clamitaverat et sprete potentia Augustae trahere in ius Urgulanium domoque principis excire ausus erat. quae in praesens Tiberius civiliter habuit: sed in animo revolvente iras, etiam si impetus offensionis langue-
 rat, memoria valebat. Pisonem Q. Granius secreti sermonis incusavit adversum maiestatem habiti, adiecitque in domo eius venenum esse eumque gladio accinctum introire curiam.
 10 quod ut atrocius vero tramissum; ceterorum, quae multa cum-
 mulabantur, receptus est reus, neque peractus ob mortem opportunam. relatum et de Cassio Severo exule, qui sordidae originis, maleficae vitae, sed orandi validus, per immodicas inimicitias ut iudicio iurati senatus Cretam amoveretur effe-
 15 cerat; atque illic eadem actitando recentia veteraque odia advertit, bonisque exutus, interdicto igni atque aqua, saxo Seripho consenuit.

22. Per idem tempus Plautius Silvanus praetor incertis causis Aproniam conjugem in praeceps iecit, tractusque ad Caesarem ab L. Apronio socero turbata mente respondit, tamquam ipse somno gravis atque eo ignarus, et uxor sponte
 5 mortem sumpsisset. non cunctanter Tiberius pergit in domum, visit cubiculum, in quo reluctantis et impulsae vestigia cernebantur. refert ad senatum, datisque iudicibus Urgulania Silvani avia pugionem nepoti misit. quod perinde creditum, quasi principis monitu, ob amicitiam Augustae cum Ur-
 10 gulaniam. reus frustra temptato ferro venas praebuit exsolvendas. mox Numantina, prior uxor eius, accusata inie-
 cisse carminibus et veneficiis vaecordiam marito, insons iudicatur.

23. Is demum annus populum Romanum longo adversum Numidam Tacfarinatem bello absolvit. nam priores duces, ubi impetrando triumphalium insigni sufficere res suas crederant, hostem omittebant; iamque tres laureatae in urbe

21, 7 Pisonem Q. Granius *Lipsius*: pisonemque granius (Pisonemque Granius *Ritter*) | 17 Seripho *Beroaldus* | 23, 3 ubi *Lipsius*: sub

statuae, et adhuc raptabat Africam Tacfarinas, auctus Mauro-
 5 rum auxiliis, qui, Ptolemaeo Iubae filio iuventa incurioso, libertos regios et servilia imperia bello mutaverant. erat illi praedarum receptor ac socius populandi rex Garamantum, non ut cum exercitu incederet, sed missis levibus copiis, quae ex longinquo in maius audiebantur; ipsaque e provincia,
 10 ut quis fortuna inops, moribus turbidus, promptius ruebant, quia Caesar post res a Blaeso gestas, quasi nullis iam in Africa hostibus, reportari nonam legionem iusserat, nec pro consule eius anni P. Dolabella retinere ausus erat, iussa prin-
 15 cipis magis quam incerta belli metuens.

24. Igitur Tacfarinas disperso rumore rem Romanam aliis quoque ab nationibus lacerari eoque paulatim Africa decedere, ac posse reliquos circumveniri, si cuncti, quibus libertas servitio potior, incubuissent, auget vires positisque
 5 castris Thubuscum oppidum circumsidet. at Dolabella con-
 tracto quod erat militum, terrore nominis Romani et quia Numidae peditum aciem ferre nequeunt, primo sui incesso solvit obsidium locorumque opportuna permunivit; simul prin-
 10 cipes Musulamiorum defectionem coeptantes securi percutit. dein, quia pluribus adversum Tacfarinatem expeditionibus
 15 cognitum, non gravi nec uno incursu consecrandum hostem vagum, excito cum popularibus rege Ptolemaeo quattuor agmina parat, quae legatis aut tribunis data; et praedatorias manus delecti Maurorum duxere: ipse consultor aderat om-
 15 nibus.

25. Nec multo post adfertur Numidas apud castellum semirutum, ab ipsis quondam incensum, cui nomen Auzea, positus mapalibus consedis, fisos loco, quia vastis circum saltibus clauderetur. tum expeditae cohortes alaeque, quam
 5 in partem ducerentur ignarae, cito agmine rapiuntur. simul-
 que coeptus dies et concentu tubarum ac truci clamore aderant semisomnos in barbaros, praepeditis Numidarum equis aut diversos pastus pererrantibus. ab Romanis confertus

24, 5 Thubursicum *Nipperdey*; cf. *adnot. ad Vict. Vit. hist. pers. Vand. p. 64 not. 22 et C. I. L. VIII p. 177 sqq.* | 7 sui: statim *Acidalius* | 12 recepto leameo

pedes, dispositae turmae, cuncta proelio provisa: hostibus
 10 contra omnium nesciis non arma, non ordo, non consilium,
 sed pecorum modo trahi, occidi, capi. infensus miles memo-
 ria laborum et adversum eludentis optatae totiens pugnae
 se quisque ultione et sanguine explebant. differtur per ma-
 nipulos, Tacfarinatem omnes, notum tot proeliis, consecen-
 15 tur: non nisi duce interfecto requiem belli fore. at ille dei-
 ctis circum stipatoribus vinctoque iam filio et effusis undique
 Romanis, ruendo in tela captivitatem haud inulta morte effu-
 git isque finis armis impositus.

26. Dolabellae petenti abnuvit triumphalia Tiberius, Se-
 iano tribuens, ne Blaesi avunculi eius laus obsolesceret. sed
 neque Blaesus ideo inlustrior, et huic negatus honor gloriam
 intendit: quippe minore exercitu insignis captivos, caedem
 5 ducis bellique confecti famam deportarat. sequebantur et
 Garamantum legati, raro in urbe visi, quos Tacfarinate caeso
 perculsa gens, set culpae nescia ad satis faciendum populo
 Romano miserat. cognitio dehinc Ptolemaei per id bellum
 studiis repetitus ex vetusto more honos missusque e senato-
 10 ribus, qui scipionem eburnum, togam pictam, antiqua patrum
 munera, daret regemque et socium atque amicum appellaret.

27. Eadem aestate mota per Italiam servilis belli se-
 mina fors oppressit. auctor tumultus T. Curtisius, quondam
 praetoriae cohortis miles, primo coetibus clandestinis apud
 Brundisium et circumiecta oppida, mox positus propalam li-
 5 bellis ad libertatem vocabat agrestia per longinquos saltus
 et ferocia servitia, cum velut munere deum tres biremes ad-

25, 13 si quis | 15 deiectis Jo. Fr. Gronovius: delectis |
 16 offusis Lipsius, circumfusus Haase | 17 multa | 26, 7 set
 culpae nescia scripsi: et c. nescia (ut c. nescia Haase, et c.
 non nescia Jac. Gronovius, nec c. nescia Ryck, et c. conscia
 Lipsius, et c. socia Nipperdey; non putamus gentem Garaman-
 tum a Tacito culpae consciam dictam esse, ut rex eorum fuit,
 quod si voluisset, nullo additamento opus erat, cum hoc iam ex
 epitheto perculsa intellegi potuerit. | 9 more honos missusque
 Döderlein (sed hic missus): more omissusque (mos missusque
 Lipsius) cf. Heraei Stud. crit. I, 150 | 27, 1 moti Pluygers | 2
 Curtilius Reinesius

pulere ad usus commeantium illo mari. et erat isdem regio-
 nibus Cutius Lupus quaestor, cui provincia vetere ex more cal-
 les evenerant: is disposita classiariorum copia coeptantem cum
 maxime coniurationem disiecit. missusque a Caesare pro- 10
 pere Staius tribunus cum valida manu ducem ipsum et pro-
 ximos audacia in urbem traxit, iam trepidam ob multitudinem
 familiarum, quae gliscebat inmensum, minore in dies plebe
 ingenua.

28. Isdem consulibus miseriarum ac saevitiae exem-
 plum atrox, reus pater, accusator filius (nomen utrique Vi-
 bius Serenus) in senatum inducti sunt. ab exilio retractus
 inlueque ac squalore obsitus et tum catena vinctus pater
 oranti filio comparatur. adulescens multis munditiis, ala- 5
 cri vultu, structas principi insidias, missos in Galliam concito-
 res belli index idem et testis dicebat, adnectebatque Caecilium
 Cornutum praetorium ministravisse pecuniam; qui taedio cu-
 rarum, et quia periculum pro exitio habebatur, mortem in se
 festinavit. at contra reus nihil infracto animo obversus in 10
 filium quater vincla, vocare ultores deos, ut sibi quidem
 redderent exilium, ubi procul tali more ageret, filium autem
 quandoque supplicia sequerentur. adseverabatque innocen-
 tem Cornutum et falso exterritum; idque facile intellectu, si
 proderentur alii: non enim se caedem principis et res novas 15
 uno socio cogitasse.

29. Tum accusator Cn. Lentulum et Seium Tuberonom
 nominat, magno pudore Caesaris, cum primores civitatis,
 intimi ipsius amici, Lentulus senectutis extremae, Tubero de-
 fecto corpore, tumultus hostilis et turbandae rei publicae
 accerserentur. sed hi quidem statim exempti: in patrem ex 5
 servis quaesitum, et quaestio adversa accusatori fuit. qui
 scelere vaecors, simul vulgi rumore territus, robur et saxum

27, 8 calles] Cales Lipsius | 9 evenerant Haase: euenerat |
 28, 2 utrique Lipsius: uirique | 4 vinctus peroranti filio pater
 comparatur (i. e. cum eo componitur) Madvig: vinctus peroranti
 filio praeparatur (Madvigium ita secuti sumus, ut pater oranti
 scriberemus) | 14 falso Ursinus: falsa | si] ni Neues | 29, 5 ar-
 cesserentur Lipsius

aut parricidarum poenas minitantiū, cessit urbe. ac retractus Ravenna exsequi accusationem adigitur, non occultante
 10 Tiberio vetus odium adversum exulem Serenum. nam post damnatum Libonem missis ad Caesarem litteris exprobraverat suum tantum studium sine fructu fuisse, addideratque quaedam contumacius quam tutum apud aures superbas et
 15 offensionis proniores. ea Caesar octo post annos rettulit, medium tempus varie arguens, etiam si tormenta pervicacia servorum contra evenissent.

30. Dictis dein sententiis ut Serenus more maiorum puniretur, quo molliret invidiam, intercessit. Gallus Asinius cum Gyro aut Donusa claudendum censeret, id quoque aspernatus est, egenam aquae insulam referens
 5 dandosque vitae usus, cui vita concederetur. ita Serenus Amorgum reportatur. et quia Cornutus sua manu ceciderat, actum de praemiis accusatorum abolendis, si quis maiestatis postulatus ante perfectum iudicium se ipse vita privavisset. ibaturque in eam sententiam, ni durius contraque morem suum palam pro accusatoribus Caesar inritas
 10 leges, rem publicam in praecipiti conquestus esset: subverterent potius iura quam custodes eorum amoverent. sic delatores, genus hominum publico exitio repertum et ne poenis quidem umquam satis coercitum, per praemia eliciebantur.
 15

31. His tam adsiduis tamque maestis modica laetitia intericitur, quod C. Cominium equitem Romanum, probrosi in se carminis convictum, Caesar precibus fratris, qui senator erat, concessit. quo magis mirum habebatur gnarum meliorum, et quae fama clementiam sequeretur, tristiora malle. neque enim socordia peccabat; nec occultum est, quando ex veritate, quando adumbrata laetitia facta imperatorum celebrantur. quin ipse, compositus alias et velut eluctantium verborum, solutius promptiusque eloquebatur, quotiens subveniret. at P. Suillium, quaestorem quondam Germanici, cum
 10

30, 3 cum *hic addidit Muretus*, ante Gallus *Muretus* | 6 Amorgum *Rhenanus*: amor cum | 9 sententiam medurius | 13 ne *add. Bekker*

Italia arceretur convictus pecuniam ob rem iudicandam cepisse, amovendum in insulam censuit, tanta contentione animi, ut iure iurando obstringeret e re publica id esse. quod asperè acceptum ad praesens mox in laudem vertit regresso Suillio; quem vidit sequens aetas praepotentem, venalem et
 15 Claudii principis amicitia diu prospere, numquam bene usum. eadem poena in Catum Firmium senatorem statuitur, tamquam falsis maiestatis criminibus sororem petivisset. Catus, ut rettuli, Libonem inlexerat insidiis, deinde indicio perculerat. eius operae memor Tiberius, sed alia praetendens, exilium deprecatus est: quo minus senatu pelleretur non obstitit.
 20

32. Pleraque eorum, quae rettuli quaeque referam, parva forsitan et levia memoratu videri non nescius sum: sed nemo annales nostros cum scriptura eorum contenderit, qui veteres populi Romani res composuere. ingentia illi bella, expugnationes urbium, fusos captosque reges, aut si quando ad interna praeverterent, discordias consulum adversum tribunos, agrarias frumentariasque leges, plebis et optimatum certamina libero egressu memorabant: nobis in arto et inglorius labor; immota quippe aut modice lacessita pax, maestae urbis res et princeps proferendi imperi incuriosus erat. non
 5 tamen sine usu fuerit introspicere illa primo aspectu levia, ex quis magnarum saepe rerum motus oriuntur.

33. Nam cunctas nationes et urbes populus aut primores aut singuli regunt: delecta ex iis et consociata rei publicae forma laudari facilius quam evenire, vel si evenit, haud diuturna esse potest. igitur ut olim plebe valida, vel cum patres pollerent, noscenda vulgi natura et quibus modis
 5 temperanter haberetur, senatusque et optimatum ingenia qui maxime perdidicerant, callidi temporum et sapientes credebantur, sic converso statu neque alia re Romana, quam

31, 13 ut iure iur. *Ritter*: ut eiurando (*fort. ut et i. i.*) | 19 indicio *Vertranius*: iudicio | 32, 3 veteris *Freinsheim*, ut est 1, 1 | 4 cōposuere | 6 praeverteretur *malebat Nipperdey* | 33, 2 consociata *Ernesti*: consociata | 8 re Romana *Lipsius* rerum

si unus imperitet, haec conquiri tradique in rem fuerit, quia
 10 pauci prudentia honesta ab deterioribus, utilia ab noxiis discernunt, plures aliorum eventis docentur. ceterum ut profutura, ita minimum oblectationis adferunt. nam situs gentium, varietates proeliorum, clari ducum exitus retinent ac redintegrant legentium animum: nos saeva iussa, continuas accusationes, fallaces amicitias, perniciem innocentium et eadem exitu causas coniungimus, obvia rerum similitudine et satietate. tum quod antiquis scriptoribus rarus obrectator, neque refert cuiusquam Punicas Romanasve acies laetius extuleris: at multorum, qui Tiberio regente poenam vel in-
 20 famias subiere, posterius manent. utque familiae ipsae iam extinctae sint, reperies qui ob similitudinem morum aliena malefacta sibi obiectari putent. etiam gloria ac virtus infensos habet, ut nimis ex propinquo diversa arguens. sed ad inceptum redeo.

34. Cornelio Cosso Asinio Agrippa consulibus Cremutius Cordus postulatur, novo ac tunc primum audito crimine, quod editis annalibus laudatoque M. Bruto C. Cassium Romanorum ultimum dixisset. accusabant Satrius Secundus et
 5 Pinarius Natta, Seiani clientes. id perniciabile reo, et Caesar truci vultu defensionem accipiens, quam Cremutius, relinquendae vitae certus, in hunc modum exorsus est: 'verba mea, patres conscripti, arguuntur: adeo factorum innocens sum. sed neque haec in principem aut principis parentem,
 10 quos lex maiestatis amplectitur: Brutum et Cassium laudavisse dicor, quorum res gestas cum plurimi composuerint, nemo sine honore memoravit. Titus Livius, eloquentiae ac fidei praeclarus in primis, Cn. Pompeium tantis laudibus tulit, ut Pompeianum eum Augustus appellaret; neque id amicitiae
 15 eorum offecit. Scipionem, Afranium, hunc ipsum Cassium,

33, 16 exitu] exitii *Pichena*; illud est: causas eundem exitum habentes | 18 Romanasne *Nipperdey*; cf. *A. Gerber de particula an (Pest. 1865) p. 13* | 19 infamiam *Lipsius*, poenas vel infamiam *Heraeus* | 21 reperies *Madvig*, cf. ad 6, 22, 4 | 23 nimis *Muretus*: animis | ad inceptum *scripsi*: incepto (ad incepta al.) cf. 6, 22. *Sall. Cat. 7. Jug. 4. 42*

hunc Brutum nusquam latrones et parricidas, quae nunc vocabula inponuntur, saepe ut insignis viros nominat. Asinii Pollionis scripta egregiam eorundem memoriam tradunt; Messalla Corvinus imperatorem suum Cassium praedicabat: et uterque opibus atque honoribus perviguere. Marci Ciceronis
 20 libro, quo Catonem caelo aequavit, quid aliud dictator Caesar quam rescripta oratione, velut apud iudices, respondit? Antonii epistolae, Bruti contiones falsa quidem in Augustum probra, set multa cum acerbitate habent; carmina Bibaculi et Catulli referta contumeliis Caesarum leguntur: sed ipse
 25 divus Iulius, ipse divus Augustus et tulere ista et reliquere, haud facile dixerim, moderatione magis an sapientia. namque spreta exolescunt: si irascere, adgnita videntur.

35. 'Non attingo Graecos, quorum non modo libertas, etiam libido impunita; aut si quis advertit, dictis dicta ultus est. sed maxime solutum et sine obrectatore fuit prodere de
 5 iis, quos mors odio aut gratiae exemisset. num enim armatis Cassio et Bruto ac Philippenses campos optinentibus belli civilis causa populum per contiones incendio? an illi quidem septuagensimum ante annum peremti, quo modo imaginibus suis noscuntur, quas ne victor quidem abolevit, sic partem memoriae apud scriptores retinent? suum cuique decus posteritas
 10 rependit; nec deerunt, si damnatio ingruit, qui non modo Cassii et Bruti, set etiam mei meminerint.' egressus dein senatu vitam abstinentia finivit. libros per aediles cremandos censuere patres: set manserunt, occultati et editi. quo
 15 magis socordiam eorum inridere libet, qui praesenti potentia credunt extingui posse etiam sequentis aevi memoriam. nam contra punitis ingenii gliscit auctoritas, neque aliud externi reges aut qui eadem saevitia usi sunt, nisi dedecus sibi atque illis gloriam peperere.

36. Ceterum postulandis reis tam continuus annus fuit, ut feriarum Latinarum diebus praefectum urbis Drusum, au-

34, 16 uocabulum ponuntur | 17 insigni | 20 opibus *Acidalius*: opibusque (opibus aequae *Döderlein*) | 26 relinquere | 35, 4 enim nos: eum | 8 ne *Jo. Fr. Gronovius*: nec | 10 rependunt nec derunt | 13 set *Lipsius*: et | 14 socordia

spicandi gratia tribunal ingressum, adierit Calpurnius Salvianus in Sextum Marium: quod a Caesare palam increpitum causa exilii Salviano fuit. obiecta publice Cyzicenis incuria caerimoniarum divi Augusti, additis violentiae criminibus adversum cives Romanos. et amisere libertatem, quam bello Mithridatis meruerant, circumsessi nec minus sua constantia quam praesidio Luculli pulso rege. at Fonteius Capito, qui pro consule Asiam curaverat, absolvitur, conperto ficta in eum crimina per Vibium Serenum. neque tamen id Sereno noxae fuit, quem odium publicum tutiorem faciebat. nam ut quis destructior accusator, velut sacrosanctus erat: leves, ignobiles poenis adiciebantur.

37. Per idem tempus Hispania ulterior missis ad senatum legatis oravit, ut exemplo Asiae delubrum Tiberio matrique eius extrueret. qua occasione Caesar, validus alioqui spernendis honoribus et respondendum ratus iis, quorum rumore arguebatur in ambitionem flexisse, huiusce modi orationem coepit: 'scio, patres conscripti, constantiam meam a plerisque desideratam, quod Asiae civitatibus nuper idem istud petentibus non sim adversatus. ergo et prioris silentii defensionem, et quid in futurum statuerim, simul aperiam. cum divus Augustus sibi atque urbi Romae templum apud Perganum sisti non prohibuisset, qui omnia facta dictaque eius vice legis observem, placitum iam exemplum promptius secutus sum, quia cultui meo veneratio senatus adiungebatur. ceterum ut semel recepisse veniam habuerit, ita omnes per provincias effigie numinum sacrari ambitiosum, superbum; et vanaeque Augusti honor, si promiscis adulationibus vulgatur.'

38. 'Ego me, patres conscripti, mortalem esse et hominum officia fungi satisque habere, si locum principem impleam, et vos testor et meminisse posteros volo; qui satis superque memoriae meae tribuent, ut maioribus meis dignum, rerum vestrarum providum, constantem in periculis, offensionum pro utilitate publica non pavidum credant. haec mihi

36, 13 districtior *Beroaldus*, at v. nos in *N. Ann. philol. vol. 56*, 37 | 37, 11 ficta | 14 omnes per *Nipperdey*: per omnes (per omnes *antea*) | 15 sacrari *Lipsius*: sacra

in animis vestris templa, hae pulcherrimae effigies et mansurae. nam quae saxo struuntur, si iudicium posterorum in odium vertit, pro sepulchris spernuntur. proinde socios cives et deos ipsos precor, hos ut mihi ad finem usque vitae quietam et intelligentem humani divinique iuris mentem duint, illos ut, quandoque concessero, cum laude et bonis recordationibus facta atque famam nominis mei prosequantur. perstititque posthac secretis etiam sermonibus aspernari talem sui cultum. quod alii modestiam, multi, quia diffideret, quidam ut degeneris animi interpretabantur. optimos quippe mortalium altissima cupere: sic Herculem et Liberum apud Graecos, Quirinum apud nos deum numero additos: melius Augustum, qui speraverit. cetera principibus statim adesse: unum insatiabiliter parandum, prosperam sui memoriam; nam contemptu famae contemni virtutes.

39. At Seianus nimia fortuna socors et muliebri insuper cupidine incensus, promissum matrimonium flagitante Livia, componit ad Caesarem codicillos: moris quippe tum erat quamquam praesentem scripto adire. eius talis forma fuit: benevolentia patris Augusti et mox plurimis Tiberii iudiciis ita insuevisse, ut spes votaue sua non prius ad deos quam ad principum aures conferret. neque fulgorem honorum unquam precatum: excubias ac labores, ut unum e militibus, pro incolumitate imperatoris malle. ac tamen quod pulcherrimum adeptum, ut coniunctione Caesaris dignus crederetur: hinc initium spei. et quoniam audiverit Augustum in collocanda filia non nihil etiam de equitibus Romanis consultavisse, ita, si maritus Liviae quaeretur, haberet in animo amicum sola necessitudinis gloria usurum. non enim exuere inposita munia: satis aestimare firmari domum adversum iniquas Agrippinae offensiones, idque liberorum causa; nam sibi multum superque vitae fore, quod tali cum principe explevisset.

40. Ad ea Tiberius laudata pietate Seiani suisque in eum

38, 8 posterorum *Rhenanus*: posteriorum | 10 deos ipsos *Pichena*: deos et deos ipsos 1 m. deos et deas ipsas 2 m.

beneficiis modice percursis, cum tempus tamquam ad integram consultationem petivisset, adiunxit: ceteris mortalibus in eo stare consilia, quid sibi conducere putent; principum diver-
 5 sam esse sortem, quibus praecipua rerum ad famam derigenda. ideo se non illuc decurrere, quod promptum rescriptu, posse ipsam Liviam statuere, nubendum post Drusum an in penatibus isdem tolerandum haberet; esse illi matrem et aviam, propiora consilia. simplicius acturum, de inimicitiiis
 10 primum Agrippinae, quas longe acrius arsuras, si matrimonium Liviae velut in partes domum Caesarum distraxisset. sic quoque erumpere aemulationem feminarum, eaque discordia nepotes suos convelli: quid si intendatur certamen tali coniugio? falleris enim, Seiane, si te mansurum in eodem
 15 ordine putas, et Liviam, quae Gaio Caesari, mox Druso nupta fuerit, ea mente acturam, ut cum equite Romano senescat. ego ut sinam, credisne passuros qui fratrem eius, qui patrem maioresque nostros in summis imperiis videre? vis tu quidem istum intra locum sistere: sed illi magistratus
 20 et primores, qui te invitum perrumpunt omnibusque de rebus consulunt, excessisse iam pridem equestre fastigium longeque antisse patris mei amicitias non occulti ferunt perque invidiam tui me quoque incusant. at enim Augustus filiam suam equiti Romano tradere meditatus est. mirum hercule, si cum
 25 in omnis curas distraheretur immensumque attolli provideret quem coniunctione tali super alios extulisset, C. Procleium et quosdam in sermonibus habuit insigni tranquillitate vitae, nullis rei publicae negotiis permixtos. sed si dubitatione Augusti movemur, quanto validius est quod Marco Agrippae,
 30 mox mihi collocavit? atque ego haec pro amicitia non occultavi: ceterum neque tuis neque Liviae destinatis adversabor. ipse quid intra animum volutaverim, quibus adhuc necessitudinibus inmiscere te mihi parem, omittam ad praesens referre: id tantum aperiam, nihil esse tam excelsum,
 35 quod non virtutes istae tuusque in me animus mereantur, datoque tempore vel in senatu vel in contione non reticebo.²

40, 20 invitum *Heinsius*: inuite ex assimilatione post te (invito *Beroaldus*) | 21 longaeque *Rhenanus*: legeque

41. Rursum Seianus, non iam de matrimonio, sed altius metuens, tacita suspicionum, vulgi rumore, ingruentem invidiam deprecatur. ac ne adsiduos in domum coetus arcendo infringeret potentiam aut receptando facultatem criminantibus praeberet, huc flexit, ut Tiberium ad vitam procul Roma
 5 amoenis locis degendam impelleret. multa quippe providebat: sua in manu aditus litterarumque magna ex parte se arbitrum fore, cum per milites commearent; mox Caesarem vergente iam senecta secretoque loci mollitum munia imperii facilius
 10 tramissurum: et minui sibi invidiam adempta salutantum turba, sublatisque inanibus veram potentiam augeri. igitur paulatim negotia urbis, populi adcursor, multitudinem adfluentium increpat, extollens laudibus quietem et solitudinem, quis abesse taedia et offensiones ac praecipua rerum maxime agitari.

42. Ac forte habita per illos dies de Votieno Montano, celebris ingenii viro, cognitio cunctantem iam Tiberium perpulit, ut vitandos crederet patrum coetus vocesque, quae plerumque verae et graves coram ingerebantur. nam postulato Votieno ob contumelias in Caesarem dictas, testis Aemilius
 5 e militaribus viris dum studio probandi cuncta refert et quamquam inter obstrepentes magna adseveratione nititur, audivit Tiberius probra, quis per occultum lacerabatur, adeoque percussus est, ut se vel statim vel in cognitione purgaturum clamitaret precibusque proximorum, adulatione omnium aegre
 10 componeret animum. et Votienus quidem maiestatis poenis adfectus est: Caesar obiectam sibi adversus reos inclementiam eo pervicacius amplexus, Aquiliam adulterii delatam cum Vario Ligure, quamquam Lentulus Gaetulicus consul designatus lege Iulia damnasset, exilio punivit Apidiumque Me-
 15 rulam, quod in acta divi Augusti non iuraverat, albo senatorio erasit.

43. Auditae dehinc Lacedaemoniorum et Messeniorum legationes de iure templi Dianae Limnatidis, quod suis a maioribus suaque in terra dicatum Lacedaemonii firmabant anna-

41, 1 iam *Muretus*: tam | 11 veram potentiam augeri *Marcilius*: vera potentia augere (vera potentia augeri *Rhenanus*) | 43, 2 Limnatidis *Lipsius*: liminatidis

lium memoria vatunumque carminibus, sed Macedonis Philippi,
 5 cum quo bellasset, armis ademptum ac post C. Caesaris
 et M. Antonii sententia redditum. contra Messenii veterem
 inter Herculis posteros divisionem Peloponnesi protulere,
 suoque regi Denthaliatem agrum, in quo id delubrum, ces-
 sisse; monumentaque eius rei sculpta saxi et aere prisco ma-
 10 nere. quod si vatunum, annalium ad testimonia vocentur, plures
 sibi ac locupletiores esse; neque Philippum potentia, sed ex
 vero statuisse; idem regis Antigoni, idem imperatoris Mum-
 mii iudicium; sic Milesios permissio publice arbitrio, postremo
 Atidium Geminum praetorem Achaiae decrevisse. ita secun-
 15 dum Messenios datum. et Segestani aedem Veneris montem
 apud Erycum, vetustate dilapsam, restaurari postulavere,
 nota memorantes de origine eius et laeta Tiberio. suscepit
 curam libens ut consanguineus. tunc tractatae Massiliensium
 preces probatumque P. Rutilii exemplum; namque eum legi-
 20 bus pulsum civem sibi Zmyrnaei addiderant. quo iure Vul-
 catus Moschus exul in Massilienses receptus bona sua rei pu-
 blicae eorum ut patriae reliquerat.

44. Obiere eo anno viri nobiles Cn. Lentulus et L. Do-
 mitius. Lentulo super consulatum et triumphalia de Getis
 gloriae fuerat bene tolerata paupertas, dein magnae opes in-
 nocenter partae et modeste habitae. Domitium decoravit
 5 pater civili bello maris potens, donec Antonii partibus, mox
 Caesaris misceretur. avus Pharsalica acie pro optumatis
 ceciderat. ipse delectus, cui minor Antonia, Octavia genita,
 in matrimonium daretur, post exercitu flumen Albim tran-
 scendit, longius penetrata Germania, quam quisquam priorum,
 10 easque ob res insignia triumphii adeptus est. obiit et L. An-
 tonius, multa claritudine generis, sed inprospera. nam patre
 eius Iulo Antonio ob adulterium Iuliae morte punito hunc
 admodum adulescentulum, sororis nepotem, seposuit Augustus

43, 8 regi Denthaliatem *Nipperdey*: recident ^aheliatem (regi
 Denthaliatem priores) | 10 annaliumque *Ernesti*, aut annalium
Heracius | 11 impotentia *Madvig* | 16 delapsam, *em. Ernesti* |
 44, 2 degetes | 4 partae *Lipsius*: paratae | 7 delectus *Pichena*:
 delectus | 12 Iulo *Lipsius*: Iulio

in civitatem Massiliensem, ubi specie studiorum nomen exilii
 tegetetur. habitus tamen supremis honor, ossaque tumulo 15
 Octavio inlata per decretum senatus.

45. Isdem consulibus facinus atrox in citeriore Hispania
 admissum a quodam agresti nationis Termestinae. is prae-
 torem provinciae L. Pisonem, pace incuriosum, ex inproviso
 in itinere adortus uno vulnere in mortem adfecit; ac perni-
 citate equi profugus, postquam saltuosos locos attigerat, 5
 dimisso equo per derupta et avia sequentis frustratus est.
 neque diu fefellit: nam presso ductoque per proximos pagos
 equo, cuius foret cognitum. et repertus cum tormentis edere-
 conscios adigeretur, voce magna sermone patrio frustra se
 interrogari clamavit: adsisterent socii ac spectarent; nullam 10
 vim tantam doloris fore, ut veritatem eliceret. idemque cum
 postero ad quaestionem retraheretur, eo nisu proripuit se
 custodibus saxoque caput adflixit, ut statim exanimaretur.
 sed Piso Termestinarum dolo caesus habetur; quippe pecu-
 nias e publico interceptas acrius quam ut tolerarent barbari 15
 cogebat.

46. Lentulo Gaetulico C. Calvisio consulibus decreta
 triumphii insignia Poppaeo Sabino contusis Thraecum genti-
 bus, qui montium editis sine cultu atque eo ferocius agita-
 bant. causa motus super hominum ingenium, quod pati di-
 lectus et validissimum quemque militiae nostrae dare asper- 5
 nabantur, ne regibus quidem parere nisi ex libidine soliti,
 aut si mitterent auxilia, suos ductores praeficere nec nisi ad-
 versum accolae belligerare. ac tum rumor incesserat fore
 ut disiecti aliisque nationibus permixti diversas in terras tra-
 herentur. sed antequam arma inciperent, misere legatos ami- 10
 citiam obsequiumque memoraturos, et mansura haec, si nullo
 novo onere temptarentur: sin ut victis servitium indiceretur,
 esse sibi ferrum et iuventutem et promptum libertati aut ad
 mortem animum. simul castella rupibus indita conlatosque

45, 12 quaesitionem, *em. Ritter* | 14 quippe *Bezenberger*:
 qui (quia *Pichena*) | 46, 3 quae in montium *Bezenberger* | sine
 cultu *idem*: incultu (incultu *Beroaldus*, incultius *Georges*, in-
 cultu *tuetur Nipperdey ad 4, 51 in.*)

15 illuc parentes et coniuges ostentabant bellumque impeditum arduum cruentum minitabantur.

47. At Sabinus, donec exercitus in unum conduceret, datis mitibus responsis, postquam Pomponius Labeo e Moesia cum legione, rex Rhoemetalces cum auxiliis popularium, qui fidem non mutaverant, venire, addita praesenti copia ad hostem perguit, compositum iam per angustias saltuum. quidam audentius apertis in collibus visebantur, quos dux Romanus acie suggestus haud aegre pepulit, sanguine barbarorum modico ob propinqua suffugia. mox castris in loco communitis valida manu montem occupat, angustum et aequali dorso continuum usque ad proximum castellum, quod magna vis armata aut incondita tuebatur. simul in ferocissimos, qui ante vallum more gentis cum carminibus et tripudiis persultabant, mittit delectos sagittariorum. ii dum eminus grassabantur, crebra et inulta vulnera fecere: propius incidentes eruptione subita turbati sunt receptique subsidio Sugambrae cohortis, quam Romanus promptam ad pericula nec minus cantuum et armorum tumultu trucem haud procul instruxerat.

48. Translata dehinc castra hostem propter, relictis apud priora munimenta Thraecibus, quos nobis adfuisse memoravi. iisque permissum vastare, urere, trahere praedas, dum populatio lucem intra sisteretur noctemque in castris tutam et vigilem capesserent. id primo servatum: mox versi in luxum et raptis opulentis omittere stationes, lascivia epularum aut somno et vino procumbere. igitur hostes incuria eorum conperta duo agmina parant, quorum altero populatores invaderentur, alii castra Romana adpugnarent, non spe capiendi, sed ut clamore, telis suo quisque periculo intentus sonorem alterius proelii non acciperet. tenebrae insuper delectae augendam ad formidinem. sed qui vallum legionum temptabant, facile pelluntur; Thraecum auxilia repentino incursu territa, cum pars munitionibus adiacerent, plures ex-

47, 1 conduceretur *coni.* *Pichena* | 2 postquam . . venire *Jac. Gronovius*: quam . . uenire | 11 aut: at *Rhenanus*, v. ad 1, 16

tra palarentur, tanto infensius caesi, quanto perfugae et proditores ferre arma ad suum patriaeque servitium incusabantur.

49. Postera die Sabinus exercitum aequo loco ostendit, si barbari successu noctis alacres proelium auderent. et postquam castello aut coniunctis tumulis non degrediebantur, obsidium coepit per praesidia, quae opportune iam muniebat; dein fossam loricamque contexens quattuor milia passuum ambitu amplexus est; tum paulatim, ut aquam pabulumque eriperet, contrahere claustra artaque circumdare; et struebatur agger, unde saxa hastae ignes propinquum iam in hostem iacerentur. sed nihil aeque quam sitis fatigabat, cum ingens multitudo bellatorum inbellium uno reliquo fonte uterentur; simul equi armenta, ut mos barbaris, iuxta clausa, egestate pabuli exanimari; adiacere corpora hominum, quos vulnera, quos sitis peremerat; pollui cuncta sanie, odore, contactu.

50. Rebusque turbatis malum extremum discordia accessit, his deditionem, aliis mortem et mutuos inter se ictus parantibus; et erant qui non inultum exitium, sed eruptionem suaderent. neque ignobiles tantum his diversi sententiis, verum e ducibus Dinis, provectus senecta et longo usu vim atque clementiam Romanam edoctus, ponenda arma, unum adflictis id remedium disserebat, primusque se cum coniuge et liberis victori permisit: secuti aetate aut sexu inbecilli et quibus maior vitae quam gloriae cupido. at iuventus Tarsam inter et Turesim distrahebatur. utrique destinatum cum libertate occidere, sed Tarsa properum finem, abrumpendas pariter spes ac metus clamitans, dedit exemplum demisso in pectus ferro; nec defuere qui eodem modo oppeterent. Turesis sua cum manu noctem opperitur, haud nescio duce nostro; igitur firmatae stationes densioribus globis. et ingruerat nox nimbo atrox, hostisque clamore turbido, modo per vastum silentium, incertos obsessores effe-

49, 4 immuniebat *Freinsheim*, ut 11, 19 | 11 simul equi *Lipsius* (vel simulque): simul eque | 50, 4 tantum his *Madvig* (*Advers. II, 548*): quamuis | 11 properandum *Ricklefs*, properum per *Haase*

cerat, cum Sabinus circumire, hortari, ne ad ambigua sonitus aut simulationem quietis casum insidiantibus aperirent, sed sua quisque munia servarent immoti telisque non in falsum iactis.

51. Interea barbari catervis decurrentes nunc in vallum manualia saxa, praeustas sudes, decisa robora iacere, nunc virgultis et cratibus et corporibus exanimis complere fossas, quidam pontis et scalas ante fabricati inferre propugnaculis eaque prensare, detrahare et adversum resistentis comminus niti. miles contra deturbare telis, pellere umbonibus, muralia pila, congestas lapidum moles provolvere. his partae victoriae spes et, si cedant, insignitius flagitium, illis extrema iam salus et adsistentes plerisque matres et coniuges earumque lamenta addunt animos. nox aliis in audaciam, aliis ad formidinem opportuna; incerti ictus, vulnera inprovisa; suorum atque hostium ignoratio et montis anfractu repercussae velut a tergo voces adeo cuncta miscuerant, ut quaedam munimenta Romani quasi perrupta omiserint. neque tamen pervasere hostes nisi admodum pauci: ceteros, deiecto promptissimo quoque aut saucio, adpetente iam luce trusere in summa castelli, ubi tandem coacta deditio. et proxima sponte incolarum recepta: reliquis, quo minus vi aut obsidio subigerentur, praematura montis Haemi et saeva hiems subvenit.

52. At Romae commota principis domo, ut series futuri in Agrippinam exitii inciperet, Claudia Pulchra sobrina eius postulatur accusante Domitio Afro. is recens praetura, modicus dignationis et quoquo facinore properus clarescere, crimen inpudicitiae, adulterum Furnium, veneficia in principem et devotiones obiectabat. Agrippina semper atrox, tum et periculo propinqua accensa, pergit ad Tiberium ac forte sacrificantem patri repperit. quo initio invidiae non eiusdem ait mactare divo Augusto victimas et posteros eius insectari.

51, 15 deiecto *Orelli*: delecto (deleto *Beroaldus*) | 18 incolarum: incorum (ipsorum *Haase*) cf. 13, 39 alia sponte incolarum in deditioem veniebant | 52, 8 reperit *Ernesti*

non in effigies mutas divinum spiritum transfusum: se imaginem veram, caelesti sanguine ortam, intellegere discrimen, suscipere sordes. frustra Pulchram praescribi, cui sola exitii causa sit, quod Agrippinam stulte prorsus ad cultum delegerit, oblita Sosiae ob eadem adflictae. audita haec raram oculi pectoris vocem elicuere, correptamque Graeco versu admonuit non ideo laedi, quia non regnaret. Pulchra et Furnius damnantur. Afer primoribus oratorum additus, divulgato ingenio et secuta adseveratione Caesaris, qua suo iure disertum eum appellavit. mox capessendis accusationibus aut reos tutando prosperiore eloquentiae quam morum fama fuit, nisi quod aetas extrema multum etiam eloquentiae dempsit, dum fessa mente retinet silentii impatientiam.

53. At Agrippina pervicax irae et morbo corporis implicata, cum videret eam Caesar, profusis diu ac per silentium lacrimis, mox invidiam et preces orditur: subveniret solitudini, daret maritum; habilem adhuc iuventam sibi, neque aliud probis quam ex matrimonio solacium; esse in civitate, qui *** Germanici coniugem ac liberos eius recipere dignarentur. sed Caesar non ignarus, quantum ex re publica peteretur, ne tamen offensionis aut metus manifestus foret, sine responso quamquam instantem reliquit. id ego, a scriptoribus annalium non traditum, reperi in commentariis Agrippinae filiae, quae Neronis principis mater vitam suam et casus suorum posteris memoravit.

54. Ceterum Seianus maerentem et inprovidam altius perculit, immissis qui per speciem amicitiae monerent paratum ei venenum, vitandas soceri epulas. atque illa simulationum nescia, cum propter discumberet, non vultu aut sermone flecti, nullos attingere cibos, donec advertit Tiberius, forte an quia audiverat; idque quo acrius experiretur, poma,

52, 10 se imaginem *Muretus*: sed maginem (*lectio orta ex setmagine in frequentissima i et t litterarum confusione*) | 53, 5 probis *Petersen* | post civitate desunt in fine versus quattuordecim fere litterae; qui divi Augusti neptem supplevit *Crollius*, qui divo Augusto ortam *Haase* | 7 ex re p.] ex se *Wurm*, ea re *Madvig*, v. *Andresen Jahresb.* 1873 p. 39

ut erant adposita, laudans nurui sua manu tradidit. aucta ex eo suspicio Agrippinae, et intacta ore servis tramisit. nec tamen Tiberii vox coram secuta, sed obversus ad matrem non mirum ait, si quid severius in eam statuisset, a qua veneficii insimularetur. inde rumor parari exitium, neque id imperatorem palam audere, secretum ad perpetrandum quaeri.

55. Sed Caesar quo famam averteret, adesse frequens senatui legatosque Asiae, ambigentes quanam in civitate templum statueretur, pluris per dies audivit. undecim urbes certabant, pari ambitione, viribus diversae. neque multum distantia inter se memorabant de vetustate generis, studio in populum Romanum per bella Persi et Aristonici aliorumque regum. verum Hypaepeni Trallianique Laodiceis ac Magnetibus simul tramissi ut parum validi; ne Ilienses quidem, cum parentem urbis Romae Troiam referrent, nisi antiquitatis gloria pollebant. paulum addubitatum, quod Halicarnasii mille et ducentos per annos nullo motu terrae nutavisse sedes suas vivoque in saxo fundamenta templi adseveraverant. Pergamenos (eo ipso nitebantur) aede Augusto ibi sita satis adeptos creditum. Ephesii Milesiique, hi Apollinis, illi Dianae caerimonia occupavisse civitates visi. ita Sardinios inter Zmyrnaeosque deliberatum. Sardiniani decretum Etruriae recitavere ut consanguinei: nam Tyrrhenum Lydumque Atye rege genitos ob multitudinem divisisse gentem; Lydum patriis in terris resedissee, Tyrrheno datum novas ut conderet sedes; et ducum e nominibus indita vocabula illis per Asiam, his in Italia; auctamque adhuc Lydorum opulentiam missis in Graeciam populis, cui mox a Pelope nomen. simul litteras imperatorum et icta nobiscum foedera bello Macedonum ubertatemque fluminum suorum, temperiem caeli ac dices circum terras memorabant.

56. At Zmyrnaei repetita vetustate, seu Tantalus Iove

54, 7 sua *Rhenanus*: suae | 55, 7 hypae penitrali tanique | 8 nellenses | 10 alicarnasii; simplex s. *codd. optimi item habent in Cic. Tusc. 3, 75. de Divin. 2, 58* | 13 aede . . sita *Lipsius*: aedē . . sitam | 22 in insulam *Urlichs* | 23 icta *Rhenanus*: dicta

ortus illos, sive Theseus divina et ipse stirpe, sive una Amazonum condidisset, transcendere ad ea, quis maxime fidebant, in populum Romanum officiis, missa navali copia non modo externa ad bella, sed quae in Italia tolerabantur; seque prius mos templum urbis Romae statuisse, M. Porcio consule, magnis quidem iam populi Romani rebus, nondum tamen ad summum elatis, stante adhuc Punica urbe et validis per Asiam regibus. simul L. Sullam testem adferebant, gravissimo in discrimine exercitus ob asperitatem hiemis et penuriam vestis, cum id Zmyrnam in contionem nuntiatum foret, omnes qui adstabant detraxisse corpori tegmina nostrisque legionibus misisse. ita rogati sententiam patres Zmyrnaeos praetulere. censuitque Vibius Marsus, ut M. Lepido, cui ea provincia obvenerat, super numerum legaretur, qui templi curam susciperet. et quia Lepidus ipse deligere per modestiam abnuebat, Valerius Naso e praetoriis sorte missus est.

57. Inter quae diu meditato prolatoque saepius consilio tandem Caesar in Campaniam *abscessit*, specie dedicandi templa apud Capuam Iovi, apud Nolam Augusto, sed certus procul urbe degere. causam abscessus quamquam secutus plurimos auctorum ad Seiani artes rettuli, quia tamen caede eius patrata sex postea annos pari secreto coniunxit, plerumque permoveor, num ad ipsum referri verius sit, saevitiam ac libidinem cum factis promeret, locis occultantem. erant qui crederent in senectute corporis quoque habitum pudori fuisse: quippe illi praegracilis et incurva proceritas, nudus capillo vertex, ulcerosa facies ac plerumque medicaminibus interstincta; et Rhodi secreto vitare coetus, recondere voluptates insuerat. traditur etiam matris inpotentia extrusum, quam dominationis sociam aspernabatur neque depellere poterat, cum dominationem ipsam donum eius ac-

56, 14 Marsus *Rhenanus*: marcus | M. *Borghesi*: M. | 57, 2 *abscessit supplevimus*, concessit *Otto* (cf. 3, 31), recessit *Ritter*. cf. tamen *Nipperd. adnot.* | 7 num] ut *Probst* | 8 occultantem *Rhenanus*: occultantis | 12 verba et Rhodi . . insuerat *Henr Cron* post occultantem *ponenda censebat*.

cepisset. nam dubitaverat Augustus Germanicum, sororis nepotem et cunctis laudatum, rei Romanae imponere, sed precibus uxoris evictus Tiberio Germanicum, sibi Tiberium adscivit. idque Augusta exprobrabat, reposcebat.

58. Profectio arto comitatu fuit: unus senator consulatu functus, Cocceius Nerva, cui legum peritia, eques Romanus praeter Seianum ex inlustribus Curtius Atticus, ceteri liberalibus studiis praediti, ferme Graeci, quorum sermonibus levaretur. ferebant periti caelestium iis motibus siderum excessisse Roma Tiberium, ut reditus illi negaretur. unde exitii causa multis fuit properum finem vitae coniectantibus vulgantibusque; neque enim tam incredibilem casum providebant, ut undecim per annos libens patria careret. mox patuit breve confinium artis et falsi, veraque quam obscuris tegerentur. nam in urbem non regressurum haud forte dictum: ceterorum nescii egere, cum propinquo rure aut litore et saepe moenia urbis adsidens extremam senectam compleverit.

59. Ac forte illis diebus oblatum Caesari anceps periculum auxit vana rumoris praebuitque ipsi materiem, cur amicitiae constantiaeque Seiani magis fideret. vescebantur in villa, cui vocabulum Speluncae, mare Amunclanum inter et Fundanos montes, nativo in specu. eius os lapsis repente saxis obruit quosdam ministros: hinc metus in omnes et fuga eorum, qui convivium celebrabant. Seianus genu vultuque et manibus super Caesarem suspensus opposuit sese incidentibus, atque habitu tali repertus est a militibus, qui subsidio venerant. maior ex eo, et quamquam exitiosa suaderet, ut non sui anxius, cum fide audiebatur. adsimulabatque iudicis partes adversum Germanici stirpem, subditis qui accusatorum nomina sustinerent maximeque insectarentur Neronem proximum successioni et, quamquam modesta iuventa, plerumque tamen quid in praesentiarum conduceret oblitum, dum a libertis et clientibus, apiscendae potentiae properis,

59, 4 Amunclanum *Beroaldus* | et *add. Bezzenberger* | 7 genu] sinu *Probst* | 15 in presentia rum *sic divide*

extimulatur ut erectum et fidentem animum ostenderet: velle id populum Romanum, cupere exercitus, neque ausurum contra Seianum, qui nunc patientiam senis et segnitiam iuvenis iuxta insultet.

60. Haec atque talia audienti nihil quidem pravae cogitationis, sed interdum voces procedebant contumaces et inconsultae, quas adpositi custodes exceptas auctasque cum deferrent neque Neroni defendere daretur, diversae insuper sollicitudinum formae oriebantur. nam alius occursum eius vitare, quidam salutatione reddita statim averti, plerique inceptum sermonem abrumpere, insistentibus contra inridentibusque qui Seiano fautores aderant. enimvero Tiberius torvus aut falsum renidens vultu: seu loqueretur seu taceret iuvenis, crimen ex silentio, ex voce. ne nox quidem secuta, cum uxor vigiliis somnos suspiria matri Liviae atque illa Seiano patefaceret; qui fratrem quoque Neronis Drusum traxit in partes, spe obiecta principis loci, si priorem aetate et iam labefactum demovisset. atrox Drusi ingenium super cupidinem potentiae et solita fratribus odia accendebatur invidia, quod mater Agrippina promptior Neroni erat. neque tamen Seianus ita Drusum fovebat, ut non in eum quoque semina futuri exitii meditaretur, gnarus praeferozem et insidiis magis opportunum.

61. Fine anni excessere insignes viri Asinius Agrippa, claris maioribus quam vetustis vitaque non degener, et Q. Haterius, familia senatoria, eloquentiae, quoad vixit, celebratae: monumenta ingeni eius haud perinde retinentur. scilicet impetu magis quam cura vigeat; utque aliorum meditatio et labor in posterum valescit, sic Haterii canorum illud et profluens cum ipso simul extinctum est.

62. M. Licinio L. Calpurnio consulibus ingentium bellorum cladem aequavit malum improvisum: eius initium simul et finis exstitit. nam coepto apud Fidenam amphitheatro Atilius quidam libertini generis, quo spectaculum gladiatorum

59, 17 animum *Pichena*: animi (animi se *Ritter*) | 60, 2 proceidebant *Haase* | 8 aberant | 16 promior *Ernesti malebat* | 61, 1 insignis | 3 qua ad, *sic item 6, 51, 12* | 62, 3 amphitheatrū

5 celebraret, neque fundamenta per solidum subdidit, neque firmis nexibus ligneam compagem superstruxit, ut qui non abundantia pecuniae nec municipali ambitione, sed in sordidam mercedem id negotium quaesivisset. adfluxere avidi talium, imperitante Tiberio procul voluptatibus habiti, virile ac muliebre secus, omnis aetas, ob propinquitatem loci effusius; unde gravior pestis fuit, conferta mole, dein convulsa, dum ruit intus aut in exteriora effunditur inmensamque vim mortalium, spectaculo intentos aut qui circum adstabant, praeceps trahit atque operit. et illi quidem, quos principium stragis in mortem adflixerat, ut tali sorte, cruciatum effugere: miserandi magis quos abrupta parte corporis nondum vita deseruerat; qui per diem visu, per noctem ululatus et gemitu coniuges aut liberos noscebant. iam ceteri fama exciti, hic fratrem, propinquum ille, alius parentes lamentari. etiam quorum diversa de causa amici aut necessarii aberant, pavere tamen; nequedum comperto, quos illa vis perculisset, latior ex incerto metus.

63. Ut coepere dimoveri obruta, concursus ad exanimos complectentium, osculantium; et saepe certamen, si confusior facies, sed par forma aut aetas errorem agnoscen-
tibus fecerat. quinquaginta hominum milia eo casu debilitata vel obruta sunt; cautumque in posterum senatus consulto, ne quis gladiatorium munus ederet, cui minor quadringentorum milium res, neve amphitheatrum imponeretur nisi solo firmitatis spectatae. Atilius in exilium actus est. ceterum sub recentem cladem patuere procerum domus, fomenta et medici passim praebiti, fuitque urbs per illos dies quamquam maesta facie veterum institutis similis, qui magna post proelia saucios largitione et cura sustentabant.

64. Nondum ea clades exoleverat, cum ignis violentia urbem ultra solitum adfecit, deusto monte Caelio; feralem-

62, 7 sordida mercede, *em. Pichena, cf. 11, 6. Germ. 24* | 9 virilis ac muliebris sexus *Beroaldus* | 10 effusius *Lipsius*: effusus | 11 moles *Ritter* | 17 aut qui *Pluygers* | 21 vis periculis sed | 63, 3 et par *Beroaldus, cf. Heraei Stud. 1, 41* | 6 manus | 11 instituti | 64, 1 nam dum

que animus ferebant et omnibus adversis susceptum principi consilium absentiae, qui mos vulgo, fortuita ad culpam trahentes, ni Caesar obviam isset tribuendo pecunias ex modo detrimenti. actaeque ei grates apud senatum ab inlustribus fama apud populum, quia sine ambitione aut proximorum precibus ignotos et ultro accitos munificentia iuverat. adduntur sententiae, ut mons Caelius in posterum Augustus appellaretur, quando cunctis circum flagrantibus sola Tiberii effigies, sita in domo Iunii senatoris, inviolata mansisset. evenisse id olim Claudiae Quintae, eiusque statuatim vim ignium bis elapsam maiores apud aedem matris deum consecrassent. sanctos acceptosque numinibus Claudios et augendam caerimoniam loco, in quo tantum in principem honorem di ostenderint.

65. Haud fuerit absurdum tradere montem eum antiquitus Querquetulanum cognomento fuisse, quod talis silvae frequens secundusque erat, mox Caelium appellatum a Caele Vibenna, qui dux gentis Etruscae cum auxilium portavisset, sedem eam acceperat a Tarquinio Prisco, seu quis alius regum dedit: nam scriptores in eo dissentiunt. cetera non ambigua sunt, magnas eas copias per plana etiam ac foro propinqua habitavisse, unde Tusculum vicum e vocabulo advenarum dictum.

66. Sed ut studia procerum et largitio principis adversum casus solacium tulerant, ita accusatorum maior in dies et infestior vis sine levamento grassabatur; corripueratque Varum Quintilium, divitem et Caesari propinquum, Domitius Afer, Claudiae Pulchrae matris eius condemnator, nullo mirante quod diu egens et parto nuper praemio male usus plura ad flagitia accingeretur. P. Dolabellam socium delationis extitisse miraculo erat, quia claris maioribus et Varo conexus suam ipse nobilitatem, suum sanguinem perditum ibat. restitit tamen senatus et opperendum imperatorem

64, 3 omnibus | 16 ostenderent, *em. Lipsius* | 65, 4 portavisset *Döderlein*: appellatum tavisset (*tulisset Lipsius*, adportavisset *Crollius*, appellatus tulisset *Danesius*) *cf. Sall. Cat. 6, 5* sociis auxilia portabant | 66, 2 casus *Heinsius*: casum

censuit, quod unum urgentium malorum suffugium in tempus erat.

67. At Caesar dedicatis per Campaniam templis, quamquam edicto monuisset, ne quis quietem eius inrumperet, concursusque oppidanorum disposito milite prohiberentur, perosus tamen municipia et colonias omniaque in continenti
5 sita, Capreas se in insulam abdidit, trium milium freto ab extremis Surrentini promunturii diiunctam. solitudinem eius placuisse maxime crediderim, quoniam inportuosum circa mare et vix modicis navigiis pauca subsidia; neque adpulerit quisquam nisi gnaro custode. caeli temperies hieme
10 mitis obiectu montis, quo saeva ventorum arcentur; aestas in favonium obversa et aperto circum pelago peramoena; prospectabatque pulcherrimum sinum, antequam Vesuvius mons ardescens faciem loci verteret. Graecos ea tenuisse Capreasque Telebois habitatas fama tradit. sed tum Tiberius
15 duodecim villarum nominibus et molibus insederat, quanto intentus olim publicas ad curas, tanto occultiores in luxus et malum otium resolutus. manebat quippe suspicionum et credendi temeritas, quam Seianus augere etiam in urbe suctus acrius turbabat non iam occultis adversum Agrippinam
20 et Neronem insidiis. quis additus miles nuntios, introitus, aperta secreta velut in annales referebat, ultroque struebantur, qui monerent perferre ad Germaniae exercitus vel celeberrimo fori effigiem divi Augusti amplecti populumque ac senatum auxilio vocare. eaque sprete ab illis, velut para-
25 rent, obiciebantur.

68. Iunio Silano et Silio Nerva consulibus foedum anni principium incessit tracto in carcerem inlustri equite Romano, Tito Sabino, ob amicitiam Germanici: neque enim omiserat coniugem liberosque eius percolere, sectator domi,
5 comes in publico, post tot clientes unus eoque apud bonos laudatus et gravis iniquis. hunc Latinus Latiaris, Porcius Cato, Petilius Rufus, M. Opsius praetura functi adgrediuntur,

67, 2 interrumpere *Heraeus* | 5 addidit | 9 grano | 16 occultiores *Weissenborn*: occultior (occultos *Jo. Fr. Gronovius*) cf. *Wölfflin in Philol.* 25, 119 et 27, 147 | 68, 7 Petilius *Lipsius*: petitiis

cupidine consulatus, ad quem non nisi per Seianum aditus; neque Seiani voluntas nisi scelere quaerebatur. compositum inter ipsos, ut Latiaris, qui modico usu Sabinum contingebat,
10 strueret dolum, ceteri testes adessent, deinde accusationem inciperent. igitur Latiaris iacere fortuitos primum sermones, mox laudare constantiam, quod non, ut ceteri, florentis domus amicus adflitam deseruisset; simul honora de Germanico, Agrippinam miserans, disserebat. et postquam Sabinus,
15 ut sunt molles in calamitate mortalium animi, effudit lacrimas, iunxit questus, audentius iam onerat Seianum, saevitiam, superbiam, spes eius. ne in Tiberium quidem convicio abstinet; iique sermones, tamquam vetita miscuissent, speciem artae amicitiae fecere. ac iam ultro Sabinus quaerere Latiarem, ventitare domum, dolores suos quasi ad fidsimum deferre.

69. Consultant quos memoravi, quonam modo ea plurium auditu acciperentur. nam loco, in quem coibatur, servanda solitudinis facies; et si pone fores adsisterent, metus visus, sonitus aut forte ortae suspicionis erat. tectum inter et laquearia tres senatores, haud minus turpi latebra quam de-
5 testanda fraude, sese abstrudunt, foraminibus et rimis aurem admovent. interea Latiaris repertum in publico Sabinum, velut recens cognita narraturus, domum et in cubiculum trahit; praeteritaque et instantia, quorum adfatim copia, ac novos terrores cumulat. eadem ille et diutius, quanto maesta,
10 ubi semel prorupere, difficilium reticentur. properata inde accusatio, missisque ad Caesarem litteris ordinem fraudis suumque ipsi dedecus narraverè. non alias magis anxia et pavens civitas, reticens adversum proximos; congressus, colloquia, notae ignotaeque aures vitari; etiam muta atque in-
15 anima, tectum et parietes circumspectabantur.

70. Sed Caesar sollemnia incipientis anni kalendis Ianuariis epistula precatus, vertit in Sabinum, corruptos quos-

68, 20 fecere *Faërnus*: facere | 69, 3 metu (*i. e.* metu) . . suspiciones erant *Ernesti* | 4 erat *Rhenanus*: erant | 10 qaranto | 13 ipse | 14 reticens *Weissenborn*: egens (*tegens* *Lipsius*, se *tegens* *Vertranius*)

dam libertorum et petitum se arguens, ultionemque haud obscure poscebat. nec mora quin decerneretur; et trahebatur
 5 damnatus, quantum obducta veste et adstrictis faucibus niti poterat, clamitans sic inchoari annum, has Seiano victimas cadere. quo intendisset oculos, quo verba acciderent, fuga vastitas, deseri itinera fora. et quidam regrediebantur ostentabantque se rursus, id ipsum paventes, quod timuissent.
 10 quem enim diem vacuum poena, ubi inter sacra et vota, quo tempore verbis etiam profanis abstineri mos esset, vincla et laqueus inducantur? non imprudentem Tiberium tantam invidiam adisse, set quaesitum meditatamque, ne quid impedire credatur, quo minus novi magistratus, quo modo delubra et
 15 altaria, sic carcerem recludant. secutae insuper litterae graes agentis, quod hominem infensum rei publicae punivissent, adiecto trepidam sibi vitam, suspectas inimicorum insidias, nullo nominatim compellato; neque tamen dubitabatur in Nerone et Agrippinam intendi.

71. Ni mihi destinatum foret suum quaeque in annum referre, avebat animus antire statimque memorare exitus, quos Latinus atque Opsius ceterique flagitii eius repertores habuere, non modo postquam Gaius Caesar rerum potitus est,
 5 sed incolumi Tiberio, qui scelerum ministros ut perverti ab aliis nolebat, ita plerumque satiatum et oblatis in eandem operam recentibus veteres et praegraves adflixit: verum has atque alias sontium poenas in tempore trademus. tum censuit Asinius Gallus, cuius liberorum Agrippina matertera erat,
 10 petendum a principe, ut metus suos senatui fateretur amoverique sineret. nullam aequae Tiberius, ut rebatur, ex virtutibus suis quam dissimulationem diligebat: eo aegrius accepit recludi quae premeret. sed mitigavit Seianus, non Galli amore, verum ut cunctationes principis aperirentur, gnarus lentum
 15 in meditando, ubi prorupisset, tristibus dictis atrociam facta coniungere.

Per idem tempus Iulia mortem obiit, quam neptem Au-

70, 7 acciderent *Rhenanus*: acciperent | 12 imprudentem *idem*: prudentem | 13 adisse set *Wurm*: adisset (*adiisse vulgo*) | 17 adiecti | 71, 14 opperiretur *Muretus*

gustus convictam adulterii damnaverat, proieceratque in insulam Trimerum, haud procul Apulis litoribus. illic viginti
 20 annis exilium toleravit Augustae ope sustentata, quae florentes privignos cum per occultum subvertisset, misericordiam erga adflictos palam ostentabat.

72. Eodem anno Frisii, transrhenanus populus, pacem exuere, nostra magis avaritia quam obsequii impatientes. tributum iis Drusus iusserat modicum pro angustia rerum, ut in usus militares coria bouum penderent, non intenta cuiusquam cura, quae firmitudo, quae mensura, donec Olennius e
 5 primipilaribus regendis Frisiis inpositus terga urorum delegit, quorum ad formam acciperentur. id aliis quoque nationibus arduum apud Germanos difficilius tolerabatur, quis ingentium beluarum feraces saltus, modica domi armenta sunt. ac primo boves ipsos, mox agros, postremo corpora coniu-
 10 gum aut liberorum servitio tradebant. hinc ira et questus, et postquam non subveniebatur, remedium ex bello. rapti qui tributo aderant milites et patibulo adfixi: Olennius infensos fuga praevenit, receptus castello, cui nomen Flevum; et haud spernenda illic civium sociorumque manus litora Oceani
 15 praesidebat.

73. Quod ubi L. Apronio inferioris Germaniae pro praetore cognitum, vexilla legionum e superiore provincia peditumque et equitum auxiliarium delectos accivit ac simul utrumque exercitum Rheno devectum Frisiis intulit, soluto iam castelli obsidio et ad sua tutanda degressis rebellibus.
 5 igitur proxima aestuaria aggeribus et pontibus traducendo graviore agmini firmat. atque interim repertis vadis alam Canninefatem et quod peditum Germanorum inter nostros merebat circumgredi terga hostium iubet, qui iam acie compositi pellunt turmas sociales equitesque legionum subsidio
 10

71, 19 Tremetum *Freinsheim*, Trimetum *al.* | 72, 6 urorum] taurorum *Nipperdey*, cf. *Urlichs in N. Ann. phil.* 69, 161 | 12 subveniebatur, *em. Rhenanus* | 73, 5 castelli *idem*: castello | digressis *Beroaldus* | 8 Canninefatium, *ut est in titulis, Aschbach Rheinl. Jahrb.* XX, 51 | 10 pellunt *Rhenanus*: pelluntur

missos. tum tres leves cohortes ac rursum duae, dein tempore interiecto alarius eques inmissus: satis validi, si simul incubuissent, per intervallum adventantes neque constantiam addiderant turbatis et pavore fugientium auferebantur. Cethego Labeoni legato quintae legionis quod reliquum auxiliorum tradit. atque ille dubia suorum re in anceps tractus missis nuntiis vim legionum inplorabat. prorumpunt quintani ante alios et acri pugna hoste pulso recipiunt cohortis alasque fessas vulneribus. neque dux Romanus ultum iit aut corpora humavit, quamquam multi tribunorum praefectorumque et insignes centuriones cecidissent. mox compertum a transfugis nongentos Romanorum apud lucum, quem Baduennae vocant, pugna in posterum extracta confectos, et aliam quadringentorum manum occupata Cruptorigis quondam stipendiarii villa, postquam proditio metuebatur, mutuis ictibus procubuisse.

74. Clarum inde inter Germanos Frisium nomen, dissimulante Tiberio damna, ne cui bellum permetteret. neque senatus in eo cura, an imperii extrema dehonestarentur: pavor internus occupaverat animos, cui remedium adulatione quaerebatur. ita quamquam diversis super rebus consularentur, aram clementiae, aram amicitiae effigiesque circum Caesaris ac Seiani censuere, crebrisque precibus efflagitabant visendi sui copiam facerent. non illi tamen in urbem aut propinqua urbi degressi sunt: satis visum omittere insulam et in proximo Campaniae aspici. eo venire patres, eques, magna pars plebis, anxii erga Seianum, cuius durior congressus, atque eo per ambitum et societate consiliorum parabatur. satis constabat auctam ei adrogantiam foedum illud in propatulo servitium spectanti; quippe Romae sueti discursus, et magnitudine urbis incertum, quod quisque ad negotium pergat: ibi campo aut litore iacentes nullo descri-

73, 11 leue in rasura | 12 alarius Freinsheim: acrius | 14 Cethego Lipsius: cethecio | 22 Baduennae Müllenhoff Z. f. d. Alt. IX, 240 | 23 confectos | 24 Cruptorigis Otto: cruptoricis | 74, 4 internos, em. Rhenanus | 14 illum in propatibulo | 15 magnitudin, em. Rhenanus, cf. Andresen Jahresb. 1874 p. 76

mine noctem ac diem iuxta gratiam aut fastus ianitorum perpetiebantur, donec id quoque vetitum: et revenere in urbem trepidi, quos non sermone, non visu dignatus erat, quidam male alacres, quibus infaustae amicitiae gravis exitus inminebat.

75. Ceterum Tiberius neptem Agrippinam Germanico ortam cum coram Cn. Domitio tradidisset, in urbe celebrari nuptias iussit. in Domitio super vetustatem generis propinquum Caesaribus sanguinem delegerat; nam is aviam Octaviam et per eam Augustum avunculum praeferebat.

74, 18 id quoque Muretus: idque

CORNELII TACITI

AB EXCESSU DIVI AUGUSTI

LIBRI V. FRAGMENTUM.

1. Rubellio et Fusio consulibus, quorum utrique Geminus cognomentum erat, Iulia Augusta mortem obiit, aetate extrema, nobilitatis per Claudiam familiam et adoptione Liviorum Iuliorumque clarissimae. primum ei matrimonium et
5 liberi fuere cum Tiberio Nerone, qui bello Perusino profugus, pace inter Sex. Pompeium ac triumviros pacta in urbem rediit. exim Caesar cupidine formae aufert marito, incertum an invitam, adeo properus, ut ne spatio quidem ad enitendum dato penatibus suis gravidam induxerit. nullam posthac
10 suboleo edidit, sed sanguini Augusti per coniunctionem Agrippinae et Germanici adnexa communes pronepotes habuit. sanctitate domus priscum ad morem, comis ultra quam antiquis feminis probatum, mater inpotens, uxor facilis et cum artibus mariti, simulatione filii bene composita. funus
15 eius modicum, testamentum diu inritum fuit. laudata est pro rostris a Gaio Caesare pronepote, qui mox rerum potitus est.

2. At Tiberius, quod supremis in matrem officiis defuisset, nihil mutata amoenitate vitae, magnitudinem negotiorum per litteras excusavit, honoresque memoriae eius ab senatu large decretos quasi per modestiam imminuit, paucis
5 admodum receptis et addito, ne caelestis religio decerneretur: sic ipsam maluisse. quin et parte eiusdem epistulae increpuit amicitias muliebres, Fusium consulem oblique perstringens. is gratia Augustae floruerat, aptus adliciendis feminarum animis, dicax idem et Tiberium acerbis facetiis inridere solitus,
10 quarum apud praepotentes in longum memoria est.

1, 5 perusinio

3. Ceterum ex eo praerupta iam et urguens dominatio: nam incolumi Augusta erat adhuc perfugium, quia Tiberio inveteratum erga matrem obsequium, neque Seianus audebat auctoritati parentis antire: tunc velut frenis exsoluti proruperunt, missaeque in Agrippinam ac Neronem litterae, quas
5 pridem adlatas et cohibitas ab Augusta credidit vulgus: haud enim multo post mortem eius recitatae sunt. verba inerant quaesita asperitate: sed non arma, non rerum novarum studium, amores iuvenum et inpudicitiam nepoti obiectabat. in
norum ne id quidem confingere ausus, adrogantiam oris et
10 contumacem animum incusavit, magno senatus pavore ac silentio, donec pauci, quis nulla ex honesto spes (et publica mala singulis in occasionem gratiae trahuntur), ut referretur postulavere, promptissimo Cotta Messalino cum atroci sententia. sed aliis a primoribus maximeque a magistratibus
15 trepidabatur: quippe Tiberius etsi infense invectus cetera ambigua reliquerat.

4. Fuit in senatu Iunius Rusticus, componendis patrum actis delectus a Caesare, eoque meditationes eius introspicere creditus. is fatali quodam motu (neque enim ante specimen constantiae dederat) seu prava sollertia, dum imminentium oblitus incerta pavet, inserere se dubitantibus ac
5 monere consules, ne relationem inciperent; disserebatque brevibus momentis summa verti: posse quandoque *domus* Germanici exitium poenitentiae *esse* seni. simul populus effigies Agrippinae ac Neronis gerens circumstetit curiam faustisque
in Caesarem omnibus falsas litteras et principe invito exitium
10 domui eius intendi clamitat. ita nihil triste illo die patratum. ferebantur etiam sub nominibus consularium fictae in Seianum sententiae, exercentibus plerisque per occultum atque eo procacius libidinem ingeniorum. unde illi ira violentior et

3, 6 et: sed *Acidalius* | 7 multo *Heinsius*: multum, cf. *Agr. 18 et ad 12, 4* | 10 confringere | 4, 2 meditationis, em. *Rhenanus* | 7 Germanici exitium *Rupertii*: germanicis titium; nos *domus addidimus* | 8 esse seni *Walther*: senis (p. q. Germanici stirpem resurgere; darent spatium poenitentiae senis *Madvig*) | 9 faustisque *Muretus*: festisque (infestisque *Kritz*) | 10 omnibus

15 materies criminandi: spretum dolorem principis ab senatu, descivisse populum; audiri iam et legi novas contiones, nova patrum consulta: quid reliquum nisi ut caperent ferrum et, quorum imagines pro vexillis secuti forent, duces imperatoresque deligerent?

5. Igitur Caesar repetitis adversum nepotem et nurum probris increpitaque per edictum plebe, questus apud patres quod fraude unius senatoris imperatoria maiestas elusa publice foret, integra tamen sibi cuncta postulavit. nec ultra
5 deliberatum, quo minus non quidem extrema decernerent (id enim vetitum), sed paratos ad ultionem vi principis impediri testarentur.

5, 6 se impediri Ritter | 7 post testarentur est in cod. spatium vacuum trium quattuorve litterarum, deinde novus versus incipit a. v. Quattuor. Initium sexti libri hic posuit Haase (Philol. 3, 152 sq.), cum Lipsius demum inde a cap. 7 (Cn. Domitius etc.) posuisset.

CORNELII TACITI

AB EXCESSU DIVI AUGUSTI

LIBER VI.

V, 6. . . . Quattuor et quadraginta orationes super ea re habitae, ex quis ob metum paucae, plures adsuetudine 'mihī pudorem aut Seiano invidiam adlaturum censui. versa est fortuna, et ille quidem, qui collegam et generum adsciverat, sibi ignoscit: ceteri, quem per dedecora fovere, 5 cum scelere insectantur. miserius sit ob amicitiam accusari an amicum accusare, haud discreverim. non crudelitatem, non clementiam cuiusquam experiar, sed liber et mihi ipsi probatus antibo periculum. vos obtestor, ne memoriam nostri per maerorem quam laeti retineatis, adiciendo me quoque 10 iis, qui fine egregio publica mala effugerunt.'

V, 7. Tunc singulos, ut cuique adsistere, adloqui animus erat, retinens aut dimittens partem diei absumpsit, multoque adhuc coetu et cunctis intrepidum vultum eius spectantibus, cum superesse tempus novissimis crederent, gladio, quem sinu abdiderat, incubuit. neque Caesar ullis criminibus aut 5 probris defunctum insectatus est, cum in Blaesum multa foedaque incusavisset.

V, 8. Relatum inde de P. Vitellio et Pomponio Secundo. illum indices arguebant claustra aerarii, cui praefectus erat, et militarem pecuniam rebus novis obtulisse; huic a Considio praetura functo obiectabatur Aelii Galli amicitia, qui punito Seiano in hortos Pomponii quasi fidissi- 5 mum ad subsidium perfugisset. neque aliud periclitantibus auxilii quam in fratrum constantia fuit, qui vades exstiterē.

6, 6 insectanter | 7, 2 adsumpsit | 8, 4 C. Considio Wurm | Aelii Lipsius: uelii

mox crebris prolationibus spem ac metum iuxta gravatus Vitellius petito per speciem studiorum scalpro levem ictum
 10 venis intulit vitamque aegritudine animi finivit. at Pomponius multa morum elegantia et ingenio inlustri, dum adversam fortunam aequus tolerat, Tiberio superstes fuit.

V, 9. Placitum posthac, ut in reliquos Seiani liberos adverteretur, vanescente quamquam plebis ira ac plerisque per priora supplicia lenitis. igitur portantur in carcerem, filius imminentium intellegens, puella adeo nescia, ut crebro
 5 interrogaret, quod ob delictum et quo traheretur; neque facturam ultra, et posse se puerili verbere moneri. tradunt temporis eius auctores, quia triumvirali supplicio adfici virginem inauditum habebatur, a carnifice laqueum iuxta compressam; exim obliis faucibus id aetatis corpora in Gemonias abiecta.

V, 10. Per idem tempus Asia atque Achaia exterritae sunt acri magis quam diuturno rumore, Drusum Germanici filium apud Cycladas insulas, mox in continenti visum. et erat iuvenis haud dispari aetate, quibusdam Caesaris libertis
 5 velut agnitus; per dolumque comitantibus adiciebantur ignari fama nominis et promptis Graecorum animis ad nova et mira. quippe elapsam custodiae pergere ad paternos exercitus, Aegyptum aut Suriam invasurum, fingeant simul credebantque. iam iuventutis concursu, iam publicis studiis
 10 frequentabatur, laetus praesentibus et inanium spe, cum auditum id Poppaeo Sabino: is Macedoniae tum intentus Achaiam quoque curabat. igitur quo vera seu falsa antiret, Toroneum Thermaeumque sinum praefestinans, mox Euboeam Aegaei maris insulam et Piraeum Atticae orae, dein Corinthiense
 15 litus angustiasque Isthmi evadit; marique Ionio Nicopolim Romanam coloniam ingressus, ibi demum cognoscit sollertius interrogatum, quisnam foret, dixisse M. Silano genitum, et multis sectatorum dilapsis ascendisse navem tamquam Italiam

10, 5 dolum qui (agnitus per dolum: quis comitantibus Haase) | 7 elapsam *Rhenanus*: lapsam | 10 inani spe *Nipperdey*, inani in spe *Joh. Müller*, inanium specie *Heinsius* | 11 Poppaeo *Rhenanus*: pompeio | 15 Ionio *Th. Barthold (mus. Rhen. 22, 644)*: alio, cf. 2, 53, 4 | 18 delapsis

peteret. scripsitque haec Tiberio, neque nos originem finemve eius rei ultra comperimus.

V, 11. Exitu anni diu aucta discordia consulum erupit. nam Trio, facilis capessendis inimicitiis et foro exercitus, ut segnem Regulum ad opprimendos Seiani ministros oblique perstrinxerat: ille, nisi lacesseretur, modestiae retinens, non modo rettudit collegam, sed ut noxium coniurationis ad disquisitionem tra-
 5 aebat. multisque patrum orantibus ponerent odia in perniciem itura, mansere infensi ac minitantes, donec magistratu abirent.

VI, 1. Cn. Domitius et Camillus Scribonianus consulum inierant, cum Caesar tramisso quod Capreas et Surrentum interluit freto Campaniam praelegebat, ambiguus an urbem intraret, seu, quia contra destinaverat, speciem venturi simulans. et saepe in propinqua degressus, aditis iuxta
 5 Tiberim hortis, saxa rursus et solitudinem maris repetiit, pudore scelerum et libidinum, quibus adeo indomitis exarserat, ut more regio pubem ingenuam stupris pollueret. nec formam tantum et decora corpora, set in his modestam pueritiam, in aliis imagines maiorum incitamentum cupidinis
 10 habebat. tuncque primum ignota antea vocabula reperta sunt sellariorum et spintriarum ex foeditate loci ac multiplici patientia; praepositique servi, qui conquirerent pertraherent, dona in promptos, minas adversum abnuentes, et si retinerent propinquus aut parens, vim raptus suaque ipsi libita
 15 velut in captos exercebant.

2. At Romae principio anni, quasi recens cognitis Liviae flagitiis ac non pridem etiam punitis, atroces sententiae dicebantur, in effigies quoque ac memoriam eius, et bona Seiani ablata aerario ut in fiscum cogerentur, tamquam referret. Scipiones haec et Silani et Cassii isdem ferme aut
 5 paulum inmutatis verbis adseveratione multa censebant, cum repente Togonius Gallus, dum ignobilitatem suam magnis nominibus inserit, per deridiculum auditur. nam principem orabat deligere senatores, ex quibus viginti sorte ducti et ferro

1, 5 digressus *Beroaldus* | 12 p. sintriarum (psintriarum *Döderlein*) | 13 qui conquirerent *Döderlein*: quirerent | 14 retinuerent (retinuerant *Ritter*) | 2, 4 tamquam *Lipsius*: tam

10 accincti, quotiens curiam inisset, salutem eius defenderent. crediderat nimirum epistulae subsidio sibi alterum ex consulibus poscentis, ut tutus a Capreis urbem peteret. Tiberius tamen, ludibria seriis permiscere solitus, egit gratis benevolentiae patrum: sed quos omitti posse, quos deligi? semperne
15 eosdem an subinde alios? et honoribus perfunctos an iuvenes, privatos an e magistratibus? quam deinde speciem fore summentium in limine curiae gladios? neque sibi vitam tanti, si armis tegenda foret. haec, adversus Togonium verbis moderans, neque *ut* ultra abolitionem sententiae suaderet.

3. At Iunium Gallionem, qui censuerat, ut praetoriani actis stipendiis ius apiscerentur in quattuordecim ordinibus sedendi, violenter increpuit, velut coram rogitans, quid illi cum militibus, quos neque dicta [imperatoris] neque praemia
5 nisi ab imperatore accipere par esset. repperisse prorsus quod divus Augustus non providerit: an potius discordiam et seditionem a satellite Seiani quaesitam, qua rudes animos nomine honoris ad corrumpendum militiae morem propelleret? hoc pretium Gallio meditatae adulationis tulit, statim
10 curia, deinde Italia exactus; et quia incusabatur facile toleraturus exilium delecta Lesbo, insula nobili et amoena, retrahitur in urbem custoditurque domibus magistratum. isdem litteris Caesar Sextium Paconianum praetorium percudit magno patrum gaudio, audacem, maleficum, omnium secreta
15 rimantem delectumque ab Seiano, cuius ope dolus Gaio Caesari pararetur. quod postquam patefactum, prorupere concepta pridem odia, et summum supplicium decernebatur, ni professus indicium foret.

4. Ut vero Latinium Latiarem ingressus est, accusator ac reus iuxta invisi gratissimum spectaculum praebebant. Latiaris, ut rettuli, praecipuus olim circumveniendi Titii Sabini

2, 14 delegi | 18 verbis] urbis | 19 ut *add. Döderlein* (neque ultra . . suadere *Beroaldus*) | 3, 4 edicta *Muretus*, at v. 2, 45, 10 | [imperatoris] *Lipsius*, nisi imperatoris *Rhenanus* | 13 Sextium Paconianum *Lipsius*: extium pagonianum | 15 ab *Weissenborn*: ad | 4, 1 lucanium *cf. 4, 68* | aggressus *Lipsius* | ac reus *idem*: acrius | 2 praebebantur, *em. Ursinus*

et tunc luendae poenae primus fuit. inter quae Haterius Agrippa consules anni prioris invasit, cur mutua accusatione
5 intenta nunc silerent: metum prorsus et noxae conscientiam pro foedere haberi; at non patribus reticenda quae audivissent. Regulus manere tempus ultionis, seque coram principe exsecuturum; Trio aemulationem inter collegas et si qua discordes iecissent melius obliterari respondit. urgente
10 Agrippa Sanquinius Maximus e consularibus oravit senatum, ne curas imperatoris conquisitis insuper acerbitatibus auferent: sufficere ipsum statuendis remediis. sic Regulo salus et Trioni dilatio exitii quaesita. Haterius invisior fuit, quia somno aut libidinis vigiliis marcidus et ob segnitiam quam
15 vis crudelem principem non metuens inlustribus viris perniciem inter ganeam ac stupra meditabatur.

5. Exim Cotta Messalinus, saevissimae cuiusque sententiae auctor eoque inveterata invidia, ubi primum facultas data, arguitur pleraque *in C. Caesarem* quasi incertae virilitatis, et cum die natali Augustae inter sacerdotes epularetur, novendialem eam cenam dixisse; querensque de potentia
5 M. Lepidi ac L. Arruntii, cum quibus ob rem pecuniariam disceptabat, addidisse: 'illos quidem senatus, me autem tuebitur Tiberiolus meus.' quae cuncta a primoribus civitatis revincebatur, iisque instantibus ad imperatorem provocavit. nec multo post litterae adferuntur, quibus in modum defensionis,
10 repetito inter se atque Cottam amicitiae principio crebrisque eius officiis commemoratis, ne verba prave detorta neu convivalium fabularum simplicitas in crimen duceretur postulavit.

6. Insigne visum est earum Caesaris litterarum initium; nam his verbis exorsus est: 'quid scribam vobis, patres conscripti, aut quo modo scribam aut quid omnino non scribam hoc tempore, di me deaque peius perdant, quam perire me

4, 6 noxae conscientiam *Groslotius*: noxam conscientiae (noxiam conscientiam *Pichena*) | 5, 3 *in C. Caes. Muretus*: C. Caesarem (*Gaiam Caes. Freinsheim*, *Gaiam C. Caesarem Ritter*) | incertae *Lipsius*: incerta (incestae *Rhenanus*, *fort. incerta virilitate eius*) *cf. Sen. de prov. 3, 13* exsectae virilitatis vel dubiae | 6 M. *Lipsius*: M. | 8 quae *Nipperdey*: neque (eaque *Pichena*) | 6, 3 quo modo] quando, *cf. Suet. Tib. 67*

5 cotidie sentio, si scio.' adeo facinora atque flagitia sua ipsi quoque in supplicium verterant. neque frustra praestantissimus sapientiae firmare solitus est, si recludantur tyrannorum mentes, posse aspici laniatus et ictus, quando ut corpora verberibus, ita saevitia, libidine, malis consultis animus dilaceretur. quippe Tiberium non fortuna, non solitudines protegebant, quin tormenta pectoris suasque ipse poenas fateretur.

7. Tum facta patribus potestate statuendi de C. Caeciliano senatore, qui plurima adversum Cottam prompserat, placitum eandem poenam inrogari quam in Aruseium et Sanquinium, accusatores L. Arruntii: quo non aliud honorificentius Cottae 5 evenit, qui nobilis quidem, set egens ob luxum, per flagitia infamis, sanctissimis Arruntii artibus dignitate ultionis aequabatur.

Q. Servaeus posthac et Minucius Thermus inducti, Servaeus praetura functus et quondam Germanici comes, Minucius equestri loco, modeste habita Seiani amicitia; unde illis maior miseratio. contra Tiberius praecipuos ad scelera increpans admonuit C. Cestium patrem dicere senatui quae sibi scripsisset, suscepitque Cestius accusationem. quod maxime exitiabile tulere illa tempora, cum primores senatus 15 infimas etiam delationes exercerent, alii propalam, multi per occultum; neque discerneres alienos a coniunctis, amicos ab ignotis, quid repens aut vetustate obscurum: perinde in foro, in convivio, quaqua de re locuti inculpabantur, ut quis praevenire et reum destinare properat, pars ad subsidium sui, 20 plures infecti quasi valetudine et contactu. sed Minucius et Servaeus damnati indicibus accessere. tractique sunt in casum eundem Iulius Africanus e Santonis Gallica civitate, Seius Quadratus: originem non repperi. neque sum ignarus a perisque scriptoribus omissa multorum pericula et poenas, 25 dum copia fatiscunt aut, quae ipsis nimia et maesta fuerant,

7, 1 C. add. *Wurm* | caesiliano, em. *Lipsius* | 3 Aruleium *Reinesius*, item c. 40 | sangunium (*Sangurium coni. Nipperdey*) | 6 ultioni sequebatur | 12 patrem] praetorem *Lipsius*; cf. *Ulrichs N. Rhein. Mus.* 31, 500 | 17 perinde *Rhenanus*: proinde | 21 tractatique

ne pari taedio lecturos adficerent verentur: nobis pleraque digna cognitu obvenere, quamquam ab aliis incelebrata.

8. Nam ea tempestate, qua Seiani amicitiam ceteri falso exuerant, ausus est eques Romanus M. Terentius, ob id reus, amplecti, ad hunc modum apud senatum ordiendo: 'fortuna quidem meaé fortasse minus expediat adgnosceré crimen quam abnuere: sed utcumque casura res est, fatebor et fuisse 5 me Seiano amicum, et ut essem expetisse, et postquam adeptus eram laetatum. videram collegam patris regendis praetoriis cohortibus, mox urbis et militiae munia simul obeuntem. illius propinqui et adfines honoribus augebantur; ut quisque Seiano intimus, ita ad Caesaris amicitiam validus: contra qui- 10 bus infensus esset, metu ac sordibus conflictabantur. nec quemquam exemplo adsumo: cunctos, qui novissimi consilii expertes fuimus, meo unius discrimine defendam. non enim Seianum Vulsiniensem, set Claudiae et Iuliae domus partem, quas adfinitate occupaverat, tuum, Caesar, generum, tui consulatus socium, tua officia in re publica capessentem colebamus. non est nostrum aestimare, quem supra ceteros et quibus de causis extollas: tibi summum rerum iudicium di dedere, nobis obsequii gloria relicta est. spectamus porro quae coram habentur, cui ex te opes honores, quis plurima iuvandi 20 nocendive potentia, quae Seiano fuisse nemo negaverit. abditos principis sensus, et si quid occultius parat, exquirere illicitum, anceps: nec ideo adsequare. ne, patres conscripti, ultimum Seiani diem, sed sedecim annos cogitaveritis. etiam Satrium atque Pomponium venerabamur; libertis quoque ac 25 ianitoribus eius notescere pro magnifico accipiebatur. quid ergo? indistincta haec defensio et promisca dabitur? immo iustis terminis dividatur. insidiae in rem publicam, consilia caedis adversum imperatorem puniantur: de amicitia et officiis idem finis et te, Caesar, et nos absolverit.' 30

9. Constantia orationis, et quia repertus erat, qui efferret quae omnes animo agitabant, eo usque potuere, ut accusatores eius, additis quae ante deliquerant, exilio aut morte multarentur.

8, 14 set *Rhenanus*: et | 25 Pinarium *Ritter*

Secutae dehinc Tiberii litterae in Sex. Vistilium praetorium, quem Druso fratri percarum in cohortem suam transtulerat. causa offensionis Vistilio fuit, seu composuerat quaedam in Gaium Caesarem ut impudicum, sive ficto habita fides. atque ob id convictu principis prohibitus cum senili manu ferrum temptavisset, obligat venas; precatusque per codicillos, immiti rescripto venas resolvit. acervatim ex eo Annius Pollio, Appius Silanus Scauro Mamerco simul ac Sabine Calvisio maiestatis postulantur, et Vinicianus Pollioni patri adiciebatur, clari genus et quidam summis honoribus. contremuerantque patres (nam quotus quisque adfinitatis aut amicitiae tot illustrium virorum expers erat?), ni Celsus urbanae cohortis tribunus, tum inter indices, Appium et Calvisium discrimini exemisset. Caesar Pollionis ac Viniciani Scaurique causam, ut ipse cum senatu nosceret, distulit, datis quibusdam in Scaurum tristibus notis.

10. Ne feminae quidem exsortes periculi. quia occupandae rei publicae argui non poterant, ob lacrimas incusabantur; necataque est anus Vitia, Fufii Gemini mater, quod filii necem flevisset. haec apud senatum: nec secus apud principem Vesularius Flaccus ac Iulius Marinus ad mortem aguntur, e vetustissimis familiarium, Rhodum secuti et apud Capreas individui, Vesularius insidiarum in Libonem internuntius; Marino particeps Seianus Curtium Atticum oppreserat. quo laetius acceptum sua exempla in consultores recidisse.

Per idem tempus L. Piso pontifex, rarum in tanta claritudine, fato obiit, nullius servilis sententiae sponte auctor, et quotiens necessitas ingrueret, sapienter moderans. patrem ei censorium fuisse memoravi; aetas ad octogensimum annum processit; decus triumphale in Thraecia meruerat. sed praecipua ex eo gloria, quod praefectus urbi recens

9, 4 nestilium, em. Nipperdey | 9 temptavisset, fort. ex tentavisset | obligat Baiter: ob legatu | 10 [venas] Ritter | 10, 1 quia Muretus: qua (quando Kiessling) | 3 Vibia coni. Nipperdey | Fufii Lipsius: fugii | 5 Flaccus Pichena: atticus | 6 familiarium

continuum potestatem et insolentia parendi graviolem mire temperavit.

11. Namque antea, profectis domo regibus ac mox magistratibus, ne urbs sine imperio foret, in tempus deligebatur, qui ius redderet ac scabitis mederetur; feruntque ab Romulo Dentrem Romulium, post ab Tullo Hostilio Numam Marcium et ab Tarquinio Superbo Spurium Lucretium impositos. dein consules mandabant; duratque simulacrum, quotiens ob ferias Latinas praeficitur qui consulare munus usurpet. ceterum Augustus bellis civilibus Cilnium Maecenatem equestris ordinis cunctis apud Romam atque Italiam praeposuit: mox rerum potitus ob magnitudinem populi ac tarda legum auxilia sumpsit e consularibus qui coërceret servitia et quod civium audacia turbidum, nisi vim metuat. primusque Messalla Corvinus eam potestatem et paucos intra dies finem accepit, quasi nescius exercendi; tum Taurus Statilius, quamquam propecta aetate, egregie toleravit; dein Piso quindecim per annos pariter probatus, publico funere ex decreto senatus celebratus est.

12. Relatum inde ad patres a Quintiliano tribuno plebei de libro Sibullae, quem Caninius Gallus quindecimvirum recipi inter ceteros eiusdem vatis et ea de re senatus consultum postulaverat. quo per discessionem facto misit litteras Caesar, modice tribunum increpans ignarum antiqui moris ob iuventam. Gallo exprobrabat, quod scientiae caerimoniarumque vetus incerto auctore, ante sententiam collegii, non, ut adsolet, lecto per magistratos aestimatoque carmine, apud infrequentem senatum egisset. simul commonefecit, quia multa vana sub nomine celebri vulgabantur, sanxisse Augustum, quem intra diem ad praetorem urbanum deferrentur neque habere privatim liceret. quod a maioribus quoque

11, 1 profectis domo *Rhenanus*: praefectis demum | 8 Cilnium *Lipsius*: cillinium | 15 XV *Ernesti*: XX (VI *Corsinus de Praef. urb. p. 33*) cf. tamen *Mommsen, Röm. Staatsr. II p. 1014 not. 2 (2)* | 12, 2 quindecimvir *Beroaldus*, at v. *Buecheler Mus. rhen. XI, 527* | 8 magistrum *Sirker*, at v. *Momms. R. Staatsr. II, 1051 n. 4 (2)* | 12 neve *Ernesti*

decretum erat post exustum sociali bello Capitolium, quaesitis Samo, Ilio, Erythris, per Africam etiam ac Siciliam et
 15 Italicas colonias carminibus Sibullae, una seu plures fuere, datoque sacerdotibus negotio, quantum humana ope potuisent, vera discernere. igitur tunc quoque notioni quindecimvirum is liber subicitur.

13. Isdem consulibus gravitate annonae iuxta seditionem ventum, multaue et plures per dies in theatro licentius efflagitata, quam solitum adversum imperatorem. quis commotus incusavit magistratus patresque, quod non publica
 5 auctoritate populum coërcuissent, addiditque quibus ex provinciis et quanto maiorem quam Augustus rei frumentariae copiam advectaret. ita castigandae plebi compositum senatus consultum prisca severitate, neque segnius consules edixere. silentium ipsius non civile, ut crediderat, sed in
 10 superbiam accipiebatur.

14. Fine anni Geminius, Celsus, Pompeius, equites Romani, cecidere coniurationis crimine; ex quis Geminius prodigientia opum ac mollitia vitae amicis Seiano, nihil ad
 5 serium. et Iulius Celsus tribunus in vinclis laxatam catenam et circumdatam in diversum tendens suam ipse cervicem perfregit. at Rubrio Fabato, tamquam desperatis rebus Romanis Parthorum ad misericordiam fugeret, custodes additi. sane is repertus apud fretum Siciliae retractusque per centurionem nullas probabiles causas longinqua peregrinationis adferebat: mansit tamen incolumis, oblivione magis quam
 10 clementia.

15. Ser. Galba L. Sulla consulibus diu quaesito, quos neptibus suis maritos destinaret Caesar, postquam instabat virginum aetas, L. Cassium, M. Vinicium legit. Vinicio oppidanum genus: Calibus ortus, patre atque avo consularibus,
 5 cetera equestri familia erat, mitis ingenio et comptae facundiae. Cassius plebei Romae generis, verum antiqui hono-

12, 13 civili bello *Lipsius*, Sullano b. *Heracius*, [sociali b.] *Nipperdey*, cf. *Kiene Gesch. d. Bundesgenossenkriegs* p. 311 | 13, 5 ex *Ritter*: et | 14, 2 C. Geminius *idem* | 8 sane is *Faërus*: sanus

ratique, et severa patris disciplina eductus facilitate saepius quam industria commendabatur. huic Drusillam, Vinicio Iuliam Germanico genitas coniungit superque ea re senatui
 scribit, levi cum honore iuvenum. dein redditus absentiae
 10 causis admodum vagis flexit ad graviora et offensiones ob rem publicam coeptas, utque Macro praefectus tribunorumque et centurionum pauci secum introirent, quotiens curiam ingrederetur, petivit. factoque large et sine praescriptione generis aut numeri senatus consulto ne tecta quidem urbis,
 15 adeo publicum consilium numquam adiit, deviis plerumque itineribus ambiens patriam et declinans.

16. Interea magna vis accusatorum in eos inrupit, qui pecunias faenore auctitabant adversum legem dictatoris Caesaris, qua de modo credendi possidendique intra Italiam cavetur, omissam olim, quia privato usui bonum publicum postponitur. sane vetus urbi faenebre malum et seditionum dis-
 5 cordiarumque creberrima causa, eoque cohibebatur antiquis quoque et minus corruptis moribus. nam primo duodecim tabulis sanctum, ne quis unciario faenore amplius exerceat, cum antea ex libidine locupletium agitaretur; dein rogatione tribunicia ad semuncias redactum, postremo vetita versura.
 10 multisque plebi scitis obviam itum fraudibus, quae totiens repressae miras per artes rursus oriebantur. sed tum Gracchus praetor, cui ea quaestio evenerat, multitudine periclitantium subactus rettulit ad senatum, trepidique patres (neque enim quisquam tali culpa vacuus) veniam a principe
 15 petivere; et concedente annus in posterum sexque menses dati, quis secundum iussa legis rationes familiares quisque componerent.

17. Hinc inopia rei nummariae, commoto simul omnium aere alieno, et quia tot damnatis bonisque eorum divenditis signatum argentum fisco vel aerario attinebatur. ad hoc senatus praescripserat, duas quisque faenoris partes in agris

15, 12 susceptas *Muretus* | 17 ambiens *Rhenanus*: ambigens | 16, 4 omissa, *em. Lipsius* | 7 primum *Ritter* | 10 redactum nos: redactu, cf. *Liv.* 7, 27, 3 | 11 plebi *Nipperdey*: plebis | 16 et] eo *Pichena* | 17, 3 ob hoc *coni. Nipperdey*.

per Italiam conlocaret. sed creditores in solidum appellabant, nec decorum appellatis minuere fidem. ita primo concursatio et preces, dein strepere praetoris tribunal, eaque quae remedio quaesita, venditio et emptio, in contrarium mutari, quia faeneratores omnem pecuniam mercandis agris condiderant. copiam vendendi secuta vilitate, quanto quis obaeratio, aegrius distrahebant, multique fortunis provolvebantur; eversio rei familiaris dignitatem ac famam praecipitabat, donec tulit opem Caesar disposito per mensas milliens sestertio factaque mutuandi copia sine usuris per triennium, si debitor populo in duplum praediis cavisset. sic reflecta fides, et paulatim privati quoque creditores reperi. neque emptio agrorum exercita ad formam senatus consulti, acribus, ut ferme talia, initiis, incurioso fine.

18. Dein redeunt priores metus postulado maiestatis Considio Proculo, qui nullo pavore diem natalem celebrans raptus in curiam pariterque damnatus interfectusque est. sorori eius Sanciae aqua atque igni interdictum accusante Q. Pomponio. is moribus iniquis haec et huiusce modi a se factitari praetendebat, ut parta apud principem gratia periculis Pomponii Secundi fratris mederetur. etiam in Pompeiam Macrinam exilium statuitur, cuius maritum Argolicum, socerum Laconem e primoribus Achaeorum Caesar adflixerat. pater quoque inlustris eques Romanus ac frater praetorius, cum damnatio instaret, se ipsi interfecere. datum erat crimini, quod Theophanen Mytilenaeum proavum eorum Cn. Magnus inter intimos habuisset, quodque defuncto Theophani caelestes honores Graeca adulatio tribuerat.

19. Post quos Sex. Marius Hispaniarum ditissimus defertur incestasse filiam et saxo Tarpeio deicitur. ac ne dubium haberetur magnitudinem pecuniae malo vertisse, aura-

17, 5 ante sed addidit idem ex Suet. Tib. 48: debitores totidem aeris alieni statim solverent | 12 in praecipitabat Muretus, at cf. 4, 62 | 17 emitio | 18, 3 est Bezenberger: et | 11 interficere | 19, 3 aurarias argentariasque Weissenborn: aurariasque (aur. aerariasque Bezenberger; illud aptius videtur, cum sit sermo de homine Hispaniarum ditissimo.)

rias argentariasque eius, quamquam publicarentur, sibimet Tiberius seposuit. inritatusque suppliciiis cunctos, qui carere attinebantur accusati societatis cum Seiano, necari iubet. iacuit immensa strages, omnis sexus, omnis aetas, inlustres ignobiles, dispersi aut aggerati. neque propinquis aut amicis assistere, inlacrimare, ne visere quidem diutius dabatur, sed circumiecti custodes et in maerorem cuiusque intenti corpora putrefacta adsectabantur, dum in Tiberim traherentur, ubi fluitantia aut ripis adpulsa non cremare quisquam, non contingere. interciderat sortis humanae commercium vi metus, quantumque saevitia glisceret, miseratio arcebat.

20. Sub idem tempus Gaius Caesar, discedenti Capreas avo comes, Claudiam, M. Silani filiam, coniugio accepit, immanem animum subdola modestia tegens, non damnatione matris, non exitio fratrum rupta voce; qualem diem Tiberius induisset, pari habitu, haud multum distantibus verbis. unde mox scitum Passieni oratoris dictum percrebruit neque meliorem umquam servum neque deteriolem dominum fuisse.

Non omiserim praesagium Tiberii de Servio Galba tum consule; quem accitum et diversis sermonibus pertemptatum postremo Graecis verbis in hanc sententiam adlocutus est et tu, Galba, quandoque degustabis imperium, seram ac brevem potentiam significans, scientia Chaldaeorum artis, cuius apiscendae otium apud Rhodum, magistrum Thrasillum habuit, peritiam eius hoc modo expertus.

21. Quotiens super tali negotio consultaret, edita domus parte ac liberti unius conscientia utebatur. is litterarum ignarus, corpore valido, per avia ac derupta (nam saxis domus imminet) praeibat eum, cuius artem experiri Tiberius statuisset, et regredientem, si vanitatis aut fraudum suspicio inceserat, in subiectum mare praecipitabat, ne index arcani existeret. igitur Thrasullus isdem rupibus inductus postquam percontantem commoverat, imperium ipsi et futura sollerter patefaciens, interrogatur an suam quoque genitalem horam

20, 4 exitio Nipperdey: exilio | 10 est add. Ernesti | 21, 1 super tali Pichena: superta

10 comperisset, quem tum annum, qualem diem haberet. ille
positus siderum ac spatia dimensus haerere primo, dein pa-
vescere, et quantum introspeceret, magis ac magis trepidus
admirationis et metus, postremo exclamat ambiguum sibi ac
15 prope ultimum discrimen instare. tum complexus eum Ti-
berius praescium periculorum et incolumem fore gratatur,
quaeque dixerat oracli vice accipiens inter intimos amico-
rum tenet.

22. Sed mihi haec ac talia audienti in incerto iudicium
est, fatone res mortalium et necessitate immutabili an forte
volvantur. quippe sapientissimos veterum quique sectam
eorum aemulantur diversos reperies, ac multis insitam opi-
5 nionem non initia nostri, non finem, non denique homines
dis curae; ideo creberrime tristitia in bonos, laeta apud dete-
riora esse. contra alii fatum quidem congruere rebus pu-
tant, sed non e vagis stellis, verum apud principia et nexus
naturalium causarum; ac tamen electionem vitae nobis re-
10 linquunt, quam ubi elegeris, certum imminendum ordinem.
neque mala vel bona, quae vulgus putet: multos, qui con-
flictari adversis videantur, beatos, at plerosque quamquam
magnas per opes miserrimos, si illi gravem fortunam con-
stanter tolerent, hi prospera inconsulte utantur. ceterum
15 plurimis mortalium non eximitur, quin primo cuiusque ortu
ventura destinentur, sed quaedam secus quam dicta sint ca-
dere, fallacis ignara dicentium: ita corrumpi fidem artis,
cuius clara documenta et antiqua aetas et nostra tulerit.
quippe a filio eiusdem Thrasulli praedictum Neronis impe-
20 rium in tempore memorabitur, ne nunc incepto longius
abierim.

23. Isdem consulibus Asinii Galli mors vulgatur, quem
egestate cibi peremptum haud dubium, sponte vel necessi-
tate, incertum habebatur. consultusque Caesar an sepeliri

21, 11 paescente (pavescens *Jac. Gronovius*) | 16 uici |
22, 3 sectas | 4 reperias *corr. m. vetere in reperies, cf. 4, 33* | 6
creberrime *Freinsheim*: creberima et | 7 ingruere *Nipperdey* |
21 aberrem *Heinsius* | 23, 2 uel] an *Ursinus, at cf. A. Gerber*
de part. an p. 12 (Pest. 1865)

sineret, non erubuit permittere ultroque incusare casus, qui
reum abstulissent, antequam coram convinceretur: scilicet 5
medio triennio defuerat tempus subeundi iudicium consulari
seni, tot consularium parenti. Drusus deinde exstinguitur,
cum se miserandis alimentis, mandendo e cubili tomento,
nonum ad diem detinisset. tradidere quidam praescriptum
fuisse Macroni, si arma ab Seiano temptarentur, extractum 10
custodiae iuvenem (nam in Palatio attinebatur) ducem po-
pulo imponere. mox, quia rumor incedebat fore ut nuru
ac nepoti conciliaretur Caesar, saevitiam quam paenitentiam
maluit.

24. Quin et invectus in defunctum probra corporis,
exitiabilem in suos, infensum rei publicae animum obiecit
recitarique factorum dictorumque eius descripta per dies
iussit, quo non aliud atrocius visum: adstitisse tot per annos,
qui vultum, gemitus, occultum etiam murmur exciperent, et 5
potuisse avum audire, legere, in publicum promere vix fides,
nisi quod Attii centurionis et Didymi liberti epistulae ser-
vorum nomina praeferebant, ut quis egredientem cubiculo
Drusum pulsaverat, exterruerat. etiam sua verba centurio
saevitiae plena, tamquam egregium, vocesque deficientis 10
adiecerat, quis primo [alienationem mentis simulans] quasi
per dementia funesta Tiberio, mox, ubi exspes vitae fuit,
meditatas compositasque diras inprecabatur, ut, quem ad mo-
dum nurum filiumque fratris et nepotes domumque omnem
caedibus complevisset, ita poenas nomini generique maio- 15
rum et posteris exsolveret. obturbabant quidem patres spe-
cie detestandi: sed penetrabat pavor et admiratio, callidum
olim et tegendis sceleribus obscurum huc confidentiae venisse,
ut tamquam dimotis parietibus ostenderet nepotem sub ver-
bere centurionis, inter servorum ictus extrema vitae ali- 20
menta frustra orantem.

25. Nondum is dolor exoleverat, cum de Agrippina au-

23, 8 tomentum *Ritter haud scio an recte, v. Andresen*
Jahresb. 1874 p. 78 n. 5 | 24, 11 [alien. m. simulans] *Bahrdt,*
alii vv. quasi per dementia pro glossemate habent | 14 nepotes
necasset domumque Ritter

ditum, quam interfecto Seiano spe sustentatam provixisse reor, et postquam nihil de saevitia remittebatur, voluntate extinctam, nisi si negatis alimentis adsimulatus est finis, 5 qui videretur sponte sumptus. enimvero Tiberius foedissimis criminationibus exarsit, impudicitiam arguens et Asinium Gallum adulterum, eiusque morte ad taedium vitae compulsam. sed Agrippina aequi inpatiens, dominandi avida, virilibus curis feminarum vitia exuerat. eodem die defunctam, 10 quo biennio ante Seianus poenas luisset, memoriaeque id prodendum addidit Caesar iactavitque, quod non laqueo strangulata neque in Gemonias proiecta foret. actae ob id grates decretumque, ut quintum decimum kal. Novembris, utriusque necis die, per omnis annos donum Iovi sacraretur.

26. Haud multo post Cocceius Nerva, continuus principi, omnis divini humanique iuris sciens, integro statu, corpore inlaeso, moriendi consilium cepit. quod ut Tiberio cognitum, adsidere, causas requirere, addere preces, fateri 5 postremo grave conscientiae, grave famae suae, si proximus amicorum nullis moriendi rationibus vitam fugeret. aversatus sermonem Nerva abstinentiam cibi coniunxit. ferebant gnari cogitationum eius, quanto propius mala rei publicae viseret, ira et metu, dum integer, dum intemptatus, honestum 10 finem voluisse.

Ceterum Agrippinae perniciēs, quod vix credibile, Plan- cinam traxit. nupta olim Cn. Pisoni et palam laeta morte Germanici, cum Piso caderet, precibus Augustae nec minus inimicitias Agrippinae defensa erat. ut odium et gratia de- 15 siere, ius valuit; petitaque criminibus haud ignotis sua manu sera magis quam inmerita supplicia persolvit.

27. Tot luctibus funesta civitate pars maeroris fuit, quod Iulia Drusi filia, quondam Neronis uxor, denupsit in domum Rubellii Blandi, cuius avum Tiburtem equitem Romanum plerique meminerant. extremo anni mors Aelii Lamiae funere 5 censorio celebrata, qui administrandae Suriae imagine tan-

25, 2 sust. vitam produxisse *Raim. Seyffert* | 13 ut a. d. quintum *Ursinus* | 26, 1 principi *Heinsius*: principis | 3 ut] ubi *Wölfflin*

dem exsolutus urbi praefuerat. genus illi decorum, vivida senectus; et non permissa provincia dignationem addiderat. exim Flacco Pomponio Suriae pro praetore defuncto recitan- tur Caesaris litterae, quis incusabat egregium quemque et regendis exercitibus idoneum abnuere id munus, seque ea 10 necessitudine ad preces cogi, per quas consularium aliqui capessere provincias adigerentur, oblitus Arruntium, ne in Hispaniam pergeret, decimum iam annum attineri. obiit eodem anno et M. Lepidus, de cuius moderatione atque sapientia in prioribus libris satis conlocavi. neque nobilitas diutius 15 demonstranda est: quippe Aemilium genus secundum bonorum civium, et qui eadem familia corruptis moribus, inlustri tamen fortuna egere.

28. Paulo Fabio L. Vitellio consulibus post longum saeculorum ambitum avis phoenix in Aegyptum venit praebuit- que materiem doctissimis indigenarum et Graecorum multa super eo miraculo disserendi. de quibus congrunt et plura ambigua, sed cognitu non absurda promere libet. sacrum 5 Soli id animal et ore ac distinctu pinnarum a ceteris avibus diversum consentiunt qui formam eius effinxere: de numero annorum varia traduntur. maxime vulgatum quingentorum spatium: sunt qui adseverent mille quadringentos sexaginta unum interici, prioresque alios tres Sesoside primum, post 10 Amaside dominantibus, dein Ptolemaeo, qui ex Macedonibus tertius regnavit, in civitatem, cui Heliopolis nomen, advola- visse, multo ceterarum volucrum comitatu novam faciem mirantium. sed antiquitas quidem obscura: inter Ptolemaeum ac Tiberium minus ducenti quinquaginta anni fuerunt. unde 15 nonnulli falsum hunc phoenicem neque Arabum e terris credidere, nihilque usurpavisse ex his, quae vetus memoria firmavit. confecto quippe annorum numero, ubi mors propinquet, suis in terris struere nidum eique vim genitalem adfundere, ex qua fetum oriri; et primam adulto curam sepe- 20

27, 14 M. *Lipsius*: M. | 28, 7 effinxerè *Pichena*: effinere (definere *Beroaldus*) | 10 alios tres nos: aliter (alites *Rhenanus*, alios ter *L. Spengel*) | Sesoside *Jac. Gronovius*: esse sosi de | 17 iis *Ritter* | 18 annorum M. (i. e. mille) numero *Heinsius*

liendi patris, neque id temere, sed sublato murrae pondere temptatoque per longum iter, ubi par oneri, par meatui sit, subire patrium corpus inque Solis aram perferre atque adolere. haec incerta et fabulosis aucta: ceterum aspici ali-

25 quando in Aegypto eam volucrem non ambigitur.

29. At Romae caede continua Pomponius Labeo, quem praefuisse Moesiae rettuli, per abruptas venas sanguinem effudit; aemulataque est coniunx Paxaea. nam promptas eius modi mortes metus carnificis faciebat, et quia damnati 5 publicatis bonis sepultura prohibebantur, eorum, qui de se statuebant, humabantur corpora, manebant testamenta, pretium festinandi. sed Caesar missis ad senatum litteris disse-

ruit morem fuisse maioribus, quotiens dirimerent amicitias, interdiceret domo eumque finem gratiae ponere: id se repe-

10 tivisse in Labeone, atque illum, quia male administratae provinciae aliorumque criminum arguebatur, culpam invidia velavisse, frustra conterrita uxore, quam etsi nocentem periculi tamen expertem fuisse. Mamercus dein Scaurus rursus postulatur, insignis nobilitate et orandis causis, vita probro-

15 sus. nihil hunc amicitia Seiani, sed labefecit haud minus validum ad exitia Macronis odium, qui easdem artes occultius exercebat; detuleratque argumentum tragoediae a Scauro scriptae, additis versibus, qui in Tiberium flecterentur: verum ab Servilio et Cornelio accusatoribus adulterium Liviae, ma-

20 gorum sacra obiectabantur. Scaurus, ut dignum veteribus Aemiliis, damnationem anteit, hortante Sextia uxore, quae incitamentum mortis et particeps fuit.

30. Ac tamen accusatores, si facultas incideret, poenis adficiabantur, ut Servilius Corneliusque perduto Scauro famosi, quia pecuniam a Vario Ligure omittendae delationis ceperant; in insulas interdicto igni atque aqua demoti sunt. 6 et Abudius Ruso functus aedilitate, dum Lentulo Gaetulice, sub quo legioni praefuerat, periculum facessit, quod is Seiani filium generum destinasset, ultro damnatur atque urbe

29, 11 arguebatur *Ernesti*: urgebatur, cf. *Heraei Stud. cr.* 1, 88 | 21 anteit nos: anteit | hortante Sextia *Lipsius*: hortante exitia (h. *Sextilia Walther*) | 30, 3 delationi *Heinsius*

exigitur. Gaetulicus ea tempestate superioris Germaniae legiones curabat mirumque amorem adsecutus erat, effusae clementiae, modicus severitate et proximo quoque exercitui 10 per L. Apronium socerum non ingratus. unde fama constans ausum mittere ad Caesarem litteras, adfinitatem sibi cum Seiano haud sponte, sed consilio Tiberii coeptam; perinde se quam Tiberium falli potuisse, neque errorem eundem illi sine fraude, aliis exitio habendum. sibi fidem integram et, si nul-

15 lis insidiis peteretur, mansuram; successorem non aliter quam indicium mortis accepturum. firmarent velut foedus, quo princeps ceterarum rerum poteretur, ipse provinciam retineret. haec, mira quamquam, fidem ex eo trahebant, quod unus omnium Seiani adfinium incolumis multaque gra-

20 tia mansit, reputante Tiberio publicum sibi odium, extremam aetatem magisque fama quam vi stare res suas.

31. C. Cestio M. Servilio consulibus nobiles Parthi in urbem venire, ignaro rege Artabano. is metu Germanici fidus Romanis, aequabilis in suos, mox superbiam in nos, saevitiam in populares sumpsit, fretus bellis, quae secunda adversum circumiectas nationes exercuerat, et senectutem 5 Tiberii ut inermem despiciens avidusque Armeniae, cui defuncto rege Artaxia Arsacen liberorum suorum veterrimum inposuit, addita contumelia et missis, qui gazam a Vonone relictam in Suria Ciliciaque reposcerent; simul veteres Per-

sarum ac Macedonum terminos, seque invasurum possessa 10 primum Cyro et post Alexandro per vaniloquentiam ac minas iaciebat. sed Parthis mittendi secretos nuntios validissimus auctor fuit Sinnaces, insigni familia ac perinde opibus, et proximus huic Abdus ademptae virilitatis. non despectum id apud barbaros utroque potentiam habet. ii adscitis et 15 aliis primoribus, quia neminem gentis Arsacidarum summae rei inponere poterant, interfectis ab Artabano plerisque aut nondum adultis, Phraaten regis Phraatis filium Roma posce-

31, 5 excreuerat | 6 inertem *Heinsius* | 7 vetustissimum *Ritter* | 11 primum Cyro *Baiter*: icyro (Cyro *Beroaldus*, a Cyro *Ritter*)

bant: nomine tantum et auctore opus, [ut] sponte Caesaris ut
 20 genus Arsacis ripam apud Euphratis cerneretur.

32. Cupitum id Tiberio: ornat Phraaten accingitque pa-
 ternum ad fastigium, destinata retinens, consiliis et astu res
 externas moliri, arma procul habere. interea cognitis insi-
 diis Artabanus tardari metu, modo cupidine vindictae inar-
 5 descere. et barbaris cunctatio servilis, statim exsequi regum
 videtur: valuit tamen utilitas, ut Abdum specie amicitiae
 vocatum ad epulas lento veneno inligaret, Sinnacem dissimu-
 latione ac donis, simul per negotia moraretur. et Phraates
 apud Suriam dum omisso cultu Romano, cui per tot annos in-
 10 sueverat, instituta Parthorum sumit, patriis moribus impar
 morbo absumptus est. sed non Tiberius omisit incepta: Tiri-
 datem sanguinis eiusdem aemulum Artabano, recipendae-
 que Armeniae Hiberum Mithridaten deligit conciliatque fra-
 tri Pharasmani, qui gentile imperium obtinebat; et cunctis,
 15 quae apud Orientem parabantur, L. Vitellium praefecit. eo
 de homine haud sum ignarus sinistram in urbe famam, ple-
 raque foeda memorari, ceterum in regendis provinciis prisca
 virtute egit. unde regressus et formidine Gai Caesaris, fa-
 miliaritate Claudii turpe in servitium mutatus exemplar apud
 20 posteros adulatorii dedecoris habetur, cesseruntque prima
 postremis, et bona iuventae senectus flagitiosa obliteravit.

33. At ex regulis prior Mithridates Pharasmanem perpu-
 lit dolo et vi conatus suos iuvare, repertique corruptores
 ministros Arsacis multo auro ad scelus cogunt; simul Hiberi
 magnis copiis Armeniam inrumpunt et urbe Artaxata potiun-
 5 tur. quae postquam Artabano cognita, filium Oroden ulto-
 rem parat; dat Parthorum copias, mittit qui auxilia mercede
 facerent: contra Pharasmanes adiungere Albanos, accire Sar-

31, 19 [ut] *Joh. Müller*; aliis et sponte scribendum, aliis
 ut ante genus delendum videtur | 20 arsaces | 32, 10 sumit
Lipsius: insumit | 13 diligit | 16 pluraque *G. Chr. Herrmann* |
 17 in *add. Otto* | 33, 3 simul haberi | 6 dat Parthorum *Dübner*:
 dat parthorumque, unde verisimile est nomen gentis intercidisse,
 ut Ariorum (*Bezenberger*), Medorum (*Heraeus*), Hyrcanorum
 (*Nipperdey*); cf. ad 6, 19 (dat pecuniam Parthorumque *Ritter*) |
 7 accire *Jo. Fr. Gronovius*: accipere

matas, quorum sseptuchi utrimque donis acceptis more gen-
 tico diversa induere. sed Hiberi locorum potentes Caspia
 via Sarmatam in Armenios raptim effundunt. at qui Parthis 10
 adventabant, facile arcebantur, cum alios incessus hostis
 clausisset, unum reliquum mare inter et extremos Albanorum
 montes aestas impediret, quia flatibus etesiarum implentur
 vada: hibernus auster revolvit fluctus pulsoque introrsus
 freto breviter litorum nudantur. 15

34. Interim Oroden sociorum inopem auctus auxilio Pha-
 rasmanes vocare ad pugnam et detrectantem incessere, ade-
 quitare castris, infensare pabula; ac saepe in modum obsidii
 stationibus cingebat, donec Parthi contumeliarum insolentes
 circumstiterent regem, poscerent proelium. atque illis sola 5
 in equite vis: Pharasmanes et pedite valebat. nam Hiberi
 Albanique saltuosos locos incolentes duritiae patientiaeque
 magis insuevere; feruntque se Thessalis ortos, qua tempe-
 state Iaso post avectam Medeam genitosque ex ea liberos
 inanem mox regiam Aetiae vacuosque Colchos repetivit. 10
 multaque de nomine eius et oraclum Phrixii celebrant; nec
 quisquam ariete sacrificaverit, credito vexisse Phrixum, sive
 id animal seu navis insigne fuit. ceterum directa utrimque
 acie Parthus imperium Orientis, claritudinem Arsacidarum
 contraque ignobilem Hiberum, mercenario milite disserebat; 15
 Pharasmanes integros semet a Parthico dominatu, quanto
 maiora peterent, plus decoris victores aut, si terga darent,
 flagitii atque periculi laturos; simul horridam suorum aciem,
 picta auro Medorum agmina, hinc viros, inde praedam osten-
 dere. 20

35. Enimvero apud Sarmatas non una vox ducis: se
 quisque stimulant, ne pugnam per sagittas sinerent: impetu
 et comminus praeveniendum. variae hinc bellantium species,
 cum Parthus sequi vel fugere pari arte suctus distraheret
 turmas, spatium ictibus quaereret, Sarmatae omisso arcu, 5
 quo brevius valent, contis gladiisque ruerent; modo equestris

33, 10 effant | 34, 3 in *add. Muretus* | 10 actae | 15 mer-
 cennarium militem *Acidalius* | 35, 2 inirent *Beroaldus* | 6 equestris
Rhenanus: equites tres

proelii more frontis et tergi vices, aliquando ut conserta acie corporibus et pulsu armorum pellerent pellerentur. iamque et Albani Hiberique prensare, detrudere, ancipitem
 10 pugnam hostibus facere, quos super eques et propioribus vulneribus pedites adflictabant. inter quae Pharasmanes Orosque, dum strenuis adsunt aut dubitantibus subveniunt, conspicui eoque gnari, clamore telis equis concurrunt, instantius Pharasmanes; nam vulnus per galeam adegit. nec
 15 iterare valuit, praelatus equo et fortissimis satellitum protegentibus saucium: fama tamen occisi falso credita exterruit Parthos victoriamque concessere.

36. Mox Artabanus tota mole regni ultum iit. peritia locorum ab Hiberis melius pugnatum; nec ideo abscedebat, ni contractis legionibus Vitellius et subdito rumore, tamquam Mesopotamiam invasurus, metum Romani belli fecisset.
 5 tum omissa Armenia versaeque Artabani res, inciente Vitellio desererent regem saevum in pace et adversis proeliorum exitiosum. igitur Sinnaces, quem antea infensum memoravi, patrem Abdagaesen aliosque occultos consilii et tunc continuis cladibus promptiores ad defectionem trahit, ad
 10 fluentibus paulatim, qui metu magis quam benevolentia subiecti repertis auctoribus sustulerant animum. nec iam aliud Artabano reliquum, quam si qui externorum corpori custodes aderant, suis quisque sedibus extorres, quis neque boni intellectus neque mali cura, sed mercede aluntur ministri sceleribus. his adsumptis in longinqua et contermina Scythiae fugam maturavit, spe auxilii, quia Hyrcanis Carmaniisque per adfinitatem innexus erat: atque interim posse Parthos absentium aequos, praesentibus mobiles, ad paenitentiam mutari.

37. At Vitellius profugo Artabano et flexis ad novum regem popularium animis, hortatus Tiridaten parata capessere, robor legionum sociorumque ripam ad Euphratis ducit. sacrificantibus, cum hic more Romano suovetaurilia daret,
 5 ille equum placando anni adornasset, nuntiavere accolae

35, 7 conferta *Ernesti* | 8 acie *Heinsius*: acies | 36, 1 ultum iit *Lipsius*: ultimi id | 8 consilii *Faërnus*: consilii

Euphraten nulla imbrum vi sponte et immensum attolli, simul albetibus spumis in modum diadematis sinuare orbes, auspiciam prosperi transgressus. quidam callidius interpretabantur, initia conatus secunda neque diuturna, quia eorum, quae terra caelove portenderentur, certior fides, fluminum
 10 instabilis natura simul ostenderet omina raperetque. sed ponte navibus effecto tramissoque exercitu primus Ornospades multis equitum milibus in castra venit, exul quondam et Tiberio, cum Delmaticum bellum conficeret, haud inglorius auxiliator eoque civitate Romana donatus, mox repetita amicitia
 15 regis multo apud eum honore, praefectus campis, qui Euphrate et Tigre inclutis amnibus circumflui Mesopotamiae nomen acceperunt. neque multo post Sinnaces auget copias, et columnen partium Abdagaeses gazam et paratus regio adicit. Vitellius ostentasse Romana arma satis ratus monet
 20 Tiridaten primoresque, hunc, Phraatis avi et altoris Caesaris quaeque utrobique pulchra meminerit, illos, obsequium in regem, reverentiam in nos, decus quisque suum et fidem retinerent. exim cum legionibus in Suriam remeavit.

38. Quae duabus aestatibus gesta coniunxi, quo requiesceret animus a domesticis malis; non enim Tiberium, quamquam triennio post caedem Seiani, quae ceteros mollire solent, tempus preces satias mitigabant, quin incerta vel abolita pro gravissimis et recentibus puniret. eo metu Fulcinus
 5 Trio, ingruentis accusatores haud perpessus, supremis tabulis multa et atrociam in Macronem ac praecipuos libertorum Caesaris composuit, ipsi fluxam senio mentem et continuo abscessu velut exilium obiectando. quae ab heredibus occultata recitari Tiberius iussit, patientiam libertatis alienae ostentans et contemptor suae infamiae, an scelerum Seiani diu
 10 nescius mox quoquo modo dicta vulgari malebat veritatisque, cui adulatio officit, per probra saltem gnarus fieri. isdem diebus Granius Marcianus senator, a C. Graccho maiestatis

37, 8 prosperi *Rhenanus*: prospere | 11 omnia | 17 fort. Tigri, ut est 12, 13 | 21 et *Rhenanus*: ut (hunc ut P. avi, altoris *Döderlein*, hunc ut P. avi, ut alt. *Ritter*) | 22 quaeque *Neue*: quae | utrobique | 38, 6 hau

15 postulatus, vim vitae suae attulit, Tariusque Gratianus praetura functus lege eadem extremum ad supplicium damnatus.

39. Nec dispare Trebelleni Rufi et Sextii Paconiani exitus: nam Trebellenus sua manu cecidit, Paconianus in carcere ob carmina illic in principem factitata strangulatus est. haec Tiberius non mari, ut olim, divisus neque per longinquos nuntios accipiebat, sed urbem iuxta, eodem ut die vel noctis interiectu litteris consulum rescriberet, quasi aspiciens undantem per domos sanguinem aut manus carnificum. fine anni Poppaeus Sabinus concessit vita, modicus originis, principum amicitia consulatum ac triumphale decus adeptus 10 maximisque provinciis per quattuor et viginti annos inpositus, nullam ob eximiam artem, sed quod par negotiis neque supra erat.

40. Q. Plautius Sex. Papinius consules sequuntur. eo anno neque quod L. Aruseius *** morte adfecti forent, ad-
suetudine malorum ut atrox advertebatur, sed exterruit quod Vibulenus Agrippa eques Romanus, cum perorassent accusatores, in ipsa curia depromptum sinu venenum hausit, prolapsusque ac moribundus festinatis lictorum manibus in carcerem raptus est, faucesque iam exanimis laqueo vexatae. ne Tigranes quidem, Armenia quondam potitus ac tunc reus, nomine regio supplicia civium effugit. at C. Galba consularis et duo Blaesi voluntario exitu cecidere, Galba tristibus Caesaris litteris provincias sortiri prohibitus: Blaesis sacerdotia, integra eorum domo destinata, convulsa distulerat, tunc ut vacua contulit in alios, quod signum mortis intellexere et executi sunt. et Aemilia Lepida, quam iuveni Druso nuptam rettuli, crebris criminibus maritum insectata, quamquam instabilis, tamen impunita agebat, dum superfuit pater Lepidus: post a delatoribus corripitur ob servum adulterum, nec dubitabatur de flagitio: ergo omissa defensione finem vitae sibi posuit.

38, 16 damnatur *Sirker*, damnatus est *Nipperdey* | 39, 1 trebellieni . . trebellienus, *em. Andresen* | 40, 1 Q. *Rhenanus*: quintius | 2 lacunam hic notavit *Döderlein* | 10 Blaesi *Aurelius*: blaesii

41. Per idem tempus Clitarum natio Cappadoci Archelao subiecta, quia nostrum in modum deferre census, pati tributa adigebatur, in iuga Tauri montis abscessit locorumque ingenio sese contra imbelles regis copias tutabatur, donec M. Trebellius legatus, a Vitellio praeside Suriae cum quattuor milibus legionariorum et delectis auxiliis missus, duos collis, quos barbari insederant (minori Cadra, alteri Davara nomen est), operibus circumdedit et erumpere ausos ferro, ceteros siti ad deditionem coëgit.

At Tiridates volentibus Parthis Nicephorium et Anthemusiada ceterasque urbes, quae Macedonibus sitae Graeca vocabula usurpant, Halumque et Artemitam Parthica oppida recepit, certantibus gaudio qui Artabanum Scythas inter ductum ob saevitiam exsecrati come Tiridatis ingenium Romanas per artes sperabant.

42. Plurimum adulationis Seleucenses induere, civitas potens, saepta muris neque in barbarum corrupta, sed conditoris Seleuci retinens. trecenti opibus aut sapientia delecti ut senatus, sua populo vis. et quotiens concordēs agunt, spernitur Parthus: ubi dissensere, dum sibi quisque contra aemulos subsidium vocant, accitus in partem adversum omnes valescit. id nuper acciderat Artabano regnante, qui plebem primoribus tradidit ex suo usu: nam populi imperium iuxta libertatem, paucorum dominatio regiae libidini propior est. tum adventantem Tiridaten extollunt veterum regum honoribus et quos recens aetas largius invenit; simul probra in Artabanum fundebant, materna origine Arsaciden, cetera degenerem. Tiridates rem Seleucensem populo permittit. mox consultans, quonam die sollemnia regni capesseret, litteras Phraatis et Hieronis, qui validissimas praefecturas optinebant, accipit, brevem moram precantium. placitumque opperiri viros praepollentis, atque interim Ctesiphon sedes imperii petita: sed ubi diem ex die prolatabant, multis coram

41, 1 Clitarum *Lipsius*: cietarum | 6 fort. dilectis | 11 quae a M. *Faërnus*, ut est 3, 38, 20 | 13 arca banum | 42, 5 spernitur *Rhenanus*: spernuntur

et adprobatibus Surena patrio more Tiridaten insigni regio
20 evinxit.

43. Ac si statim interiora ceterasque nationes petivisset,
oppressa cunctantium dubitatio et omnes in unum cedebant:
adsidendo castellum, in quod pecuniam et paelices Artabanus
contulerat, dedit spatium exuendi pacta. nam Phraates et
5 Hiero et si qui alii delectum capiendi diademati diem haut
concelebraverant, pars metu, quidam invidia in Abdagaesen,
qui tum aula et novo rege potiebatur, ad Artabanum vertere;
isque in Hyrcanis repertus est, inlue obsitus et alimenta
arcu expediens. ac primo tamquam dolus pararetur territus,
10 ubi data fides reddendae dominationi venisse, adlevatur ani-
mum et quae repentina mutatio exquirat. tum Hiero pueri-
tiam Tiridatis increpat, neque penes Arsaciden imperium, sed
inane nomen apud inbellem externa mollitia, vim in Abda-
gaesis domo.

44. Sensit vetus regnandi falsos in amore odia non fin-
gere. nec ultra moratus, quam dum Scytharum auxilia conc-
ciret, pergat properus et praeveniens inimicorum astus, ami-
corum paenitentiam; neque exuerat paedorem, ut vulgum
5 miseratione adverteret. non fraus, non preces, nihil omis-
sum, quo ambiguos illiceret, prompti firmarentur. iamque
multa manu propinqua Seleucia adventabat, cum Tiridates
simul fama atque ipso Artabano percussus distrahi consiliis,
iret contra an bellum cunctatione tractaret. quibus proelium
10 et festinati casus placebant, disiectos et longinquitate itineris
fessos ne animo quidem satis ad obsequium coaluisse disse-
runt, proditores nuper hostesque eius, quem rursus foveant.
verum Abdagaeses regrediendum in Mesopotamiam censebat,
ut amne obiecto, Armeniis interim Elymaeisque et ceteris a
15 tergo excitis, aucti copiis socialibus et quas dux Romanus
misisset fortunam temptarent. ea sententia valuit, quia plu-
rima auctoritas penes Abdagaesen et Tiridates ignavus ad

42, 19 tiridan | 43, 2 dubitatione omnes *Freinsheim* | 5 haut
Pichena: haci | 13 inbellem *manu vetere ex inbellum corr.* |
44, 2 dum *Rhenanus*: tum | 7 propinquans *Madvig* | aduenta-
bant | 8 percussus *Rhenanus*: percussus

pericula erat. sed fugae specie discessum; ac principio a
gente Arabum facto ceteri domos abeunt vel in castra Artaba-
bani, donec Tiridates cum paucis in Suriam revector pudore 20
prodicionis omnes exsolvit.

45. Idem annus gravi igne urbem adfecit, deusta parte
circa, quae Aventino contigua, ipsoque Aventino; quod dam-
num Caesar ad gloriam vertit exsolutis domuum et insularum
pretiis. miliens sestertium in munificentia ea conlocatum, tanto
acceptius in vulgum, quanto modicus privatis aedificationibus 5
ne publice quidem nisi duo opera struxit, templum Augusto
et scaenam Pompeiani theatri; eaque perfecta, contemptu ambi-
tionis an per senectutem, haud dedicavit. sed aestimando
cuiusque detrimento quattuor progneri Caesaris, Cn. Do-
mitius, Cassius Longinus, M. Vinicius, Rubellius Blandus de- 10
lecti additusque nominatione consulum P. Petronius. et pro
ingenio cuiusque quaesiti decretique in principem honores;
quos omiserit receperitve, in incerto fuit ob propinquum vitae
finem. neque enim multo post supremi Tiberio consules,
Cn. Acerronius C. Pontius, magistratum ocepere, nimia iam 15
potentia Macronis, qui gratiam Gai Caesaris numquam sibi
neglectam acrius in dies fovebat impuleratque post mortem
Claudiae, quam nuptam ei rettuli, uxorem suam Enniam imi-
tando amorem iuvenem illicere pactoque matrimonii vincere,
nihil abnuentem, dum dominationis apisceretur; nam etsi com- 20
motus ingenio simulationum tamen falsa in sinu avi perdi-
dicerat.

46. Gnarum hoc principi, eoque dubitavit de tradenda
re publica, primum inter nepotes, quorum Druso genitus san-
guine et caritate propior, sed nondum pubertatem ingressus,
Germanici filio robur iuventae, vulgi studia, eaque apud avum
odii causa. etiam de Claudio agitanti, quod is composita aetate 5
bonarum artium cupiens erat, inminuta mens eius obstetit. sin
extra domum successor quaereretur, ne memoria Augusti, ne
nomen Caesarum in ludibria et contumelias verterent, metue-

44, 18 principio agentis | 45, 1 adficit, *em. Wurm*; *cf. ad 4,*
15 | 4 ea *add. Otto* | 10 rurellius | 12 cuius | 19 pactoque M.
patri monii vincere

bat: quippe illi non perinde curae gratia praesentium quam
 10 in posteros ambitio. mox incertus animi, fesso corpore, con-
 silium, cui impar erat, fato permisit, iactis tamen vocibus, per
 quas intellegeretur providus futurorum; namque Macroni non
 abdita ambage occidentem ab eo deseri, orientem spectari
 15 invidenti, omnia Sullae vitia et nullam eiusdem virtutem ha-
 biturum praedixit. simul crebris cum lacrimis minorem ex
 nepotibus complexus, truci alterius vultu, 'occides hunc tu'
 inquit 'et te alius.' sed gravescente valetudine nihil e libi-
 20 dine omittebat, in patientia firmitudinem simulans solitus-
 que eludere medicorum artes atque eos, qui post tricesimum
 aetatis annum ad internoscenda corpori suo utilia vel noxia
 alieni consilii indigerent.

47. Interim Romae futuris etiam post Tiberium caedibus
 semina iaciebantur. Laelius Balbus Acutiam, P. Vitellii quon-
 dam uxorem, maiestatis postulaverat; qua damnata cum prae-
 mium accusatori decerneretur, Iunius Otho tribunus plebei
 5 intercessit, unde illis odia, mox Othoni exitium. dein mul-
 torum amoribus famosa Albucilla, cui matrimonium cum Sa-
 trio Secundo coniurationis indice fuerat, defertur impietatis
 in principem; coneccebantur ut conscii et adulteri eius Cn.
 Domitius, Vibius Marsus, L. Arruntius. de claritudine Do-
 10 mitii supra memoravi; Marsus quoque vetustis honoribus et
 illustri studiis erat. sed testium interrogationi, tormentis
 servorum Macronem praesedis commentarii ad senatum
 missi ferebant, nullaeque in eos imperatoris litterae suspicio-
 nem dabant, invalido ac fortasse ignaro ficta pleraque ob
 15 inimicitias Macronis notas in Arruntium.

48. Igitur Domitius defensionem meditans, Marsus tam-
 quam inedia destinavisset, produxere vitam: Arruntius,
 cunctationem et moras suadentibus amicis, non eadem om-
 nibus decora respondit: sibi satis aetatis, neque aliud paeni-
 5 tendum, quam quod inter ludibria et pericula anxiam sene-

47, 2 laetius | 5 exitium *Nipperdey*: exilium | 12 praesidiis
 se | 48, 5 pericularia

ctam toleravisset, diu Seiano, nunc Macroni, semper alicui
 potentium invisus, non culpa, sed ut flagitiorum inpatiens.
 sane paucos ad suprema principis dies posse vitari: quem ad
 modum evasurum imminentis iuventam? an, cum Tiberius
 post tantam rerum experientiam vi dominationis convulsus 10
 et mutatus sit, Gaium Caesarem vix finita pueritia, ignarum
 omnium aut pessimis innutritum, meliora capessiturum Ma-
 crone duce, qui ut deterior ad opprimendum Seianum de-
 lectus plura per scelera rem publicam conflictavisset? pro-
 spectare iam se acrius servitium, eoque fugere simul acta 15
 et instantia. haec vatis in modum dictitans venas resolvit.
 documento sequentia erunt bene Arruntium morte usum. Al-
 bucilla inrito ictu ab semet vulnerata iussu senatus in car-
 cerem fertur. stuprorum eius ministri, Carsidius Sacerdos
 praetorius ut in insulam deportaretur, Pontius Fregellanus 20
 amitteret ordinem senatorium, et eadem poenae in Laelium
 Balbum decernuntur, id quidem a laetantibus, quia Balbus
 truci eloquentia habebatur, promptus adversum insontes.

49. Isdem diebus Sex. Papinius consulari familia repen-
 tinum et informem exitum delegit, iacto in praiceps corpore.
 causa ad matrem referebatur, quae pridem repudiata adsen-
 tationibus atque luxu perpulisset iuvenem ad ea, quorum ef-
 fugium non nisi morte inveniret. igitur accusata in senatu, 5
 quamquam genua patrum advolveretur luctumque communem
 et magis inbecillum tali super casu feminarum animum alia-
 que in eundem dolorem maesta et miseranda diu ferret, urbe
 tamen in decem annos prohibita est, donec minor filius lubri-
 cum iuventae exiret. 10

50. Iam Tiberium corpus, iam vires, nondum dissimula-
 tio deserebat: idem animi rigor; sermone ac vultu intentus
 quaesita interdum comitate quamvis manifestam defectionem
 tegebat. mutatisque saepius locis tandem apud promunturium
 Miseni consedit in villa, cui L. Lucullus quondam do- 5

48, 8 ad suprema *Madvig*: et suprema | 18 ab *Otto*: ad |
 19 grasidius, *em. Reinesius* | 20 deportatur, *em. Rhenanus* | 22
 [a] *Acidalius* | 49, 6 patrum *Rhenanus*: patris

minus. illic eum adpropinquare supremis tali modo com-
 pertum. erat medicus arte insignis, nomine Charicles, non
 quidem regere valetudines principis solitus, consilii tamen
 copiam praebere. is velut propria ad negotia digrediens et
 10 per speciem officii manum complexus pulsum venarum at-
 tigit. neque fefellit: nam Tiberius, incertum an offensus tan-
 toque magis iram premens, instaurari epulas iubet discum-
 bitque ultra solitum, quasi honori abeuntis amici tribueret.
 Charicles tamen labi spiritum nec ultra biduum duraturum
 15 Macroni firmavit. inde cuncta conloquiis inter praesentes,
 nuntiis apud legatos et exercitus festinabantur. septimum
 decimum kal. Aprilis interclusa anima creditus est mortali-
 tatem explevisse; et multo gratantum concursu ad capienda
 imperii primordia Gaius Caesar egrediebatur, cum repente
 20 adfertur redire Tiberio vocem ac visus vocarique qui re-
 creandae defectioni cibum adferrent. pavor hinc in omnes,
 et ceteri passim dispergi, se quisque maestum aut nescium
 fingere; Caesar in silentium fixus a summa spe novissima
 expectabat. Macro intrepidus opprimi senem iniectu multae
 25 vestis iubet discedique ab limine. sic Tiberius finivit octavo
 et septuagesimo aetatis anno.

51. Pater ei Nero et utrimque origo gentis Claudiae,
 quamquam mater in Liviam et mox Iuliam familiam adoptio-
 nibus transierit. casus prima ab infantia ancipites; nam pro-
 scriptum patrem exul secutus, ubi domum Augusti privignus
 5 introiit, multis aemulis conflictatus est, dum Marcellus et
 Agrippa, mox Gaius Luciusque Caesares viguere; etiam fra-
 ter eius Drusus prosperiore civium amore erat. sed maxime
 in lubrico egit accepta in matrimonium Iulia, inpudicitiam
 uxoris tolerans aut declinans. dein Rhodo regressus vacuos
 10 principis penates duodecim annis, mox rei Romanae arbi-
 trium tribus ferme et viginti obtinuit. morum quoque tem-
 pora illi diversa: egregium vita famaque, quoad privatus vel

50, 25 finivit vitam *Heinsius*, vitam *f. Ritter* | 51, 3 trans-
 ierat *malebat Ernesti* | 8 indidiciam | 10 principes | 12 quoad,
 ut 4, 61

in imperiis sub Augusto fuit; occultum ac subdolum fingendis
 virtutibus, donec Germanicus ac Drusus superfuere; idem
 inter bona malaque mixtus incolumi matre; intestabilis sae-
 vitia, sed obiectis libidinibus, dum Seianum dilexit timuitve:
 postremo in scelera simul ac dedecora prorupit, postquam
 remoto pudore et metu suo tantum ingenio utebatur.

15 intestabili *Heinsius* | 16 obiectis

CORNELII TACITI
AB EXCESSU DIVI AUGUSTI

LIBER XI.

1. ** nam Valerium Asiaticum, bis consulem, fuisse quondam adulterum eius credidit; pariterque hortis inhians, quos ille a Lucullo coeptos insigni magnificentia extollebat, Suillum accusandis utrisque immittit. adiungitur Sosibius Britannici educator, qui per speciem benevolentiae moneret Claudium cavere vim atque opes principibus infensas: praecipuum auctorem Asiaticum interficiendi Gai Caesaris non extimuisse contione in populi Romani fateri gloriamque facinoris ultro petere; clarum ex eo in urbe, didita per provincias fama parare iter ad Germanicos exercitus, quando genitus Viennae multisque et validis propinquitatibus subnixus turbare gentiles nationes promptum haberet. at Claudius nihil ultra scrutatus citis cum militibus tamquam opprimendo bello Crispinum praetorii praefectum misit, a quo repertus 15 est apud Baias vinclisque inditis in urbem raptus.

2. Neque data senatus copia: intra cubiculum auditur, Messalina coram, et Suillio corruptionem militum, quos pecunia et stupro in omne flagitium obstrictos arguebat, exim

Lectiones diversae iam sunt Medicei alterius (Plut. 68, 2), qui habet posteriores Annalium et Historiarum libros. Lectiones, quibus auctor emendationis non adscriptus est, iam in editione principe aut in aliquo codicum deteriorum, quos omnes ex unico Mediceo fluxisse constat, correctae sunt. al. vel dett. in his libris lectiones memorabiles, quae in aliquo codice deteriore inveniuntur, significat.

1, 6 caueri | 7 Gai add. Al. Ruperti | 8 contione in nos: contionem; de positu praepositionis v. Nipperdey ad 3, 72 | 2, 3 omni flagitio, em. Rhenanus

adulterium Poppaeae, postremum mollitiam corporis obiectante. ad quod victo silentio prorupit reus et 'interroga' 5 inquit, 'Suilli, filios tuos: virum esse me fatebuntur.' ingressusque defensionem, commoto maiorem in modum Claudio, Messalinae quoque lacrimas excivit. quibus abluendis cubiculo egrediens monet Vitellium, ne elabi reum sineret: ipsa ad perniciem Poppaeae festinat, subditis qui terrore carceris ad voluntariam mortem propellerent, adeo ignaro Caesare, ut paucos post dies epulantem apud se maritum eius Scipionem percontaretur, cur sine uxore discubisset, atque ille functam fato responderet.

3. Sed consultanti super absolutione Asiatici flens Vitellius, commemorata vetustate amicitiae utque Antoniam principis matrem pariter observavissent, dein percursis Asiatici in rem publicam officiis recentique adversus Britanniam militia, quaeque alia conciliandae misericordiae videbantur, 5 liberum mortis arbitrium ei permisit; et secuta sunt Claudii verba in eandem clementiam. hortantibus dehinc quibusdam inediam et lenem exitum, remittere beneficium Asiaticus ait: et usurpatis quibus insueverat exercitationibus, lauto corpore, hilare epulatus, cum se honestius calliditate Tiberii vel impetu Gai Caesaris periturum dixisset, quam quod fraude muliebri et in pudico Vitellii ore caderet, venas exsolvit, viso tamen ante rogo iussoque transferri partem in aliam, ne opacitas arborum vapore ignis minneretur: tantum illi securitatis novissimae fuit.

4. Vocantur post haec patres, pergitque Suillius addere reos equites Romanos inlustres, quibus Petra cognomentum. at causa necis ex eo, quod domum suam Mnesteris et Poppaeae congressibus praebuissent. verum nocturnae quietis species alteri obiecta, tamquam vidisset Claudium spicea corona evinctum, spicis retro conversis, eaque imagine gravitatem annonae praedixisset. quidam pampineam coronam alben-

2, 4 Poppaeae Jac. Gronovius: poppe ac | postremo malit Wölfflin Philol. 27, 119 | 10 subditos | 14 respondit Ernesti | 3, 3 percuri | 15 nouissime | 4, 1 agere reos Muretus | 3 [at] Acidalius, ac Ryckius | 7 praedixisset Rhenanus: dixisset

tibus foliis visam atque ita interpretatum tradidere, vergente
 10 autumno mortem principis ostendi. illud haud ambigitur, qua-
 licumque insomnio ipsi fratrique perniciem adlatam. sestertium
 quindeciens et insignia praeturae Crispino decreta. adiecit
 Vitellius sestertium deciens Sosibio, quod Britannicum
 praeceptis, Claudium consiliis iuaret. rogatus sententiam
 et Scipio, 'cum idem' inquit 'de admissis Poppaeae sentiam
 15 quod omnes, putate me idem dicere quod omnes,' eleganti
 temperamento inter coniugalem amorem et senatoriam necessitatem.

5. Continuus inde et saevus accusandis reis Suillius multique
 audaciae eius aemuli; nam cuncta legum et magistratum
 munia in se trahens princeps materiam praedandi patefecerat.
 nec quicquam publicae mercis tam venale fuit
 5 quam advocatorum perfidia, adeo ut Samius, insignis eques
 Romanus, quadringentis nummorum milibus Suillio datis et
 cognita praevaticatione ferro in domo eius incubuerit. igitur
 incipiente C. Silio consule designato, cuius de potentia et
 exitio in tempore memorabo, consurgunt patres legemque
 10 Cinciam flagitant, qua cavetur antiquitus, ne quis ob causam
 orandam pecuniam donumve accipiat.

6. Deinde obstrepentibus iis, quibus ea contumelia parabatur,
 discors Suillio Silius acriter incubuit, veterum oratorum
 exempla referens, qui famam et posteros praemia eloquentiae
 cogitavissent. pulcherrimam alioquin et bonarum
 5 artium principem sordidis ministeriis foedari; ne fidem quidem
 integram manere, ubi magnitudo quaestuum spectetur. quodsi
 in nullius mercedem negotia agantur, pauciora fore: nunc
 inimicitias, accusationes, odia et iniurias foveri, ut quo
 modo vis morborum pretia medentibus, sic fori tabes pecuniam
 10 advocatis ferat. meminissent C. Asinii, M. Messallae ac re-

4, 12 vitellium | 14 poppe assenensentiam, em. Puteolanus | 5, 5 T. Samius Ritter | 8 et om. | 6, 1 obstrepentibus si his | 4 pulcherrima, em. Nipperdey | 7 negotia agantur Heinsius: negotiant cum rasura post aut [ex negotiantur?] (negotia eant Jo. Fr. Gronovius, neg. fiant Bezzenberger) | 10 gali (ex gail, del. Walther) | M. add. Heinsius

centiorum Arruntii et Aesernini: ad summa provectos incorrupta
 vita et facundia. talia dicente consule designato, consentientibus
 aliis, parabatur sententia, qua lege repetundarum tenerentur,
 cum Suillius et Cossutianus et ceteri, qui non iudicium, quippe
 in manifestos, sed poenam statui videbant, circumstantes
 15 Caesarem, ante acta deprecantes.

7. Et postquam adnuit, agere incipiunt: quem illum tanta
 superbia esse, ut aeternitatem famae spe praesumat? usui et rebus
 subsidium praeparari, ne quis inopia advocatorum potentibus
 obnoxius sit. neque tamen eloquentiam gratuito contingere:
 omitti curas familiares, ut quis se alienis negotiis intendat.
 multos militia, quosdam exercendo agros tolerare vitam: nihil a
 quoquam expeti, nisi cuius fructus ante providerit. facile
 Asinium et Messalam, inter Antonium et Augustum bellorum
 praemiis refertos, aut ditium familiarum heredes Aeserninos
 et Arruntios magnum animum induisse. prompta sibi exempla,
 quantis mercedibus P. Clodius aut C. Curio contionari soliti sint.
 se modicos senatores, qui quieta re publica nulla nisi pacis
 emolumenta peterent. cogitaret plebem, quae toga enitesceret:
 sublatis studiorum pretiis etiam studia peritura. ut minus
 decora haec, ita haud frustra dicta princeps ratus, capiendis
 pecuniis statuit modum usque ad dena sestertia, quem egressi
 repetundarum tenerentur.

8. Sub idem tempus Mithridates, quem imperitasse Armeniis
 iussuque Gai Caesaris vinctum memoravi, monente Claudio in
 regnum remeavit, sisus Pharasmanis opibus. is rex Hiberis
 idemque Mithridatis frater nuntiabat discordare Parthos
 summaque imperii ambigua, minora sine cura haberi. nam
 5 Gotarzes inter pleraque saeva necem fratri Artabano

7, 1 tacere (ita agere Weissenborn) | 3 et reis Jacob | praeparare (parari Haase) | 5 se om. Heinsius | 12 qui quieta scripsi: qui et a (senatores, quieta . . . peteri Pichena) | 14 quae Pichena: qua | 16 statuit supplevit Orelli, posuit al. | 8, 2 iussuque Gai supplevit Urlichs, in cod. est lacuna | 6 Gotarzes inter Döderlein: inter gotharzes | saeva nos: saeva qui (nam inter Gottharzem **) Gotarzis pleraque saeva; quin necem etc. Madvig

coniugique ac filio eius paraverat, unde metus [eius] in ceteros, et accivere Vardanem. ille, ut erat magnis ausis promptus, biduo tria milia stadiorum invadit ignarumque et
 10 exterritum Gotarzen proturbat; neque cunctatur quin proximas praefecturas corripiat, solis Seleucensibus dominationem eius abnuentibus. in quos, ut patris sui quoque defectores, ira magis quam ex usu praesenti accensus, implicatur obsi-
 15 dione urbis validae et munimentis obiecti amnis muroque et com meatibus firmatae. interim Gotarzes Daharum Hyrcanorumque opibus auctus bellum renovat, coactusque Vardanes omittit Seleuciam Bactrianos apud campos castra contulit.

9. Tunc distractis Orientis viribus et quonam inclinarent incertis, casus Mithridati datus est occupandi Armeniam, vi militis Romani ad excindenda castellorum ardua, simul Hiberno exercitu campos persultante. nec enim restitit Armenii, fuso qui proelium ausus erat Demonacte praefecto. paululum cunctationis attulit rex minoris Armeniae Cotys, versis illuc quibusdam procerum; dein litteris Caesaris coërcitus, et cuncta in Mithridaten fluxere, quamquam atrociorum quam novo regno conduceret. at Parthi imperatores cum pugnam
 10 pararent, foedus repente iaciunt cognitis popularium insidiis, quas Gotarzes fratri patefecit; congressisque primo cunctanter, dein complexi dextras apud altaria deum pepigere fraudem inimicorum ulcisci atque ipsi inter se concedere. potiorque Vardanes visus retinendo regno: at Gotarzes, ne quid aemulationis existeret, penitus in Hyrcaniam abiit. regressoque
 15 Vardani deditur Seleucia septimo post defectionem anno, non sine dedecore Parthorum, quos una civitas tam diu eluserat.

10. Exim validissimas praefecturas invisit; et recipere Armeniam avebat, ni a Vibio Marso, Suriae legato, bellum

8, 7 paraverat nos: praeparaberat | metus in *Acidalius* | 9 triduo duo *Kritz* | pervadit *Haase*, evadit *Heinsius* | 12 sui que *Wurm*, quoque sui *Urlichs* | 9, 3 excindenda nos: excindenda | Hiberorum *Ritter* | 8 quamquam *Haase*: quam (quam om. *dett.*) | 10 faciunt *Lipsius*, icunt *Agricola* | 16 Vardani *Lipsius*: Vardane, quod tuetur *Weissenborn* in *Ann. philol.* vol. 52, 30 | 10, 2 avebat *Lipsius*: habeat (parabat *al.*)

minitante cohibitus foret. atque interim Gotarzes paenitentia concessi regni et vocante nobilitate, cui in pace durius servitium est, contrahit copias. et huic contra itum ad amnem
 5 Erinden; in cuius transgressu multum certato pervicit Vardanes, prosperisque proeliis medias nationes subegit ad flumen Sinden, quod Dahas Ariosque disternat. ibi modus rebus secundis positus: nam Parthi quamquam victores longinquam militiam aspernabantur. igitur exstructis monimentis,
 10 quibus opes suas testabatur nec cuiquam ante Arsacidarum tributa illis de gentibus parta, regreditur ingens gloria atque eo ferocior et subiectis intolerantior; qui dolo ante composito incautum venationique intentum interfecere, primam intra iuventam, sed claritudine paucos inter senum regum, si perinde
 15 amorem inter populares quam metum apud hostes quaesivisset. nece Vardanis turbatae Parthorum res inter ambiguos, quis in regnum acciperetur. multi ad Gotarzen inclinabant, quidam ad Meherdaten prolem Phraatis, obsidio nobis datum: dein praevaluit Gotarzes. potitusque regiam, per saevitiam
 20 ac luxum adegit Parthos mittere ad principem Romanum occultas preces, quis permitti Meherdaten patrium ad fastigium orabant.

11. Isdem consulibus ludi saeculares octingentesimo post Romam conditam, quarto et sexagesimo, quam Augustus ediderat, spectati sunt. utriusque principis rationes praetermitto, satis narratas libris, quibus res imperatoris Domitiani composui. nam is quoque edidit ludos saeculares iisque intentius
 5 ad sui sacerdotio quindecimviri praeditus ac tunc praetor, quod non iactantia refero, sed quia collegio quindecimvirum antiquitus ea cura et magistratus potissimum exsequebantur officia caerimoniarum. sedente Claudio circensibus ludis, cum pueri nobiles equis ludicrum Troiae inirent interque eos Bri-
 10 tannicus imperatore genitus et L. Domitius adoptione mox in imperium et cognomentum Neronis adscitus, favor plebis

10, 5 huic] hinc | 6 Charindam *Ryckius coll. Ptolem.* 6, 2, 2 et *Amm. Marc.* 23, 6, 40 | 10 munimentis, *em. Lipsius* | 12 parata | 15 inter se umregum | 17 rex | 18 regno, *em. Lipsius* | 20 positusque | regia *al. rerum Prammer* | 11, 5 hisque | 6 affuit

acrior in Domitium loco praesagii acceptus est. vulgabaturque adfuisse infantiae eius dracones in modum custodum, fabulosa et externis miraculis adsimilata: nam ipse, haudquam sui detractor, unam omnino anguem in cubiculo visam narrare solitus est.

12. Verum inclinatio populi supererat ex memoria Germanici, cuius illa reliqua suboles virilis; et matri Agrippinae miseratio augebatur ob saevitiam Messalinae, quae semper infesta et tunc commotior, quo minus strueret crimina et accusatores, novo et furori proximo amore distinebatur. nam in C. Silium, iuventutis Romanae pulcherrimum, ita exarserat, ut Iuniam Silanam, nobilem feminam, matrimonio eius exturbaret vacuoque adultero poteretur. neque Silius flagitii aut periculi nescius erat: sed certo, si abnueret, exitio et nonnulla fallendi spe, simul magnis praemiis, opperiri futura et praesentibus frui pro solacio habebat. illa non furtim, sed multo comitatu ventitare domum, egressibus adhaerescere, largiri opes, honores, postremo, velut translata iam fortuna, servi liberti paratus principis apud adulterum visebantur.

13. At Claudius matrimonii sui ignarus et munia censoria usurpans, theatralem populi lasciviam severis edictis increpuit, quod in P. Pomponium consularem (is carmina scaenae dabat) inque feminas illustres probra iecerat. et lege lata saevitiam creditorum coercuit, ne in mortem parentum pecunias filiis familiarum faenori darent. fontesque aquarum Simbruinis collibus deductos urbi intulit. ac novas litterarum formas addidit vulgavitque, comperto Graecam quoque litteraturam non simul coeptam absolutamque.

14. Primi per figuras animalium Aegyptii sensus mentis effingebant — ea antiquissima monumenta memoriae humanae impressa saxis cernuntur —, et litterarum semet inventores perhibent; inde Phoenicas, quia mari praepollebant,

11, 16 detractor *Burman* | 12, 10 opperiri *Beroaldus*: operiri (operire *Nipperdey*) | 14 adulterum *Puteolanus*: alterum | 13, 5 mortem *ed. Froben.* morte | 7 Simbruinis *Rhenanus*: sub Inbruinis | 8 quoque graecam, *em. in ed. Froben.* | 14, 2 ea *Lipsius*: et

intulisse Graeciae gloriamque adeptos, tamquam reppererint quae acceperant. quippe fama est Cadmum classe Phoenicum vectum rudibus adhuc Graecorum populis artis eius auctorem fuisse. quidam Cecropem Atheniensem vel Linum Thebanum et temporibus Troianis Palamedem Argivum memorant sedecim litterarum formas, mox alios ac praecipuum Simoniden ceteras repperisse. at in Italia Etrusci ab Corinthio Demarato, Aborigenes Arcade ab Evandro didicerunt; et forma litteris Latinis quae veterrimis Graecorum. sed nobis quoque paucae primum fuere, deinde additae sunt. quo exemplo Claudius tres litteras adiecit, quae usui imperitante eo, post oblitteratae, aspiciuntur etiam nunc in aere † publico dis plebiscitis per fora ac templa fixo.

15. Rettulit deinde ad senatum super collegio haruspicum, ne vetustissima Italiae disciplina per desidiam exolesceret: saepe adversis rei publicae temporibus accitos, quorum monitu redintegratas caerimonias et in posterum rectius habitas; primoresque Etruriae sponte aut patrum Romanorum impulsu retinuisse scientiam et in familias propagasse: quod nunc segnius fieri publica circa bonas artes socordia, et quia externae superstitiones valescant. et laeta quidem in praesens omnia, sed benignitati deum gratiam referendam, ne ritus sacrorum inter ambigua culti per prospera oblitterarentur. factum ex eo senatus consultum, viderent pontifices quae retinenda firmandaque haruspicum.

16. Eodem anno Cheruscorum gens regem Romam petivit, amissis per interna bella nobilibus et uno reliquo stirpis regiae, qui apud urbem habebatur nomine Italicus. paternum huic genus e Flavio fratre Arminii, mater ex Actumero principe Chattorum erat; ipse forma decorus et armis equisque

14, 7 advectum *Ritter* | 12 aboriginib; arcades, *em. Puteol.* | 13 formas (formae *Beroaldus*, an formast?) | 15 in usu *Nipperdey* | 16/7 publicandis plebi iis *Madvig*, publicandis de iis senatus consultis *nos*, publicandis plebi senatus consultis *Urlichs*, dis plebiscitis *delevit Nipperdey* | 15, 3 accitos *Ursinus*: accitis | 16, 1 Roma *Rhenanus*: romae *cf. 12, 14* | 3 italus, *em. Agricola* | 4 Catumero vulgo, at v. *Müllenhoff Z. f. d. Alt. 9, 223*

in patrium nostrumque morem exercitus. igitur Caesar auctum pecunia, additis stipatoribus, hortatur gentile decus magno animo capessere: illum primum Romae ortum nec obsidem, sed civem ire externum ad imperium. ac primo laetus Germanis adventus atque eo, quod nullis discordiis imbutus pari in omnes studio ageret, celebrari, modo comitatem et temperantiam, nulli invisa, saepius vinolentiam ac libidines, grata barbaris, usurpans. iamque apud proximos, iam longius clarescere, cum potentiam eius suspectantes, qui factionibus floruerant, discedunt ad conterminos populos ac testificantur adimi veterem Germaniae libertatem et Romanas opes insurgere. adeo neminem isdem in terris ortum, qui principem locum impleat, nisi exploratoris Flavi progenies super cunctos attollatur? frustra Arminium praescribi: cuius si filius hostili in solo adultus in regnum venisset, posse extimesci, infectum alimonio, servitio, cultu, omnibus externis: at si paterna Italico mens esset, non alium infensus arma contra patriam ac deos penates quam parentem eius exercuisse.

17. His atque talibus magnas copias coegere, nec pauciores Italicum sequebantur. non enim inrupisse ad invitos, sed accitum memorabat, quando nobilitate ceteros anteiret: virtutem experirentur, an dignum se patruo Arminio, avo Actumero praeberet. nec patrem rubori, quod fidem adversus Romanos volentibus Germanis sumptam numquam omisisset. falso libertatis vocabulum obtendi ab iis, qui privatim degeneres, in publicum exitiosi, nihil spei nisi per discordias habeant. adstrepebat huic alacre vulgus; et magno ut inter barbaros proelio victor rex, dein secunda fortuna ad superbiam prolapsus pulsusque, ac rursus Langobardorum opibus reffectus, per laeta per adversa res Cheruscas adfluctabat.

18. Per idem tempus Chauci, nulla dissensione domi, et morte Sanquinii alacres, dum Corbulo adventat, inferiorem

16, 6 auctum] augustus | 18 Flavi Orelli: flabii | 20 unisse posse. Testimesci, em. Rhenanus | 22 at margo: ai | 17, 3 memorabant | 4 catumero, em. Müllenhoff | 7 ab his | 9 ut add. Lipsius | 18, 1 nulla] milia

Germaniam incursavere duce Gannasco, qui natione Canninefas, auxiliare stipendium meritis, post transfuga, levibus navigiis praedabundus Gallorum maxime oram vastabat, non ignarus dites et inbelles esse. at Corbulo provinciam ingressus magna cum cura et mox gloria, cui principium illa militia fuit, triremes alveo Rheni, ceteras navium, ut quaeque habiles, per aestuaria et fossas adegit; luntribusque hostium depressis et exturbato Gannasco, ubi praesentia satis composita sunt, legiones operum et laboris ignavas, populationibus laetantes, veterem ad morem reduxit, ne quis agmine decederet nec pugnam nisi iussus iniret. stationes, vigiliae, diurna nocturnaque munia in armis agitabantur. feruntque militem, quia vallum non accinctus, atque alium, quia pugione tantum accinctus foderet, morte punitos. quae nimia et incertum an falso iacta originem tamen e severitate ducis traxere; intentumque et magnis delictis inexorabilem scias, cui tantum asperitatis etiam adversus levia credebatur.

19. Ceterum is terror milites hostesque in diversum adfecit: nos virtutem auximus, barbari ferociam infregere. et natio Frisiorum, post rebellionem clade L. Apronii coeptam infensa aut male fida, datis obsidibus consedit apud agros a Corbulone descriptos: idem senatum, magistratus, leges imposuit. ac ne iussa exuerent, praesidium immunivit, missis qui maiores Chaucos ad deditioem pellicerent, simul Gannascum dolo adgrederentur. nec inritae aut degeneres insidiae fuere adversus transfugam et violatorem fidei. sed caede eius motae Chaucorum mentes, et Corbulo semina rebellionis praebebat, ut laeta apud plerosque, ita apud quosdam sinistra fama. cur hostem conciret? adversa in rem publicam casura: sin prospere egisset, formidolosum paci virum insignem et

18, 3 caninefas | 4 auxiliare stipendium meritis Bipontini: auxiliare ex diu meritis (auxiliares inter diu meritis Acidalius, auxiliare aes diu meritis Mercerus, auxiliaris et diu meritis Puteol. inepte) cf. 2, 52 is natione Numida . . auxiliaria stipendia meritis, mox desertor etc. | 9 luntribusque al. | 11 ignaras al. | 17 iacta Rhenanus: acta | 19, 5 senatus, em. Puteol. | 11 In sinistra | 12 re puplica

ignavo principi praegravem. igitur Claudius adeo novam in
 15 Germanias vim prohibuit, ut referri praesidia cis Rhenum
 iuberet.

20. Iam castra in hostili solo molienti Corbuloni eae literae redduntur. ille re subita, quamquam multa simul offunderentur, metus ex imperatore, contemptio ex barbaris, ludibrium apud socios, nihil aliud prolocutus quam 'beatos
 5 quondam duces Romanos', signum receptui dedit. ut tamen miles otium exueret, inter Mosam Rhenumque trium et viginti milium spatio fossam perduxit, qua incerta Oceani vitarentur. insigne tamen triumphi indulsit Caesar, quamvis bellum negavisset.

10 Nec multo post Curtius Rufus eundem honorem adipiscitur, qui in agro Mattiaco recluserat specus quaerendis venis argenti; unde tenuis fructus nec in longum fuit: at legionibus cum damno labor, effodere rivos, quaeque in aperto gravia, humum infra moliri. quis subactus miles, et quia plures per
 15 provincias similia tolerabantur, componit occultas litteras nomine exercituum, precantium imperatorem, ut, quibus permissurus esset exercitus, triumphalia ante tribueret.

21. De origine Curtii Rufi, quem gladiatore genitum quidam prodidere, neque falsa prompserim et vera exsequi pudet. postquam adolevit, sectator quaestoris, cui Africa obtigerat, dum in oppido Adrumeto vacuis per medium diei
 5 porticibus secretus agitatur, oblata ei species muliebris ultra modum humanum et audita est vox 'tu es, Rufe, qui in hanc provinciam pro consule venis.' tali omine in spem sublatus degressusque in urbem largitione amicorum, simul
 10 praeturam principis suffragio adsequitur, cum hisce verbis Tiberius dedecus natalium eius velavisset: 'Curtius Rufus videtur mihi ex se natus.' longa post haec senecta, et adversus superiores tristi adulatione, adrogans minoribus, inter

20, 5 quondam *Lipsius*: quosdam | 7 p̄duxit | uetarentur, *em. Vertranus* | 8 insigne nos: insigni (— nia *corr. m. 2*), *cf. 4, 23, 3 et 12, 3, 8* | 13 et fodere, *em. Rhenanus, an ecfodere?* | 21, 8 digressusque *al.* | urbem *Nipperdey*: urbe et (urbem et *al.*)

pares difficilis, consulare imperium, triumphi insignia ac postremo Africam obtinuit; atque ibi defunctus fatale praesidium implevit.

22. Interea Romae, nullis palam neque cognitis mox causis, Cn. Nonius eques Romanus ferro accinctus reperitur in coetu salutantum principem. nam postquam tormentis dilaniabatur, de se non *infiliatus* conscios non edidit, incertum an occultans.

Idem consulibus P. Dolabella censuit spectaculum gladiatorum per omnes annos celebrandum pecunia eorum, qui quaesturam adipiscerentur. apud maiores virtutis id praemium fuerat, cunctisque civium, si bonis artibus fiderent, licitum petere magistratus; ac ne aetas quidem distinguebatur, quin prima iuventa consulatum et dictaturas inirent. sed quaestores regibus etiam tum imperantibus instituti sunt, quod lex curiata ostendit ab L. Bruto repetita. mansitque consulibus potestas deligendi, donec eum quoque honorem populus mandaret. creatique primum Valerius Potitus et Aemilius
 15 mercus sexagensimo tertio anno post Tarquinius exactos, ut rem militarem comitarentur. dein gliscentibus negotiis duo additi, qui Romae curarent: mox duplicatus numerus, stipendiaria iam Italia et accedentibus provinciarum vectigalibus: post lege Sullae viginti creati supplendo senatui, cui iudicia
 20 tradiderat. et quamquam equites iudicia recipravissent, quaestura tamen ex dignitate candidatorum aut facilitate tributium gratuito concedebatur, donec sententia Dolabellae velut venundaretur.

23. A. Vitellio L. Vipstano consulibus cum de supplendo senatu agigaretur primoresque Galliae, quae Comata appellatur, foedera et civitatem Romanam pridem adsecuti, ius adipiscendorum in urbe honorum expeterent, multus ea super re variusque rumor. et studiis diversis apud principem
 5 certabatur, adseverantium non adeo aegram Italiam, ut senatum

22, 4 non infiliatus *Jac. Gronovius*: noni cum lacuna 13 litterarum | 8 id s. l. sit 1 m. | 15 Potitus *Lipsius*: potus | 20 legē suillae | 23, 1 Vipstano *Chr. Ad. Rupertus*: uipsana | 6 ege-
nam Oelschläger

suppeditare urbi suae nequiret. suffecisse olim indigenas consanguineis populis, nec paenitere veteris rei publicae. quin adhuc memorari exempla, quae priscis moribus ad virtutem et gloriam Romana insoles prodiderit. an parum quod Veneti et Insubres curiam intruperint, nisi coetu alienigenarum velut captivitas inferatur? quem ultra honorem residuis nobilium, aut si quis pauper e Latio senator foret? oppleturos omnia divites illos, quorum avi proavique hostilium nationum duces exercitus nostros ferro vique ceciderint, divum Iulium apud Alesiam obsederint. recentia haec: quid si memoria eorum oreretur, qui *sub* Capitolio et arce Romana manibus eorundem prostrati sint? fruarentur sane vocabulo civitatis: insignia patrum, decora magistratuum ne vulgarent.

24. His atque talibus haud permotus princeps et statim contra disseruit et vocato senatu ita exorsus est: 'maiores mei, quorum antiquissimus Clausus origine Sabina simul in civitatem Romanam et in familias patriciorum adscitus est, hortantur uti paribus consiliis in re publica capessenda, transferendo huc quod usquam egregium fuerit. neque enim ignoro Iulios Alba, Coruncanios Camerio, Porcios Tusculo, et ne vetera scrutemur, Etruria Lucaniaque et omni Italia in senatum accitos, postremo ipsam ad Alpes promotam, ut non modo singuli viritum, sed terrae, gentes in nomen nostrum coalescerent. tunc solida domi quies et adversus externa floruimus, cum Transpadani in civitatem recepti, cum specie deductarum per orbem terrae legionum additis provincialium validissimis fesso imperio subventum est. num paenitet Balbos ex Hispania nec minus insignes viros e Gallia Narbonensi transivisse? manent posterum eorum nec amore in hanc patriam nobis concedunt. quid aliud exitio Lacedaemoniis et

23, 11 coetu Ritter: coetus | 17 oreretur Bach: moreretur (moveretur Jac. Gronovius) | sub *add.* Dräger, an obsessa post Romana supplendum est? | 18 prostrati fuerint Freinsheim: per se satis (manibus deorum deripere conati sint Nipperdey praevante Heinsio) | 19 vulgarentur Pluygers | 24, 5 in re publica nos et Weissenborn: rem publica cum rasura ante rem (rem publicam capessam al.) | 9 ascitos Nipperdey

Atheniensibus fuit, quamquam armis pollerent, nisi quod victos pro alienigenis arcebant? at conditor nostri Romulus tantum sapientia valuit, ut plerosque populos eodem die hostes, dein cives habuerit. advenae in nos regnaverunt: libertinorum filiis magistratus mandare non, ut plerique falluntur, repens, sed priori populo factitatum est. at cum Senonibus pugnavimus: scilicet Vulsci et Aequi numquam adversam nobis aciem instruxere. capti a Gallis sumus: sed et Tuscis obsides dedimus et Samnitium iugum subiimus. ac tamen, si cuncta bella recenseas, nullum brevioris spatio quam adversus Gallos confectum: continua inde ac fida pax. iam moribus artibus adfinitatibus nostris mixti aurum et opes suas inferant potius quam separati habeant. omnia, patres conscripti, quae nunc vetustissima creduntur, nova fuere: plebei magistratus post patricios, Latini post plebeios, ceterarum Italiae gentium post Latinos. inveterascet hoc quoque, et quod hodie exemplis tuemur, inter exempla erit.

25. Orationem principis secuto patrum consulto primi Aedui senatorum in urbe ius adepti sunt. datum id foederi antiquo, et quia soli Gallorum fraternitatis nomen cum populo Romano usurpant.

Isdem diebus in numerum patriciorum adscivit Caesar vetustissimum quemque e senatu aut quibus clari parentes fuerant, paucis iam reliquis familiarum, quas Romulus maiorum et L. Brutus minorum gentium appellaverant, exhaustis etiam quas dictator Caesar lege Cassia et princeps Augustus lege Saenia sublegere; laetaque haec in rem publicam munia multo gaudio censoris inibantur. famosos probris quoniam modo senatu depelleret anxius, mitem et recens repertam quam ex severitate prisca rationem adhibuit, monendo, secum quisque de se consultaret peteretque ius exuendi ordinis: facilem eius rei veniam. et motos senatu excusatosque simul propositurum, ut iudicium censorum ac pudor sponte ceden-

24, 22 mandare Ritter: mandaret (mandari Lipsius) | 23 recens al. at cf. 6, 7, 15, 68 | 26 subiimus, em. Orelli | ac tamen nos: attamen | 25, 10 senia, em. Lipsius | 14 exuendi idem: exeundi | 16 censorium Faërnus

tium permixta ignominiam mollirent. ob ea Vipstanus consul rettulit patrem senatus appellandum esse Claudium: quippe promiscum patris patriae cognomentum; nova in rem publicam merita non usitatis vocabulis honoranda: sed ipse cohibuit consulem ut nimium adsentantem. condiditque lustrum, quo censa sunt civium quinquagens noviens centena octoginta quattuor milia septuaginta duo. isque illi finis inscitiae erga domum suam fuit: haud multo post flagitia uxoris noscere ac punire adactus, ut deinde ardesceret in nuptias incestas.

26. Iam Messalina facilitate adulteriorum in fastidium versa ad incognitas libidines profluebat, cum abrumpi dissimulationem etiam Silius, sive fatali vaecordia an imminentium periculorum remedium ipsa pericula ratus, urgebat: quippe non eo ventum, ut senectam principis opperirentur. insontibus innoxia consilia, flagitiis manifestis subsidium ab audacia petendum. adesse conscios paria metuentes. se caelibem, orbem, nuptiis et adoptando Britannico paratum. mansuram eandem Messalinae potentiam, addita securitate, si praevenirent Claudium, ut insidiis incautum, ita irae properum. segniter eae voces acceptae, non amore in maritum, sed ne Silius summa adeptus sperneret adulteram scelusque inter anticipia probatum veris mox pretiis aestimaret. nomen tamen matrimonii concupivit ob magnitudinem infamiae, cuius apud prodigos novissima voluptas est. nec ultra exspectato, quam dum sacrificii gratia Claudius Ostiam proficisceretur, cuncta nuptiarum sollemnia celebrat.

27. Haud sum ignarus fabulosum visum iri tantum ullis mortalium securitatis fuisse in civitate omnium gnara et nihil reticente, nedum consulem designatum cum uxore principis, praedicta die, adhibitis qui obsignarent, velut suscipiendorum liberorum causa convenisse, atque illam audisse auspicum

25, 17 permixti, *em. Ritter* | uipsanius, *em. Chr. A. Rupertus* | 22 civium LVIII. LXXIII. LXXII | 25 adactus est *Nipperdey* | 26, 1 Nam *Bekker* | adulterorum | 3 sive taedio incertae fortunae sive fatali v. *Nipperdey* | 5 senecta principis opperiretur | 6 flagitii *Acidalius* | 7 paria *Puteol. patriā* | 15 profligatos *Dräger*, perditos *Nipperdey* | 27, 1 tanto nullis

verba, subisse, sacrificasse apud deos; discutitum inter convivas, oscula complexus, noctem denique actam licentia coniugali. sed nihil compositum miraculi causa, verum audita scriptaque senioribus tradam.

28. Igitur domus principis inhorruerat, maximeque quos penes potentia et, si res verterentur, formido, non iam secretis conloquiis, sed aperte fremere, dum histrio cubiculum principis insultaverit, dedecus quidem inlatum, sed excidium procul afuisse: nunc iuvenem nobilem dignitate formae, vi mentis ac propinquo consulatu maiorem ad spem adcingi; nec enim occultum, quid post tale matrimonium superesset. subibat sine dubio metus reputantes hebetem Claudium et uxori devinctum multasque mortes iussu Messalinae patratas: rursus ipsa facilitas imperatoris fiduciam dabat, si atrocitate criminis praevaluissent, posse opprimi damnatam ante quam ream; sed in eo discrimen verti, si defensio audiretur, utque clausae aures etiam confitenti forent.

29. Ac primo Callistus, iam mihi circa necem *Gai* Caesaris narratus, et Appianae caedis molitor Narcissus flagrantissimaque eo in tempore gratia Pallas agitavere, num Messalinam secretis minis depellerent amore Sili, cuncta alia dissimulantes. dein metu, ne ad perniciem ultro traherentur, desistunt, Pallas per ignaviam, Callistus prioris quoque regiae peritus et potentiam cautis quam acribus consiliis tutius haberi: perstitit Narcissus, set solum id immutans, ne quo sermone praesciam criminis et accusatoris faceret. ipse ad occasiones intentus, longa apud Ostiam Caesaris mora, duas paelices, quarum is corpori maxime insueverat, largitione ac promissis et uxore delecta plus potentiae ostentando perpulit delationem subire.

27, 6 subisse flammeum *Urlichs coll. 15, 37, 18*, templa subisse *Heinsius*, nupsisse *Lipsius* | 28, 2 ueterentur | 4 insultaverit *ed. Bipont.* exultabero (exadulteraverit *Nolte*) | sed et scidium (sed dissidium [immo discidium] *Pichena*) | 5 affuisse | formae *Lipsius*: forma, *cf. 12, 51, 13* | 29, 1 *Gai add. Faërnus* | 8 set nos: ut (at *Jac. Gronovius*) | 9 accusatores | 12 potentia eos temptando | perculit, *em. Puteolanus*

30. Exim Calpurnia (id paelici nomen), ubi datum secretum, genibus Caesaris provoluta nupsisse Messalinam Silius exclamat; simul Cleopatram, quae id opperiens adstabat, an comperisset interrogat, atque illa adnuente cieri Narcissum postulat. is veniam in praeteritum petens, quod ei Titios, Vettios, Plautios dissimulavisset, nec nunc adulteria obiecturum ait, nedum domum servitia et ceteros fortunae paratus reposceret. frueretur immo his, set redderet uxorem rumperetque tabulas nuptiales. 'an discidium' inquit
 10 'tuum nosti? nam matrimonium Silius vidit populus et senatus et miles; ac ni propere agis, tenet urbem maritus.'

31. Tum potissimum *quemque* amicorum vocat, primumque rei frumentariae praefectum Turranium, post Lusium Getae praetorianis inpositum percontatur. quis fatentibus certatim ceteri circumstrepunt, iret in castra, firmaret praetorias cohortes, securitati ante quam vindictae consuleret. satis constat eo pavore offusum Claudium, ut identidem interrogaret, an ipse imperii potens, an Silius privatus esset. at Messalina non alias solutior luxu, adulto autumnum simulacrum vindemiae per domum celebrabat. urgeri prela, fluere lacus; et feminae pellibus accinctae adsultabant ut sacrificantes vel insanientes Bacchae; ipsa crine fluxo thyrsus quatens, iuxtaque Silius hedera vinctus, gerere cothurnos, iacere caput, strepente circum procaci choro. ferunt Vettium Valentem lascivia in praealtam arborem conisum, interrogantibus
 15 quid aspiceret, respondisse tempestatem ab Ostia atrocem, sive coeperat ea species, seu forte lapsa vox in praesagium vertit.

32. Non rumor interea, sed undique nuntii incedunt, qui

30, 3 id nos: idem (id ipsum *Döderlein*, ut est *H.*, 2, 80) | 6 Titios Vettios Plautios *Brotier*: cis uetis plautio (cis Vectios, cis Plautios *Jo. Fr. Gronovius*, de Vectio et Plautio *Pichena*, Vettios Plautios *Nipperdey*) | dimulauisset | 7 nedum domum nos: ne domum (nedum *Ritter*) cf. *Dio* 60, 31 *Μεγαλίνα ολίαν ἀντὶ* (Silio) *βασιλικὴν ἐχαίσατο* | 8 set *Acidalius*: et | 31, 1 quemque *add. Agricola*, potissimos *Mercerus*, ut est 13, 18, 14, 65 (amicorum praecipui 15, 56) | 3 certatim *Puteolanus*: certium | 16 lassa

gnara Claudio cuncta et venire promptum ultioni adferrent. igitur Messalina Lucullianos in hortos, Silius dissimulando metu ad munia fori digrediuntur. ceteris passim dilabentibus adfuere centuriones, inditaque sunt vincla, ut quis reperie-
 5 batur in publico aut per latebras. Messalina tamen, quamquam res adversae consilium eximerent, ire obviam et aspici a marito, quod saepe subsidium habuerat, haud segniter intendit misitque ut Britannicus et Octavia in complexum patris pergerent. et Vibidiam, virginum Vestalium vetustissi-
 10 mam, oravit pontificis maximi aures adire, clementiam expe-tere. atque interim, tribus omnino comitantibus — id repente solitudinis erat — spatium urbis pedibus emensa, vehiculo, quo purgamenta hortorum excipiuntur, Ostiensem viam intrat, nulla cuiusquam misericordia, quia flagitiorum deformitas
 15 praevalebat.

33. Trepidabatur nihilo minus a Caesare: quippe Getae praetorii praefecto haud satis fidebant, ad honesta seu prava iuxta levi. ergo Narcissus, adsumptis quibus idem metus, non aliam spem incolumitatis Caesaris adfirmat, quam si ius militum uno illo die in aliquem libertorum transferret, seque
 5 offert suscepturum. ac ne, dum in urbem revehitur, ad paenitentiam a L. Vitellio et Largo Caecina mutaretur, in eodem gestamine sedem poscit adsumiturque.

34. Crebra post haec fama fuit, inter diversas principis voces, cum modo incusaret flagitia uxoris, aliquando ad memoriam coniugii et infantiam liberorum revolveretur, non aliud prolocutum Vitellium quam 'o facinus! o scelus!' instabat quidem Narcissus aperiret ambages et veri copiam faceret: sed non ideo pervicit, quin suspensa et quo ducerentur
 5 inclinatura responderet exemploque eius Largo Caecina ute-

32, 3 fucilianos, *em. Beroaldus* | 9 misitque *scripsi*: misitque *corr. m.* 2 in *missique*, cf. *H.* 4, 20 | 14 excipiuntur *Heinsius*: eripiuntur | 15 cuiusque | 33, 1 ad Caesarem *Nipperdey* | 2 fidebat *al.* | 6 revehitur *Orelli*: refertur vehitur (vehitur *Puteolanus*, refertur *Baiter*) | 7 et *Nipperdey*: P. | 8 assumiturque *Walther*: assumiturque (sumiturque *al.*) | 34, 5 aperiret . . faceret *Madvig*: aperire . . facere

retur. et iam erat in aspectu Messalina clamitabatque audiret Octaviae et Britannici matrem, cum obstrepere accusator,
 10 Silium et nuptias referens; simul codicillos libidinum indices tradidit, quis visus Caesaris averteret. nec multo post urbem ingredienti offerebantur communes liberi, nisi Narcissus amoveri eos iussisset. Vibidiam depellere nequivit, quin multa cum invidia flagitaret, ne indefensa coniunx exitio daretur.
 15 igitur auditorum principem et fore diluendi criminis facultatem respondit: iret interim virgo et sacra capesseret.

35. Mirum inter haec silentium Claudii, Vitellius ignaro propior: omnia liberto oboediebant. patefieri domum adulteri atque illuc deduci imperatorem iubet. ac primum in vestibulo effigiem patris Silii consulto senatus abolitam demonstrat, tum quidquid avitum Neronibus et Drusis in pretium probri cessisse. incensumque et ad minas erumpentem castris infert, parata contione militum; apud quos praemonente Narcisso pauca verba fecit: nam etsi iustum dolorem pudor impediabat. continuus dehinc cohortium clamor nomina reorum et poenas flagitantium; admotusque Silius tribunali non defensionem, non moras temptavit, precatus ut mors acceleraretur. eadem constantia et illustres equites Romani cupidi maturae necis fuerunt. Titium Proculum, eustodem a Silio Messalinae datum et indicium offerentem, Vettium Valentem confessum et Pompeium Urbicum ac Saufeium Trogum ex consciis tradi ad supplicium iubet. Decrius quoque Calpurnianus vigilum praefectus, Sulpicius Rufus ludi procurator, Iuncus Vergilianus senator eadem poena adfecti.

36. Solus Mnester cunctationem attulit, dilaniata veste clamitans, aspiceret verberum notas, reminisceretur vocis, qua se obnoxium iussis Messalinae dedisset: aliis largitione aut spei magnitudine, sibi ex necessitate culpam; nec cuiquam ante pereundum fuisse, si Silius rerum poteretur. com-

34, 9 obstreperet, em. *Acidalius* | 13 quid multa | 35, 1 iulius | 5 avitum *Faërnus*: habitum | 12 cupidi m. necis fuerunt *Haase*: cupido mature necis fuit et (romanos cupidos m. n. fecit *al.* illustribus equitibus Ro. ac cupido m. n. fuit *Urlichs*) | 16 trahi *Rhenanus*

motum his et pronum ad misericordiam Caesarem perpulere liberti, ne tot illustribus viris interfectis histrioni consulere-
 tur: sponte an coactus tam magna peccavisset, nihil referre. ne Trauli quidem Montani equitis Romani defensio recepta est. is modesta iuventa, sed corpore insigni, accitus ultro
 10 noctemque intra unam a Messalina proturbatus erat, paribus lasciviis ad cupidinem et fastidia. Suillio Caesonino et Plautio Laterano mors remittitur, huic ob patrum egregium meritum: Caesoninus vitiis protectus est, tamquam in illo foedissimo coetu passus muliebria.

37. Interim Messalina Lucullianis in hortis prolatare vitam, componere preces, nonnulla spe et aliquando ira: tantum inter extrema superbiae gerebat. ac ni caedem eius Narcissus properavisset, verterat perniciem in accusatorem. nam Claudius domum regressus et tempestivis epulis delentus, ubi vino incaluit, iri iubet nuntiarique miserae (hoc enim verbo usum ferunt) dicendam ad causam postero die adesset. quod ubi auditum et languescere ira, redire amor ac, si cunctarentur, propinqua nox et uxorii cubiculi memoria timebantur, prorumpit Narcissus denuntiatque centurionibus et tribuno, qui aderat, exsequi caedem: ita imperatorem iubere. custos et exactor e libertis Euodus datur. isque raptim in hortos praegressus repperit fusam humi, adsidente matre Lepida, quae florenti filiae haud concors supremis eius necessitatibus ad miserationem evicta erat suadebatque, ne percussorem opperiretur: transisse vitam neque aliud quam morti decus quaerendum. sed animo per libidines corrupto nihil honestum inerat; lacrimaeque et quaestus inriti ducebantur, cum impetu venientium pulsae fores adstititque tribunus per silentium, at libertus increpans multis et servilibus
 20 probris.

38. Tunc primum fortunam suam introscepit ferrumque accepit, quod frustra iugulo aut pectori per trepidationem admovens ictu tribuni transigitur. corpus matri concessum.

36, 7 consuleret *Prammer* | 12 suillio | 37, 1 lucilianis, em. *Alciatus* | 3 superbiae gerebat *Bezzenberger*: superbia egebat | 12 exactor *1 m.* | 13 pgressus *1 m.* | 19 impulsae *Heinsius*

nuntiatumque Claudio epulanti perisse Messalinam, non di-
 5 stincto sua an aliena manu. nec ille quaesivit, poposcitque
 poculum et solita convivio celebravit. ne secutis quidem
 diebus odii gaudii, irae tristitiae, ullius denique humani ad-
 10 fectus signa dedit, non cum laetantes accusatores aspiceret,
 non cum filios maerentes. iuvitque oblivionem eius senatus
 censendo nomen et effigies privatis ac publicis locis demo-
 vendas. decreta Narcisso quaestoria insignia, levissimum fa-
 stidio eius, cum supra Pallantem et Callistum ageret, † ho-
 nesta quidem, sed ex quis deterrima orerentur [tristitiis multis].

38, 11 fastidii, em. *Ernesti* | 12 eidem ante honesta quae-
 dam deesse videbantur | 13 [tristitiis multis] *Nipperdey*, fort.
 tristitiis multis secutis.

CORNELII TACITI

AB EXCESSU DIVI AUGUSTI

LIBER XII.

1. Caede Messalinae convulsa principis domus, orto apud
 libertos certamine, quis deligeret uxorem Claudio, caelibis
 vitae intoleranti et coniugum imperiis obnoxio. nec minore
 ambitu feminae exarserant: suam quaeque nobilitatem for-
 mam opes contendere ac digna tanto matrimonio ostentare. 5
 sed maxime ambigebatur inter Lolliam Paulinam M. Lollii
 consularis et Iuliam Agrippinam Germanico genitam: huic
 Pallas, illi Callistus fautores aderant; at Aelia Paetina e fa-
 milia Tuberorum Narcisso fovebatur. ipse huc modo, modo
 illuc, ut quemque suadentium audierat, promptus, discordan- 10
 tes in consilium vocat ac promere sententiam et adicere ra-
 tiones iubet.

2. Narcissus vetus matrimonium, filiam communem
 (nam Antonia ex Paetina erat), nihil in penatibus eius novum
 disserebat, si sueta coniunx rediret, haudquaquam noverca-
 libus odiis visura Britannicum, Octaviam, proxima suis
 pignora. Callistus improbatam longo discidio, ac si rursus 5
 adsumeretur, eo ipso superbam; longeque rectius Lolliam
 induci, quando nullos liberos genuisset, vacuum aemulatione
 et privignis parentis loco futuram. at Pallas id maxime in
 Agrippina laudare, quod Germanici nepotem secum traheret,
 dignum prorsus imperatoria fortuna: stirpem nobilem et fa- 10

1, 3 intoleranti *Muretus*: intonanti | imperatoriis | 5 con-
 tenderet . . ostentaret (cum suam . . contenderet etc. *Weissenborn*)
 | digna ed. *princ. et fort.* 1 m. *Med.*: dignam | 10 pronus
Muretus | 2, 1 filiam idem: familiam, cf. ad 16, 26, 10 |
 2 impenalibus | 4 Brit. et Octaviam al. cf. 13, 55, 6 | 5 discidio

miliae *Iuliae* Claudiaeque posteros coniungeret, ne femina expertae fecunditatis, integra iuventa, claritudinem Caesarum aliam in domum ferret.

3. Praevaluere haec adiuta Agrippinae inlecebris: ad eum per speciem necessitudinis crebro ventitando pellicit patrum, ut praelata ceteris et nondum uxor potentia uxoria iam uteretur. nam ubi sui matrimonii certa fuit, struere maiora nuptiasque Domitii, quem ex Cn. Ahenobarbo genuerat, et Octaviae Caesaris filiae moliri; quod sine scelere perpetrari non poterat, quia L. Silano desponderat Octaviam Caesar iuvenemque et alia clarum insigni triumphalium et gladiatorii muneris magnificentia protulerat ad studia vulgi. sed nihil arduum videbatur in animo principis, cui non iudicium, non odium erat nisi indita et iussa.

4. Igitur Vitellius, nomine censoris serviles fallacias obtegens ingruentiumque dominationum provisor, quo gratiam Agrippinae pararet, consiliis eius implicari, ferre crimina in Silanum, cuius sane decora et procax soror, Iunia Calvina, haud multo ante Vitellii nurus fuerat. hinc initium accusationis; fratrumque non incestum, sed incustoditum amorem ad infamiam traxit. et praebebat Caesar aures, accipiendis adversus generum suspicionibus caritate filiae promptior. at Silanus insidiarum nescius ac forte eo anno praetor, repente per edictum Vitellii ordine senatorio movetur, quamquam lecto pridem senatu lustroque condito. simul adfinitatem Claudius diremit, adactusque Silanus eiurare magistratum, et reliquus praeturae dies in Eprum Marcellum conlatus est.

5. C. Pompeio Q. Veranio consulibus pactum inter Claudium et Agrippinam matrimonium iam fama, iam amore illicito firmabatur; necdum celebrare sollemnia nuptiarum audebant, nullo exemplo deductae in domum patrum fratris filiae: quin et incestum ac, si sperneretur, ne in malum publicum

2, 11 *Iuliae* add. *Freinsheim* | claudiae quae, quod tuctur *Andresen Jahresb. III p. 69 n. 1* | 12 experta, em. *Agricola*, cf. 3, 74, 12. | 3, 1 quae ad eum al. | 3 et] etsi *Nipperdey* | 4, 3 serere *Puteolanus* | 4 cui | 5 multo nos: multum | 12 magistratu | 5, 1 uerania | 3 audebat *Ulrichs* | 4 filia cum rasura

erumperet, metuebatur. nec ante omisa cunctatio, quam Vitellius suis artibus id perpetrandum sumpsit. percontatusque Caesarem an iussis populi, an auctoritati senatus cederet, ubi ille unum se civium et consensui imparem respondit, operiri intra palatium iubet. ipse curiam ingreditur, summamque rem publicam agi obtestans veniam dicendi ante alios exposcit orditurque: gravissimos principis labores, quis orbem terrae capessat, egere adminiculis, ut domestica cura vacuus in commune consulat. quod porro honestius censoriae mentis levamentum quam adsumere coniugem, prosperis dubiisque sociam, cui cogitationes intimas, cui parvos liberos tradat, non luxui aut voluptatibus adsuefactus, sed qui prima ab iuventa legibus obtemperavisset.

6. Postquam haec favorabili oratione praemisit multaque patrum adsentatio sequebatur, capto rursus initio, quando maritandum principem cuncti suaderent, deligi oportere feminam nobilitate puerperis sanctimonia insignem. nec diu anquirendum quin Agrippina claritudine generis anteiret: datum ab ea fecunditatis experimentum et congruere artes honestas. id vero egregium, quod provisu deum vidua iungeret principi sua tantum matrimonia experto. audivisse a parentibus, vidisse ipsos abripi coniuges ad libita Caesarum: procul id a praesenti modestia. statueretur immo documentum, quo uxorem imperator a patribus acciperet. at enim nova nobis in fratrum filias coniugia: sed aliis gentibus sollemnia, neque lege ulla prohibita; et sobrinarum diu ignorata tempore addito pererebruisse. morem accommodari, prout conducatur, et fore hoc quoque in iis quae mox usurpentur.

7. Haud defuere qui certatim, si cunctaretur Caesar, vi acturos testificantes erumperent curia. conglobatur promisca multitudo populumque Romanum eadem orare clamitat. nec

5, 6 metuebant *Ritter*, quo teste *Med.* metuebant' | 14 Caesareae *Pichena* | 15 levamentum quam *P. Victorius et Petersen*: leuamen unquam | 6, 9 abripi *Ritter*: arripi | 11 a patribus *Ritter*: om. in lacuna sex litterarum, a re publ. suppl. *Orelli* | 13 sobrinarum et consobrinarum. *Nipperdey* | 15 his

Claudius ultra expectato obuius apud forum praebet se grantibus, senatumque ingressus decretum postulat, quo iustae inter patruos fratrumque filias nuptiae etiam in posterum stauerentur. nec tamen repertus est nisi unus talis matrimonii cupitor, Alledius Severus eques Romanus, quem plerique Agrippinae gratia impulsus ferebant. versa ex eo civitas et cuncta feminae oboediebant, non per lasciviam, ut Messalina, rebus Romanis inludenti. adductus et quasi virile servitium: palam severitas ac saepius superbia; nihil domi in-pudicum, nisi dominationi expediret. cupido auri immensa obtentum habebat, quasi subsidium regno pararetur.

8. Die nuptiarum Silanus mortem sibi conscivit, sive eo usque spem vitae produxerat, seu delecto die augendam ad invidiam. Calvina soror eius Italia pulsa est. addidit Claudius sacra ex legibus Tulli regis piaculaque apud lucum Dianae per pontifices danda, inridentibus cunctis, quod poenae procurationesque incesti id temporis exquirentur. at Agrippina, ne malis tantum facinoribus notesceret, veniam exilii pro Annaeo Seneca, simul praeturam impetrat, laetum in publicum rata ob claritudinem studiorum eius, utque Domitii pueritia tali magistro adolesceret et consiliis eiusdem ad spem dominationis uterentur, quia Seneca fidus in Agrippinam memoria beneficii et infensus Claudio dolore iniuriae credebatur.

9. Placitum dehinc non ultra cunctari, sed designatum consulem Memmium Pollionem ingentibus promissis inducunt sententiam expromere, qua oraretur Claudius despondere Octaviam Domitio, quod aetati utriusque non absurdum et maiora patefacturum erat. Pollio haud disparibus verbis ac nuper Vitellius censet; despondeturque Octavia, ac super priorem necessitudinem sponsus iam et gener Domitius aequari Britannico studiis matris, arte eorum, quis ob accusatam Messalinam ultio ex filio timebatur.

10. Per idem tempus legati Parthorum ad expetendum, ut

7, 7 recepturus | 8 Alledius, *em. Ritter* (T. Alledius *Lipsius*) | 8, 7 ad agrippinae | 11 uteretur *al.* | 9, 8 qui sub | 9 ultio *1 m.*

rettuli, Meherdaten missi senatum ingrediuntur mandataque in hunc modum incipiunt: non se foederis ignaros nec defectione a familia Arsacidarum venire, set filium Vononis, nepotem Phraatis accersere adversus dominationem Gotartzis nobilitati plebique iuxta intolerandam. iam fratres, iam propinquos, iam longius sitos caedibus exhaustos; adici coniuges gravidas, liberos parvos, dum socors domi, bellis infaustus ignaviam saevitia tegat. veterem sibi ac publice coeptam nobiscum amicitiam, et subveniendum sociis virium aemulis cedentibusque per reverentiam. ideo regum liberos obsides dari, ut, si domestici imperii taedeat, sit regressus ad principem patresque, quorum moribus adsuefactus rex melior adscisceretur.

11. Ubi haec atque talia dissertavere, incipit orationem Caesar de fastigio Romano Parthorumque obsequiis, seque divo Augusto adaequabat, petitum ab eo regem referens, omissa Tiberii memoria, quamquam is quoque miserat. addidit praecepta (etenim aderat Meherdates), ut non dominationem et servos, sed rectorem et cives cogitaret, clementiamque ac iustitiam, quanto ignota barbaris, tanto laetiora capesseret. hinc versus ad legatos extollit laudibus alumnum urbis, spectatae ad id modestiae: ac tamen ferenda regum ingenia, neque usui crebras mutationes. rem Romanam huc satietate gloriae provectam, ut externis quoque gentibus quietem velit. datum posthac C. Cassio, qui Suriae praeerat, deducere iuvenem ripam ad Euphratis.

12. Ea tempestate Cassius ceteros praeminebat peritia legum: nam militares artes per otium ignotae, industriosque aut ignavos pax in aequo tenet. ac tamen quantum sine bello dabatur, revocare priscum morem, exercitare legiones, cura provisum perinde agere, ac si hostis ingrueret: ita dignum maioribus suis et familia Cassia ratus per illas quoque gentes celebrata. igitur excitis quorum de sententia petitus rex, posi-

10, 4 set *Lipsius*: sed et (sed ad *Rhenanus*) | 5 accedere | 11 liberos obsides *Dräger*: obsides liberos | 11, 6 concitaret | 7 ignata (ignara *al.*) *cf. 2, 2, 15* | laetiora *Ursinus*: toleratiora | 12, 6 ratus s. l. m. 2: *om. 1 m. spatio vacuo* | 7 peritus

tisque castris apud Zeugma, unde maxime pervius amnis, postquam inlustres Parthi rexque Arabum Acbarus advenerat, 10 monet Meherdaten, barbarorum impetus acres cunctatione languescere aut in perfidiam mutari: ita urgueret coepta. quod spretum fraude Acbari, qui iuvenem ignarum et summam fortunam in luxu ratum multos per dies attinuit apud oppidum Edessam. et vocante Carene promptasque res ostentante, si 15 citi advenissent, non comminus Mesopotamiam, sed flexu Armeniam petunt, id temporis inopportuna, quia hiems occipiebat.

13. Exim nivibus et montibus fessi, postquam campos propinquabant, copiis Carenis adiunguntur, tramissoque amne Tigri permeant Adiabenos, quorum rex Izates societatem Meherdatis palam induerat, in Gotarzen per occulta et magis 5 fida inclinabat. sed capta in transitu urbs Ninus, vetustissima sedes Assyriae, et castellum insigne fama, quod postremo inter Darium atque Alexandrum proelio Persarum illic opes conciderant. interea Gotarzes apud montem, cui nomen Sambulos, vota dis loci suscipiebat, praecipua religione Herculis, 10 qui tempore stato per quietem monet sacerdotes, ut templum iuxta equos venatui adornatos sistant. equi ubi pharetras telis onustas acceperunt, per saltus vagi nocte demum vacuis pharetris multo cum anhelitu redeunt. rursum deus, qua silvas pererraverit, nocturno visu demonstrat, reperiunturque fusae 15 passim ferae.

14. Ceterum Gotarzes, nondum satis aucto exercitu, flumine Corma pro munimento uti, et quamquam per insectationes et nuntios ad proelium vocaretur, nectere moras, locos mutare et missis corruptoribus exuendam ad fidem hostes 5 emercari. ex quis Izates Adiabeno, mox Acbarus Arabum cum exercitu abscedunt, levitate gentili, et quia experimen-

12, 9 Abgarus *Ryckius ex nummis et titulis, infra c. 14 Med.* abbarus | advenerant *Ritter* | 16 petunt *Lipsius*: petiuit | 13, 1 campis *al.*, ut *Tacitus habet 1, 63. 15, 39 etc.* | 2 carrenis | 3 Izates *Freinsheim (v. Jos. Antiq. 20, 2, 3):* iuliatas, *sed c. 14 ezates* | societate | 6 et *add. Lipsius* | castellom *1 m.* (et *Arbella castellum Agricola, et Arbelon Gutschmid*) | 9 praecipuae | herculi | 14, 5 Adiabeno *Jo. Fr. Gronovius*: adiabenus (Adiabenus suo *Ritter*)

tis cognitum est barbaros malle Roma petere reges quam habere. at Meherdates validis auxiliis nudatus, ceterorum proditione suspecta, quod unum reliquum, rem in casum dare proelioque experiri statuit. nec detrectavit pugnam 10 Gotarzes deminutis hostibus ferox; concursumque magna caede et ambiguo eventu, donec Carenem profligatis obversis longius evectum integer a tergo globus circumveniret. tum omni spe perdita Meherdates, promissa Parracis paterni clientis secutus, dolo eius vincitur traditurque victori. atque 15 ille non propinquum neque Arsacis de gente, sed alienigenam et Romanum increpans, auribus decisis vivere iubet, ostentui clementiae suae et in nos dehonestamento. dein Gotarzes morbo obiit, accitusque in regnum Vonones Medos tum praesidens. nulla huic prospera aut adversa, quis me- 20 moraretur: brevi et inglorio imperio perfunctus est, resque Parthorum in filium eius Vologesen translatae.

15. At Mithridates Bosporanus amissis opibus vagus, postquam Didium duce Romanum roburque exercitus abisse cognoverat, relictos in novo regno Cotym iuventa rudem et paucas cohortium cum Iulio Aquila equite Romano, spretis utrisque concire nationes, inlicere perfugas; postremo exer- 5 citu coacto regem Dandaridarum exturbat imperioque eius potitur. quae ubi cognita et iam iamque Bosporum invasurus habebatur, diffisi propriis viribus Aquila et Cotys, quia Zorsines Siracorum rex hostilia resumpserat, externas et ipsi gratias quaesivere missis legatis ad Eunonen, qui Aorsorum 10 genti *praesidens opibus* praecellebat. nec fuit in arduo societas potentiam Romanam adversus rebellem Mithridaten ostendentibus. igitur pepigere, equestribus proeliis Eunones certaret, obsidia urbium Romani capesserent.

16. Tunc composito agmine incedunt, cuius frontem et terga Aorsi, media cohortes et Bosporani tutabantur nostris

14, 7 peteres . . haberet *1 m.* | 19 Medis *al.* | 22 uologese | 15, 3 coty *1 m.* cotyn *2 m.* | 8 diffisis, *em. Pichena* | 9 Siracorum *Lipsius*: syracusorum | 10 eunone | adorsorum, *em. Lipsius et sic deinceps* | 11 praesidens opibus *supplevi* (praesidebat *Haase pro praecellebat*)

in armis. sic pulsus hostis, ventumque Sozam, oppidum Dandariacae, quod desertum a Mithridate ob ambiguos popularium animos optineri relicto ibi praesidio visum. exim in Siracos pergunt, et transgressi amnem Pandam circumveniunt urbem Uspen, editam loco et moenibus ac fossis munitam, nisi quod moenia non saxo, sed cratibus et vimentis ac media humo adversum inrumpentes invalida erant;eductaeque altius turres facibus atque hastis turbabant obsessos. ac ni proelium nox diremisset, coepta patrataque expugnatio eundem intra diem foret.

17. Postero misere legatos, veniam liberis corporibus orantes: servitii decem milia offerebant. quod aspernati sunt victores, quia trucidare deditos saevum, tantam multitudinem custodia cingere arduum: belli potius iure caderent, datumque militibus, qui scalis evaserant, signum caedis. excidio Uspensium metus ceteris iniectus, nihil tutum ratis, cum arma, munimenta, impediti vel eminentes loci amnesque et urbes iuxta perrumperentur. igitur Zorsines, diu pensitato, Mithridatisne rebus extremis an patrio regno consulere, postquam praevaluit gentilis utilitas, datis obsidibus apud effigiem Caesaris procubuit, magna gloria exercitus Romani, quem incruentum et victorem tridui itinere afuisse ab amne Tanai constitit. sed in regressu dispar fortuna fuit, quia navium quasdam (quippe mari remeabant) in litora Taurorum delatas circumvenere barbari, praefecto cohortis et plerisque auxiliarium interfectis.

18. Interea Mithridates nullo in armis subsidio consultat, cuius misericordiam experiretur. frater Cotys, proditor olim, deinde hostis, metuebatur: Romanorum nemo id auctoritatis aderat, ut promissa eius magni penderentur. ad Eunonen convertit, propriis odiis non infensum et recens coniuncta nobiscum amicitia validum. igitur cultu vultuque quam maxime ad praesentem fortunam comparato regiam ingreditur geni-

16, 5 seracos | 17, 1 postremo, em. Lipsius | 4 belli Ernesti: ut belli | 8 perrumperentur, em. Rhenanus | 14 quippe Nipperdey: quae | 16 auxiliarium Lipsius: consiliarium | 18, 5 non add. Agricola, inoffensum Jac. Gronovius

busque eius provolutus, 'Mithridates' inquit 'terra marique Romanis per tot annos quaesitus sponte adsum: utere, ut voles, prole magni Achaemenis, quod mihi solum hostes non abstulerunt.'

19. At Eunones claritudine viri, mutatione rerum et prece haud degeneri permotus, adlevat supplicem laudatque, quod gentem Aorsorum, quod suam dextram petendae veniae delegerit. simul legatos litterasque ad Caesarem in hunc modum mittit: populi Romani imperatoribus, magnarum nationum regibus primam ex similitudine fortunae amicitiam, sibi et Claudio etiam communionem victoriae esse. bellorum egregios fines, quotiens ignoscendo transigatur: sic Zorsini victo nihil ereptum. pro Mithridate, quando gravius mereretur, non potentiam neque regnum precari, sed ne triumpharetur neve poenas capite expenderet.

20. At Claudius, quamquam nobilitatibus externis mitis, dubitavit tamen, accipere captivum pacto salutis an repetere armis rectius foret. hinc dolor iniuriarum et libido vindictae adigebat: sed disserebatur contra suscipi bellum avio itinere, inportuoso mari; ad hoc reges feroces, vagos populos, solum frugum egenum, taedium ex mora, pericula ex properantia, modicam victoribus laudem ac multum infamiae, si pellerentur. quin arriperet oblata et servaret exulem, cui inopi quanto longiorem vitam, tanto plus supplicii fore. his permotus scripsit Eunoni, meritum quidem novissima exempla Mithridatem, nec sibi vim ad exsequendum deesse: verum ita maioribus placitum, quanta pervicacia in hostem, tanta beneficentia adversus supplices utendum; nam triumphos de populis regnisque integris acquiri.

21. Traditus posthac Mithridates vectusque Romam per Iunium Cilonem, procuratorem Ponti, ferocius quam pro fortuna disseruisse apud Caesarem ferebatur, elataque vox eius in vulgum hisce verbis: 'non sum remissus ad te, sed rever-

19, 6 primum Ritter | 20, 3 hinc] huc Lipsius | 6 egenum Agricola: egentum (egens tum corr.) | 8 cui Puteol. quin | 12 hostem tanta Muretus: hoc temptata | 21, 1 roma | 2 colonem et 7 coloni, em. Lipsius ex Dione 60, 33 | 4 vulgus Ritter

5 sus: vel si non credis, dimitte et quaere.⁷ vultu quoque
interrito permansit, cum rostra iuxta custodibus circumdatus
visui populo praeberetur. consularia insignia Ciloni, Aquilae
praetoria decernuntur.

22. Isdem consulibus atrox odii Agrippina ac Lolliae
infensa, quod secum de matrimonio principis certavisset,
molitur crimina et accusatorem, qui obiceret Chaldaeos, ma-
gos interrogatumque Apollinis Clarii simulacrum super nuptiis
5 imperatoris. exim Claudius inaudita rea multa de claritudine
eius apud senatum praefatus, sorore L. Volusii genitam, ma-
iorem ei patrum Cottam Messalinum esse, Memmio quondam
Regulo nuptam (nam de Gai Caesaris nuptiis consulto retice-
bat), addidit perniciosam in rem publicam consilia et materiam
10 sceleri detrahendam: proin publicatis bonis cederet Italia. ita
quingenti sesterium ex opibus immensis exuli relictum.
et Calpurnia inlustris femina pervertitur, quia formam eius
laudaverat princeps, nulla libidine, sed fortuito sermone, unde
ira Agrippinae citra ultima stetit. in Lolliam mittitur tribunus,
15 a quo ad mortem adigeretur. damnatus et lege repetundarum
Cadius Rufus accusantibus Bithynis.

23. Galliae Narbonensi ob egregiam in patres reverentiam
datum, ut senatoribus eius provinciae non exquisita princi-
pis sententia, iure quo Sicilia haberetur, res suas invisere
liceret. Ituraeque et Iudaei defunctis regibus, Sohaemo at-
5 que Agrippa, provinciae Suriae additi. Salutis augurium quin-
que et septuaginta annis omissum repeti ac deinde continuari
placitum. et pomerium urbis auxit Caesar, more prisco, quo
iis, qui protulere imperium, etiam terminos urbis propagare
datur. nec tamen duces Romani, quamquam magnis nationi-
10 bus subactis, usurpaverant nisi L. Sulla et divus Augustus.

24. Regum in eo ambitio vel gloria varie vulgata: sed
initium condendi, et quod pomerium Romulus posuerit, no-
scere haud absurdum reor. igitur a foro boario, ubi aereum
tauri simulacrum aspiciamus, quia id genus animalium aratro

22, 6 genita | 10 [ita] *Acidalius*, *idem at coni.* | 14 ira
Bötticher: irex | 23, 6 septuaginta *Ritter*: XX | 24, 3 roario 1 m.

subditur, sulcus designandi oppidi coeptus, ut magnam Her- 5
culis aram amplecteretur; inde certis spatiis interiecti lapides
per ima montis Palatini ad aram Consi, mox curias veteres,
tum ad sacellum Larum, inde forum Romanum; forumque et
Capitolium non a Romulo, sed a Tito Tatio additum urbi credi-
dere. mox pro fortuna pomerium auctum. et quos tum Claudius 10
terminos posuerit, facile cognitu et publicis actis perscriptum.

25. C. Antistio M. Suillio consulibus adoptio in Domi-
tium auctoritate Pallantis festinatur, qui obstrictus Agrippi-
nae ut conciliator nuptiarum et mox stupro eius inligatus, sti-
mulabat Claudium, consuleret rei publicae, Britannici pueritiam
robore circumdaret: sic apud divum Augustum, quamquam 5
nepotibus subnixum, viguisse privignos; a Tiberio super pro-
priam stirpem Germanicum adsumptum: se quoque accingeret
iuvene partem curarum capessituro. his evictus biennio ma-
iorem natu Domitium filio anteponit, habita apud senatum
oratione eundem in quem a liberto acceperat modum. adno- 10
tabant periti nullam antehac adoptionem inter patricos Clau-
dios reperiri, eosque ab Atto Clauso continuos duravisse.

26. Ceterum actae principi grates, quaesitiore in Domi-
tium adulatione; rogataque lex, qua in familiam Claudiam et
nomen Neronis transiret. augetur et Agrippina cognomento
Augustae. quibus patris nemo adeo expers misericordiae
fuit, quem non Britannici fortuna maerore adficeret. desola- 5
tus paulatim etiam servilibus ministeriis puer intempestiva no-
vercae officia in ludibrium vertebat, intellegens falsi. neque
enim segnem ei fuisse indolem ferunt, sive verum, seu peri-
culis commendatus retinuit famam sine experimento.

24, 7 palatii ad aram consii | 8 L. inde forum Ro. forum-
que *Weissenborn*: larum de forumque romanum (*Larundae*,
forumque Romanum *Orelli*, cf. etiam *G. A. Beckeri Antiq. Ro.*
I, 102) | 9 tradidere *Pluygers* | 10 actum | 25, 1 optio, em.
Puteol. | 8 iuvenē | triennio *Freinsheim* | 10 in post eundem om.
in rasura (in eundem al. et edd.) cf. 13, 13 eundem in modum,
6, 48 vatis in modum, 6, 41 nostrum in m., 11, 2 maiorem
in m. etc. | 26, 1 quaesitiore, em. *Pichena* | 5 fortuna maerore
Ernesti: fortunae maeror | affigeret 1 m. | 6 puer *Sirker*: per |
7 ludibria, em. *Nipperdey*

27. Sed Agrippina, quo vim suam sociis quoque nationibus ostentaret, in oppidum Ubiorum, in quo genita erat, veteranos coloniamque deduci impetrat, cui nomen inditum e vocabulo ipsius. ac forte acciderat, ut eam gentem Rhenum transgressam avus Agrippa in fidem acciperet.

Isdem temporibus in superiore Germania trepidatum adventu Chathorum latrocinia agitantium. dein P. Pomponius legatus auxiliares Vangionas ac Nemetas, addito equite alario, *inmittit*, monitos ut anteirent populatores vel dilapsis inprovisi circumfunderentur. et secuta consilium ducis industria militum, divisique in duo agmina, qui laevum iter petiverant, recens reversos praedaque per luxum usos et somno graves circumvenere. aucta laetitia, quod quosdam e clade Variana quadragensimum post annum servitio exemerant.

28. At qui dextris et propioribus compendiis ierant, obvio hosti et aciem auso plus cladis faciunt, et praeda famaque onusti ad montem Taunum revertuntur, ubi Pomponius cum legionibus opperiebatur, si Chatti cupidine ulciscendi casum pugnae praeberent. illi metu, ne hinc Romanus, inde Cherusci, cum quis aeternum discordant, circumgrederentur, legatos in urbem et obsides misere; decretusque Pomponio triumphalis honos, modica pars famae eius apud posteros, in quis carminum gloria praecellit.

29. Per idem tempus Vannius Suebis a Druso Caesare inpositus pellitur regno, prima imperii aetate carus acceptusque popularibus, mox diuturnitate in superbiam mutans et odio accolarum, simul domesticis discordiis circumventus. auctores fuere Vibilius Hermundurorum rex et Vangio ac Sido sorore Vannii geniti. nec Claudius, quamquam saepe oratus, arma certantibus barbaris interposuit, tutum Vannio perfugium promittens, si pelleretur; scripsitque Palpello

27, 3 imperat *Lipsius* | 4 Rhenum *Sirker*: rhenus | 5 transgressa | acceperit *malim* | 6 aduectu cathorum | 7 P. *Ritter*: J. | 8 elario, *em. Puteol.* | 9 *inmittit supplevit Döderlein*, mittit *Walther post Nemetas* | 29, 2 carus *Wölfflin*: clarus *cf. tamen Sall. Jug. 70, 2* | 5 *uillius cf. 2, 63* | 7 certantibus barbaris certantibus | 8 Palpello *Lipsius*: p. atellio

Histro, qui Pannoniam praesidebat, legionem ipsaque e provincia lecta auxilia pro ripa componere, subsidio victis et terrorem adversus victores, ne fortuna elati nostram quoque pacem turbarent. nam vis innumera, Lugii aliaeque gentes, adventabant, fama ditis regni, quod Vannius triginta per annos praedationibus et vectigalibus auxerat. ipsi manus propria pedites, eques e Sarmatis Iazygibus erat, impar multitudini hostium, eoque castellis sese defensare bellumque ducere statuerat.

30. Sed Iazyges obsidionis impatientes et proximos per campos vagi necessitudinem pugnae attulere, quia Lugius Hermundurisque illic ingruerant. igitur degressus castellis Vannius funditur proelio, quamquam rebus adversis laudatus, quod et pugnam manu capessivit et corpore adverso vulnera exceptit. ceterum ad classem in Danuvio opperientem per fugit; secuti mox clientes et acceptis agris in Pannonia locati sunt. regnum Vangio ac Sido inter se partivere, egregia adversus nos fide, subiectis, suone an servitii ingenio, dum adipiscerentur dominationis, multa caritate, et maiore odio, postquam adepti sunt.

31. At in Britannia P. Ostorium pro praetore turbidae res exceperet, effusus in agrum sociorum hostibus eo violentius, quod novum ducem exercitu ignoto et coepta hieme iturum obviam non rebantur. ille gnarus primis eventibus metum aut fiduciam gigni, citas cohortes rapit, et caesis qui restiterant, disiectos consecutus, ne rursus conglobarentur infensaque et infida pax non duci, non militi requiem permitteret, detrahente arma suspectis cunctaque castris Avonam *inter* et Sabrinam fluvios cohibere parat. quod primi Icenii abnuere, valida gens nec proelii contusi, quia socie-

29, 10 componeret *ed. princ. at cf. 15, 25* | 12 *ligii et 30, 2* *ligius, em. Müllenhoff Z. f. d. Alt. 9, 253 (Lygii Oberlin)* | 30, 1 *iazigies* | 3 *digressus, em. Ernesti* | 5 *capessit, em. Ritter (capessit al.)* | 6 *daurio* | 10 *dominationis Heinsius: dominationes, cf. 6, 45, 20 et 3, 55* | 31, 2 *et fusis* | 3 *ghieme (iam hieme Sirker)* | 6 *restiterunt* | 8 *Avonam Mannert: antonam (Abonam Glück Jahrb. f. Philol. 1864, 690)* | 9 *inter add. Heinsius (usque Ritter, ad Av. ed. Bip.)*

tatem nostram volentes accesserant. hisque auctoribus circumiectae nationes locum pugnae delegere, saeptum agresti aggere et aditu angusto, ne pervius equiti foret. ea munimenta dux Romanus, quamquam sine robore legionum socialia copias ducebat, perrumpere adgreditur et distributis cohortibus turmas quoque peditum ad munia accingit. tunc dato signo perfringunt aggerem suisque claustris impeditis turbant. atque illi conscientia rebellionis et obsaepitis effugiis multa et clara facinora fecere, qua pugna filius legati M. Ostorius servati civis decus meruit.

32. Ceterum clade Icenorum compositi qui bellum inter et pacem dubitabant, et ductus in Ceangos exercitus. vastati agri, praedae passim actae, non ausis aciem hostibus, vel si ex occulto carpere agmen temptarent, punito dolo. iamque ventum haud procul mari, quod Hiberniam insulam aspectat, cum ortae apud Brigantas discordiae retraxere ducem, destinationis certum, ne nova moliretur nisi prioribus firmatis. et Brigantes quidem, paucis qui arma coeptabant interfectis, in reliquos data venia, resedere: Silurum gens non atrocitate, non clementia mutabatur, quin bellum exerceret castrisque legionum premenda foret. id quo promptius veniret, colonia Camulodunum valida veteranorum manu deducitur in agros captivos, subsidium adversus rebelles et inbuendis sociis ad officia legum.

33. Itum inde in Siluras, super propriam ferociam Carataci viribus confisos, quem multa ambigua, multa prospera extulerant, ut ceteros Britannorum imperatores praemineret. sed tum astu locorum fraude prior, vi militum inferior, transfert bellum in Ordovicas, additisque qui pacem nostram metuebant, novissimum casum experitur, sumpto ad proelium loco, ut aditus, abscessus, cuncta nobis inopportuna et suis in melius essent, hinc montibus arduis, et si qua clementer ac-

32, 2 in Ceangos *Andresen*: inde cangos (in Decangos *Bezenberger*); cf. *C. Inscr. Lat. VII, n. 1204sq.* | 8 coeptarant *Acidalius* | 9 Silurum *Rhenanus*: siluarum | 12 eveniret *Pluygers* | manus *Faërnus* | 33, 2 confisos | 4 [astu] *Haase*, [locorum fraude] *Ritter*, [fraude] *nos quondam* | 5 Ordovicas *Rhenanus*: ordolucas | 8 hinc nos: tunc (cincto *Bezenberger*)

cedi poterant, in modum valli saxa praestruit. et praefluebat annis vado incerto, catervaeque armatorum pro munimentis constiterant.

34. Ad hoc gentium ductores circumire, hortari, firmare animos minuendo metu, accendenda spe aliisque belli incitamentis: enimvero Caratacus huc illuc volitans illum diem, illam aciem testabatur aut recipiendae libertatis aut servitutis aeternae initium fore; vocabatque nomina maiorum, qui dictatorem Caesarem pepulissent, quorum virtute vacui a securibus et tributis intemerata coniugum et liberorum corpora retinerent. haec atque talia dicenti adstreperere vulgus, gentili quisque religione obstringi, non telis, non vulneribus cessuros.

35. Obstufecit ea alacritas ducem Romanum; simul obiectus annis, additum vallum, imminetia iuga, nihil nisi atrox et propugnatoribus frequens terrebat. sed miles proelium poscere, cuncta virtute expugnabilia clamitare; praefectique et tribuni paria disserentes ardorem exercitus intendebant. tum Ostorius, circumspectis quae inpenetrabilia quaeque pervia, ducit infensos amnemque haud difficulter evadit. ubi ventum ad aggerem, dum missilibus certabatur, plus vulnerum in nos et pleraeque caedes oriebantur: postquam facta testudine rudes et informes saxorum compages distractae parque comminus acies, decedere barbari in iuga montium. sed eo quoque inrupere ferentarius gravisque miles, illi telis adsultantes, hi conferto gradu, turbatis contra Britannorum ordinibus, apud quos nulla loricarum galearumve tegmina; et si auxiliariis resisterent, gladiis ac pilis legionariorum, si huc verterent, spathis et hastis auxiliarium sternebantur. clara ea victoria fuit, captaque uxor et filia Carataci fratresque in deditionem accepti.

36. Ipse, ut ferme intuta sunt adversa, cum fidem Car-

33, 9 poterat *malim coll. H. 3, 71* | ballis | 10 catervaeque, *em. Lipsius* | armatorum *Freinsheim*: maiorum | 34, 2 accendenda | 9 religioni, *em. Lipsius* | 35, 4 virtuti *malebat Pichena* | 5 et *add. Bezenberger* | incendebant *Lipsius* | 10 distracta | 17 uxor *Bezenberger*: uxore | 36, 1 cartimandus, *em. Puteolanus*

timanduae reginae Brigantum petivisset, vinctus ac victoribus traditus est, nono post anno, quam bellum in Britannia coeptum. unde fama eius evecta insulas et proximas provincias pervagata per Italiam quoque celebrabatur, avebantque visere, quis ille tot per annos opes nostras sprevisset. ne Romae quidem ignobile Carataci nomen erat; et Caesar dum suum decus extollit, addidit gloriam victo. vocatus quippe ut ad insigne spectaculum populus: stetero in armis praetoriae cohortes campo, qui castra praeiacet. tunc incenditibus regiis clientelis phalerae, torques quaeque bellis externis quaesiverat traducta, mox fratres et coniunx et filia, postremo ipse ostentatus. ceterorum preces degeneres fuere ex metu: at non Caratacus aut vultu demisso aut verbis misericordiam requirens, ubi tribunali adstitit, in hunc modum locutus est.

37. 'Si quanta nobilitas et fortuna mihi fuit, tanta rerum prosperarum moderatio fuisset, amicus potius in hanc urbem quam captus venissem, neque dedignatus esses claris maioribus ortum, pluribus gentibus imperitantem foedere in pacem accipere. praesens sors mea ut mihi informis, sic tibi magnifica est. habui equos viros, arma opes: quid mirum, si haec invitatus amisi? nam si vos omnibus imperitare vultis, sequitur ut omnes servitutem accipiant? si statim deditus traheretur, neque mea fortuna neque tua gloria inclaruisset; et supplicium mei oblivio sequeretur: at si incolumem servaveris, aeternum exemplar clementiae ero.' ad ea Caesar veniam ipsique et coniugi et fratribus tribuit. atque illi vinclis absoluti Agrippinam quoque, haud procul alio suggestu conspicuam, isdem quibus principem laudibus gratibusque venerati sunt. novum sane et moribus veterum insolitum, feminam signis Romanis praesidere: ipsa semet parti a maioribus suis imperii sociam ferebat.

38. Vocati posthac patres multa et magnifica super ca-

36, 4 insulam *Heinsius* | 10 tum *Ernesti* | 11 torques *Döderlein*: torquibus (cum torquibus *Ritter*) | 37, 4 in pacem *Döderlein*: * pacem (paciis *Lipsius*) | 7 nam] num *Lipsius* | 8 traheretur *Bekker*: traderetur | 12 exsoluti *Lipsius*, soluti *Ritter*, cf. 4, 23 in.

ptivitate Carataci disseruere, neque minus id clarum, quam quod Syphacem P. Scipio, Persen L. Paulus, et si qui alii vinctos reges populo Romano ostendere. censentur Ostorio triumpho insignia, prosperis ad id rebus eius, mox ambiguis, sive amoto Carataco, quasi debellatum foret, minus intenta apud nos militia fuit, sive hostes miseratione tanti regis acrius ad ultionem exarsere. praefectum castrorum et legionarias cohortes exstruendis apud Siluras praesidiis relictas circumfundunt. ac ni cito nuntiis ex castellis proximis subventum foret copiarum obsidio, occidione obcubuissent: praefectus tamen et octo centuriones ac promptissimus quisque e manipulis cecidere. nec multo post pabulantis nostros missasque ad subsidium turmas profligant.

39. Tum Ostorius cohortes expeditas opposuit; nec ideo fugam sistebat, ni legiones proelium excepissent: earum robore aequata pugna, dein nobis pro meliore fuit. effugere hostes tenui damno, quia inclinabat dies. crebra hinc proelia, et saepius in modum latrocinii per saltus per paludes, ut cuique sors aut virtus, temere proviso, ob iram ob praedam, iussu et aliquando ignavis ducibus, ac praecipua Silurum pervicacia. quos accendebat vulgata imperatoris Romani vox, ut quondam Sugambri excisi aut in Gallias traieci forent, ita Silurum nomen penitus extinguendum. igitur duas auxiliares cohortes avaritia praefectorum incautius populantes intercepte; spoliisque et captivos largiendo ceteras quoque nationes ad defectionem trahebant, cum taedio curarum fessus Ostorius concessit vita, laetis hostibus, tamquam ducem haud spernendum etsi non proelium, at certe bellum absumpsisset.

40. At Caesar cognita morte legati, ne provincia sine rectore foret, A. Didium suffecit. is propere vectus non ta-

38, 9 silulas | relictas | 10 citis nuntiis *Lipsius*, cito nuntiis dimissis *Wurm*, at cf. 13, 9 in. | ex *Ruperti*: et | 11 copiae tum occidione *Rhenanus* | obsidio occidione *scripsi*: obsidione (obsidioni *Bezenberger*) | 12 e manipulis *Lipsius*: manipulus (manipularis *al.*) | 13 nostros *Puteolanus*: nos ipsos | 39, 1 opposuit *Lipsius*: exposuit | 6 provisu *Lipsius* | 7 [ac] *Freinsheim* | 9 excisi aut *Faërnus*: excisia ut (an excissi aut?) | 14 vitā | 15 adsumpsisset

men integras res invenit, adversa interim legionis pugna, cui Manlius Valens praeerat, auctaque et apud hostes eius rei fama, quo venientem ducem exterrere, atque illo augente audita, ut maior laus compositi vel, si duravissent, venia iustior tribueretur. Silures id quoque damnum intulerant lateque persultabant, donec adcurso Didii pellerentur. sed post captum Caratacum praecipuus scientia rei militaris Venutius, e Brigantum civitate, ut supra memoravi, fidusque diu et Romanis armis defensus, cum Cartimandua reginam matrimonio teneret; mox orto discidio et statim bello adversus nos hostilia induerat. sed primo tantum inter ipsos certabatur, callidisque Cartimandua artibus fratrem ac propinquos Venutii interceptit. inde accensi hostes, stimulante ignominia, ne feminae imperio subderentur, valida et lecta armis iuventus regnum eius invadunt. quod nobis praevisum, et missae auxilio cohortes acre proelium fecere, cuius initio ambiguo finis laetior fuit. neque dispari eventu pugnatum a legione, cui Caesius Nasica praeerat; nam Didius, senectute gravis et multa copia honorum, per ministros agere et arcerere hostem satis habebat. haec, quamquam a duobus pro praetoribus plures per annos gesta, coniunxi, ne divisa haud perinde ad memoriam sui valerent: ad temporum ordinem redeo.

41. Ti. Claudio quintum Servio Cornelio Orfito consulis virilis toga Neroni maturata, quo capessendae rei publicae habilis videretur. et Caesar adulationibus senatus libens cessit, ut vicensimo aetatis anno consulatum Nero iniret atque interim designatus proconsulare imperium extra urbem haberet ac princeps iuventutis appellaretur. additum nomine eius donativum militi, congiarium plebei. et ludicro circensium, quod acquirendis vulgi studiis edebatur, Britannicus in

40, 4 et] est *Nipperdey* (aucta aequae *Heinsius*) | 5 illo] ipso *Ernesti* | 6 compositis *Lipsius*, compositi belli *Pluygers*, cf. *Ovid. Her. XII, 76* servatus gloria maior ero. | 10 e Brigantum *Agricola*: euigantum | 17 regiam *Nipperdey* | 18 initium ambiguum *C. Meiser* | 22 a duobus *Freinsheim*: a duobus ostrio (*i. e. Ostorio*) didioque | 24 proinde, *em. Putcol.* | 41, 1 *Ti. Vertranius*: .TI | [Orfito] *Ritter*

praetexta, Nero triumphali veste travecti sunt: spectaret populus hunc decore imperatorio, illum puerili habitu, ac perinde fortunam utriusque praesumeret. simul qui centurionum tribunorumque sortem Britannici miserabantur, remoti fictis causis et alii per speciem honoris; etiam libertorum si quis incorrupta fide, depellitur tali occasione. obvii inter se Nero Britannicum nomine, ille Domitium salutavere. quod ut discordiae initium Agrippina multo questu ad maritum defert: sperni quippe adoptionem, quaeque censuerint patres, iusserit populus, intra penates abrogari; ac nisi pravitas tam infensa docentium arceatur, eruptura in publicam perniciem. commotus his quasi criminibus optimum quemque educatorem filii exilio aut morte adficit datosque a noverca custodiae eius inponit.

42. Nondum tamen summa moliri Agrippina audebat, ni praetoriarum cohortium cura exsolverentur Lusius Geta et Rufius Crispinus, quos Messalinae memores et liberis eius devinctos credebat. igitur distrahi cohortes ambitu duorum et, si ab uno regerentur, intentiorem fore disciplinam adseverante uxore, transfertur regimen cohortium ad Burrum Afranium, egregiae militaris famae, gnarum tamen cuius sponte praeficeretur. suum quoque fastigium Agrippina extollere altius: carpento Capitolium ingredi, qui honos sacerdotibus et sacris antiquitus concessus venerationem augebat feminae, quam imperatore genitam, sororem eius, qui rerum potius sit, et coniugem et matrem fuisse, unicum ad hunc diem exemplum est. inter quae praecipuus propugnator eius Vitellius, validissima gratia, aetate extrema (adeo incertae sunt potentium res) accusatione corripitur, deferente Iunio Lupo senatore. is crimina maiestatis et cupidinem imperii obiectabat; praebuissetque aures Caesar, nisi Agrippinae

41, 9 triumphali *Gryphius*: triumphalium | ut spectaret *Ruperti*, cum sp. *Weissenborn* | 12 remotis | 20 is | 21 aut *Petersen*: ac, cf. 2, 24 morte aut fuga punivit, 6, 9 ut . . . exilio aut morte multarentur. | 42, 3 Rufius nos: rufius, cf. 13, 45. 15, 71. 16, 17. *Suet. Ner. 35* | 8 proficeretur | 9 honos *Ursinus*: mos

minis magis quam precibus mutatus esset, ut accusatori aqua atque igni interdiceret. hactenus Vitellius voluerat.

43. Multa eo anno prodigia evenere. insessum diris avibus Capitolium, crebris terrae motibus prorutae domus, ac dum latius metuitur, trepidatione vulgi invalidus quisque obruti; frugum quoque egestas et orta ex eo fames in prodigium accipiebatur. nec occulti tantum questus, sed iura reddentem Claudium circumvasere clamoribus turbidis, pulsumque in extremam fori partem vi urgebant, donec militum globo infensos perrupit. quindecim dierum alimenta urbi, non amplius superfuisse constitit, magnaue deum benignitate et modestia hiemis rebus extremis subventum. at hercule olim Italia legionibus longinquas in provincias com meatus portabat, nec nunc infecunditate laboratur, sed Africam potius et Aegyptum exercemus, navibusque et casibus vita populi Romani permissa est.

44. Eodem anno bellum inter Armenios Hiberosque exortum Parthis quoque ac Romanis gravissimorum inter se motuum causa fuit. genti Parthorum Vologeses imperitabat, materna origine ex paefice Graeca, concessu fratrum regnum adeptus; Hiberos Pharasmanes vetusta possessione, Armenios frater eius Mithridates optinebat opibus nostris. erat Pharasmani filius nomine Radamistus, decora proceritate, vi corporis insignis et patrias artes edoctus, claraque inter accolae fama. is modicum Hiberiae regnum senecta patris detineri ferocius crebriusque iactabat, quam ut cupidinem occultaret. igitur Pharasmanes iuvenem potentiae promptae et studio popularium accinctum, vergentibus iam annis suis metuens, aliam ad spem trahere et Armeniam ostentare, pulsus Parthis datam Mithridati a semet memorando: sed vim differendam et potio rem dolum, quo incautum opprimerent. ita Radamistus simulata adversus patrem discordia tamquam no-

43, 2 prorupte, *em. Lipsius* | 3 invalidissimus quisque *expectares, ut bene monuit Wölfflin, cf. 13, 18* validissimum quemque | 10 [et] *Acidalius* | subvenientum | 11 legionibus *Ernesti*: regionibus | 44, 7 farasmanis, *em. Puteol.* | 11 prompto (promptum *Lipsius*, properum *Freinsheim*)

vercae odiis impar perguit ad patrum, multaue ab eo comitate in speciem liberum cultus primores Armeniorum ad res novas illicit, ignaro et ornante insuper Mithridate.

45. Reconciliationis specie adsumpta regressusque ad patrem, quae fraude confici potuerint, prompta nuntiat, cetera armis exsequenda. interim Pharasmanes belli causas confingit: proelianti sibi adversus regem Albanorum et Romanos auxilio vocanti fratrem adversatum, eamque iniuriam excidio ipsius ultum iturum; simul magnas copias filio tradidit. ille inruptione subita territum exutumque campis Mithridaten compulit in castellum Gorneas, tutum loco ac praesidio militum, quis Caelius Pollio praefectus, centurio Casperius praeerant. nihil tam ignarum barbaris quam machinamenta et astus opugnatum: at nobis ea pars militiae maxime gnara est. ita Radamistus frustra vel cum damno temptatis munitionibus obsidium incipit; et cum vis neglegeretur, avaritiam praefecti emeratur, obtestante Casperio, ne socius rex, ne Armenia donum populi Romani scelere et pecunia verterentur. postremo quia multitudinem hostium Pollio, iussa patris Radamistus obtendebant, pactus indutias abscedit, ut, nisi Pharasmanem bello absterruisset, Ummidium Quadratum praesidem Suriae doceret, quo in statu Armenia foret.

46. Digressu centurionis velut custode exsolutus praefectus hortari Mithridaten ad sancendum foedus, coniunctionem fratrum ac priorem aetate Pharasmanem et cetera necessitudinum nomina referens, quod filiam eius in matrimonio haberet, quod ipse Radamisto socer esset: non abnuere pacem Hiberos, quamquam in tempore validiores; et satis cognitam Armeniorum perfidiam, nec aliud subsidii quam castellum com meatu egenum: ne dubia tentare armis quam in-

44, 19 ornante *Lipsius*: orante | 45, 2 quae . . prompta *Lipsius*: qua . . prompte | 7 castris *Haase* | 9 praeerant *nos*: praeerat | 11 [at . . gnara est] *Ritter* | 15 pecuniâ uterentur | 17 fort. Pharasmanem | 18 tummidium, *em. Ritter* | 19 armeniae | 46, 7 cognita, *em. Lipsius* | 8 com meatu (com meatuum *al.*, an com meatus ?) | ne dubia tentare . . mallet *Sirker*: ne dubitare . . malle (ne dubitaret armis incruentus cond. malle *Groslotius*)

cruentitas condiciones mallet. cunctante ad ea Mithridate et spectis praefecti consiliis, quod paelicem regiam polluerat inque omnem libidinem venalis habebatur, Casperius interim ad Pharasmanen pervadit, utque Hiberi obsidio decedant expostulat. ille propalam incerta et saepius molliora respondens, secretis nuntiis monet Radamistum obpugnationem quoquomodo celerare. augetur flagitii merces, et Pollio occulta corruptione inpellit milites, ut pacem flagitarent seque praesidium omissuros minitarentur. qua necessitate Mithridates diem locumque foederi accepit castelloque egreditur.

47. Ac primo Radamistus in amplexus eius effusus simulare obsequium, socerum ac parentem appellare; adicit ius iurandum, non ferro, non veneno vim adlaturum. simul in lucum propinquum trahit, provisum illic sacrificii paratum dictitans, ut dis testibus pax firmaretur. mos est regibus, quotiens in societatem coeant, implicare dexteras pollicesque inter se vincire. nodoque praestringere: mox ubi sanguis in artus se extremos suffuderit, levi ictu cruorem eliciunt atque invicem lambunt. id foedus arcanum habetur quasi mutuo cruore sacratum. sed tunc qui ea vincla admovebat, decidisse simulans genua Mithridatis invadit ipsumque prosternit; simulque concursu plurium iniciuntur catenae. ac compede, quod dedecorum barbaris, trahebatur; mox quia vulgus duro imperio habitum, probra ac verbera intentabat. et erant contra, qui tantam fortunae commutationem miserarentur; secutaque cum parvis liberis coniunx cuncta lamentatione complebat. diversis et contextis vehiculis abduntur, dum Pharasmanis iussa exquirentur. illi cupido regni fratre et filia potior animusque sceleribus paratus; visui tamen consuluit, ne coram interficeret. et Radamistus, quasi iuris iurandi

46, 17 omissuros *Freinsheim*: ammis in extremo versu | 47, 4 sacrificii paratum *Pflugk*: sacrificium imperatum (sacrificum paratum *Bezenberger coll.* 2, 69 sacrificialis apparatus) | 6 societate | 7 perstringere, *em. in ed. Frob.* | 8 se *add. Jac. Gronovius* (se effuderet *Rhenanus*, sanguis artus extr. suffuderit *Heinsius*) | 9 archanum (aeternum *Haase*) | 12 compedes, *em. Lipsius* | 13 moxque v. *al.*, at *cf. Wölfflin Philol.* 23, 138 | 14 econtra (e contrario *Baier coll. H.* 1, 88) | 20 ius iurandi

memor, non ferrum, non venenum in sororem et patrum expromit, sed proiectos in humum et veste multa gravique opertos necat. filii quoque Mithridatis, quod caedibus parentum inlacrimaverant, trucidati sunt.

48. At Quadratus cognoscens proditum Mithridaten et regnum ab interfectores optineri, vocat consilium, docet acta et an ulcisceretur consultat. paucis decus publicum curae, plures tuta disserunt: omne scelus externum cum laetitia habendum; semina etiam odiorum iacienda, ut saepe principes Romani eandem Armeniam specie largitionis turbando barbarorum animis praebuerint: poteretur Radamistus male partis, dum invisus, infamis, quando id magis ex usu, quam si cum gloria adeptus foret. in hanc sententiam itum. ne tamen adnuisse facinori viderentur et diversa Caesar iuberet, missi ad Pharasmanen nuntii, ut abscederet a finibus Armeniis filiumque abstraheret.

49. Erat Cappadociae procurator Iulius Paelignus, ignavia animi et deridiculo corporis iuxta despiciendus, sed Claudio perquam familiaris, cum privatus olim conversatione scurrarum iners otium oblectaret. is Paelignus auxiliis provincialium contractis tamquam reciperaturus Armeniam, dum socios magis quam hostes praedatur, abscessu suorum et incursantibus barbaris praesidii egens ad Radamistum venit; donisque eius evictus ultro regium insigne sumere cohortatur sumentique adest auctor et satelles. quod ubi turpi fama divulgatum, ne ceteri quoque ex Paeligno coniectarentur, Helvidius Priscus legatus cum legione mittitur, rebus turbidis pro tempore ut consuleret. igitur propere montem Taurum transgressus moderatione plura quam vi composuerat, cum rediret in Suriam iubetur, ne initium belli adversus Parthos existeret.

50. Nam Vologeses casum invadendae Armeniae obvenisse ratus, quam a maioribus suis possessam externus rex flagitio optineret, contrahit copias fratremque Tiridaten de-

48, 4 omne *Lipsius*: omnes | 49, 1 ignavi, *em. Muretus* | 3 priuatis | conversatione scurrarum *Lipsius*: conuersiones curaret | 4 [Paelignus] *Freinsheim* | 9 aucto | 14 redire *al.*

ducere in regnum parat, ne qua pars domus sine imperio
 5 ageret. incesso Parthorum sine acie pulsi Hiberi, urbesque
 Armeniorum Artaxata et Tigranocerta iugum acceperunt. deinde
 atrox hiems seu parum provisi commeatus et orta ex utro-
 que tabes perpellunt Vologesen omittere praesentia. vacuam-
 que rursus Armeniam Radamistus invasit, truculentior quam
 10 antea, tamquam adversus defectores et in tempore rebella-
 turos. atque illi, quamvis servitio sueti, patientiam abrum-
 punt armisque regiam circumveniunt.

51. Nec aliud Radamisto subsidium fuit quam pernici-
 tas equorum, quis seque et coniugem abstulit. sed coniunx
 gravis primam utcumque fugam ob metum hostilem et ma-
 riti caritatem toleravit; post festinatione continua, ubi quati
 5 uterus et viscera vibrantur, orare ut morte honesta contume-
 liis captivitatis eximeretur. ille primo amplecti adlevare ad-
 hortari, modo virtutem admirans, modo timore aeger, ne
 quis relicta poteretur. postremo violentia amoris et facino-
 rum non rudis destringit acinacem vulneratamque ripam ad
 10 Araxis trahit, flumini tradit, ut corpus etiam auferretur: ipse
 praeceps Hiberos ad patrium regnum pervadit. interim Ze-
 nobiam (id mulieri nomen) placida in eluvie spirantem ac vitae
 manifestam advertere pastores, et dignitate formae haud de-
 generem reputantes obligant vulnus, agrestia medicamina
 15 adhibent cognitoque nomine et casu in urbem Artaxata fe-
 runt; unde publica cura deducta ad Tiridaten comiterque ex-
 cepta cultu regio habita est.

52. Fausto Sulla Salvio Othone consulibus Furius Scri-
 bonianus in exilium agitur, quasi finem principis per Chal-
 daeos scrutaretur. adnectebatur crimini Vibia mater eius, ut
 casus prioris (nam relegata erat) inpatiens. pater Scribo-

50, 8 percellunt, *em. Rhenanus* | 10 quanquam | bellaturos,
em. Rhenanus | 51, 4 quatitur *Heinsius* | 11 ad Hiberos patrium
 in r. *Heinsius*, ad Hib. patrium r. *Bezenberger*, [Hiberos] ad
 p. r. *Heracius*; Hiberos ad p. r. *dictum est ut 4, 67* Capreas se
 in insulam abdidit, *H. 4, 32* adlatis Geldubam in castra nun-
 tiis, *nec verisimile est Tacitum, nisi addito ad p. regnum, dic-
 turum fuisse Hiberos pervadit* | 12 in eluvie *Madvig*: inluvie |
 52, 3 Vibia *Gryphius*: uivua

niani Camillus arma per Delmatiam moverat; idque ad cle-
 5 mentiam trahebat Caesar, quod stirpem hostilem iterum con-
 servaret. neque tamen exuli longa posthac vita fuit: morte
 fortuita an per venenum extinctus esset, ut quisque credidit,
 vulgavere. de mathematicis Italia pellendis factum senatus
 consultum atrox et inritum. laudati dehinc oratione principis,
 10 qui ob angustias familiares ordine senatorio sponte cederent,
 motique, qui remanendo inpudentiam paupertati adicerent.

53. Inter quae refert ad patres de poena feminarum, quae
 servis coniungerentur; statuiturque, ut ignaro domino ad id
 prolapsae in servitute, sin consensisset, pro libertis habe-
 rentur. Pallanti, quem repertorem eius relationis ediderat
 Caesar, praetoria insignia et centiens quinquagiens sester-
 5 tium censuit consul designatus Barea Soranus. additum a
 Scipione Cornelio grates publice agendas, quod regibus Ar-
 cadiae ortus veterrimam nobilitatem usui publico postpone-
 ret seque inter ministros principis haberi sineret. adseve-
 ravit Claudius contentum honore Pallantem intra priorem
 10 paupertatem subsistere. et fixum est aere publico senatus
 consultum, quo libertinus sestertii ter miliens possessor an-
 tiquae parsimoniae laudibus cumulabatur.

54. At non frater eius, cognomento Felix, pari modera-
 tione agebat, iam pridem Iudaeae inpositus et cuncta male-
 facta sibi inpune ratus tanta potentia subnixo. sane prae-
 buerant Iudaei speciem motus orta seditione, postquam ***
 cognita caede eius haud obtemperatum esset, manebat metus,
 5 ne quis principum eadem imperitaret. atque interim Felix
 intempestivis remediis delicta accendebat, aemulo ad deter-
 rima Ventidio Cumano, cui pars provinciae habebatur, ita
 divisus, ut huic Galilaeorum natio, Felici Samaritae parent,
 discordes olim et tum contemptu regentium minus coercitis
 10

52, 9 Italia] ita | 53, 3 prolapsa, *em. Heinsius* | 11 aere
om. in lacuna suppl. in marg. m. 2 | 54, 3 patientia | 4 lacunam
Haase ex H. 5, 9 sic supplevit: postquam [a C. Caesare iussi
 erant effigiem eius in templo locare; et quamquam] cognita c.
 | 8 Cumano *om. in lacuna suppl. in marg.* | 9 diuisae *Jo. Fr.
 Gronovius* | 10 contemptuj

odiis. igitur raptare inter se, immittere latronum globos, componere insidias et aliquando proeliis congredi, spoliaque et praedas ad procuratores referre. hique primo laetari, mox gliscente pernicie cum arma militum interiecissent, caesi
 15 milites; arsissetque bello provincia, ni Quadratus Suriae rector subvenisset. nec diu adversus Iudaeos, qui in necem militum proruperant, dubitatum quin capite poenas luerent: Cumanus et Felix cunctationem adferebant, quia Claudius causis rebellionis auditis ius statuendi etiam de procuratoribus dederat. sed Quadratus Felicem inter iudices ostenta-
 20 vit, receptum in tribunal, quo studia accusantium deterrerentur; damnatusque flagitiorum, quae duo deliquerant, Cumanus, et quies provinciae reddita.

55. Nec multo post agrestium Cilicum nationes, quibus Clitarum cognomentum, saepe et alias commotae, tunc Troxobore duce montes asperos castris cepere atque inde de-
 cursu in litora aut urbes vim cultoribus et oppidanis ac
 5 plerumque in mercatores et navicularios audebant. obsessaque civitas Anemuriensis, et missi e Suria in subsidium equites cum praefecto Curtio Severo turbantur, quod duri circum loci peditibusque ad pugnam idonei equestre proelium haud patiebantur. dein rex eius orae Antiochus blandi-
 10 mentis adversum plebem, fraude in ducem cum barbarorum copias dissociasset, Troxobore paucisque primoribus interfectis ceteros clementia composuit.

56. Sub idem tempus inter lacum Fucinum amnemque Lirim perrupto monte, quo magnificentia operis a pluribus viseretur, lacu in ipso navale proelium adornatur, ut quondam Augustus structo trans Tiberim stagno, sed levibus na-
 5 vigiis et minore copia ediderat. Claudius triremes quadriremesque et undeviginti hominum milia armavit, cincto ratibus ambitu, ne vaga effugia forent, ac tamen spatium amplexus ad vim remigii, gubernantium artes, impetus navium et proe-

54, 22 damnatosque . . . cumanos | 55, 2 Troxoboro *Haase*, ut *Med. v. 11* habet | 10 fraude | 56, 4 trans *Urlichs*: cis (uls *W. A. Bekker in Topogr. Rom. p. 657*) | 5 Claudius centum triremes *Lipsius* | 7 vacua *Heinsius*

lio solita. in ratibus praetoriarum cohortium manipuli turmaeque adstiterant, antepositis propugnaculis, ex quis cata-
 10 pultae ballistaeque tenderentur. reliqua lacus classarii tectis navibus obtinebant. ripas et colles montiumque edita in modum theatri multitudo innumera complevit, proximis e municipiis et alii urbe ex ipsa, visendi cupidine aut officio in principem. ipse insigni paludamento neque procul Agrippina
 15 chlamyde aurata praesedere. pugnatum quamquam inter sontes fortium virorum animo, ac post multum vulnerum occidioni exempti sunt.

57. Sed perfecto spectaculo apertum aquarum iter. incuria operis manifesta fuit, haud satis depressi ad lacus ima vel media. eoque, tempore interiecto, altius effossi specus, et contrahendae rursus multitudini gladiatorum spectaculum editur, inditis pontibus pedestrem ad pugnam. quin et con-
 5 vivium effluvio lacus adpositum magna formidine cunctos adfecit, quia vis aquarum prorumpens proxima trahebat, convulsis ulterioribus aut fragore et sonitu exterritis. simul Agrippina trepidatione principis usa ministrum operis Narcisum incusat cupidinis ac praedarum. nec ille reticet, inpo-
 10 tentiam muliebrem nimiasque spes eius arguens.

58. D. Iunio Q. Haterio consulibus sedecim annos natus Nero Octaviam Caesaris filiam in matrimonium accepit. utque studiis honestis et eloquentiae gloria enitesceret, causa Iliensis suscepta Romanum Troia demissum et Iuliae stirpis auctorem Aeneam aliaque haud procul fabulis vetera fa-
 5 cunde exsecutus perpetrat, ut Ilienses omni publico munere solverentur. eodem oratore Bononiensi coloniae igni haustae subventum centiens sestertii largitione. reddita Rhodiis libertas, adempta saepe aut firmata, prout bellis externis meruerant aut domi seditione deliquerant; tributum-
 10 que Apamensibus terrae motu convulsis in quinquennium remissum.

56, 12 montiumque *Heraeus*: montium (ac m. al.) | 16 praesidere, em. *Lipsius* | 57, 3 [vel media] *Acidalius* | eo quo | 8 exterriti (exterritos *Heinsius*) | 58, 1 Haterio *Lipsius*: auterio | 3 et om. | 5 vetera *Rhenanus*: vera (incl. *Haase*) | 8 redditur, em. *Nipperdey*

59. At Claudius saevissima quaeque promere adigebatur eiusdem Agrippinae artibus, quae Statilium Taurum opibus illustrem hortis eius inhians pervertit accusante Tarquutio Prisco. legatus is Tauri Africam imperio proconsulari regentis, postquam reverent, pauca repetundarum crimina, ceterum magicas superstitiones obiectabat. nec ille diutius falsum accusatorem, indignas sordes perpressus vim vitae suae attulit ante sententiam senatus. Tarquitiu tamen curia exactus est, quod patres odio delatoris contra ambitum Agrippinae pervicere.

60. Eodem anno saepius audita vox principis, parem vim rerum habendam a procuratoribus suis iudicatarum, ac si ipse statuisset. ac ne fortuito prolapsus videretur, senatus quoque consulto cautum plenius quam antea et uberius. nam divus Augustus apud equestres, qui Aegypto praesiderent, lege agi decretaque eorum perinde haberi iusserat, ac si magistratus Romani constituissent; mox alias per provincias et in urbe pleraque concessa sunt, quae olim a praetoribus noscebantur. Claudius omne ius tradidit, de quo totiens seditione aut armis certatum, cum Semproniiis rogationibus equester ordo in possessione iudiciorum locaretur, aut rursum Serviliae leges senatui iudicia redderent, Mariusque et Sulla olim de eo vel praecipue bellarent. sed tunc ordinum diversa studia, et quae evicerant publice valebant. C. Oppius et Cornelius Balbus primi Caesaris opibus potuere condiciones pacis et arbitria belli tractare. Matios posthac et Vedios et cetera equitum Romanorum praevalida nomina referre nihil attinuerit, cum Claudius libertos, quos rei familiari praefecerat, sibi et legibus adaequaverit.

61. Rettulit dein de immunitate Cois tribuenda, multaque super antiquitate eorum memoravit: Argivos vel Coeum Latonae parentem vetustissimos insulae cultores; mox ad-

59, 7 indignas sordes *Jacob*: indigna sortes | 60, 2 iudicatarum, *em. Rhenanus* | 3 prolapsa *Heinsius* | 5 equites illustres *Ad. Schmidt*, equites Rom. *Baiter* | 6 perinde] prode (proinde *al.*) | 14 evicerant *Heinsius*: uicerant | 61, 2 Argios 1 m. | Coeum *Mercerus*: cum

ventu Aesculapii artem medendi inlatam maximeque inter posteros eius celebrem fuisse, nomina singulorum referens et quibus quisque aetatibus viguissent. quin etiam dixit Xenophontem, cuius scientia ipse uteretur, eadem familia ortum, precibusque eius dandum, ut omni tributo vacui in posterum Coi sacram et tantum dei ministram insulam colerent. neque dubium habetur multa eorundem in populum Romanum merita sociasque victorias potuisse tradi: set Claudius, facilitate solita quod uni concesserat, nullis extrinsecus adiuventis velavit.

62. At Byzantii data dicendi copia, cum magnitudinem onerum apud senatum deprecarentur, cuncta repetivere. orsi a foedere, quod nobiscum iecerant, qua tempestate bellavimus adversus regem Macedonum, cui ut degeneri Pseudophilippi vocabulum inpositum, missas posthac copias in Antiochum, Persen, Aristonicum, et piratico bello adiutum Antonium memorabant, quaeque Sullae aut Lucullo aut Pompeio obtulissent, mox recentia in Caesares merita, quando ea loca insiderent, quae transmeantibus terra marique ducibus exercitibusque, simul vehendo commeatu opportuna forent.

63. Namque artissimo inter Europam Asiamque divortio Byzantium in extremo Europae posuere Graeci, quibus Pythium Apollinem consulentibus, ubi conderent urbem, redditum oraculum est, quaerent sedem caecorum terris adversam. ea ambage Chalcedonii monstrabantur, quod priores illuc advecti, praevisa locorum utilitate, peiora legissent. quippe Praevia locorum fertili solo, fecundo mari, quia vis piscium immensa, Pontum erumpens et obliquis subter undas saxis exterrita, omisso alterius litoris flexu hos ad portus defertur. unde primo quaestuosi et opulenti; post magnitudine onerum urgente finem aut modum orabant, adnitente principe, qui

61, 10 haberetur, *em. Lipsius* | 11 potuisse tradi set *Rhenanus*: potuisset tradidisset | 62, 3 iecerant, *cf. 4, 55* (fecerant *Ernesti*) | 7 memorabant quaeque *Acidalius*: memorabantq; quae | 63, 2 extremo *Theod. Opitz*: extrema (extrema Europa *Rhenanus*) | 4 caecorum *Rhenanus*: graecorum | 6 parum visa *Lipsius* | 8 immensa *Rupertii*: in meta

Thraecio Bosporanoque bello recens fessos iuvandosque retulit. ita tributa in quinquennium remissa.

64. M. Asinio M'. Acilio consulibus mutationem rerum in deterius portendi cognitum est crebris prodigiis. signa aetentoria militum igni caelesti arsere. fastigio Capitolii examen apium insedit. bifformes hominum partus et suis fetum
5 editum, cui accipitrum ungues inessent. numerabatur inter ostenta deminutus omnium magistratuum numerus, quaestore, aedili, tribuno ac praetore et consule paucos intra menses defunctis. sed in praecipuo pavore Agrippina, vocem Clau-
10 dii, quam temulentus iecerat, fatale sibi ut coniugum flagitia ferret, dein puniret, metuens, agere et celerare statuit, per-
dita prius Domitia Lepida muliebribus causis, quia Lepida minore Antonia genita, avunculo Augusto, Agrippinae sobrina prior ac Gnaei mariti eius soror, parem sibi claritudinem credebat. nec forma aetas opes multum distabant; et
15 utraque inpudica, infamis, violenta, haud minus vitiis aemulabantur, quam si qua ex fortuna prospera acceperant. enimvero certamen acerrimum, amita potius an mater apud Neronem praevaleret: nam Lepida blandimentis ac largitionibus iuvenilem animum devinciebat, truci contra ac minaci Agrippina, quae filio dare imperium, tolerare imperitantem nequibat.

65. Ceterum obiecta sunt, quod coniugem principis devotionibus petivisset quodque parum coërcitis per Calabriam servorum agminibus pacem Italiae turbaret. ob haec mors indicta, multum adversante Narcisso, qui Agrippinam magis
5 magisque suspectans prompsisse inter proximos ferebatur certam sibi perniciem, seu Britannicus rerum seu Nero poteretur; verum ita de se meritum Caesarem, ut vitam usui eius inpenderet. convictam Messalinam et Silium; pares iterum accusandi causas esse, si Nero imperitaret; Britannico suc-

64, 1 M. Asinio *Vertranius*: masilinio | M' Acilio *Ernesti*: macilio | 3 fastigium *Nipperdey* | 4 paratus | fetus editus *Lipsius*, fetum editum esse creditum *Madvig*; cf. *G. Clemm de brevilogo. Tac. p. 87* | 7 aedili (aedile *Ritter*) | 11 Domitia Lepida *Pichena*: domitiale | qua | 13 prior] propior *Vertranius*

cessore nullum principi metum: at novercae insidiis do-
10 mum omnem convelli, maiore flagitio, quam si inpudicitiam prioris coniugis reticuisset. quamquam ne inpudicitiam quidem nunc abesse Pallante adultero, ne quis ambigat decus pudorem corpus, cuncta regno viliora habere. haec atque
15 talia dictitans amplecti Britannicum, robur aetatis quam maturimum precari, modo ad deos, modo ad ipsum tendere manus, adolesceret, patris inimicos depelleret, matris etiam interfectores ulcisceretur.

66. In tanta mole curarum valetudine adversa corripitur, refovendisque viribus mollitia caeli et salubritate aquarum Sinuessam pergit. tum Agrippina, sceleris olim certa et ob-
latae occasionis propera nec ministrorum egens, de genere veneni consultavit, ne repentino et praecipiti facinus prode-
5 retur; si lentum et tabidum delegisset, ne admotus supremis Claudius et dolo intellecto ad amorem filii rediret. exquisitum aliquid placebat, quod turbaret mentem et mortem differret. deligitur artifex talium vocabulo Locusta, nuper veneficii damnata et diu inter instrumenta regni habita. eius
10 mulieris ingenio paratum virus, cuius minister e spadonibus fuit Halotus, inferre epulas et explorare gustu solitus.

67. Adeoque cuncta mox pernotuere, ut temporum illorum scriptores prodiderint infusum delectabili cibo boleto venenum, nec vim medicaminis statim intellectam, socordiane an Claudii vinolentia; simul soluta alvus subvenisse videbatur. igitur exterrita Agrippina, et quando ultima time-
5 bantur, spreta praesentium invidia provisam iam sibi Xenophontis medici conscientiam adhibet. ille tamquam nisus evomentis adiuveret, pinnam rapido veneno inlitam faucibus eius demisisse creditur, haud ignarus summa scelera incipi
10 cum periculo, peragi cum praemio.

68. Vocabatur interim senatus votaque pro incolunitate

65, 10 metum *Ferrarius*: meritum, cf. *Madvigii Adv. crit. II, 552* | at *Muretus*: ad obscurata d littera | 14 haberi *Grotius*, eam habere *Ritter* | 67, 2 boleto *Jac. Gronovius*: leto (boleto sine cibo *Wurm*) | 3 socordiane an claudii ui. an vinolentia (soc. Claudii an vinolentia *Rhenanus*) | 8 adiuuare | 68, 1 vacabatur

principis consules et sacerdotes nuncupabant, cum iam exanimis vestibibus et fomentis obtegeretur, dum quae forent firmando Neronis imperio componuntur. iam primum Agrippina, velut dolore evicta et solacia conquirens, tenere amplexu Britannicum, veram paterni oris effigiem appellare ac variis artibus demorari, ne cubiculo egrederetur. Antoniam quoque et Octaviam sorores eius attinuit, et cunctos aditus custodiis clauserat, crebroque vulgabat ire in melius valetudinem principis, quo miles bona in spe ageret tempusque prosperum ex monitis Chaldaeorum adventaret.

69. Tunc medio diei tertium ante Idus Octobris, foribus palatii repente diductis, comitante Burro Nero egreditur ad cohortem, quae more militiae excubiis adest. ibi monente praefecto faustis vocibus exceptus inditur lecticae. dubitavisse quosdam ferunt, respectantes rogitantesque ubi Britannicus esset: mox nullo in diversum auctore quae offerebantur secuti sunt. inlatusque castris Nero et congruentia temporis praefatus, promisso donativo ad exemplum paternae largitionis, imperator consalutatur. sententiam militum secuta patrum consulta, nec dubitatum est apud provincias. caelestesque honores Claudio decernuntur et funeris sollemne perinde ac divo Augusto celebratur, aemulante Agrippina proaviae Liviae magnificentiam. testamentum tamen haud recitatum, ne antepositus filio privignus iniuria et invidia animos vulgi turbaret.

68, 3 tomentis *Bezenberger* | quae *Ernesti*: re corr. in res (quae e re *Heinsius*, dum res firmando al. dum reliqua firmando *Andresen*, *Jahresb.* 1874 p. 71 n. 6) | 5 evicta *Heinsius*: uicta cf. 4, 57, 12, 25, 15, 64. *H.* 2, 64 | 69, 1 ante tertium *Bezenberger* | 4 faustis *Ernesti*: festis | 9 consalutatur *Puteolanus*: consultatur | 15 animo

CORNELII TACITI

AB EXCESSU DIVI AUGUSTI

LIBER XIII.

1. Prima novo principatu mors Iunii Silani proconsulis Asiae ignaro Nerone per dolum Agrippinae paratur, non quia ingenii violentia exitium inritaverat, segnis et dominationibus aliis fastiditus, adeo ut Gaius Caesar pecudem auream eum appellare solitus sit: verum Agrippina fratri eius L. Silano necem molita ultorem metuebat, crebra vulgi fama anteponendum esse vixdum pueritiam egresso Neroni et imperium per scelus adepto virum aetate composita, insontem, nobilem et, quod tunc spectaretur, e Caesarum posteris: quippe et Silanus divi Augusti abnepos erat. haec causa necis. ministri fuere P. Celer eques Romanus et Helius libertus, rei familiari principis in Asia impositi. ab his proconsuli venenum inter epulas datum est apertius, quam ut fallerent. nec minus properato Narcissus Claudii libertus, de cuius iurgiis adversus Agrippinam rettuli, aspera custodia et necessitate extrema ad mortem agitur, invito principe, cuius abditis adhuc vitii per avaritiam ac prodigentiam mire congruebat.

2. Ibuturque in caedes, nisi Afranius Burrus et Annaeus Seneca obviamissent. hi rectores imperatoriae iuventae et, rarum in societate potentiae, concordēs, diversa arte ex aequo pollebant, Burrus militaribus curis et severitate morum, Seneca praeceptis eloquentiae et comitate honesta,

1, 2 patrat *Freinsheim sine necessitate; nam ait Tacitus*: prima novo principatu patrata mors Silani per dolum A. paratur | 3 exitum, *em. Agricola* | 11 Celer *Lipsius*: celerius, cf. c. 33 | aelius | familiaris | 12 inpositi* (inpositus *Ritter*) | 16 adigitur al. | 2, 2 li | 3 rarum in s. potentiae *Boachorn*: parum in s. potentia et | 5 comite

iuvantes in vicem, quo facilius lubricam principis aetatem, si virtutem aspernaretur, voluptatibus concessis retinerent. certamen utrique unum erat contra ferociam Agrippinae, quae cunctis malae dominationis cupidinibus flagrans habebat in
 10 partibus Pallantem, quo auctore Claudius nuptiis incestis et adoptione exitiosa semet pervererat. sed neque Neroni infra servos ingenium, et Pallas tristi adrogantia modum liberti egressus taedium sui moverat. propalam tamen omnes in eam honores cumulabantur, signumque more militiae petenti
 15 tribuno dedit optimae matris. decreti et a senatu duo lictores, flamonium Claudiale, simul Claudio censorium funus et mox consecratio.

3. Die funeris laudationem eius princeps exorsus est, dum antiquitatem generis, consulatus ac triumphos maiorum enumerabat, intentus ipse et ceteri; liberalium quoque artium commemoratio et nihil regente eo triste rei publicae ab
 5 externis accidisse pronis animis audita: postquam ad providentiam sapientiamque flexit, nemo risui temperare, quamquam oratio a Seneca composita multum cultus praeferret, ut fuit illi viro ingenium amoenum et temporis eius auribus adcommodatum. adnotabant seniores, quibus otiosum est vetera et praesentia contendere, primum ex iis, qui rerum potiti
 10 essent, Neronem alienae facundiae eguisse. nam dictator Caesar summis oratoribus aemulus; et Augusto prompta ac profluens quaeque deceret principem eloquentia fuit. Tiberius artem quoque callebat, qua verba expenderet, tum validus
 15 sensibus aut consulto ambiguus. etiam Gai Caesaris turbata mens vim dicendi non corruptit. nec in Claudio, quotiens meditata dissereret, elegantiam requireres. Nero puerilibus statim annis vividum animum in alia detorsit: caelare, pingere, cantus aut regimen equorum exercere; et aliquando carminibus pangendis inesse sibi elementa doctrinae ostendebat.

4. Ceterum peractis tristitiae imitamentis curiam ingressus et de auctoritate patrum et consensu militum praefatus,

2, 13 suae | 15 etas senatu | 16 flaminium *al. cf. ad 4, 16* | 3, 10 his | 13 quaeque *Ernesti*: quae | 15 C. Caesari *Heinsius* | 17 dissererentur | 4, 2 consensu

consilia sibi et exempla capessendi egregie imperii memoravit, neque iuventam armis civilibus aut domesticis discordiis inbutam; nulla odia, nullas iniurias nec cupidinem ultionis
 5 adferre. tum formam futuri principatus praescripsit, ea maxime declinans, quorum recens flagrabat invidia. non enim se negotiorum omnium iudicem fore, ut clausis unam intra domum accusatoribus et reis paucorum potentia grassaretur; nihil in penatibus suis venale aut ambitioni pervium; discre-
 10 tam domum et rem publicam. teneret antiqua munia senatus, consulum tribunalibus Italia et publicae provinciae adsisterent: illi patrum aditum praeberent, se mandatis exercitibus consulturum.

5. Nec defuit fides, multaque arbitrio senatus constituta sunt: ne quis ad causam orandam mercede aut donis emeretur, ne designatis quaestoribus edendi gladiatores necessitas esset. quod quidem adversante Agrippina, tamquam acta
 5 Claudii subverterentur, obtinere patres, qui in Palatium ob id vocabantur, ut adstaret additis a tergo foribus velo discreta, quod visum arceret, auditus non adimeret. quin et legatis Armeniorum causam gentis apud Neronem orantibus escendere suggestum imperatoris et praesidere simul parabat, nisi ceteris pavore defixis Seneca admonuisset, venienti matri
 10 occurreret. ita specie pietatis obviam itum dedecori.

6. Fine anni turbidis rumoribus prorupisse rursus Parthos et rapi Armeniam adlatum est, pulso Radamisto, qui saepe regni eius potitus, dein profugus, tum quoque bellum deseruerat. igitur in urbe sermonum avida, quem ad modum
 5 princeps vix septemdecim annos egressus suscipere eam molem aut propulsare posset, quod subsidium in eo, qui a femina regeretur, num proelia quoque et obpugnationes urbium et cetera belli per magistros administrari possent, anquirebant. contra alii melius evenisse disserunt, quam si invalidus senecta et ignavia Claudius militiae ad labores vocaretur,
 10

4, 5 inbuta | 5, 3 quaestoribus *Ursinus*: quidem quaestoribus | 6 obditis *Lipsius*, abditis *al.* | 7 auditus *Lipsius*: aditus (visus . . . auditum *Heracius*, at *v. Wölfflin Philol.* 27, 114) | 6, 3 potius *1 m.* | 5 septē decē

servilibus iussis obtemperaturus. Burrum tamen et Senecam multarum rerum experientia cognitos; et imperatori quantum ad robur deesse, cum octavo decumo aetatis anno Cn. Pompeius, nono decumo Caesar Octavianus civilia bella sustinuerint? pleraque in summa fortuna auspiciis et consiliis quam telis et manibus geri. daturum plane documentum, honestis an secus amicis uteretur, si ducem amota invidia egregium quam si pecuniosum et gratia subnixum per ambitum deligeret.

7. Haec atque talia vulgantibus, Nero et iuventutem proximas per provincias quaesitam supplendis Orientis legionibus admovere legionesque ipsas propius Armeniam collocari iubet, duosque veteres reges Agrippam et Antiochum expedire copias, quis Parthorum fines ultro intrarent, simul pontes per amnem Euphratem iungi; et minorem Armeniam Aristobulo, regionem Sophenen Sohaemo cum insignibus regiis mandat. exortusque in tempore aemulus Vologesi filius Vardanes: et abscessere Armenia Parthi, tamquam differrent bellum.

8. Sed apud senatum omnia in maius celebrata sunt sententiis eorum, qui supplicationes et diebus supplicationum vestem principi triumphalem, utque ovans urbem iniret, effigiemque eius pari magnitudine ac Martis Ultoris eodem in templo censuere, praeter suetam adulationem laeti, quod Domitium Corbulonem retinendae Armeniae praeposuerat videbaturque locus virtutibus patefactus. copiae Orientis ita dividuntur, ut pars auxiliarium cum duabus legionibus apud provinciam Suriam et legatum eius Quadratum Ummidium remaneret, par civium sociorumque numerus Corbuloni esset, additis cohortibus alisque, quae in Cappadocia hiemabant. socii reges, prout bello conduceret, parere iussi: sed studia eorum in Corbulonem promptiora erant. qui ut instaret

6, 15 pluraque al. | 7, 2 regionibus | 3 admoveri *Pichena* | proius | 4 Antiochum *Lipsius*: iochum cf. c. 37 | 6 iunlu (iuncta *Wurm*) | 8 nologeso, em. *Agricola* | uardanis, em. ed. *Froben.* | 8, 3 effigiesque, em. *Nipperdey* | 10 par *Puteolanus*: pars | 11 aliis quaeque, em. *Rhenanus* | in add. *Bekker* | 12 iussit | 13 instaret add. *Haase* (famae inserviret al.)

famae, quae in novis coeptis validissima est, itinere prope confecto apud Aegeas civitatem Ciliciae obvium Quadratum habuit, illuc progressum, ne, si ad accipiendas copias Suriam intravisset Corbulo, omnium ora in se verteret, corpore ingens, verbis magnificis et super experientiam sapientiamque etiam specie inanium validus.

9. Ceterum uterque ad Vologesem regem nuntiis monebant, pacem quam bellum mallet datisque obsidibus solitam prioribus reverentiam in populum Romanum continuaret. et Vologeses, quo bellum ex commodo pararet, an ut aemulationis suspectos per nomen obsidum amoveret, tradit nobilissimos ex familia Arsacidarum. accepitque eos centurio Insteius ab Ummidio missus, forte prior ea de causa adito rege. quod postquam Corbuloni cognitum est, ire praefectum cohortis Arrium Varum et recipere obsides iubet. hinc ortum inter praefectum et centurionem iurgium ne diutius externis spectaculo esset, arbitrium rei obsidibus legatisque, qui eos ducebant, permissum. atque illi per recentem gloriam et inclinatione quadam etiam hostium Corbulonem praetulere. unde discordia inter duces, querente Ummidio praerepta quae suis consiliis patravisset, testante contra Corbulone non prius conversum regem ad offerendos obsides, quam ipse dux bello delectus spes eius ad metum mutaret. Nero quo componeret diversos, sic evulgari iussit: ob res a Quadrato et Corbulone prospere gestas laurum fascibus imperatoris addi. quae in alios consules egressa coniunxi.

10. Eodem anno Caesar effigiem Cn. Domitio patri et consularia insignia Asconio Labeoni, quo tutore usus erat, petivit a senatu; sibi que statuas argento vel auro solidas adversus offerentes prohibuit. et quamquam censuissent patres, ut principium anni inciperet mense Decembri, quo ortus erat

8, 15 aegeas, em. *Lipsius* | 18 magnificus al. | 9, 1 immo Vologesen | nuntiis missis *Ritter* | 4 commodo *Muretus*: quomodo | pararent 1 m. | 7 prior ea *Muretus*: priore | 12 ille 1 m. | per add. *Weissenborn*, ob al. | 13 inclinationē (inclinationem quandam al.) | corbulone | 18 diuersus | 20 addi *Puteolanus*: addidit (additam *Ritter*) | coniunxit, em. *Rhenanus*

Nero, veterem religionem kalendarum Ianuariarum inchoando anno retinuit. neque recepti sunt inter reos Carrinas Celer senator servo accusante, aut Iulius Densus equester, cui favor in Britannicum crimini dabatur.

11. Claudio Nerone L. Antistio consulibus cum in acta principum iurarent magistratus, in sua acta collegam Antistium iurare prohibuit, magnis patrum laudibus, ut iuvenilis animus levium quoque rerum gloria sublatus maiores continuaret. secutaque lenitas in Plautium Lateranum, quem ob adulterium Messalinae ordine demotum reddidit senatui, clementiam suam obstringens crebris orationibus, quas Seneca testificando, quam honesta praeciperet, vel iactandi ingenii voce principis vulgabat.

12. Ceterum infracta paulatim potentia matris delapso Nerone in amorem libertae, cui vocabulum Acte fuit, simul adsumptis in conscientiam M. Othone et Claudio Senecione, adolescentulis decoris, quorum Otho familia consulari, Senecio liberto Caesaris patre genitus. ignara matre, dein frustra obnitente, penitus inreperat per luxum et ambigua secreta, ne senioribus quidem principis amicis adversantibus, muliercula nulla cuiusquam iniuria cupidines principis explente, quando uxore ab Octavia, nobili quidem et probitatis spectatae, fato quodam, an quia praevalent illicita, abhorrebat, metuebaturque, ne in supra feminarum inlustrium prorumperet, si illa libidine prohiberetur.

13. Sed Agrippina libertam aemulam, nurum ancillam aliaque eundem in modum muliebriter fremere, neque poenitentiam filii aut satietatem opperiri, quantoque foediora exprorabat, acrius accendere, donec vi amoris subactus exeret obsequium in matrem seque Senecae permetteret, ex cuius familiaribus Annaeus Serenus simulatione amoris adversus eandem libertam primas adolescentis cupidines velaverat praebueratque nomen, ut quae princeps furtim mulierculae

10, 8 eques Ro. *Muretus*, at v. 12, 60 | 11, 5 Plautium *Rhenanus*: platium | 6 demotum *corr. ex* remotum (motum *Acidalius*) | 12, 2 Actae *al.* | 3 M. *add. Ritter* | 5 C. Caesaris *L. Spengel* | 10 facto | 13, 4 accenderet | 5 Senecae *Muretus*: nece

tribuebat, ille palam largiretur. tum Agrippina versis artibus per blandimenta iuvenem adgredi, suum potius cubiculum ac sinum offerre contegendis quae prima aetas et summa fortuna expeterent: quin et fatebatur intempestivam severitatem et suarum opum, quae haud procul imperatoris aberant, copias tradebat, ut nimia nuper coërcendo filio, ita rursus intemperanter demissa. quae mutatio neque Neronem fefellit, et proximi amicorum metuebant orabantque cavere insidias mulieris semper atrocis, tum et falsae. forte illis diebus Caesar inspecto ornatu, quo principum coniuges ac parentes effulserant, deligit vestem et gemmas misitque donum matri nulla parsimonia, cum praecipua et cupita aliis prior deferret. sed Agrippina non his instrui cultus suos, sed ceteris arceri proclamat et dividere filium, quae cuncta ex ipsa haberet.

14. Nec defuere qui in deterius referrent. et Nero infensus iis, quibus superbia muliebris innitebatur, demovet Pallantem cura rerum, quis a Claudio impositus velut arbitrium regni agebat; ferebaturque degrediente eo magna prosequentium multitudine non absurde dixisse, ire Pallantem, ut eiuraret. sane pepigerat Pallas, ne cuius facti in praeteritum interrogaretur paresque rationes cum re publica haberet. praiceps posthac Agrippina ruere ad terrorem et minas, neque principis auribus abstinere, quo minus testaretur adultum iam esse Britannicum, veram dignamque stirpem suscipiendo patris imperio, quod insitus et adoptivus per iniurias matris exerceret. non abnuere se, quin cuncta infelicis domus mala patefierent, suae in primis nuptiae, suum veneficium: id solum dis et sibi provisum, quod viveret privignus. ituram cum illo in castra; audiretur hinc Germanici filia, inde debilis rursus Burrus et exul Seneca, trunca scilicet manu et professoria lingua generis humani regimen expostulantes. simul intendere manus, aggerere probra, consecratum Claudium, infernos Silanorum manes invocare et tot inrita facinora.

13, 12 intempestatē | 17 atrocius | 14, 3 arbitrum *al. cf. H. 4, 21* | 8 rueret | 12 quin] qui 1 m. | 15 inde debilis *Lipsius*: indebilis (inde vilis *al.*) | 16 [rursus] *Acidalius et Muretus V. Lectt. XV, 16* | 17 expostulantis | 19 inferno

15. Turbatus his Nero et propinquo die, quo quartum decimum aetatis annum Britannicus explebat, volutare secum modo matris violentiam, modo ipsius indolem, levi quidem experimento nuper cognitam, quo tamen favorem late
 5 quaesivisset. festis Saturno diebus inter alia aequalium ludicra regnum lusu sortientium evenerat ea sors Neroni. igitur ceteris diversa nec ruborem adlatura: ubi Britannico iussit exsurgeret progressusque in medium cantum aliquem inciperet, inrisum ex eo sperans pueri sobrios quoque convictus,
 10 nedum temulentos ignorantis, ille constanter exorsus est carmen, quo evolutum eum sede patria rebusque summis significabatur. unde orta miseratio manifestior, quia dissimulationem nox et lascivia exemerat. Nero intellecta invidia odium intendit; urgentibusque Agrippinae minis, quia nullum crimen neque iubere caedem fratris palam audebat, occulta molitur pararique venenum iubet, ministro Pollione Iulio praetoriae cohortis tribuno, cuius cura attinebatur damnata veneficii nomine Locusta, multa scelerum fama. nam ut proximus quisque Britannico neque fas neque fidem pensi haberet, olim
 20 provisum erat. primum venenum ab ipsis educatoribus accepit, tramisitque exsoluta alvo parum validum, sive temperamentum inerat, ne statim saeviret. sed Nero lenti sceleris inpatiens minitari tribuno, iubere supplicium veneficae, quod, dum rumorem respiciunt, dum parant defensionem, securitatem morarentur. promittentibus dein tam praecipitem
 25 necem, quam si ferro urgueretur, cubiculum Caesaris iuxta decoquitur virus cognitis antea venenis rapidum.

16. Mos habebatur principum liberos cum ceteris idem aetatis nobilibus sedentes vesci in aspectu propinquorum propria et parcior mensa. illic epulante Britannico, quia cibos potusque eius delectus ex ministris gustu explorabat,
 5 ne omitteretur institutum aut utriusque morte proderetur sce-

15, 3 levi quidem *Freinsheim*: ut quidam | 5 ludicra *R.* regnum (*R. del. Puteolanus*) | 24 securitate, *em. idem* | 26 urgerentur | 16, 1 mox | 4 cibos . . . explorabat *Danesius*: cibos . . . explorabatur | 5 omitteret, *em. Beroaldus*

lus, talis dolus repertus est. innoxia adhuc ac praecalida et libata gustu potio traditur Britannico; dein, postquam fervore aspernabatur, frigida in aqua adfunditur venenum, quod ita cunctos eius artus pervasit, ut vox pariter et spiritus raperentur. trepidatur a circumsedentibus, diffugiunt imprudentes:
 10 at quibus altior intellectus, resistunt defixi et Neronem intuentes. ille ut erat reclinis et nescio similis, solitum ita ait per comitalem morbum, quo prima ab infantia adflicaretur Britannicus, et redituros paulatim visus sensusque. at Agrippinae is pavor, ea consternatio mentis, quamvis vultu premeretur, emicuit, ut perinde ignaram fuisse *atque* Octaviam
 15 sororem Britannici constiterit: quippe sibi supremum auxilium ereptum et parricidii exemplum intellegebat. Octavia quoque, quamvis rudibus annis, dolorem, caritatem, omnis adfectus abscondere didicerat. ita post breve silentium re-
 20 petita convivii laetitia.

17. Nox eadem necem Britannici et rogam coniunxit, proviso ante funebri paratu, qui modicus fuit. in campo tamen Martis sepultus est adeo turbidis imbribus, ut vulgus iram deum portendi crediderit adversus facinus, cui plerique
 5 tamen hominum ignoscebant, antiquas fratrum discordias et insociabile regnum aestimantes. tradunt plerique eorum temporum scriptores, crebris ante exitium diebus illum esse pueritiae Britannici Neronem, ut iam non praematura neque
 saeva mors videri queat, quamvis inter sacra mensae, ne tempore quidem ad complexum sororum dato, ante oculos inimici
 10 properata sit in illum supremum Claudiorum sanguinem, stupro prius quam veneno pollutum. festinationem exsequiarum edicto Caesar defendit, ita maioribus institutum referens, subtrahere oculis acerba funera neque laudationibus aut
 15 pompa detinere. ceterum et sibi amisso fratris auxilio reli-

16, 9 spiritus eius | 13 prima *Agricola*: primum | 14 agrippina | 16 atque *add. Faërnus*, quam *Otto ad Ann. 1, 18* | 17, 4 protendi, *em. Puteolanus* | 5 tamen *Heinsius*: etiam | 7 isse *Lipsius*: esse (illusisse *Rhenanus*) | 13 ita nos: id (id a *corr.* a maioribus *Ernesti*) *cf. 3, 69* sic a maioribus institutum | 15 ceterum exhibi

quas spes in re publica sitas, et tanto magis fovendum patribus populoque principem, qui unus superesset e familia summum ad fastigium genita.

18. Exim largitione potissimos amicorum auxit. nec defuere qui arguerent viros gravitatem adseverantes, quod domos, villas id temporis quasi praedam divisissent. alii necessitatem adhibitam credebant a principe, sceleris sibi conscio et veniam sperante, si largitionibus validissimum quemque obstrinxisset. at matris ira nulla munificentia leniri, sed amplecti Octaviam, crebra cum amicis secreta habere, super ingenitam avaritiam undique pecunias quasi in subsidium corripens, tribunos et centuriones comiter excipere, nomina et virtutes nobilium, qui etiam tum supererant, in honore habere, quasi quaereret ducem et partes. cognitum id Neroni, excubiasque militares, quae ut coniugi imperatoris olim, tum ut matri servabantur, et Germanos super eundem in honorem custodes additos degredi iubet. ac ne coetu salutantium frequentaretur, separat domum matremque transfert in eam, quae Antoniae fuerat, quotiens ipse illuc ventitaret, saeptus turba centurionum et post breve osculum digrediens.

19. Nihil rerum mortalium tam instabile ac fluxum est quam fama potentiae non sua vi nixae. statim relictum Agrippinae limen: nemo solari, nemo adire praeter paucas feminas, amore an odio incertas. ex quibus erat Iunia Silana, quam matrimonio C. Sili a Messalina depulsam supra rettuli, insignis genere forma lascivia, et Agrippinae diu percara, mox occultis inter eas offensionibus, quia Sextium Africanum nobilem iuvenem a nuptiis Silanae deterruerat Agrippina, impudicam et vergentem annis dictitans, non ut Africanum sibi seponeret, sed ne opibus et orbitate Silanae maritus poteretur. illa spe ultionis oblata parat accusatores ex clientibus suis, Iturium et Calvisium, non vetera et saepius iam

18, 4 scelere | 8 corripere *Lipsius* | 12 olim tum *idem*: solitum | 13 nuper eundem in *Bötticher*: super eundem | 14 degredi *Ernesti*: digredi | 16 proaviae (vel aviae) Antoniae *Nipperdey* | 19, 2 nixae *Lipsius*: nixa | 4 incertum *al. cf. 11, 9* | Iunia *Lipsius*: iulia | 11 spe ultionis *idem*: speculationis

audita deferens, quod Britannici mortem lugeret aut Octaviae iniurias evulgaret, sed destinavisse eam Rubellium Plautum, per maternam originem pari ac Nero gradu a divo Augusto, ad res novas extollere coniugioque eius et iam imperio rem publicam rursus invadere. haec Iturius et Calvisius Atimeto, Domitiae Neronis amitae liberto, aperiunt. qui laetus oblati (quippe inter Agrippinam et Domitiam infensa aemulatio exercebatur) Paridem histrionem, libertum et ipsum Domitiae, impulit ire propeere crimenque atrociter deferre.

20. Provecta nox erat et Neroni per vinolentiam trahebatur, cum ingreditur Paris, solitus alioquin id temporis luxus principis intendere, sed tunc compositus ad maestitiam, expositoque indicii ordine ita audientem exterret, ut non tantum matrem Plautumque interficere, sed Burrum etiam demovere praefectura destinaret, tamquam Agrippinae gratia provectum et vicem reddentem. Fabius Rusticus auctor est, scriptos esse ad Caecinam Tuscum codicillos, mandata ei praetoriarum cohortium cura, sed ope Senecae dignationem Burro retentam: Plinius et Cluvius nihil dubitatum de fide praefecti referunt; sane Fabius inclinatus ad laudes Senecae, cuius amicitia floruit. nos consensum auctorum secuturi, si qui diversa prodiderint, sub nominibus ipsorum trademus. Nero trepidus et interficiendae matris avidus non prius differri potuit, quam Burrus necem eius promitteret, si facinoris coarueretur: sed cuicumque, nedum parenti defensionem tribuendam; nec accusatores adesse, sed vocem unius ex inimica domo adferri: reputaret tenebras et vigilatam convivio noctem omniaque temeritati et inscitiae propiora.

21. Sic lenito principis metu et luce orta itur ad Agrippinam, ut nosceret obiecta dissolveretque vel poenas lueret. Burrus iis mandatis Seneca coram fungebatur; aderant et

19, 13 differens | 15 Neronem *Heinsius* | 16 et iam imperis *Jo. Fr. Gronovius*: etiam perio (et imp. *Nipperdey*) *cf. Ann. philol. 1862 p. 229* | 20, 2 lusus *Rhenanus* | 12 secuti *al.* | si qui nos: qui (quae *al.*) | 18 reputaret *Lipsius*: refutare | 21, 2 pena in penas *m. vetera corr., fort. poenam coll. 14, 10*

ex libertis arbitri sermonis. deinde a Burro, postquam crimina et auctores exposuit, minaciter actum est. Agrippina ferociae memor 'non miror' inquit 'Silanam, numquam edito partu, matrum adfectus ignotos habere; neque enim perinde a parentibus liberi quam ab impudica adulteri mutantur. nec si Iturii et Calvisii ades omnibus fortunis novissimam suscipiendae accusationis operam anui rependunt, ideo aut mihi infamia parricidii aut Caesari conscientia subeunda est. nam Domitiae inimicitii gratias agerem, si benevolentia mecum in Neronem meum certaret: nunc per concubinum Atimetum et histrionem Paridem quasi scaenae fabulas componit. Baia-
 15 rum suarum piscinas extollebat, cum meis consiliis adoptio et proconsulare ius et designatio consulatus et cetera apiscendo imperio praepararentur. aut existat qui cohortes in urbe temptatas, qui provinciarum fidem labefactatam, denique servos vel libertos ad scelus corruptos
 20 arguat. vivere ego Britannico potente rerum poteram? ac si Plautus aut quis alius rem publicam iudicaturus obtinuerit, desunt scilicet mihi accusatores, qui non verba impatientia caritatis aliquando incauta, sed ea crimina obiciant, quibus nisi a filio absolvi non possim.' commotis qui aderant ultroque spiritus eius mitigantibus, conloquium filii exposcit, ubi nihil pro innocentia, quasi diffideret, nec beneficiis, quasi exprobraret, disseruit, sed ultionem in delatores et praemia amicis obtinuit.

22. Praefectura annonae Faenio Rufo, cura ludorum, qui a Caesare parabantur, Arruntio Stellae, Aegyptus Ti. Balbillo permittuntur. Suria P. Anteio destinata, set variis mox artibus elusus, ad postremum in urbe retentus est. at Silana in
 5 exilium acta, Calvisius quoque et Iturii relegantur; de Atimeto supplicium sumptum, validiore apud libidines principis

21, 5 est nos: et (et del. *Rhenanus*) | 7 proinde, em. *Puteolanus* | 10 suscipiendā | 13 concubinam, em. *Puteolanus* | 22 deerunt *Heinsius* | impotentia *Acidalius* | 26 nec de ben. idem, at videtur de ea pro specie quadam zeugmatis supplendum esse | 22, 1 Faenio *Vertranius*: senio | 2 Ti. *Labus*: C. | 3 P. Anteio *Lipsius*: pantelo | set *Heinsius*: et

Paride, quam ut poena adficeretur. Plautus ad praesens silentio transmissus est.

23. Deferuntur dehinc consensisse Pallas ac Burrus, ut Cornelius Sulla claritudine generis et adfinitate Claudii, cui per nuptias Antoniae gener erat, ad imperium vocaretur. eius accusationis auctor extitit Paetus quidam, exercendis apud aerarium sectionibus famosus et tum vanitatis mani-
 5 festus. nec tam grata Pallantis innocentia quam gravis superbia fuit: quippe nominatis libertis eius, quos conscios haberet, respondit nihil umquam se domi nisi nutu aut manu significasse, vel si plura demonstranda essent, scripto usum, ne vocem consociaret. Burrus quamvis reus inter iudices
 10 sententiam dixit. exiliumque accusatori inrogatum et tabulae exustae sunt, quibus oblitterata aerarii nomina retrahebat.

24. Fine anni statio cohortis adsidere ludis solita demovetur, quo maior species libertatis esset, utque miles theatri licentiae non permixtus incorruptior ageret et plebes daret experimentum, an amotis custodibus modestiam retineret. urbem princeps lustravit ex responso haruspicum, quod
 5 Iovis ac Minervae aedes de caelo tactae erant.

25. Q. Volusio P. Scipione consulibus otium foris, foeda domi lascivia, qua Nero itinera urbis et lupanaria et deverticula veste servili in dissimulationem sui compositus pererrabat, comitantibus qui raperent venditioni exposita et obviis vulnera inferrent, adversus ignaros adeo, ut ipse quoque ex-
 5 ciperet ictus et ore praeferebat. deinde ubi Caesarem esse, qui grassaretur, pernotuit augebanturque iniuriae adversus viros feminasque insignes, et quidam permessa semel licentia sub nomine Neronis inulti propriis cum globis eadem exercebant, in modum captivitatis nox agebatur; Iuliusque
 10 Montanus senatorii ordinis, sed qui nondum honorem capessisset, congressus forte per tenebras cum principe, quia

23, 2 cui *Rhenanus*: qui | 11 auxiliumque | 12 nomina *Jo. Fr. Gronovius*: monumenta | retrahebant | 24, 1 finē annis | 5 ex] et | 25, 4 venditionē (ad vendit. al.) | 10 in *Jac. Gronovius*: .T. | Iuliusquē, em. *Orelli* | 12 congressi

vi attemptantem acriter reppulerat, deinde adgnitum oraverat, quasi exprobrasset, mori adactus est. Nero tamen metuentior in posterum milites sibi et plerosque gladiatores circumdedit, qui rixarum initia modica et quasi privata sine-
 15 rent: si a laesis validius ageretur, arma inferebant. ludicram quoque licentiam et fautores histrionum velut in proelia convertit impunitate et praemiis atque ipse occultus et ple-
 20 rumque coram prospectans, donec discordi populo et gravioris motus terrore non aliud remedium repertum est, quam ut histriones Italia pellerentur milesque theatro rursus ad-
 sideret.

26. Per idem tempus actum in senatu de fraudibus libertorum, efflagitatumque ut adversus male meritos revocandae libertatis ius patronis daretur. nec deerant qui censerent, sed consules relationem incipere non ausi ignaro principe,
 5 perscribere tamen ei consensum senatus. ille an auctor constitutionis fieret, consultavit inter paucos et sententiae diversos, quibusdam coalitam libertate irreverentiam eo prorupisse frementibus, ut vine an aequo cum patronis iure age-
 rent, † sententiam eorum consultarent ac verberibus manus
 10 ultro intenderent, impudenter vel poenam suam ipsi suadentes. quid enim aliud laeso patrono concessum, quam ut centesimum ultra lapidem in oram Campaniae libertum releget? ceteras actiones promiscas et pares esse: tribuendum aliquod telum, quod sperni nequeat. nec grave manu missis per
 15 idem obsequium retinendi libertatem, per quod adsecuti sint: at criminum manifestos merito ad servitutem retrahi, ut metu coërceantur, quos beneficia non mutavissent.

27. Disserebatur contra: paucorum culpam ipsis exitio-

25, 13 vi attemptantem *Agricola*: uia temptantem (vim temptantem *Puteolanus*) | adagnitum | 14 tamen *Petersen*: tū (autem *al.* iam *nos quondam*) | metu cautior *Heinsius* | 26, 5 ei *Pichena*: I (*om. al.*) | 6 consultavit *nos*: ut | 7 diversos *Lipsius*: adversos (paucos ei sent. adversos *Freinsheim*) | 8 ut *om.* | 10 impudenter *C. L. Roth*: impulere (impune *Muretus*) | ipsi suadentes *Madvig*: dissuadentes (derisui habentes *Heinisch*) | 11 ut centesimum *Lipsius*: uicesimum | 13 promissas, *em. Puteolanus* | 14 grave onus *m. Madvig* | 16 detrahi | 17 b. commutavissent *al.*

sam esse debere, nihil universorum iuri derogandum; quippe late fusum id corpus. hinc plerumque tribus, decurias, ministeria magistratibus et sacerdotibus, cohortes etiam in urbe conscriptas; et plurimis equitum, plerisque senatoribus non
 5 aliunde originem trahi: si separarentur libertini, manifestam fore penuriam ingenuorum. non frustra maiores, cum dignitatem ordinum dividerent, libertatem in communi posuisse. quin et manu mittendi duas species institutas, ut relinqueretur paenitentiae aut novo beneficio locus. quos vindicta
 10 patronus non liberaverit, velut vinclo servitutis attineri. dispiceret quisque merita tardeque concederet, quod datum non adimeretur. haec sententia valuit, scripsitque Caesar senatui, privatim expenderent causam libertorum, quotiens a patronis arguerentur: in commune nihil derogarent. nec
 15 multo post ereptus amitae libertus Paris quasi iure civili, non sine infamia principis, cuius iussu perpetratum ingenuitatis iudicium erat.

28. Manebat nihilo minus quaedam imago rei publicae. nam inter Vibullium praetorem et plebei tribunum Antistium ortum certamen, quod inmodestos fautores histrionum et a praetore in vincla ductos tribunus omitti iussisset. conprobare patres, incusata Antistii licentia. simul prohibiti tri-
 5 buni ius praetorum et consulum praeripere aut vocare ex Italia, cum quibus lege agi posset. addidit L. Piso designatus consul, ne quid intra domum pro potestate adverterent, neve multam ab iis dictam quaestores aerarii in publicas tabulas ante quattuor menses referrent; medio temporis contra di-
 10 cere liceret, deque eo consules statuerent. cohibita artius et aedilium potestas statutumque, quantum curules, quantum plebei pignoris caperent vel poenae inrogarent. et Helvidius Priscus tribunus plebei adversus Obultronium Sabinum aerarii quaestorem contentiones proprias exercuit, tamquam
 15 ius hastae adversus inopes inclementer augetet. dein princeps curam tabularum publicarum a quaestoribus ad praefectos transtulit.

27, 13 scriptaque | 14 causa | 15 derogent, *em. Muretus* | 28, 9 his | 13 et *Jo. Fr. Gronovius*: eo | 16 ageret *Ricklefs*

29. Varie habita ac saepe mutata eius rei forma. nam Augustus senatui permisit deligere praefectos; deinde ambitu suffragiorum suspecto, sorte ducebantur ex numero praetorum qui praessent. neque id diu mansit, quia sors deerabat ad parum idoneos. tunc Claudius quaestores rursus imposuit, iisque, ne metu offensionum segnius consularent, extra ordinem honores promisit: sed deerat robur aetatis eum primum magistratum capessentibus. igitur Nero praetura perfunctos et experientia probatos delegit.

30. Damnatus isdem consulibus Vipsanius Laenas ob Sardiniam provinciam avare habitam. absolutus Cestius Proculus repetundarum, Cretensibus accusantibus. Clodius Quirinalis, quod praefectus remigum, qui Ravennae haberentur, velut infimam nationum Italiam luxuria saevitiaque afflictavisset, veneno damnationem anteit. Caninius Rebilus, ex primoribus peritia legum et pecuniae magnitudine, cruciatus aegrae senectae emissio per venas sanguine effugit, haud creditus sufficere ad constantiam sumendae mortis, ob libidines muliebriter infamis. at L. Volusius egregia fama concessit, cui tres et nonaginta anni spatium vivendi praecipuaeque opes bonis artibus inoffensa tot imperatorum malitia fuerunt.

31. Nerone iterum L. Pisone consulibus pauca memoria digna evenere, nisi cui libeat laudandis fundamentis et trabibus, quis molem amphitheatri apud campum Martis Caesar extruxerat, volumina implere, cum ex dignitate populi Romani repertum sit res inlustres annalibus, talia diurnis urbis actis mandare. ceterum coloniae Capua atque Nuceria additis veteranis firmatae sunt, plebei que congiarium quadringeni nummi viritim dati, et sestertium quadringentiens aerario inlatum est ad retinendam populi fidem. vectigal quoque quin-

29, 1 imitata | 5 tum *Nipperdey* | 8 praetura *Vertranius*: praefectura | 30, 2 Cestius *Rhenanus*: cestus (Caesius *Ritter*) | 3 Cretensibus *Nipperdey*: credentibus | 4 habentur *Ritter* | 6 damnatione *1 m.* | Caninius Rebilus *Lipsius*: G. Amini rebius | 8 emissio *Heinsius*: misso | 12 amicitia *Lipsius* | fuerunt nos: fuit *ex assimilatione cum malitia perperam pro nominativo accepto* | 31, 6 actissimā dare ceterae | 7 quadringeni, *em. Lipsius*

tae et vicensimae venalium mancipiorum remissum, specie magis quam vi, quia cum venditor pendere iuberetur, in partem pretii emptoribus adrescebat. edixit Caesar, ne quis magistratus aut procurator in provincia, quam obtineret, spectaculum gladiatorum aut ferarum aut quod aliud ludicrum ederet. nam ante non minus tali largitione quam corripiendis pecuniis subiectos adfligebant, dum, quae libidine deliquerant, ambitu propugnabant.

32. Factum et senatus consultum ultioni iuxta et securitati, ut si quis a suis servis interfectus esset, ii quoque, qui testamento manu missi sub eodem tecto mansissent, interservos supplicia penderent. redditur ordini Lurii Varus consularis, avaritiae criminibus olim percussus. et Pomponia Graecina insignis femina, A. Plautio, quem ovasse de Britannis rettuli, nupta ac superstitionis externae rea, mariti iudicio permessa. isque prisco instituto propinquis coram de capite fama que coniugis cognovit et insontem pronuntiavit. longa huic Pomponiae aetas et continua tristitia fuit. nam post Iuliam Drusi filiam dolo Messalinae interfectam per quadraginta annos non cultu nisi lugubri, non animo nisi maesto egit; idque illi imperitante Claudio inpune, mox ad gloriam vertit.

33. Idem annus plures reos habuit, quorum P. Celerem accusante Asia, quia absolvere nequibat Caesar, traxit, senecta donec mortem obiret; nam Celer interfecto, ut memoravi, Silano pro consule magnitudine sceleris cetera flagitia obtegebat. Cossutianum Capitonem Cilices detulerant maculosum foedumque et idem ius audaciae in provincia ratum, quod in urbe exercuerat; sed pervicaci accusatione conflictatus postremo defensionem omisit ac lege repetundarum damnatus est. pro Eprio Marcello, a quo Lycii res repetebant,

31, 13 quam *add. Madvig* (qui provinciam obt. *Rhenanus*) | 16 dumque, *em. Puteolanus* | 32, 1 securitatis | 4 Varus *Nipperdey*: uarius | 6 A. *add. Nipperdey* | platio, *em. Lipsius* | quem ovasse de B. rettuli *Acidalius*: qui ovans se de britanniis rettulit | 9 pronuntiavit *Murctus*: nuntiavit | huic] hinc *Neue* | 33, 2 traxit sententiam (traxit rem, senecta *Sirker*) donec *Faërnus* | 9 licires repetebat

10 eo usque ambitus praevaluit, ut quidam accusatorum eius exilio multarentur, tamquam insonti periculum fecissent.

34. Nerone tertium consule simul iniiit consulatum Valerius Messalla, cuius proavum, oratorem Corvinum, divo Augusto, abavo Neronis, collegam in eo magistratu fuisse pauci iam senum meminerant. sed nobili familiae honor auctus est oblati in singulos annos quingenis sestertiis, quibus Messalla paupertatem innoxiam sustentaret. Aurelio quoque Cottae et Haterio Antonino annuam pecuniam statuit princeps, quamvis per luxum avitas opes dissipassent.

Eius anni principio mollibus adhuc initiis prolatatum inter Parthos Romanosque de obtinenda Armenia bellum acriter resumitur, quia nec Vologeses sinebat fratrem Tiridaten dati a se regni expertem esse aut alienae id potentiae donum habere, et Corbulo dignum magnitudine populi Romani rebatur parta olim a Lucullo Pompeioque recipere. ad hoc Armenii ambigua fide utraque arma invitabant, situ terrarum, similitudine morum Parthis propiores conubiisque permixti ac libertate ignota illuc magis ut ad servitium incli-

35. Sed Corbuloni plus molis adversus ignaviam militum quam contra perfidiam hostium erat: quippe Suria transmotae legiones, pace longa segnes, munia castrorum aegerrime tolerabant. satis constitit fuisse in eo exercitu veteranos, qui non stationem, non vigiliam inissent, vallum fossamque quasi nova et mira viserent, sine galeis, sine loriceis, nitidi et quaestuosi, militia per oppida expleta. igitur dimissis, quibus senectus aut valetudo adversa erat, supplementum petivit. et habiti per Galatiam Cappadociamque dilectus, adiectaque ex Germania legio cum equitibus alariis et peditatu cohortium. retentusque omnis exercitus sub pellibus, quamvis hieme saeva adeo, ut obducta glacie nisi effossa humus

34, 1 iniiit | 3 collega | 7 atherio, em. Lipsius | 8 habitas, em. idem | 11 resumitur Heinsius: sumitur | 17 ut addidi (illud magis ad s. Lipsius) | 35, 3 castrorum Bötticher: romanorum (armorum Freinsheim, Romano more Heinsius, castrorum Rom. Nipperdey) | 8 sectus 1 m. | 9 galitiam cappodociamque

tentoriis locum non praeberet. ambusti multorum artus vi frigoris et quidam inter excubias exanimati sunt. adnotatusque miles, qui fascem lignorum gestabat, ita praeriguisse manus, ut oneri adhaerentes truncis brachiis deciderent. ipse cultu levi, capite intecto, in agmine, in laboribus frequens adesse, laudem strenuis, solacium invalidis, exemplum omnibus ostendere. dehinc quia duritiam caeli militiaeque multi abnuebant deserebantque, remedium severitate quaesitum est. nec enim, ut in aliis exercitibus, primum alterumque delictum venia prosequeretur, sed qui signa reliquerat, statim capite poenas luebat. idque usu salubre et misericordia melius apparuit: quippe pauciores illa castra deseruere quam ea, in quibus ignoscebatur.

36. Interim Corbulo legionibus intra castra habitis, donec ver adolesceret, dispositisque per idoneos locos cohortibus auxiliariis, ne pugnam priores auderent praedicit: curam praesidiorum Paccio Orfito primi pili honore perfuncto mandat. is quamquam incautos barbaros et bene gerendae rei casum offerri scripserat, tenere se munimentis et maiores copias offerri iubetur. sed rupto imperio, postquam paucae e proximis castellis turmae advenerant pugnamque imperitia poscebant, congressus cum hoste funditur. et damno eius exterriti qui subsidium ferre debuerant, sua quisque in castra trepida fuga rediere. quod graviter Corbulo accepit increpitumque Paccium et praefectos militesque tendere extra vallum iussit; inque ea contumelia detenti nec nisi precibus universi exercitus exsoluti sunt.

37. At Tiridates super proprias clientelas ope Vologesi fratris adiutus, non furtim iam, sed palam bello infensare Armeniam, quosque fidos nobis rebatur, depopulari, et si copiae contra ducerentur, eludere hucque et illuc volitans plura fama quam pugna exterrere. igitur Corbulo quaesito diu proelio frustra habitus et exemplo hostium circumferre

35, 15 fasce | 17 eui | 19 duritia | 36, 3 audirent | edicit al. | 4 pactio et 12 pacium, em. Jo. Fr. Gronovius | 7 pauca 1 m. | 37, 1 Vologaesius Nipperdey | 4 copia econtra duceretur | hucque Lipsius: huc quoque

bellum coactus, dispertit vires, ut legati praefectique diversos locos pariter invaderent; simul regem Antiochum monet proximas sibi praefecturas petere. nam Pharasmanes interfecto filio Radamisto quasi proditore, quo fidem in nos testaretur, vetus adversus Armenios odium promptius exercebat. tuncque primum inlecti Moschi, gens ante alias sociis Romanis, avia Armeniae incuravit. ita consilia Tiridati in contrarium vertebant, mittebatque oratores, qui suo Parthorumque nomine exostularent, cur datis nuper obsidibus redintegrataque amicitia, quae novis quoque beneficiis locum aperiret, veteri Armeniae possessione depelleretur. ideo nondum ipsum Vologesen commotum, quia causa quam vi agere mallent: sin perstaretur in bello, non defore Arsacidis virtutem fortunamque saepius iam clade Romana expertam. ad ea Corbulo, satis comperto Vologesen defectione Hyrcaniae attineri, suadet Tiridati precibus Caesarem adgredi: posse illi regnum stabile et res incruentas contingere, si omissa spe longinqua et sera praesentem potioreque sequeretur.

38. Placitum dehinc, quia commeantibus in vicem nuntiis nihil in summam pacis proficiebatur, conloquio ipsorum tempus locumque destinari. mille equitum praesidium Tiridates adfore sibi dicebat: quantum Corbuloni cuiusque generis militum adsisteret, non statuere, dum positis loriceis et galeis in faciem pacis veniretur. cuicumque mortalium, nedum veteri et provido duci, barbarae astutiae patuissent: ideo artum inde numerum finire et hinc maiorem offerri, ut dolus pararetur; nam equiti sagittarum usu exercito si detecta corpora obicerentur, nihil profuturam multitudinem. dissimulato tamen intellectu rectius de iis, quae in publicum consularentur, totis exercitibus coram dissertaturos respondit. locumque delegit, cuius pars altera colles erant clementer adsurgentes accipiendis peditum ordinibus, pars in planitiem porrigebatur ad explicandas equitum turmas. dieque pacto prior Corbulo socias cohortes et auxilia regum pro cornibus,

37, 12 tumque malebat Haupt in Hermae V, 28 | Moschi Ritter: Insochi | 13 incuravere idem | 16 nobis | 18 uologese | 38, 2 summam Faërnus: summa | 8 afferri, em. Agricola

medio sextam legionem constituit, cui accita per noctem aliis ex castris tria milia tertianorum permiscuerat, una cum aquila, quasi eadem legio spectaretur. Tiridates vergente iam die procul adstitit, unde videri magis quam audiri posset. ita sine congressu dux Romanus abscedere militem sua quemque in castra iubet.

39. Rex sive fraudem suspectans, quia plura simul in loca ibatur, sive ut commeatus nostros Pontico mari et Trapezunte oppido adventantes interciperet, prope discedit. sed neque commeatibus vim facere potuit, quia per montes ducebantur praesidiis nostris insessos, et Corbulo, ne irritum bellum traheretur utque Armenios ad sua defendenda cogeret, excindere parat castella, sibi quod validissimum in ea praefectura, cognomento Volandum, sumit; minora Cornelio Flacco legato et Insteio Capitoni castrorum praefecto mandat. tum circumspicit munimentis et quae expugnationi idonea provisus, hortatur milites, ut hostem vagum neque paci aut proelio paratum, sed perfidiam et ignaviam fuga confitentem exuerent sedibus gloriaeque pariter et praedae consulerent. tum quadripertito exercitu hos in testudinem conglobatos subruendo vallo inducit, alios scalas moenibus admovere, multos tormentis faces et hastas incutere iubet. libritoribus funditoribusque attributus locus, unde eminus glandes torquerent, ne qua pars subsidium laborantibus ferret pari undique metu. tantus inde ardor certantis exercitus fuit, ut intra tertiam diei partem nudati propugnatoribus muri, obices portarum subversi, capta escensu munimenta omnesque puberes trucidati sint, nullo milite amisso, paucis admodum vulneratis. et inbelle vulgus sub corona venundatum, reliqua praeda victoribus cessit. pari fortuna legatus ac praefectus usi sunt, tribusque una die castellis expugnatis cetera terrore et alia sponte incolarum in deditioem veniebant. unde orta fiducia caput gentis Artaxata adgrediendi. nec tamen proximo itinere ductae legiones, quae

39, 19 metu Lipsius: motu, cf. Wurm in Philol. 25, 101 | 20 nudatis | 27 capti 1 m. capitis corr.

si amnem Araxen, qui moenia adluit, ponte transgrederentur,
30 sub ictum dabantur: procul et latioribus vadis transiere.

40. At Tiridates pudore et metu, ne, si concessisset ob-
sidioni, nihil opis in ipso videretur, si prohiberet, inpeditis
locis seque et equestres copias inligaret, statuit postremo
ostendere aciem et dato die proelium incipere vel simula-
5 tione fugae locum fraudi parare. igitur repente agmen Ro-
manum circumfundit, non ignaro duce nostro, qui viae pa-
riter et pugnae composuerat exercitum. latere dextro tertia
legio, sinistro sexta incedebat, mediis decumanorum delectis;
recepta inter ordines impedimenta, et tergum mille equites
10 tuebantur, quibus iusserat, ut instantibus comminus resiste-
rent, refugos non sequerentur. in cornibus pedes sagittarius
et cetera manus equitum ibat, productiore [cornu] sinistro per
ima collium, ut, si hostis intravisset, fronte simul et sinu
exciperetur. adsultare ex diverso Tiridates, non usque ad
15 ictum teli, sed tum minitans, tum specie trepidantis, si laxare
ordines et diversos consecrari posset. ubi nihil temeritate
solutum, nec amplius quam decurio equitum audentius pro-
gressus et sagittis confixus ceteros ad obsequium exemplo
firmaverat, propinquis iam tenebris abscessit.

41. Et Corbulo castra in loco metatus, an expeditis le-
gionibus nocte Artaxata pergeret obsidioque circumdaret
agitavit, concessisse illuc Tiridaten ratus. dein postquam ex-
ploratores attulere longinquum regis iter et Medi an Albani
5 peterentur incertum, lucem opperitur, praemissaque levis arma-
tura, quae muros interim ambiret oppugnationemque eminus
inciperet. sed oppidani portis sponte patefactis se suaque
Romanis permisere, quod salutem ipsis tulit: Artaxatis
ignis inmissus delectaque et solo aequata sunt, quia nec teneri
10 poterant sine valido praesidio ob magnitudinem moenium, nec
id nobis virium erat, quod firmando praesidio et capes-
sendo bello divideretur, vel si integra et incustodita relin-

39, 29 araxē | 40, 1 fort. obsidio | 12 cornu sinistro *Agri-
cola*: cornus in sinistro; cornu nos *inclusimus* | 14 ad ictum
Baiter: addictum 1 m. ad iactum *corr.* | 16 diverso 1 m. | 41,
5 leui (praemissa levi *Heinsius*) | 10 poterant *addidi*

querentur, nulla in eo utilitas aut gloria, quod capta essent.
adicitur miraculum velut numine oblatum: nam cuncta Artax-
atis tenus sole industria fuere; quod moenibus cingebatur, 15
repente ita atra nube coopertum fulguribusque discretum
est, ut quasi infensantibus deis exitio tradi crederetur. ob
haec consalutatus imperator Nero, et senatus consulto sup-
plicationes habitae, statuetaeque et arcus et continui consula-
tus principi, utque inter festos referretur dies, quo patrata 20
victoria, quo nuntiata, quo relatum de ea esset, aliaque in
eandem formam decernuntur, adeo modum egressa, ut C.
Cassius de ceteris honoribus adsensus, si pro benignitate
fortuna dis grates agerentur, ne totum quidem annum suppli-
cationibus sufficere disseruerit, eoque oportere dividi sacros 25
et negotiosos dies, quis divina colerent et humana non im-
pedirent.

42. Variis deinde casibus iactatus et multorum odia
meritus reus, haud tamen sine invidia Senecae damnatur.
is fuit P. Suillius, imperitante Claudio terribilis ac venalis
et mutatione temporum non quantum inimici cuperent de-
missus quique se nocentem videri quam supplicem mallet. 5
eius opprimendi gratia repetitum credebatur senatus consul-
tum poenaque Cinciae legis adversum eos, qui pretio causas
oravissent. nec Suillius questu aut exprobratione abstinebat,
praeter ferociam animi extrema senecta liber et Senecam
increpans infensum amicis Claudii, sub quo iustissimum exi- 10
lium pertulisset. simul studiis inertibus et iuvenum inperitiae
suetum vivere iis, qui vividam et incorruptam eloquentiam
tuendis civibus exercerent. se quaestorem Germanici, illum
domus eius adulterum fuisse. an gravius aestimandum sponte
litigatoris praemium honestae operae adsequi quam corrup- 15

41, 14 Artaxatis tenus *Acidalius*: extra tectis actenus (extra
tectis tenus *Lipsius*, extra tectis ac portis tenus *Weissenborn*,
extra [tectis actenus] *Ritter*) | 16 repente *habet cod. ante moe-
nibus, edd. ante atra* | fulgoribusque, *em. Puteol. cf. tamen
Lachm. ad Lucr. VI, 170* | 18 consalutatus *Rhenanus*: conso-
latus | 42, 14 extimandum, *cf. Caes. b. g. 7, 14* multo illa
gravius aestimare

pere cubicula principum feminarum? qua sapientia, quibus philosophorum praeceptis intra quadriennium regiae amicitiae ter miliens sestertium paravisset? Romae testamenta et orbos velut indagine eius capi, Italiam et provincias immenso
 20 faenore hauriri: at sibi labore quaesitam et modicam pecuniam esse. crimen, periculum, omnia potius toleraturum, quam veterem ac domi partam dignationem subitae felicitati submitteret.

43. Nec deerant qui haec isdem verbis aut versa in deterius Senecae deferrent. repertique accusatores directos socios, cum Suillius provinciam Asiam regeret, ac publicae pecuniae peculatum detulerunt. mox, quia inquisitionem annuam impetraverant, brevius visum urbana crimina incipi, quorum obvii testes erant. ii acerbitate accusationis Q. Pomponium ad necessitatem belli civilis detrusum, Iuliam Drusi filiam Sabinamque Poppaeam ad mortem actas et Valerium Asiaticum, Lusium Saturninum, Cornelium Lupum circumventos, iam equitum Romanorum agmina damnata omnemque Claudii saevitiam Suillio obiectabant. ille nihil ex his sponte susceptum, sed principi paruisse defendebat, donec eam orationem Caesar cohibuit, compertum sibi referens ex commentariis patris sui nullam cuiusquam accusationem ab
 15 eo coactam. tum iussa Messalinae praetendi et labare defensio: cur enim neminem alium delectum, qui saevienti impudicae vocem praeberet? puniendos rerum atrocium ministros, ubi pretia scelerum adepti scelera ipsa aliis delegent. igitur adempta bonorum parte (nam filio et nepti pars concedebatur eximebanturque etiam quae testamento matris aut aviae
 20 acceperant) in insulas Baleares pellitur, non in ipso discrimine, non post damnationem fractus animo; ferebaturque copiosa et molli vita secretum illud toleravisse. filium eius Nerullinum adgressis accusatoribus per invidiam patris et
 25 crimina repetundarum, intercessit princeps tamquam satis expleta ultione.

42, 22 ac domi *Jac. Gronovius*: ac dō (agendo *Döderlein*) | 23 submittere, *em. Lipsius* | 43, 5 visum *Ernesti*: uisum sub | 15 protendi | 20 aviae *Freinsheim*: auia (ab avia *Sirker*) | 21 insulā

44. Per idem tempus Octavius Sagitta plebei tribunus, Pontiae mulieris nuptae amore vaecors, ingentibus donis adulterium et mox, ut omitteret maritum, emercatur, suum matrimonium promittens ac nuptias eius pactus. sed ubi mulier vacua fuit, nectere moras, adversam patris voluntatem
 5 causari repertaque spe ditioris coniugis promissa exuere. Octavius contra modo conqueri, modo minitari, famam perditam, pecuniam exhaustam obtestans, denique salutem, quae sola reliqua esset, arbitrio eius permittens. ac postquam spernebatur, noctem unam ad solacium poscit, qua
 10 delenitus modum in posterum adhiberet. statuitur nox, et Pontia consciae ancillae custodiam cubiculi mandat. ille uno cum liberto ferrum veste occultum infert. tum, ut adsolet in amore et ira, iurgia preces, exprobratio satisfactio et pars
 15 tenebrarum libidini seposita; ex qua quasi incensus nihil metuentem ferro transverberat et accurrentem ancillam vulnere absterret cubiculoque prorumpit. postera die manifesta caedes, haud ambiguus percussor; quippe mansitasse una convincebatur, sed libertus suum illud facinus profiteri, se patroni iniurias ultum isse. commoveratque quosdam magni-
 20 tudine exempli, donec ancilla ex vulnere resecta verum aperuit. postulatusque apud consules a patre interfectae, postquam tribunatu abierat, sententia patrum et lege de sicariis condemnatur.

45. Non minus insignis eo anno inpudicitia magnorum rei publicae malorum initium fecit. erat in civitate Sabina Poppaea, T. Ollio patre genita, sed nomen avi materni sumpserat, illustri memoria Poppaei Sabini, consulari et triumphali decore praeferentis; nam Ollium honoribus nondum functum
 5 amicitia Seiani pervertit. huic mulieri cuncta alia fuere praeter honestum animum. quippe mater eius, aetatis suae feminas pulchritudine supergressa, gloriam pariter et formam dederat; opes claritudini generis sufficiebant. sermo comis

44, 11 in postremum | 15 libidine, *em. Rhenanus* | ex qua quasi incensus nos: et quastim census (ex qua incensus *Bekker*, et quasi inc. *Jac. Gronovius*) | 20 isse *Wölfflin*: esse | 45, 4 consularis et triumphalis, *em. Puteolanus*

10 nec absurdum ingenium: modestiam praeferre et lascivia uti-
 rarus in publicum egressus, idque velata parte oris, ne sa-
 tiaret aspectum, vel quia sic decebat. famae numquam pe-
 percit, maritos et adulteros non distinguens; neque adfectui
 15 suo aut alieno obnoxia, unde utilitas ostenderetur, illuc libi-
 dinem transferebat. igitur agentem eam in matrimonio Rufri
 Crispini equitis Romani, ex quo filium genuerat, Otho pel-
 lexit iuventa ac luxu et quia flagrantissimus in amicitia Ne-
 rononis habebatur: nec mora quin adulterio matrimonium iun-
 geretur.

46. Otho sive amore incautus laudare formam elegan-
 tiamque uxoris apud principem, sive ut accenderet ac, si
 eadem femina poterentur, id quoque vinculum potentiam ei
 adiceret. saepe auditus est consurgens e convivio Caesaris,
 5 se quidem ire ad illam, sibi concessam dictitans nobilitatem,
 pulchritudinem, vota omnium et gaudia felicium. his atque
 talibus inritamentis non longa cunctatio interponitur. sed
 accepto aditu Poppaea primum per blandimenta et artes va-
 lescere, imparem cupidini se et forma Neronis captam si-
 10 mulans; mox acri iam principis amore ad superbiam vertens,
 si ultra unam alteramque noctem attineretur, nuptam esse se
 dictitans, nec posse matrimonium amittere, devinctam Othoni
 per genus vitae, quod nemo adaequaret: illum animo et cultu
 magnificum; ibi se summa fortuna digna visere: at Neronem,
 15 paelice ancilla et adsuetudine Actes devinctum, nihil e con-
 tubernio servili nisi abiectum et sordidum traxisse. deicitur
 familiaritate sueta, post congressu et comitatu Otho, et ad
 postremum, ne in urbe aemulatus ageret, provinciae Lusita-
 niae praeficitur; ubi usque ad civilia arma non ex priore in-
 20 famia, sed integre sancteque egit, procax otii et potestatis
 temperantior.

45, 13 distinguens neque adfectui . . obnoxia: unde *alii*
interpungunt | 16 Crispini *Lipsius*: criski | 46, 3 potirentur | ea
 diceret | 4 cum surgens . . dictitaret *Heraeus* | 5 se quidem
Weissenborn: seque (sese *Nipperdey*) | sibi *Lipsius*: ubi (uni
Acidalius, ibi *al.*) | 9 se et] set | 12 omittere *Agricola* | 15 pellicē
 ancillā et adsuetudinē (per p. a. et adsuetudinem *Weissenborn*)
 | 18 aemulus *Grotius* | 20 otio *Ritter*

47. Hactenus Nero flagitiis et sceleribus velamenta quae-
 sivit. suspectabat maxime Cornelium Sullam, socors inge-
 nium eius in contrarium trahens callidumque et simulatorem
 interpretando. quem metum Graptus ex libertis Caesaris,
 usu et senecta Tiberio abusque domum principum edoctus, 5
 tali mendacio intendit. pons Mulvius in eo tempore celebris
 nocturnis inlecebris erat; ventitabatque illuc Nero, quo so-
 luti usque urbem extra lasciviret. igitur regredienti per viam
 Flaminiam compositas insidias fatoque evitatas, quoniam di-
 verso itinere Sallustianos in hortos remeaverit, auctoremque 10
 eius doli Sullam ementitur, quia forte redeuntibus ministris
 principis quidam per juvenilem licentiam, quae tunc passim
 exercebatur, inanem metum fecerant. neque servorum quis-
 quam neque clientium Sullae adgnitus, maximeque despecta
 et nullius ausi capax natura eius a crimine abhorrebat: per- 15
 inde tamen, quasi convictus esset, cedere patria et Massi-
 liensium moenibus coërceri iubetur.

48. Isdem consulibus auditae Puteolanorum legationes,
 quas diversas ordo plebs ad senatum miserant, illi vim mul-
 titudinis, hi magistratum et primi cuiusque avaritiam incre-
 pantes. eaque seditio ad saxa et minas ignium progressa ne
 caedem et arma proliceret, C. Cassius adhibendo remedio 5
 delectus. quia severitatem eius non tolerabant, precante
 ipso ad Scribonios fratres eo cura transfertur, data cohorte
 praetoria, cuius terrore et paucorum supplicio rediit oppida-
 nis concordia.

49. Non referrem vulgarissimum senatus consultum, quo
 civitati Syracusanorum egredi numerum edendis gladiato-
 ribus finitum permittebatur, nisi Paetus Thrasea contra dixisset
 praebuissetque materiem obtrectatoribus arguendae sen-
 tentiae. cur enim, si rem publicam egere libertate senatoria 5
 crederet, tam levia consecraretur? quin de bello aut pace,

47, 5 abusque *Lipsius*: auo usque | 7 ventitabatque | 9 fla-
 mineam, *em. Puteol.* | fato quieuit atas | 12 iuvenalem | 15 pro-
 inde | 48, 2 plebsque *corr.* | 4 ne caedem *Nipperdey*: necem (ne
 necem *Walther*) | 49, 1 vulgatissimum, *em. Haase coll. 16, 22*

de vectigalibus et legibus, quibusque aliis *res* Romana contineretur, suaderet dissuaderetve? licere patribus, quotiens ius dicendae sententiae acceperint, quae vellent expromere relationemque in ea postulare. an solum emendatione dignum, ne Syracusis spectacula largius ederentur: cetera per omnes imperii partes perinde egregia, quam si non Nero, sed Thrasea regimen eorum teneret? quod si summa dissimulatione transmitterentur, quanto magis inanibus abstinendum? Thrasea contra, rationem poscentibus amicis, non praesentium ignarum respondebat eius modi consulta corrigere, sed patrum honori dare, ut manifestum fieret magnarum rerum curam non dissimulatos, qui animum etiam levissimis adverterent.

50. Eodem anno crebris populi flagitationibus, immodestiam publicanorum arguentis, dubitavit Nero, an cuncta vectigalia omitti iuberet idque pulcherrimum donum generi mortalium daret. sed impetum eius, multum prius laudata magnitudine animi, attinuerunt senatores, dissolutionem imperii docendo, si fructus, quibus *res publica* sustineretur, deminuerentur: quippe sublatis portoriis sequens, ut tributorum abolitio expostularetur. plerasque vectigalium societates a consulis et tribunis plebei constitutas acri etiam tum populi Romani libertate; reliqua mox ita provisa, ut ratio quaestuum et necessitas erogationum inter se congrueret. temperandas plane publicanorum cupidines, ne per tot annos sine querella tolerata novis acerbitatibus ad invidiam verterent.

51. Ergo edixit princeps, ut leges cuiusque publici, occultae ad id tempus, proscriberentur; omissas petitiones non ultra annum resumerent; Romae praetor, per provincias qui pro praetore aut consule essent iura adversus publica-

49, 7 *res add. Lipsius* | contineretur *nos*: continentur (continetur *Lipsius*, *res Romanae* continentur *Ritter*) | 8 suadere dissuadereue, *em. Lipsius* | 50, 1 flagitationibus (*I m.*) immodestia | 3 remitti *coni. Pichena* | 5 seniores *Lipsius* | 9 plebis, *em. Ritter* | tum populi R. *Muretus*: p. R. tum | 11 congrueret *nos*: congruere (congruerent *al.*) | 51, 1 publicis

nos extra ordinem redderent; militibus immunitas servaretur, nisi in iis, quae veno exercerent; aliaque admodum aequa, quae brevi servata, dein frustra habita sunt. manet tamen abolitio quadragesimae quinquagesimaeque et quae alia exactionibus illicitis nomina publicani invenerant. temperata apud transmarinas provincias frumenti subvectio, et ne censibus negotiatorum naves adscriberentur tributumque pro illis penderent, constitutum.

52. Reos ex provincia Africa, qui proconsulare imperium illic habuerant, Sulpicium Camerinum et Pompeium Silvanum absolvit Caesar, Camerinum adversus privatos et paucos, saevitiae magis quam captarum pecuniarum crimina obicientes. Silvanum magna vis accusatorum circumsteterat poscebatque tempus evocandorum testium: reus ilico defendi postulabat. valuitque pecuniosa orbitate et senecta, quam ultra vitam eorum produxit, quorum ambitu evaserat.

53. Quietae ad id tempus *res* in Germania fuerant, ingenio ducum, qui pervulgatis triumphis insignibus maius ex eo decus sperabant, si pacem continuavissent. Paulinus Pompeius et L. Vetus ea tempestate exercitui praeerant. ne tamen segnem militem attinerent, ille inchoatum ante tres et sexaginta annos a Druso aggerem coercendo Rheno absolvit, Vetus Mosellam atque *Ararim* facta inter utrumque fossa conectere parabat, ut copiae per mare, dein Rhodano et Arare subvectae per eam fossam, mox fluvio Mosella in Rhenum, exim Oceanum decurrerent, sublatisque itineris difficultatibus navigabilia inter se Occidentis Septentrionisque litora fierent. invidit operi Aelius Gracilis Belgicae legatus, deterrendo Veterem, ne legiones alienae provinciae inferret studiaque Galliarum adfectaret, formidolosum id imperatori dicitans, quo plerumque prohibentur conatus honesti.

54. Ceterum continuo exercituum otio fama incessit ere-

51, 6 his | 8 quadragesimae, *em. Puteol.* | 9 exactionibus, *em. Rhenanus* | 11 tributumve *Wurm* | 52, 2 habuerunt, *em. Rhenanus* | supplicium camelinum | Pompeium *Lipsius*: pomponium | 6 fort. poscebantque | 53, 2 peruulgati, *em. Puteolanus* | 7 Ararim *add. idem* | 14 studiaque *Rhenanus*: in studiaque

ptum ius legatis ducendi in hostem. eoque Frisii iuventutem saltibus aut paludibus, inbellem aetatem per lacus admovere ripae agrosque vacuos et militum usui sepositos insedere, auctore Verrito et Malorige, qui nationem eam regebant, in quantum Germani regnantur. iamque fixerant domos, semina arvis intulerant utque patrium solum exercebant, cum Dubius Avitus, accepta a Paulino provincia, minitendo vim Romanam, nisi abscederent Frisii veteres in locos aut novam sedem a Caesare inpetrarent, perpulit Verritum et Malorigem preces suscipere. profectique Romam dum aliis curis intentum Neronem opperiantur, inter ea, quae barbaris ostentantur, intravere Pompei theatrum, quo magnitudinem populi viserent. illic per otium (neque enim ludicris ignari oblectabantur) dum consessum caveae, discrimina ordinum, quis eques, ubi senatus percontantur, advertere quosdam cultu externo in sedibus senatorum; et quinam forent rogitantes, postquam audiverant earum gentium legatis id honoris datum, quae virtute et amicitia Romana praecellerent, nullos mortalium armis aut fide ante Germanos esse exclamant degradienturque et inter patres considunt. quod comiter a visentibus exceptum, quasi impetus antiqui et bona aemulatio. Nero civitate Romana ambos donavit, Frisios decedere agris iussit. atque illis aspernantibus auxiliaris eques repente immisus necessitatem attulit, captis caesisve qui pervicacius restiterant.

55. Eisdem agros Ampsivarii occupavere, validior gens non modo sua copia, sed adiacentium populorum miseratione, quia pulsus a Chaucis et sedis inopes tutum exilium orabant. aderatque iis clarus per illas gentes et nobis quoque fidus nomine Boioicalus, vinctum se rebellione Cherusca iussu Arminii referens, mox Tiberio, Germanico ducibus stipendia meruisse, et quinquaginta annorum obsequio id quoque ad-

54, 5 malorie (1 m.) quia | 9 [Frisii] Acidalius | 10 malorigem | 11 profectique 1 m. | 18 legum (um in rasura) id | 21 partes | 22 aemulatio Rhenanus: aemulatione | 55, 4 his | 5 boicalus 1 m. | 6 et Germanico al., ac G. Ritter | 7 et om. al.

iungere, quod gentem suam dicioni nostrae subiceret. quo tantam partem campi iacere, in quam pecora et armenta militum aliquando transmitterentur? servarent sane receptus gregibus inter hominum famem, modo ne vastitatem et solitudinem mallet quam amicos populos. Chamavorum quondam ea arva, mox Tubantum et post Usiporum fuisse. sicuti caelum deis, ita terras generi mortalium datas; quaeque vacuae, eas publicas esse. solem inde suspiciens et cetera sidera vocans quasi coram interrogabat, vellentne contueri inane solum: potius mare superfunderent adversus terrarum ereptores.

56. Et commotus his Avitus: patienda meliorum imperia; id dis, quos inplorarent, placitum, ut arbitrium penes Romanos maneret, quid darent quid adimerent, neque alios iudices quam se ipsos paterentur. haec in publicum Ampsivariis respondit, ipsi Boioicalo ob memoriam amicitiae daturum agros. quod ille ut proditionis pretium aspernatus addidit 'desse nobis terra in vitam, in qua moriamur, non potest.' atque ita infensis utrimque animis discessum. illi Bructeros, Tencteros, ultiores etiam nationes socias bello vocabant: Avitus scripto ad Curtilium Manciam superioris exercitus legatum, ut Rhenum transgressus arma a tergo ostenderet, ipse legiones in agrum Tencterum induxit, excidium minitans, ni causam suam dissociarent. igitur absistentibus his pari metu exterriti Bructeri; et ceteris quoque aliena pericula deserentibus sola Ampsivariorum gens retro ad Usipos et Tubantes concessit. quorum terris exacti cum Chattos, dein Cheruscos petissent, errore longo hospites, egeni,

55, 8 quo tantam Lipsius: quotam (quantam Ritter prius) | 10 receptos . . famam, em. Agricola | 15 suspiciens Heinsius: despiciens (aspiciens Rhenanus) cf. Germ. 10 | 16 vellentne | 17 superfundere, em. Rhenanus (vellentne . . superfunderet Ritter) | 56, 1 et] nec Wurm | habitus | 2 id] ait Lipsius, ait id Ritter, ita Wurm | 7 terra in vitam Jac. Gronovius: terram vivam (terra ubi vivamus Silig) | 12 Tencterum Beroaldus: tenerum | 13 asistentibus, em. Rhenanus | 15 deserentibus idem: defendentibus | 17 et errore

hostes in alieno quod iuventutis erat caeduntur, inbellis aetas in praedam divisa est.

57. Eadem aestate inter Hermunduros Chattosque certatum magno proelio, dum flumen gignendo sale fecundum et conterminum vi trahunt, super libidinem cuncta armis, agendi religione insita, eos maxime locos propinquare caelo
5 precesque mortalium a deis nusquam propius audiri. inde indulgentia numinum illo in amne illisque silvis salem provenire, non ut alias apud gentes eluvie maris arescente unda, sed super ardentem arborum struem fusa ex contrariis inter se elementis, igne atque aquis, concretum. sed bellum Her-
10 munduris prosperum, Chattis exitiosius fuit, quia victores diversam aciem Marti ac Mercurio sacravere, quo voto equi viri, cuncta viva occidioni dantur. et minae quidem hostiles in ipsos vertebant. sed civitas Ubiorum socia nobis malo inproviso adflita est. nam ignes terra editi villas arva vicos
15 passim corripiebant ferebanturque in ipsa conditae nuper coloniae moenia. neque extingui poterant, non si imbres caderent, non fluvialibus aquis aut quo alio humore, donec inopia remediorum et ira cladis agrestes quidam eminus saxa iacere, dein resistentibus flammis propius suggesti ictu fustium aliisque verberibus ut feras absterrebant: postremo
20 tegmina corpori derepta iniciunt, quanto magis profana et usu polluta, tanto magis oppressura ignes.

58. Eodem anno Ruminalem arborem in comitio, quae octingentos et triginta ante annos Remi Romulique infantiam texerat, mortuis ramalibus et arescente trunco deminutam prodigii loco habitum est, donec in novos fetus revivesceret.

56, 18 in alio | erant | 57, 2 sali *Nipperdey* | 3 libidine, em. *Rhenanus* | 6 salem *Puteolanus*: item | 7 arescente, sed unda super *Acidalius* | 8 arentem, em. *Rhenanus* | 9 alimentis | concreta, em. *Lipsius* | 12 viva *Danesius*: uicta | 13 Ubiorum *Heinsius*: uibonum | 17 non *Pichena*: non si | 18 remediorum *Ritter*: remedio (remedii al.) cf. ad 14, 38, 15 | agrestis | 19 residentibus al. | 21 direpta, em. *Agricola* | 21 magis post quanto del. *Acidalius* ex vulgari *Taciti* usu | 58, 2 septingentos | triginta *Lipsius*: quadraginta (atque triginta *Heinsius*) | 4 additum 1 m.

CORNELII TACITI

AB EXCESSU DIVI AUGUSTI

LIBER XIV

1. Gaio Vipstano *C.* Fonteio consulibus diu meditatam scelus non ultra Nero distulit, vetustate imperii coalita audacia et flagrantior in dies amore Poppaeae, quae sibi matrimonium et discidium Octaviae incolumi Agrippina haud sperans crebris criminationibus, aliquando per facetias in-
5 cusaret principem et pupillum vocaret, qui iussis alienis obnoxius non modo imperii, sed libertatis etiam indigeret. cur enim differri nuptias suas? formam scilicet displicere et triumphales avos, an fecunditatem et verum animum? timeri ne uxor saltem iniurias patrum, iram populi adversus super-
10 biam avaritiamque matris aperiat. quod si nurum Agrippina non nisi filio infestam ferre posset, redderetur ipsa Othonis coniugio: ituram quoquo terrarum, ubi audiret potius contumelias imperatoris quam viseret periculis eius inmixta. haec atque talia lacrimis et arte adulterae penetrantia nemo pro-
15 hibebat, cupientibus cunctis infringi potentiam matris et credente nullo usque ad caedem eius duratura filii odia.

2. Tradit Cluvius ardore retinendae Agrippinam potentiae eo usque provectam, ut medio diei, cum id temporis Nero per vinum et epulas incalesceret, offerret se saepius temulento comptam et incesto paratam. iamque lasciva oscula et praenuntias flagitii blanditias adnotantibus proximis, Se-
5 necam contra muliebres inlecebras subsidium a femina petivisse, inmissamque Acten libertam, quae simul suo periculo

1, 1 Vipstano *Ursinus*: uipsano | *C. add. Ritter* | 5 incusare .. vocare *Lipsius* | 12 redderetur *Acidalius*: redditur | 2, 3 offerre saepius | 5 flagitiis, em. *Rhenanus*

et infamia Neronis anxia deferret pervulgatum esse incestum
gloriantem matre, nec toleraturos milites profani principis im-
perium. Fabius Rusticus non Agrippinae, sed Neroni cupi-
tum id memorat eiusdemque libertae astu disiectum. sed quae
Cluvius, eadem ceteri quoque auctores prodidere, et fama
huc inclinat, seu concepit animo tantum inmanitatis Agrip-
pina, seu credibilior novae libidinis meditatio in ea visa est,
quae puellaribus annis stuprum cum Lepido spe dominationis
admiserat, pari cupidine usque ad libita Pallantis provoluta
et exercita ad omne flagitium patru nuptiis.

3. Igitur Nero vitare secretos eius congressus, abscedentem in hortos aut Tusculanum vel Antiatem in agrum laudare, quod otium capesseret. postremo, ubicumque haberetur, praegravem ratus interficere constituit, hactenus consultans, veneno an ferro vel qua alia vi. placuitque primo venenum. sed inter epulas principis si daretur, referri ad casum non poterat tali iam Britannici exitio; et ministros temptare arduum videbatur mulieris usu scelerum adversus insidias intentae; atque ipsa praesumendo remedia munierat corpus. ferrum et caedes quonam modo occultaretur, nemo reperiebat; et ne quis illi tanto facinori delectus iussa sperneret metuebant. obtulit ingenium Anicetus libertus, classi apud Misenum praefectus et pueritiae Neronis educator ac mutuis odiis Agrippinae invisus. ergo navem posse componi docet, cuius pars ipso in mari per artem soluta effunderet ignaram: nihil tam capax fortuitorum quam mare; et si naufragio intercepta sit, quem adeo iniquum, ut sceleri assignet, quod venti et fluctus deliquerint? additurum principem defunctae templum et aras et cetera ostendendae pietati.

4. Placuit sollertia, tempore etiam iuta, quando Quinquatruum festos dies apud Baias frequentabat. illuc matrem elicit, ferendas parentum iracundias et placandum animum dictitans, quo rumorem reconciliationis efficeret acciperetque Agrippina, facili feminarum credulitate ad gaudia. ve-

2, 15 M. Lepido *Nipperdey* | 3, 3 capesseret *Heinsius*: lacesseret | 4 praegraue, *em. Puteolanus* | 11 illi *idem*: illa

nientem dehinc obvius in litora (nam Antio adventabat) excepit manu et complexu ducitque Baulos. id villae nomen est, quae promunturium Misenum inter et Baianum lacum flexo mari adluitur. stabat inter alias navis ornatior, tamquam id quoque honori matris daretur: quippe sueverat triremi et classiariorum remigio vehi. ac tum invitata ad epulas erat, ut occultando facinori nox adhiberetur. satis constitit extitisse proditorem, et Agrippinam auditis insidiis, an crederet ambiguum, gestamine sellae Baias pervectam. ibi blandimentum sublevavit metum: comiter excepta superque ipsum collocata. iam pluribus sermonibus, modo familiaritate iuvenili Nero et rursus adductus, quasi seria consociaret, tracto in longum victu, prosequitur abeuntem, artius oculis et pectori haerens, sive explenda simulatione, seu periturae matris supremus aspectus quamvis ferum animum retinebat.

5. Noctem sideribus inlustrem et placido mari quietam quasi convincendum ad scelus di praebuere. nec multum erat progressa navis, duobus e numero familiarium Agrippinam comitantibus, ex quibus Crepereius Gallus haud procul gubernaculis adstabat, Acerronia super pedes cubitantis reclinis paenitentiam filii et reciperatam matris gratiam per gaudium memorabat, cum dato signo ruere tectum loci multo plumbo grave, pressusque Crepereius et statim exanimatus est. Agrippina et Acerronia eminentibus lecti parietibus ac forte validioribus, quam ut oneri cederent, protectae sunt. nec dissolutio navigii sequebatur, turbatis omnibus et quod plerique ignari etiam conscios impediebant. visum dehinc remigibus unum in latus inclinare atque ita navem submergere: sed neque ipsis promptus in rem subitam consensus, et alii contra nitentes dedere facultatem lenioris in mare iactus. verum Acerronia, imprudentia dum se Agrippinam esse utque subveniretur matri principis clamitans, contis et remis et quae

4, 6 in litore *Pichena* | 10 matris *ed. Froben. et Lipsius*: matri (honoris matri *Jac. Gronovius*) | 14 Baias *Puteolanus*: baulos | 14 blandimento *Agricola* | 16 iam *Heinsius*: nam | 19 explendae simulationi *Lipsius* | peturae *1 m.* | 5, 6 matri *Faërnus* | 10 quam ut *Pichena*: quamuis

fors obtulerat navalibus telis conficitur: Agrippina silens eo-
que minus adgnita (unum tamen vulnus umero excepit) nando,
20 deinde occursu lenunculorum Lucrinum in lacum vecta villae
suae infertur.

6. Illic reputans ideo se fallacibus litteris accitam et ho-
nore praecipuo habitam, quodque litus iuxta, non ventis acta,
non saxis impulsis navis summa sui parte veluti terrestre ma-
chinamentum concidisset, observans etiam Acerroniae necem,
5 simul suum vulnus aspiciens, solum insidiarum remedium esse
sensit, si non intellegentur; misitque libertum Agerinum,
qui nuntiaret filio benignitate deum et fortuna eius evasisse
gravem casum; orare ut quamvis periculo matris exterritus
visendi curam differret; sibi ad praesens quiete opus. atque
10 interim securitate simulata medicamina vulnere et fomenta
corpori adhibet; testamentum Acerroniae requiri bonaque
obsignari iubet, id tantum non per simulationem.

7. At Neroni nuntios patrati facinoris opperienti adfertur
evasisse ictu levi sauciam et hactenus adito discrimine, ne
auctor dubitaretur. tum pavore exanimis et iam iamque ad-
fore obtestans vindictae properam, sive servitia armaret vel
5 militem accenderet, sive ad senatum et populum pervaderet,
nafragium et vulnus et interfectos amicos obiciendo: quod
contra subsidium sibi? nisi quid Burrus et Seneca; quos statim
acciverat, incertum, experiens an et ante gnaros. igitur
longum utriusque silentium, ne inriti dissuaderent, an eo
10 descensum credebant, *ut*, nisi praeveniretur Agrippina, per-
eundum Neroni esset. post Seneca hactenus promptius, *ut*
respiceret Burrum ac sciscitaretur, an militi imperanda cae-
des esset. ille praetorianos toti Caesarum domui obstrictos

5, 19 excepit. nando vulgo, *rectius interpunctum Wurm in Philol. 9, 103* | 6, 6 sensit *add. Bezenberger* | 7 evasisse se *Heinsius* | 7, 2 discrimine auctor dubitaret | 7 post Seneca est in *Med. expergens, cuius loco scripsit Pichenae amicus expedirent, transposuit in experiens correctum Wölfflin post incertum; plane certa loci emendatio nondum inventa est* | 8 gnaros quidam in *marginem Gryphianae: ignaros (fort. iam gnaros, an ante ignaros Ernesti)* | 10 *ut om.* | 11 prompsit *Heracius* | *ut add. Döderlein* | 12 ac sciscitaretur, *fort. quasi sciscitaretur*

memoresque Germanici nihil adversus progeniem eius atrox
ausuros respondit: perpetraret Anicetus promissa. qui nihil
15 cunctatus poscit summam sceleris. ad eam vocem Nero illo
sibi die dari imperium auctoremque tanti muneris libertum
profitetur: iret prope duceretque promptissimos ad iussa.
ipse audito venisse missu Agrippinae nuntium Agerinum,
scaenam ultro criminis parat, gladiumque, dum mandata per-
fert, abicit inter pedes eius, tum quasi deprehenso vincla
20 inici iubet, ut exitium principis molitam matrem et pudore
deprehensi sceleris sponte mortem sumpsisse confingeret.

8. Interim vulgato Agrippinae periculo, quasi casu eve-
nisset, ut quisque acceperat, decurrere ad litus. hi molium
obiectus, hi proximas scaphas scandere; alii, quantum cor-
pus sinebat, vadere in mare; quidam manus protendere;
questibus, votis, clamore diversa rogitantium aut incerta
5 respondentium omnis ora compleri; adfluere ingens multi-
tudo cum luminibus, atque ubi incolumem esse pernotuit, ut
ad gratandum sese expedire, donec aspectu armati et mini-
tantis agminis disiecti sunt. Anicetus villam statione circum-
dat refractaque ianua obvios servorum abripit, donec ad fo-
res cubiculi veniret; cui pauci adstabant, ceteris terrore in-
rumpentium exterritis. cubiculo modicum lumen inerat et
ancillarum una, magis ac magis anxia Agrippina, quod nemo
a filio ac ne Agerinus quidem: aliam fore laetae rei faciem;
nunc solitudinem ac repentinos strepitus et extremi mali in-
15 dicia. abeunte dehinc ancilla 'tu quoque me deseris' pro-
locuta respicit Anicetum, trierarcho Herculeio et Obarito cen-
turione classario comitatum: ac, si ad visendum venisset, re-
fotam nuntiaret, sin facinus patraturus, nihil se de filio cre-
dere; non imperatum parricidium. circumsistunt lectum per-
20 cussores et prior trierarchus fusti caput eius adflixit. iam in
mortem centurioni ferrum destringenti protendens uterum
'ventrem feri' exclamavit multisque vulneribus confecta est.

7, 16 summa *1 m.* | illo sibi die *Rhenanus: illos invidie* | 22 exitum | 8, 5 votis *Rhenanus: uocis* | 7 [ut] *Urlichs* | 9 de-
iecti | 14 laetae rei *Bezenberger: lataeret* | 15 repentino *Acidalius* | 21 iam in mortem *Faërnus: nam morte*

9. Haec consensu produntur. aspexeritne matrem exanimem Nero et formam corporis eius laudaverit, sunt qui tradiderint, sunt qui abnuant. cremata est nocte eadem conviviali lecto et exsequiis vilibus; neque, dum Nero rerum potiebatur, congesta aut clausa humus. mox domesticorum cura levem tumulum accepit, viam Miseni propter et villam Caesaris dictatoris, quae subiectos sinus editissima prospectat. accenso rogo libertus eius cognomento Mnester se ipse ferro transegit, incertum caritate in patronam an metu exitii. hunc sui finem multos ante annos crediderat Agrippina contempseratque. nam consulenti super Nerone responderunt Chaldaei fore ut imperaret matremque occideret; atque illa 'occidat' inquit, 'dum imperet.'

10. Sed a Caesare perfecto demum scelere magnitudo eius intellecta est. reliquo noctis modo per silentium defixus, saepius pavore exurgens et mentis inops lucem opperiebatur tamquam exitium adlaturam. atque eum auctore Burro prima centurionum tribunorumque adulatio ad spem firmavit, prensantium manum gratantiumque, quod discrimen improvisum et matris facinus evasisset. amici dehinc adire templa, et coepto exemplo proxima Campaniae municipia victimis et legationibus laetitiam testari: ipse diversa simulatione maestus et quasi incolumitati suae infensus ac morti parentis inlacrimans. quia tamen non, ut hominum vultus, ita locorum facies mutantur, observabaturque maris illius et litorum gravis aspectus (et erant qui crederent sonitum tubae collibus circum editis planctusque tumulo matris audiri), Neapolim concessit litterasque ad senatum misit, quarum summa erat repertum cum ferro percussorem Agerinum, ex intimis Agrippinae libertis, et luisse eam poenam conscientia, quasi scelus paravisset.

11. Adiciebat crimina longius repetita, quod consor-

9, 8 se hic add. *Nipperdey*, post ipse *Ernesti* | 11 responderant *Haase* | 12 ad quae illa *Heinsius* | 10, 6 prensantium *Ernesti*: pressantium | 10 morti *Lipsius*: morte | 14 e tumulo *Orelli* | 17 quasi (i. e. quod) nos: qua (quale *Wurm*), an tamquam? | 11, 1 adiciebant

tium imperii iuraturasque in feminae verba praetorias cohortes idemque dedecus senatus et populi speravisset, ac postquam frustra habita sit, infensa militi patribusque et plebi dissuasisset donativum et congiarium periculaque viris illustribus struxisset. quanto suo labore perpetratum, ne irumperet curiam, ne gentibus externis responsa daret. temporum quoque Claudianorum obliqua insectatione cuncta eius dominationis flagitia in matrem transtulit, publica fortuna extinctam referens. namque et naufragium narrabat: quod fortuitum fuisse, quis adeo hebes inveniretur, ut crederet? aut a muliere naufraga missum cum telo unum, qui cohortes et classes imperatoris perfringeret? ergo non iam Nero, cuius inmanitas omnium questus anteibat, sed Seneca adverso rumore erat, quod oratione tali confessionem scripsisset.

12. Miro tamen certamine procerum decernuntur supplicationes apud omnia pulvinaria, utque Quinquatrus, quibus apertae insidiae essent, ludis annuis celebrarentur; aureum Minervae simulacrum in curia et iuxta principis imago stauerentur; dies natalis Agrippinae inter nefastos esset. Thraesae Paetus silentio vel brevi adsensu priores adulationes transmittere solitus exiit tum senatu, ac sibi causam periculi fecit, ceteris libertatis initium non praebuit. prodigia quoque crebra et irrita intercessere. anguem enixa mulier, et alia in concubitu mariti fulmine exanimata: iam sol repente obscuratus et tactae de caelo quattuordecim urbis regiones. quae adeo sine cura deum eveniebant, ut multos post annos Nero imperium et scelera continuaverit. ceterum quo gravaret invidiam matris eaque demota auctam lenitatem suam testificaretur, feminas illustres Iuniam et Calpurniam, praetura functos Valerium Capitonem et Licinium Gabolum sedibus patriis reddidit, ab Agrippina olim pulsos. etiam Lolliae Paulinae cineres reportari sepulcrumque exstrui permisit; quos-

11, 4 habita *Muretus*: ablata (optata sint al.) cf. 13, 17 et 51 | 6 struxisset *Ritter*: instruxisset | 8 obliqua *Agricola*: oblita | 11 fuisset, em. *Rhenanus* | 12, 7 exiit tum senatu *Lipsius*: exitium senatui | 15 praetura *Vertranius*: praefectura

que ipse nuper relegaverat, Iturium et Calvisium poena exsolvit. nam Silana fato functa erat, longinquo ab exilio Tarentum regressa labante iam Agrippina, cuius inimicitias con-

13. Tamen cunctari in oppidis Campaniae, quonam modo urbem ingrederetur, an obsequium senatus, an studia plebis reperiret anxius: contra deterrimus quisque, quorum non alia regia fecundior extitit, invisum Agrippinae nomen et morte eius accensum populi favorem disserunt: iret intrepidus et venerationem sui coram experiretur; simul praegredi exposcunt. et promptiora quam promiserant inveniunt, obvias tribus, festo cultu senatum, coniugum ac liberorum agmina per sexum et aetatem disposita, exstructos, qua incederet, 10 spectaculorum gradus, quo modo triumphus visuntur. hinc superbus ac publici servitii victor Capitolium adiit, grates exsolvit, seque in omnes libidines effudit, quas male coërcitas qualiscumque matris reverentia tardaverat.

14. Vetus illi cupido erat curriculo quadrigarum insistere, nec minus foedum studium cithara ludicrum in modum canere. concertare equis regium et antiquis ducibus factitatum memorabat, idque vatium laudibus celebre et deorum honori datum. enimvero cantus Apollini sacros, talique ornatu adstare non modo Graecis in urbibus, sed Romana apud templum numen praecipuum et praescium. nec iam sisti poterat, cum Senecae ac Burro visum, ne utraque pervinceret, alterum concedere. clausumque valle Vaticana spatium, in quo equos 10 regeret, haud promisco spectaculo. mox ultro vocari populus Romanus laudibusque extollere, ut est vulgus cupiens voluptatum et, si eodem princeps trahat, laetum. ceterum evulgatus pudor non satietatem, ut rebantur, sed incitamentum attulit. ratusque dedecus molliri, si plures foedasset, nobilium familiarum posteros egestate venales in scaenam de-

12, 19 tyturium, em. *Rhenanus* | 22 mitigata. tamen nos: tamen mitigata | 13, 8 senatu | 9 incenderet *1 m.* | 14, 1 cupido *Lipsius*: copia (cura al.) | 3 concertare equis *scripsi*: cum celaret (cenaret corr.) quis (curru certare et equis *Baier*) | 4 memorat | 7 numen *Rhenanus*: nomen | 8 utrumque *Lambinus*

duxit; quos fato perfunctos ne nominatim tradam, maioribus eorum tribuendum puto. nam et eius flagitium est, qui pecuniam ob delicta potius dedit, quam ne delinquerent. notos quoque equites Romanos operas arenae promittere subegit donis ingentibus, nisi quod merces ab eo, qui iubere potest, 20 vim necessitatis adfert.

15. Ne tamen adhuc publico theatro dehonestaretur, instituit ludos Iuvenalium vocabulo, in quos passim nomina data. non nobilitas cuiquam, non aetas aut acti honores impedimento, quo minus Graeci Latinive histrionis artem exercerent usque ad gestus modosque haud viriles. quin et feminae illustres deformia meditari; exstructaque apud nemus, quod navali stagno circumposuit Augustus, conventicula et cauponae et posita veno irritamenta luxui. dabanturque stipes, quas boni necessitate, intemperantes gloria consumerent. inde gliscere flagitia et infamia, nec ulla moribus olim 10 corruptis plus libidinum circumdedit quam illa conlucies. vix artibus honestis pudor retinetur, nedum inter certamina vitiorum pudicitia aut modestia aut quicquam probi moris reservaretur. postremum ipse scaenam incedit, multa cura temptans citharam et praemeditans adsistentibus phonascis. 15 accesserat cohors militum, centuriones tribunisque et maerens Burrus ac laudans. tuncque primum conscripti sunt equites Romani cognomento Augustianorum, aetate ac robore conspicui, et pars ingenio procaces, alii in spem potentiae. ii dies ac noctes plausibus personare, formam principis vocemque 20 deum vocabulis appellantes; quasi per virtutem clari honoratique agere.

16. Ne tamen ludicrae tantum imperatoris artes notescerent, carminum quoque studium adfectavit, contractis quibus aliqua pangendi facultas necdum insignis erat. hi cenati

15, 2 iuuenilium, em. *Puteolanus* | 5 motusque *Heinsius* | 14 postremus (postremo *Lipsius*) | 15 phonascis *Muretus*: facies | 16 abscesserat, em. *Lipsius* | 17 tumque *M. Haupt* | 18 cognomenta, em. *Puteolanus* (in cognomentum *Wurm*) | augustanorum, em. *Nipperdey* | 19 in spem *Acidalius*: in spe (spe *Muretus*) | 16, 3 erat. hi cenati *scripsi*: aetatis nati (erat)

considerare simul, et adlatos vel ibidem repertos versus
 5 conectere atque ipsius verba quoquo modo prolata supplere,
 quod species ipsa carminum docet, non impetu et instinctu
 nec ore uno fluens. etiam sapientiae doctoribus tempus im-
 pertiebat post epulas, utque contraria adseverantium discor-
 dia frueretur. nec deerant qui ore vultuque tristi inter ob-
 10 lectamenta regia spectari cuperent.

17. Sub idem tempus levi initio atrox caedes orta inter
 colonos Nucerinis Pompeianosque gladiatorio spectaculo,
 quod Livineius Regulus, quem motum senatu rettuli, edebat.
 quippe oppidana lascivia in vicem incessentes probra, dein
 5 saxa, postremo ferrum sumpsere, validiore Pompeianorum
 plebe, apud quos spectaculum edebatur. ergo deportati sunt
 in urbem multi e Nucerinis trunco per vulnera corpore, ac
 plerique liberorum aut parentum mortes deflebant. cuius rei
 iudicium princeps senatui, senatus consulibus permisit. et
 10 rursus re ad patres relata, prohibiti publice in decem annos
 eius modi coetu Pompeiani collegiaeque, quae contra leges
 instituerant, dissoluta; Livineius et qui alii seditionem conci-
 verant exilio multati sunt.

18. Motus senatu et Pedius Blaesus, accusantibus Cy-
 renensibus violatum ab eo thesaurum Aesculapii dilectumque
 militarem pretio et ambitione corruptum. idem Cyrenenses
 reum agebant Acilium Strabonem, praetoria potestate usum
 5 et missum disceptatorem a Claudio agrorum, quos regis Apio-
 nis quondam avitos et populo Romano cum regno relictos
 proximus quisque possessor invaserant, diutinaque licentia
 et iniuria quasi iure et aequo nitebantur. igitur abiudicatis
 agris orta adversus iudicem invidia; et senatus ignota sibi
 10 esse mandata Claudii et consulendum principem respondit.

hi Muretus, auctoritas. hi cenati Haase, claritas. hi Nipperdey,
 artis notitia censor in Liter. Centralb. 1876 num. 13) | 16, 4
 ablato | 7 nec tenore uno Acidalius | 8 utque] ut Rhenanus |
 discordia frueretur Bezenberger: discordiae rueretur | 17, 1
 initio Ernesti: intentio | 3 libidineus, em. Lipsius | 4 incessente,
 em. idem (ingerentes Haase) | 18, 6 avitos Heinsius: habitos
 (regi Apioni . . . habitos Lipsius) | 9 indicem

Nero probata Strabonis sententia, se nihilo minus subvenire
 sociis et usurpata concedere rescripsit.

19. Sequuntur virorum inlustrium mortes, Domitii Afri
 et M. Servilii, qui summis honoribus et multa eloquentia vi-
 guerant, ille orando causas, Servilius diu foro, mox tradendis
 rebus Romanis celebris et elegantia vitae, quam clariorem
 effecit, ut par ingenio, ita morum diversus. 5

20. Nerone quartum Cornelio Cosso consulibus quinquen-
 nale ludicrum Romae institutum est ad morem Graeci certami-
 nis, varia fama, ut cuncta ferme nova. quippe erant qui
 Gnaeum quoque Pompeium incusatum a senioribus ferrent,
 quod mansuram theatri sedem posuisset. nam antea subitariis 5
 gradibus et scaena in tempus structa ludos edi solitos, vel
 si vetustiora repetas, stantem populum spectavisse, ne, si
 consideret theatro, dies totos ignavia continuaret. spectaculo-
 rum quidem antiquitas servaretur, quotiens praetores ederent,
 nulla cuiquam civium necessitate certandi. ceterum abolitos 10
 paulatim patrios mores funditus everti per accitam lasciviam,
 ut quod usquam corrumpi et corrumpere queat, in urbe vi-
 satur, degeneretque studiis externis iuventus, gymnasia et
 otia et turpes amores exercendo, principe et senatu auctori-
 bus, qui non modo licentiam vitii permiserint, sed vim ad- 15
 hibeant, ut proceres Romani specie orationum et carminum
 scaena polluantur. quid superesse, nisi ut corpora quoque
 nudent et caestus adsumant easque pugnas pro militia et ar-
 mis meditentur? an iustitiam auctum iri et decurias equitum
 egregium iudicandi munus melius expleturas, si fractos sonos 20
 et dulcedinem vocum perite audissent? noctes quoque de-
 decori adiectas, ne quod tempus pudori relinquatur, sed coetu
 promisco, quod perditissimus quisque per diem concupiverit,
 per tenebras audeat.

18, 11 Nero Pichena: ne | 12 rescripsit Haase: scripsit |
 20, 1 quarto, em. Puteolanus | 7 ne Med. habet post continuaret
 | 9 praetores ederent Lipsius: praetor sederet (praetor praesi-
 deret Ritter) | 11 verti Acidalius | 16 ut add. idem | 17 quis |
 19 iustitiam auctum iri Madvig: iustitia augurii (iusta augeri
 Lipsius) | 20 melius add. Pramner | expleturos, em. R. Seyffert
 | 23 conceperit Acidalius

21. Pluribus ipsa licentia placebat, ac tamen honesta nomina praetendebant. maiores quoque non abhorruisse spectaculorum oblectamentis pro fortuna, quae tum erat, eoque a Tuscis accitos histriones, a Thuriis equorum certamina; et
 5 possessa Achaia Asiaque ludos curatius editos, nec quemquam Romae honesto loco ortum ad theatrales artes degeneravisse, ducentis iam annis a L. Mummii triumpho, qui primus id genus spectaculi in urbe praebuerit. sed et consultum parsimoniae, quod perpetua sedes theatro locata sit potius,
 10 quam immenso sumptu singulos per annos consurgeret ac destrueretur. nec perinde magistratus rem familiarem exhausturos aut populo eflagitandi Graeca certamina a magistratibus causam fore, cum eo sumptu res publica fungatur. oratorum ac vatium victorias incitamentum ingeniis adlaturas;
 15 nec cuiquam iudici grave aures studiis honestis et voluptatibus concessis impertire. laetitiae magis quam lasciviae dari paucas totius quinquennii noctes, quibus tanta luce ignium nihil illicitum occultari queat. sane nullo insigni dehonesta-
 20 mento id spectaculum transit. ac ne modica quidem studia plebis exarsere, quia redditus quamquam scaenae pantomimi certaminibus sacris prohibebantur. eloquentiae primas nemo tulit, sed victorem esse Caesarem pronuntiatum. Graeci amictus, quis per eos dies plerique incesserant, tum exoleverunt.

22. Inter quae et sidus cometes effulsit, de quo vulgi opinio est, tamquam mutationem regis portendat. igitur quasi iam depulso Nerone, quisnam deligeretur anquirebant. et omnium ore Rubellius Plautus celebratur, cui nobilitas per matrem ex Iulia familia. ipse placita maiorum colebat, habitu
 5 severo, casta et secreta domo, quantoque metu occultior, tanto plus famae adeptus. auxit rumorem pari vanitate orta interpretatio fulguris. nam quia discumbentis Neronis apud Simbruina stagna *in villa*, cui Sublaqueum nomen est, ictae dapes

21, 10 destrueretur *Nodell*: strueretur | 12 a *add. Rhenanus* | 17 totius *Lipsius*: potius | 19 transit, *em. idem* | 23 quis *Groslotius*: quo | tum exoleverant, *em. Heinsius* (iam exoleverunt *Urichs*) | 22, 2 regnis *Bentley* | 4 celebrabatur *Muretus* | 7 rumore | interra. et atio | 9 in villa *add. Bezzenberger coll. 4. 59 et 6, 50, loco add. Jo. Fr. Gronovius*

mensaque disiecta erat, idque finibus Tiburtum acciderat, unde
 10 paterna Plauto origo, hunc illum numine deum destinari credebant, fovebantque multi, quibus nova et ancipitia praecolere avida et plerumque fallax ambitio est. ergo permotus his Nero componit ad Plautum litteras, consuleret quieti urbis
 seque prava diffamantibus subtraheret: esse illi per Asiam
 15 avitos agros, in quibus tuta et inturbida iuventa frueretur. ita illuc cum coniuge Antistia et paucis familiarium concessit.

Isdem diebus nimia luxu cupido infamiam et periculum Neroni tulit, quia fontem aquae Marciae ad urbem deductae
 nando incesserat; videbaturque potus sacros et caerimoniam
 20 loci corpore loto polluisse. secutaque anceps valetudo iram deum adfirmavit.

23. At Corbulo post deleta Artaxata utendum recenti terrore ratus ad occupanda Tigranocerta, quibus excisis metum hostium intenderet vel, si pepercisset, clementiae famam adipisceretur, illuc pergat, non infenso exercitu, ne spem
 5 veniae auferret, neque tamen remissa cura, gnarus facilem mutatu gentem, ut segnem ad pericula, ita infidam ad occasiones. barbari, pro ingenio quisque, alii preces offerre,
 quidam deserere vicos et in avia digredi; ac fuere qui se speluncis et carissima secum abderent. igitur dux Romanus
 10 diversis artibus, misericordia adversus supplices, celeritate adversus profugos, inmitis iis, qui latebras insederant, ora et exitus specuum sarmentis virgultisque completos igni
 exurit. atque illum fines suos praegredientem incursavere
 15 Mardi, latrocinii exerciti contraque inrumpentem montibus defensi; quos Corbulo inmissis Hiberis vastavit hostilemque
 audaciam externo sanguine ultus est.

24. Ipse exercitusque ut nullis ex proelio damnis, ita per inopiam et labores fatiscabant, carne pecudum propulsare famem adacti. ad hoc penuria aquae, fervida aestas, longinqua itinera sola ducis patientia mitigabantur, eadem

22, 14 quieti urbis *Pichena*: qui e turbis | 19 neronis, *em. Puteolanus* | Marciae *idem*: margio | 21 loto *Lipsius*: toto | 23, 2 excisis *Heraeus, cf. Lex. Tac.* | 10 artibus usus *Nipperdey* | 11 profugos; inmitis *distinguit J. Müller*

5 pluraque gregario milite tolerantis. ventum dehinc in locos cultos demessaeque segetes, et ex duobus castellis, in quae confugerant Armenii, alterum impetu captum; qui primam vim depulerant, obsidione coguntur. unde in regionem Tau-
 10 raunitium transgressus improvisum periculum vitavit. nam haud procul tentorio eius non ignobilis barbarus cum telo repertus ordinem insidiarum seque auctorem et socios per tormenta edidit, convictique et puniti sunt qui specie amicitiae dolum parabant. nec multo post legati Tigranocerta
 15 missi patere moenia adferunt, intentos popularis ad iussa: simul hospitale donum, coronam auream, tradebant. acceptique cum honore, nec quicquam urbi detractum, quo promptius obsequium integri retinerent.

25. At praesidium Legerda, quod ferox iuventus clauserat, non sine certamine expugnatum est: nam et proelium pro muris ausi erant et pulsati intra munimenta aggeri demum et inrumpentium armis cessere. quae facilius proveniebant,
 5 quia Parthi Hyrcano bello distinebantur. miserantque Hyrcani ad principem Romanum societatem oratum, attineri a se Vologesen pro pignore amicitiae ostentantes. eos regredientes Corbulo, ne Euphraten transgressi hostium custodiis circumvenirentur, dato praesidio ad litora maris rubri deduxit, unde vitatis Parthorum finibus patrias in sedes re-
 10 meavere.

26. Quin et Tiridaten per Medos extrema Armeniae intrantem, praemisso cum auxiliis Verulano legato atque ipse legionibus citis, abire procul ac spem belli amittere subegit; quosque nobis aversos animis cognoverat, caedibus et in-
 5 cendiis perpopulatus possessionem Armeniae usurpabat, cum advenit Tigranes a Nerone ad capessendum imperium

24, 5 pluraque *Jacob*: plura quam | tolerantis, *em. Ernesti* | 9 vix vitavit *Acidalius* | 25, 1 Legerda *Bezenberger*: legerat | 3 aggeris, *em. Bötticher* (aggeribus *Ryck*) | 7 uologese | ostentante | 26, 1 quin et] quieti *Madvig*, *cf. Urlichs Mus. rhen. 31, p. 505* | 3 omittere *Agricola* | 4 aversos animis *Bekker*: ab re (rege *corr. 1 m.*) aninis (adversantis *Nipperdey*, alienos animis *Agricola*)

delectus, Cappadocum ex nobilitate, regis Archelai nepos, sed quod diu obses apud urbem fuerat, usque ad servilem patientiam demissus. nec consensu acceptus, durante apud quosdam favore Arsacidarum. at plerique superbiam Par-
 10 thorum perosi datum a Romanis regem malebant. additum ei praesidium mille legionarii, tres sociorum cohortes duaeque equitum alae, et quo facilius novum regnum tueretur, partes Armeniae, ut cuique finitima, Pharasmani Polemonique et Aristobulo atque Antiocho parere iussae sunt. Corbulo
 15 in Suriam abscessit, morte Ummidii legati vacuum ac sibi permissam.

27. Eodem anno ex inlustribus Asiae urbibus Laodicea tremore terrae prolapsa, nullo a nobis remedio, propriis opibus revaluit. at in Italia vetus oppidum Puteoli ius coloniae et cognomentum a Nerone apiscuntur. veterani Tarentum et Antium adscripti non tamen infrequentiae locorum
 5 subvenere, dilapsis pluribus in provincias, in quibus stipendia expleverant; neque coniugiis suscipiendis neque alendis liberis sueti orbas sine posteris domos relinquebant. non enim, ut olim, universae legiones deducebantur cum tribunis et centurionibus et sui cuiusque ordinis militibus, ut con-
 10 sensu et caritate rem publicam efficerent, sed ignoti inter se, diversis manipulis, sine rectore, sine adfectibus mutuis, quasi ex alio genere mortalium repente in unum collecti, numerus magis quam colonia.

28. Comititia praetorum arbitrio senatus haberi solita, quod acriore ambitu exarserant, princeps composuit, tris, qui supra numerum petebant, legioni praeficiendo. auxitque patrum honorem statuendo ut, qui a privatis iudicibus ad senatum provocavissent, eiusdem pecuniae periculum face-
 5 rent, cuius si qui imperatorem appellarent; nam antea vacuum

26, 7 pronepos *Nipperdey* | 9 nec *Puteolanus*: ne | 12 ei *Heinsius*: et | 13 [et] *Freinsheim* | 14 partes nos: pars | Pharasmani Polemonique *Jo. Fr. Gronovius*: pars nipulique | 16 accessit, *em. Lipsius* | 27, 2 a om. | 12 e manipulis *Nipperdey* | 28, 2 quod *Puteolanus*: quo (quoniam *Haase*) | 6 si nos: is (ii al.) | appellarent nos et *Madvig*: appellauere, quod corruptum esse iam ex tempore perfecto apparet.

id solutumque poena fuerat. fine anni Vibius Secundus eques Romanus accusantibus Mauris repetundarum damnatur atque Italia exigitur, ne graviore poena adficeretur, Vibii Crispi fratris opibus enisus.

29. Caesennio Paeto et Petronio Turpiliano consulibus gravis clades in Britannia accepta, in qua neque A. Didius legatus, ut memoravi, nisi parta retinuerat, et successor Veranius modicis excursibus Siluras populatus, quin ultra bellum proferret, morte prohibitus est, magna, dum vixit, severitatis fama, supremis testamenti verbis ambitionis manifestus: quippe multa in Neronem adulatione addidit subiecturum ei provinciam fuisse, si biennio proximo vixisset. sed tum Paulinus Suetonius obtinebat Britannos, scientia militiae et rumore populi, qui neminem sine aemulo sinit, Corbulonis concertator, receptaeque Armeniae decus aequare domitis perduellibus cupiens. igitur Monam insulam, incolis validam et receptaculum perfugarum, adgredi parat, navesque fabricatur plano alveo adversus breve et incertum. sic pedes; equites vada secuti aut altiores inter undas adnantes equis tramisere.

30. Stabat pro litore diversa acies, densa armis virisque, intercurantibus feminis; in modum Furiarum veste ferali, crinibus delectis faces praeferebant; Druidaeque circum, preces diras sublatis ad caelum manibus fundentes, novitate aspectus perculere militem, ut quasi haerentibus membris immobile corpus vulneribus praebarent. dein cohortationibus ducis et se ipsi stimulantes, ne muliebri et fanaticum agmen pavescerent, inferunt signa sternuntque obvios et igni suo involvunt. praesidium posthac inpositum victis excisique luci saevis superstitionibus sacri: nam cruore captivo adolere aras et hominum fibris consulere deos fas

28, 10 fr̄soribus | 29, 1 Caesennio *Nipperdey*: cesonio | 2 A. Didius *Lipsius*: hautus | 4 Q. Veranius *Ritter* | Siluras *Lipsius*: siluas | 8 provincias, *em. idem* | 12 fort. rebellibus | 14 incertum mare *Madvig*, *inc. fretum Fr. Pauly* | 15 vada *Jo. Fr. Gronovius*: uados (*vadosa Nipperdey*) | 30, 3 facies

habebant. haec agenti Suetonio repentina defectio provinciae nuntiatur.

31. Rex Icenorum Prasutagus, longa opulentia clarus, Caesarem heredem duasque filias scripserat, tali obsequio ratus regnumque et domum suam procul iniuria fore. quod contra vertit, adeo ut regnum per centuriones, domus per servos velut capta vastarentur. iam primum uxor eius Boudicca verberibus adfecta et filiae stupro violatae sunt: praecipui quique Icenorum, quasi cunctam regionem muneri accepissent, avitis bonis exuuntur, et propinqui regis inter mancipia habebantur. qua contumelia et metu graviorum, quando in formam provinciae cesserant, rapiunt arma, commotis ad rebellionem Trinobantibus et qui alii nondum servitio fracti resumere libertatem occultis coniurationibus pepigerant, acerrimo in veteranos odio. quippe in coloniam Camulodunum recens deducti pellebant domibus, exturbabant agris, captivos, servos appellando, foventibus in potentiam veteranorum militibus similitudine vitae et spe eiusdem licentiae. ad hoc templum divo Claudio constitutum quasi arx aeternae dominationis aspiciebatur, delectique sacerdotes specie religionis omnis fortunas effundebant. nec arduum videbatur excindere coloniam nullis munimentis saeptam; quod ducibus nostris parum provisum erat, dum amoenitati prius quam usui consulitur.

32. Inter quae nulla palam causa delapsum Camuloduni simulacrum Victoriae ac retro conversum, quasi cederet hostibus. et feminae in furorem turbatae adesse exitium canebant, externosque fremitus in curia eorum auditos; consonuisse ululatibus theatrum visamque speciem in aestuario Tamesae subversae coloniae: iam Oceanus cruento aspectu,

31, 1 Icenorum *Rhenanus (item infra)*: igenorum | 3 regnum *al.* | 5 Boudicca *Haase (ut Med. 37)*: boodicia, *sic item c. 35, ubi M. bouducca* | 7 quasi . . accepissent *ut glossema inclusit Nipperdey, post deducti (v. 14) posuit Haase; adcone subiecti mutatio offensionis est?* | 11 trinobantibus, *quod probavit Glück* | 12 fracti *Agricola*: facti | 32, 3 furore, *em. Faërnus* | 4 nocturnosque *Andresen coll. Ovid. Metam. XV, 797* | 6 aspectus *1 m.*

dilabente aestu humanorum corporum effigies relictæ, ut Britannis ad spem, ita veteranis ad metum trahebantur. sed quia procul Suetonius aberat, petivere a Cato Deciano procuratore auxilium. ille haud amplius quam ducentos sine iustis armis misit; et inerat modica militum manus. tutela templi freti, et impredientibus qui occulti rebellionis conscii consilia turbabant, neque fossam aut vallum praeduxerunt, neque motis senibus et feminis iuventus sola restitit: quasi media pace incauti multitudine barbarorum circumveniuntur. et cetera quidem impetu direpta aut incensa sunt: templum, in quo se miles conglobaverat, biduo obsessum expugnatumque. et victor Britannus Petilio Ceriali, legato legionis nonae, in subsidium adventanti obvius fudit legionem, et quod peditum interfecit: Cerialis cum equitibus evasit in castra et munitamentis defensus est. qua clade et odiis provinciae, quam avaritia eius in bellum egerat, trepidus procurator Catus in Galliam transiit.

33. At Suetonius mira constantia medios inter hostes Londinium perrexit, cognomento quidem coloniae non insigne, sed copia negotiatorum et com meatuum maxime celebre. ibi ambiguus, an illam sedem bello deligeret, circumspecta infrequentia militis, satisque magnis documentis temeritatem Petilii coërcitam, unius oppidi damno servare universa statuit. neque fletu et lacrimis auxilium eius orantium flexus est, quin daret protectionis signum et comitantes in partem agminis acciperet: si quos inbellis sexus aut fessa aetas vel loci dulcedo attinuerat, ab hoste oppressi sunt. eadem clades municipio Verulamio fuit, quia barbari omissis castellis praesidiisque militarium, quod uberrimum spoliandi et defendentibus intutum, laeti praeda et laborum segnes petebant.

32, 7 dilabente *Lipsius*: sic labente (et relabente *Fröhlich*, in sicco labente *Jacob*) | 8 Britannis . . veteranis *Jac. Gronovius*: brittanni . . ueterani | 13 praeduxerant *Haase* | 14 amotis *Faërnus* | restitit: ita quasi *Acidalius* | 18 Petilio *Lipsius*: petio | 22 avaritia eius *Ritter*: auaritia (auaritia *al.*) | 33, 12 militaribus *Pichena* | spoliandi *Mercerus*: spoliant (spoliatu *Jac. Gronovius*, spoliantibus *Acidalius*) | 13 laborum *Lipsius*: aliorum | segnes *Mercerus*: insignes

ad septuaginta milia civium et sociorum iis quae memoravi locis cecidisse constitit. neque enim capere aut venundare aliudve quod belli commercium, sed caedes patibula ignes cruces, tamquam reddituri supplicium ac praerepta interim ultione, festinabant.

34. Iam Suetonio quarta decuma legio cum vexillariis vicensimanis et e proximis auxiliares, decem ferme milia armatorum erant, cum omittere cunctationem et congregari acie parat. deligitque locum artis faucibus et a tergo silva clausum, satis cognito nihil hostium nisi in fronte et aperta planitiem esse, sine metu insidiarum. igitur legionarius frequens ordinibus, levis circum armatura, conglobatus pro cornibus eques adstitit. at Britannorum copiae passim per catervas et turmas exsultabant, quanto non alias multitudo, et animo adeo feroci, ut coniuges quoque testes victoriae secum traherent plaustrisque inponerent, quae super extremum ambitum campi posuerant.

35. Boudicca curru filias prae se vehens, ut quamque nationem accesserat, solitum quidem Britannis feminarum ductu bellare testabatur, sed tunc non ut tantis maioribus ortam regnum et opes, verum ut unam e vulgo libertatem amissam, confectum verberibus corpus, contrectatam filiarum pudicitiam ulcisci. eo provectas Romanorum cupidines, ut non corpora, ne senectam quidem aut virginitatem inpollutam relinquunt. adesse tamen deos iustae vindictae: cecidisse legionem, quae proelium ausa sit; ceteros castris occultari aut fugam circumspicere. ne strepitum quidem et clamorem tot milium, nedum impetus et manus perlaturos: si copias armatorum, si causas belli secum expenderent, vincendum illa acie vel cadendum esse. id mulieri destinatum: viverent viri et servirent.

36. Ne Suetonius quidem in tanto discrimine silebat. quamquam confideret virtuti, tamen exhortationes et preces

34, 2 uicesimariis, *em. Acidalius* | et e *Puteolanus*: et (ex *Ritter*) | 10 feroci *Döderlein*: fero | 35, 3 sed se *Muretus* | 7 ne *Ernesti*: nec | 11 milium *ed. Froben. et Lipsius*: militum | 36, 2 quam

miscibat, ut spernerent sonores barbarorum et inanes minas: plus illic feminarum quam iuventutis aspici. inbelles inermes cessuros statim, ubi ferrum virtutemque vincuntium totiens fusi adgnosissent. etiam in multis legionibus paucos, qui proelia profligarent; gloriaeque eorum accessurum, quod modica manus universi exercitus famam adipiscerentur. conferti tantum et pilis emissis, post umbonibus et gladiis stragem caedemque continuarent, praedae inmemores: parta victoria cuncta ipsis cessura. is ardor verba ducis sequebatur, ita se ad intorquenda pila expedierat vetus miles et multa proeliorum experientia, ut certus eventus Suetonium daret pugnae signum.

37. Ac primum legio gradu inmotam et angustias loci promunimento retinens, postquam in propius suggestos hostis certo iactu tela exhauserat, velut cuneo erupit. idem auxiliarium impetus; et eques protentis hastis perfringit quod obvium et validum erat. ceteri terga praebuere, difficili effugio, quia circumiecta vehicula saepserant abitus. et miles ne mulierum quidem neci temperabat, confixaque telis etiam iumenta corporum cumulum auxerant. clara et antiquis victoriis par ea die laus parta: quippe sunt qui paulo minus quam octoginta milia Britannorum cecidisse tradant, militum quadringentis ferme interfectis nec multo amplius vulneratis. Boudicca vitam veneno finivit. et Poenius Postumus, praefectus castrorum secundae legionis, cognitis quartadecimanorum vicensimanorumque prosperis rebus, quia pari gloria legionem suam fraudaverat abnueratque contra ritum militiae iussa ducis, se ipse gladio transegit.

38. Contractus deinde omnis exercitus sub pellibus habitus est ad reliqua belli perpetranda. auxitque copias Caesar missis ex Germania duobus legionariorum milibus, octo auxiliarium cohortibus ac mille equitibus, quorum adventu

36, 11 ipsa iis *Döderlein* | 13 eventu, *em. Rhenanus* (de eventu *Ritter*) | 37, 2 postquam propius suggestos hostis, *em. Döderlein* (p. p. suggestis hostibus *Lipsius*) | 5 effugium | 7 teli | 8 auxerunt *Fröhlich* | 10 octo *coni. Nipperdey* | 16 ipse *A. Ruperti*: ipsum

nonani legionario milite suppleti sunt. cohortes alaeque novis hibernaculis locatae, quodque nationum ambiguum aut adversum fuerat, igni atque ferro vastatum. sed nihil aeque quam fames adfligebat serendis frugibus incuriosos, et omni aetate ad bellum versa, dum nostros commeatus sibi destinant. gentesque praeferoce tardius ad pacem inclinabant, quia Iulius Classicianus, successor Cato missus et Suetonio discors, bonum publicum privatis simultatibus impediēbat disperseratque novum legatum opperendum esse, sine hostili ira et superbia victoris clementer deditis consulturum. simul in urbem mandabat, nullum proeliorum finem expectarent, nisi succederetur Suetonio, cuius adversa pravitati ipsius, prospera ad fortunam referebat.

39. Igitur ad spectandum Britanniae statum missus est e libertis Polyclitus, magna Neronis spe posse auctoritate eius non modo inter legatum procuratoremque concordiam gigni, sed et rebelles barbarum animos pace componi. nec defuit Polyclitus, quo minus ingenti agmine Italiae Galliaeque gravis, postquam Oceanum transmiserat, militibus quoque nostris terribilis incederet. sed hostibus inrisui fuit, apud quos flagrante etiam tum libertate nondum cognita libertinorum potentia erat; mirabanturque, quod dux et exercitus tanti belli confector servitiis oboedirent. cuncta tamen ad imperatorem in mollius relata; detentusque rebus gerundis Suetonius, quod postea paucas naves in litore remigiumque in iis amiserat, tamquam durante bello tradere exercitum Petronio Turpiliano, qui iam consulatu abierat, iubetur. is non iritato hoste neque lacessitus honestum pacis nomen segni otio imposuit.

40. Eodem anno Romae insignia scelera, alterum sena-

38, 7 vastatur, *em. Ernesti* | 9 destinant; post destinant *Nipperdey* signum lacunae posuit | 10 inclinant, *em. Acidalius* | 11 et suetior | 14 urbe, *em. Rhenanus* | 15 proeliorum *Lipsius*: praelio | 17 fortunam *Ernesti*: fortunam ipsius (fort. rei p. *Puteolanus*, f. imperii *Jac. Gronovius*) | 39, 4 barbarorum *corr. cf. Wölfflin, Philol. 25, 133* | 12 postea nos: post (postquam sine quod *Jo. Fr. Gronovius*)

toris, servili alterum audacia, admissa sunt. Domitius Balbus erat praetorius, simul longa senecta, simul orbitate et pecunia insidiis obnoxius. ei propinquus Valerius Fabianus, capessendis honoribus destinatus, subdidit testamentum ascitis Vinicio Rufino et Terentio Lentino equitibus Romanis. illi Antonium Primum et Asinium Marcellum sociaverant. Antonius audacia promptus, Marcellus Asinio Pollione proavo clarus neque morum spernendus habebatur, nisi quod paupertatem praecipuum malorum credebat. igitur Fabianus tabulas ascitis quos memoravi et aliis minus illustribus obsignat. quod apud patres convictum, et Fabianus Antoniusque cum Rufino et Terentio lege Cornelia damnantur. Marcellum memoria maiorum et preces Caesaris poenae magis quam infamiae exemere.

41. Perculit is dies Pompeium quoque Aelianum, iuvenem quaestorium, tamquam flagitiorum Fabiani gnarum, eique Italia et Hispania, in qua ortus erat, interdictum est. pari ignominia Valerius Ponticus adficitur, quod reos, ne apud praefectum urbis arguerentur, ad praetorem detulisset, interim specie legum, mox praevaricando ultionem elusurus. additur senatus consulto, qui talem operam emptitasset vendidissetve, perinde poena teneretur ac publico iudicio calumniae condemnatus.

42. Haud multo post praefectum urbis Pedanium Secundum servus ipsius interfecit, seu negata libertate, cui premium pepigerat, sive amore exoleti incensus et dominum aemulum non tolerans. ceterum cum vetere ex more familiam omnem, quae sub eodem tecto mansiverat, ad supplicium agi oporteret, concursu plebis, quae tot innoxios protegebat, usque ad seditionem ventum est senatusque *obsessus*, in quo ipso erant studia nimiam severitatem aspernantium, pluribus

40, 4 ei *Rhenanus*: et | 6 Vinicio *idem*: uincio | 8 promptu, an prompta? | 11 ascitis *Theoph. Kiessling*: iis (consciis *Ritter*, sociis *Nipperdey*) | 41, 8 tenerentur *1 m.* | ac] *add.* si *supersum m. vetere* | 42, 3 incensus *Pichena*: infensus | 7 *obsessus add. Jacob*, vocatus *Heracus* (senatuque in ipso erant *Lipsius*)

nihil mutandum censentibus. ex quis C. Cassius sententiae loco in hunc modum disseruit:

43. 'Saepe numero, patres conscripti, in hoc ordine interfui, cum contra instituta et leges maiorum nova senatus decreta postularentur; neque sum adversatus, non quia dubitarem, super omnibus negotiis melius atque rectius olim provisum et quae converterentur in deterius mutari, sed ne nimio amore antiqui moris studium meum extollere viderer. simul quidquid hoc in nobis auctoritatis est, crebris contradictionibus destruendum non existimabam, ut maneret integrum, si quando res publica consiliis eguisset. quod hodie evenit, consulari viro domi suae interfecto per insidias serviles, quas nemo prohibuit aut prodidit quamvis nondum concusso senatus consulto, quod supplicium toti familiae minitabatur. decernite hercule impunitatem: at quem dignitas sua defendet, cum praefecto urbis non profuerit? quem numerus servorum tuebitur, cum Pedanium Secundum quadringenti non protexerint? cui familia opem feret, quae ne in metu quidem pericula nostra advertit? an, ut quidam fingere non erubescunt, iniurias suas ultus est interfecto, quia de paterna pecunia transegerat aut avitum mancipium detrahebatur? pronuntiemus ultro dominum iure caesum videri.

44. Libet argumenta conquirere in eo, quod sapientioribus deliberatum est? sed et si nunc primum statuendum haberemus, creditisne servum interficiendi domini animum sumpsisse, ut non vox minax excideret, nihil per temeritatem proloqueretur? sane consilium occultavit, telum inter ignaros paravit: num excubias transire, cubiculi fores recludere, lumen inferre, caedem patrare poterat omnibus nesciis?

42, 9 multandum | 43, 5 in *om.* | 10 venit | 13 at . . defendet *Puteolanus*: ut . . defendat | cum . . profuerit *idem*: cui . . profuit | 14 praefecto *Andresen*: praefectus (praefectura *Puteolanus*) | 16 ferat, *em. Puteolanus* | 44, 4 insumpsisse (ita sumpsisse *Ritter*) | 5 oculi vit *addita* ta in spatio vacuo *m. 2* | 6 transiret . . recluderet . . inferret . . patraret *corr. m. recenti et vulgo* | 7 poterat *addidi*

multa sceleris indicia praeveniunt: servi si prodant, possumus singuli inter plures, tuti inter anxios, postremo, si per eundum sit, non inulti inter nocentes agere. suspecta maioribus nostris fuerunt ingenia servorum, etiam cum in agris aut domibus isdem nascerentur caritatemque dominorum statim acciperent. postquam vero nationes in familiis habemus, quibus diversi ritus, externa sacra aut nulla sunt, conluviem istam non nisi metu coercueris. at quidam insontes peribunt. nam et ex fuso exercitu cum decumus quisque fusti feritur, etiam strenui sortiuntur. habet aliquid ex iniquo omne magnum exemplum, quod contra singulos utilitate publica rependitur.⁷

45. Sententiae Cassii ut nemo unus contra ire ausus est, ita dissonae voces respondebant numerum aut aetatem aut sexum ac plurimorum indubiam innocentiam miserantium: praevaluit tamen pars, quae supplicium decernebat. sed obtemperari non poterat, conglobata multitudine et saxa ac faces minante. tum Caesar populum edicto increpuit atque omne iter, quo damnati ad poenam ducebantur, militaribus praesidiis saepsit. censuerat Cingonius Varro ut liberti quoque, qui sub eodem tecto fuissent, Italia deportarentur. id a principe prohibitum est, ne mos antiquus, quem misericordia non minuerat, per saevitiam intenderetur.

46. Damnatus isdem consulibus Tarquitius Priscus repetundarum Bithynis interrogantibus, magno patrum gaudio, qui accusatum ab eo Statilium Taurum pro consule ipsius meminerant. census per Gallias a Q. Volusio et Sextio Africano Trebellioque Maximo acti sunt, aemulis inter se per nobilitatem Volusio atque Africano: Trebellium dum uterque dedignatur, supra tulere.

47. Eo anno mortem obiit Memmius Regulus, auctoritate constantia fama, in quantum praeumbrante imperatoris fastigio datur, clarus, adeo ut Nero aeger valetudine, et adulantibus circum, qui finem imperio adesse dicebant, si quid

44, 8 si] ni *Madvig* | 45, 8 cingontus barro, *em. Rhenanus* | 11 incenderetur, *em. idem* | 46, 3 qui *Lipsius*: quia

fato pateretur, responderit habere subsidium rem publicam. rogantibus dehinc, in quo potissimum, addiderat in Memmio Regulo. vixit tamen post haec Regulus, quiete defensus et quia nova generis claritudine neque invidiosis opibus erat. gymnasium eo anno dedicatum a Nerone praebitumque oleum equiti ac senatui Graeca facilitate.

48. P. Mario L. Afinio consulibus Antistius praetor, quem in tribunatu plebis licenter egisse memoravi, probrosa adversus principem carmina factitavit vulgavitque celebri convivio, dum apud Ostorium Scapulam epulatur. exim a Cossutiano Capitone, qui nuper senatorium ordinem precibus Tigellini soceri sui receperat, maiestatis delatus est. tum primum revocata ea lex, credebaturque haud perinde exitium Antistio quam imperatori gloriam quaeri, ut condemnatum a senatu intercessione tribunicia morti eximeret. et cum Ostorius nihil audivisse pro testimonio dixisset, adversis testibus creditum; censuitque Iunius Marullus consul designatus adimendam reo praeturam necandumque more maiorum. ceteris inde adsentientibus, Paetus Thrasea, multo cum honore Caesaris et acerrime increpito Antistio, non quid nocens reus pati mereretur, id egregio sub principe et nulla necessitate obstricto senatui statuendum disseruit: carnicem et laqueum pridem abolita, et esse poenas legibus constitutas, quibus sine iudicum saevitia et temporum infamia supplicia decernerentur. quin in insula publicatis bonis, quo longius sontem vitam traxisset, eo privatim miseriore et publicae clementiae maximum exemplum futurum.

49. Libertas Thraseae servitium aliorum rupit, et postquam discessionem consul permiserat, pedibus in sententiam eius iere, paucis exceptis, in quibus adulatione promptis-

47, 6 addiderit *Puteolanus*, at v. *Wölfflin*, *Philol.* 27, 147 | 48, 1 Afinio *Borghesi* (*Oyp.* 3, 350): asinio | 7 credebatur quae, *em. Acidalius* | 8 quaeri ut *idem*: quaesiviit (*idem coni.* quaesitam ut vel gloria quaesita ut, quod haud scio an praefendum sit *coll.* 13, 42, 6) | condemnatum *Ritter*: condemnatus (condemnatus .. eximeretur *al.*) | 19 qui in | 20 traxisset *Puteolanus*: transisset | miserior, *em. Lipsius* | 49, 3 exceptis *Pichena*: exeptis (*exemptis al.*)

simus fuit A. Vitellius, optimum quemque iurgio lacessens
 5 et respondenti reticens, ut pavida ingenia solent. at consules
 perficere decretum senatus non ausi, de consensu scripsere
 Caesari. ille inter pudorem et iram cunctatus, postremo re-
 scripsit: nulla iniuria provocatum Antistium gravissimas in
 principem contumelias dixisse; earum ultionem a patribus
 10 postulatum, et pro magnitudine delicti poenam statui par
 fuisse. ceterum se, qui severitatem decernentium impeditu-
 rus fuerit, moderationem non prohibere: statuerent ut vel-
 lent, datam et absolvendi licentiam. his atque talibus recita-
 tis et offensione manifesta, non ideo aut consules mutavere
 15 relationem aut Thræsea decessit sententia ceterive quae pro-
 baverant deseruere, pars, ne principem obiecissee invidiae
 viderentur, plures numero tuti, Thræsea sueta firmitudine
 animi et ne gloria intercideret.

50. Haud dispari crimine Fabricius Veiento conflictatus
 est, quod multa et probrosa in patres et sacerdotes
 composuisset iis libris, quibus nomen codicillorum dederat.
 adiciebat Tullius Geminus accusator venditata ab eo munera
 5 principis et adipiscendorum honorum ius. quae causa Ne-
 roni fuit suscipiendi iudicii, convictumque Veionem Italia
 depulit et libros exuri iussit, conquisitos lectitatosque, donec
 cum periculo parabantur: mox licentia habendi oblivionem
 attulit.

51. Sed gravescentibus in dies publicis malis subsidia
 minuebantur, concessitque vita Burrus, incertum valetudine
 an veneno. valetudo ex eo coniectabatur, quod in se tu-
 mescentibus paulatim faucibus et impedito meatu spiritum
 5 finiebat. plures iussu Neronis, quasi remedium adhiberetur,
 inlitum palatum eius noxio medicamine adseverabant, et
 Burrum intellecto scelere, cum ad visendum eum princeps

50, 1 uegento et 6 uegentone, em. *Puteolanus* | 4 talius, cf. *Borghesi Opp. V, 521* | 5 neronum | 51, 3 an *Rhenanus*: aut | quod intumescentibus *Muretus*, at cf. *Sen. ep. 95, 16* inde sub-
 fusio luridae bilis et decolor vultus tabesque in se putrescentium etc.

venisset, aspectum eius aversatum sciscitanti hactenus re-
 spondisse: 'ego me bene habeo.' civitati grande desiderium
 eius mansit per memoriam virtutis et successorum alterius
 10 segnem innocentiam, alterius flagrantissima flagitia. quippe
 Caesar duos praetoriis cohortibus imposuerat, Faenium Ru-
 fum ex vulgi favore, quia rem frumentariam sine quaestu
 tractabat, Sofonium Tigellinum, veterem inpudicitiam atque
 infamiam in eo secutus. atque illi pro cognitis moribus fuere,
 15 validior Tigellinus in animo principis et intimis libidinibus
 adsumptus, prospera populi et militum fama Rufus, quod
 apud Neronem adversum experiebatur.

52. Mors Burri infregit Senecae potentiam, quia nec
 bonis artibus idem virium erat altero velut duce amoto, et
 Nero ad deteriores inclinabat. hi variis criminationibus Se-
 necam adoriuntur, tamquam ingentes et privatam modum
 evectas opes adhuc auget, quodque studia civium in se
 5 verteret, hortorum quoque amoenitate et villarum magni-
 ficentia quasi principem supergrederetur. obieciabant etiam
 eloquentiae laudem uni sibi adsciscere et carmina crebrius
 factitare, postquam Neroni amor eorum venisset. nam ob-
 lectamentis principis palam iniquum detrectare vim eius
 10 equos regentis, inludere voces, quotiens caneret. quem ad
 finem nihil in re publica clarum fore, quod non ab illo re-
 periri credatur? certe finitam Neronis pueritiam et robur
 iuventae adesse: exueret magistrum, satis amplis doctoribus
 instructus maioribus suis. 15

53. At Seneca criminantium non ignarus, prodentibus
 iis, quibus aliqua honesti cura, et familiaritatem eius magis
 asperrante Caesare, tempus sermoni orat et accepto ita in-
 cipit: 'quartus decimus annus est, Caesar, ex quo spei
 tuae admotus sum, octavus, ut imperium obtines: medio
 5 temporis tantum honorum atque opum in me cumulasti, ut

51, 8 adversatum, em. *Puteolanus* | 11 flagitia *Orelli*.
 flagitia . adulteria | 14 Sofonium *Vertranius*: ofonium | 15
 cognatis | 52, 9 euenisset, em. *Lipsius* | 11 vocem *Muretus* | 53,
 2 magis magisque *Prammer*

nihil felicitati meae desit nisi moderatio eius. utar magnis exemplis, nec meae fortunae, sed tuae. abavus tuus Augustus M. Agrippae Mytilenense secretum, C. Maecenati urbe in ipsa velut peregrinum otium permisit; quorum alter bellorum socius, alter Romae pluribus laboribus iactatus ampla quidem, sed pro ingentibus meritis, praemia acceperant. ego quid aliud munificentiae tuae adhibere potui quam studia, ut sic dixerim, in umbra educata, et quibus claritudo venit, quod iuventae tuae rudimentis adfuisse videor, grande huius rei pretium. at tu gratiam inmensam, innumeram pecuniam circumdedisti, adeo ut plerumque intra me ipse volvam: egone, equestri et provinciali loco ortus, proceribus civitatis adnumeror? inter nobiles et longa decora praeferentes novitas mea enituit? ubi est animus ille modicis contentus? talis hortos exstruit et per haec suburbana incedit et tantis agrorum spatiis, tam lato faenore exuberat? una defensio occurrit, quod muneribus tuis obniti non debui.

54. Sed uterque mensuram inplevimus, et tu, quantum princeps tribuere amico posset, et ego, quantum amicus a principe accipere: cetera invidiam augent. quae quidem, ut omnia mortalia, infra tuam magnitudinem iacet, sed mihi incumbit, mihi subveniendum est. quo modo in militia aut via fessus adminiculum orarem, ita in hoc itinere vitae senex et levissimis quoque curis impar, cum opes meas ultra sustinere non possim, praesidium peto. iube rem per procuratores tuos administrari, in tuam fortunam recipi. nec me in paupertatem ipse detrudam, sed traditis quorum fulgore praestringor, quod temporis hortorum aut villarum curae seponitur, in animum revocabo. superest tibi robur et tot per annos visum *summi* fastigii regimen: possumus seniores

53, 8 ne meae | abavus *Lipsius*: atavus | 13 tuae om. | 19 longa cura | 54, 1 tu om. | 3 agent (alent *Jac. Gronovius*, in invidiam agent *Bezenberger coll. H. 1, 11 et 83; 2, 38*) | 4 iacent, em. *Lipsius* | incumbunt | 8 iube rem *Baiter*: iuvere | per om. 1 m. (iube procuratores tuos administrare in t. f. recepta *Haase*) | 10 perstringor, em. *Cannegieter* | 13 visum *summi scripsi*: visum (summi vel usurpatum *summi Wurm*, nosti *summi Madvig*, suetum *Heinisch*)

amici quietem reposcere. hoc quoque in tuam gloriam cedet, eos ad summa vexisse, qui et modica tolerarent.⁷ 15

55. Ad quae Nero sic ferme respondit: 'quod meditatione orationi tuae statim occurram, id primum tui muneris habeo, qui me non tantum praevisa, sed subita expedire docuisti. abavus meus Augustus Agrippae et Maecenati usurpare otium post labores concessit, sed in ea ipse aetate, cuius auctoritas tueretur quidquid illud et quaecumque tribuisset; ac tamen neutrum datis a se praemiis exiit. bello et periculis meruerant; in iis enim iuventa Augusti versata est. nec mihi tela et manus tuae defuissent in armis agentis: sed quod praesens condicio posebat, ratione consilio praecceptis pueritiam, dein iuventam meam fovisti. et tua quidem erga me munera, dum vita suppetet, aeterna erunt: quae a me habes, horti et faenus et villae, casibus obnoxia sunt. ac licet multa videantur, plerique haudquaquam artibus tuis pares plura tenuerunt. pudet referre libertinos, qui ditiores spectantur: unde etiam mihi rubori est, quod praecipuus caritate nondum omnes fortuna antecellis.

56. Verum et tibi valida aetas rebusque et fructui rerum sufficiens, et nos prima imperii spatia ingredimur, nisi forte aut te Vitellio ter consuli aut me Claudio postponis, et quantum Volusio longa parsimonia quaesivit, tantum in te mea liberalitas explere non potest. quin, si qua in parte lubricum adulescentiae nostrae declinat, revocas ornatumque robur subsidio inpensius regis? non tua moderatio, si reddideris pecuniam, nec quies, si reliqueris principem, sed mea avaritia, meae crudelitatis metus in ore omnium versabitur. quod si maxime continentia tua laudetur, non tamen sapienti viro decorum fuerit, unde amico infamiam paret, inde gloriam sibi recipere.' his adicit complexum et oscula,

54, 14 reposcere *scripsi*: respondere (repetere, resumere, respicere etc. alii conice) | 15 evexisse *Heinsius* | 55, 1 quod *Lipsius*: et quod (ei: quod *Spengel*) | 4 abavus *Lipsius*: avus | 5 ipse *Agricola*: ipsa | 56, 2 nisi . . . explere non potest *posuit Nipperdey post antecellis (55, 17), ut olim Spengel voluerat* | 8 et *Acidalius*: sed | 4 in me

factus natura et consuetudine exercitus velare odium fallacibus blanditiis. Seneca, qui finis omnium cum dominante sermonum, grates agit: sed instituta prioris potentiae commutat, prohibet coetus salutantium, vitat comitantis, rarus per urbem, quasi valetudine infensa aut sapientiae studiis domi adtineretur.

57. Perculso Seneca promptum fuit Rufum Faenium imminuere Agrippinae amicitiam in eo criminantibus. validiorque in dies Tigellinus et malas artes, quibus solis pollebat, gratiores ratus, si principem societate scelerum obstringeret, metus eius rimatur; conpertoque Plautum et Sullam maxime timeri, Plautum in Asiam, Sullam in Galliam Narbonensem nuper amotos, nobilitatem eorum et propinquos huic Orientis, illi Germaniae exercitus commemorat. non se, ut Burrum, diversas spes, sed solam incolumitatem Neronis spectare; cui caveri utcumque ab urbanis insidiis praesenti opera: longinquos motus quonam modo comprimi posse? erectas Gallias ad nomen dictatorum, nec minus suspensos Asiae populos claritudine avi Drusi. Sullam inopem, unde praecipuam audaciam, et simulatorem segnitiae, dum temeritati locum reperiret. Plautum magnis opibus ne fingere quidem cupidinem otii, sed veterum Romanorum imitamenta praeferre, adsumpta etiam Stoicorum adrogantia sectaque, quae turbidos et negotiorum adpetentes faciat. nec ultra mora. Sulla sexto die pervectis Massiliam percussoribus ante metum et rurorem interficitur, cum epulandi causa discumberet. perlatum caput eius inludit Nero tamquam praematura canitie deforme.

58. Plauto parari necem non perinde occultum fuit, quia pluribus salus eius curabatur, et spatium itineris ac maris tempusque interiectum moverat famam; vulgoque fingebant petitum ab eo Corbulonem, magnis tum exercitibus praesidentem et, clari atque insontes si interficerentur, praeci-

57, 10 praesenti opera *Lipsius*: praesentiora (praes. cura *Agricola*, pr. copia *Haase coll. 4, 47*) | 12 suspensos *Lipsius*: suspectos | 20 prelatum | 58, 5 si hic add. *Bezzenger*, ante clari *Ernesti*

puum ad pericula. quin et Asiam favore iuvenis arma cepisse, nec milites ad scelus missos aut numero validos aut animo promptos, postquam iussa efficere nequiverint, ad spes novas transisse: vana haec more famae credentium otio augebantur; ceterum libertus Plauti celeritate ventorum praevenit centurionem et mandata L. Antistii soceri attulit: effugeret segnem mortem, dum suffugium esset: magni nominis miseratione reperturum bonos, consociaturum audaces: nullum interim subsidium aspernandum. si sexaginta milites (tot enim adveniebant) propulisset, dum refertur nuntius Neroni, dum manus alia permeat, multa secutura, quae adusque bellum evalescerent. denique aut salutem tali consilio quaeri, aut nihil gravius audenti quam ignavo patiendum esse.

59. Sed Plautum ea non movere, sive nullam opem providebat inermis atque exul, seu taedio ambiguae spei, an amore coniugis et liberorum, quibus placabiliorem fore principem rebatur nulla sollicitudine turbatum. sunt qui alios a socero nuntios venisse ferant, tamquam nihil atrox immineret; doctoresque sapientiae, Coeranum Graeci, Musonium Tusci generis, constantiam opperendae mortis pro incerta et trepida vita suasisse. repertus est certe per medium diei nudus exercitando corpori. talem eum centurio trucidavit coram Pelagone spadone, quem Nero centurioni et manipulo, quasi satellitibus ministrum regium, praeposuerat. caput interfecti relatum; cuius aspectu (ipsa principis verba referam) cur, inquit Nero *** et posito metu nuptias Poppaeae ob eius modi terrores dilatas maturare parat Octaviamque coniugem amoliri, quamvis modeste ageret, nomine patris et studiis populi gravem. sed ad senatum litteras misit de caede

58, 9 transisset | vana *Bozhorn*: una | odio *Jo. Fr. Gronovius* | 10 agebantur, em. *Modius* | 12 dum suffugium esset *Andresen*: otium suffugium et (obvium suff. et *Orelli*, inertium suff. et *Haase*, sontium suffugium: ex nos) | 13 miserationē | 14 aspernantium, em. *Puteolanus* | 18 audienti | 59, 12 referam *Puteolanus*: referebam | 13 ex *Dione (62, 14)* supplere possis: cur, inquit, Nero, hominem nasutum timuisti?

Sullae Plautique haud confessus, verum utriusque turbidum ingenium esse, et sibi incolumitatem rei publicae magna cura haberi. decretae eo nomine supplicationes, utque Sulla et Plautus senatu moverentur, gravioribus tum ludibriis quam malis.

60. Igitur accepto patrum consulto, postquam cuncta scelerum suorum pro egregiis accipi videt, exturbat Octaviam, sterilem dictitans; exim Poppaeae coniungitur. ea diu paelex et adulteri Neronis, mox mariti potens, quendam ex ministris Octaviae impulit servilem ei amorem obicere. destinaturque reus cognomento Eucærus, natione Alexandrinus, canere tibiis doctus. actae ob id de ancillis quaestiones, et vi tormentorum victis quibusdam, ut falsa adnerent, plures perstiterunt sanctitatem dominae tueri; ex quibus una instanti Tigellino castiora esse muliebria Octaviae respondit quam os eius. movetur tamen primo civilis discidium specie domumque Burri, praedia Plauti, infausta dona accipit: mox in Campaniam pulsa est addita militari custodia. inde crebri questus nec occulti per vulgum, cui minor sapientia et ex mediocritate fortunae pauciora pericula sunt. his Nero, tamquam paenitentia flagitii, coniugem revocavit Octaviam.

61. Exim laeti Capitolium scandunt deosque tandem venerantur. effigies Poppaeae prouunt, Octaviae imagines gestant umeris, spargunt floribus foroque ac templis statuunt. † itur etiam in principis laudes repetitum venerantium. iamque et Palatium multitudine et clamoribus complebant, cum emissi militum globi verberibus et intento ferro turbatos disiecere. mutataque quae per seditionem verterant, et Pop-

59, 18 magnae curae *Heinsius* | 20 tum nos: tam (iam *Agricola*, tamen *al.*) | 60, 6 alexandrina, *em. Lipsius* | 7 per tybias (perite tibia *Heinsius*, puer tibiis *Ritter*) | 8 ut *Puteolanus*: si | 11 amovetur *Faërnus* | 13 campania, *em. Puteolanus* | 14 et ex *idem*: ex | 15 quamquam nero (Nero, nequaquam *Döderlein*, fort. quamquam Nero procul erat a paenitentia, his . . . tamquam Nero p. f. c. revocavit *Nipperdey*) | 61, 2 prorugunt (prorumpunt *Weissenborn*) | 4 repetitum venerantium *del. Acidalius*, repetita veneratione *Joh. Müller*, fort. itur etiam in principis aedes laudes repetitum venerantium *coll. 12, 37*, 14 | 7 mutata quaeque, *em. Puteolanus*

paeae honos repositus est. quae semper odio, tum et metu atrox, ne aut vulgi acrior vis ingrueret aut Nero inclinatione populi mutaretur, provoluta genibus eius, non eo loci res suas ait, ut de matrimonio certet, quamquam id sibi vita potius, sed vitam ipsam in extremum adductam a clientelis et servitiis Octaviae, quae plebis sibi nomen indiderint, ea in pace ausi, quae vix bello evenirent. arma illa adversus principem sumpta; ducem tantum defuisse, qui motis rebus facile reperiretur, omitteret modo Campaniam et in urbem ipsa pergeret, ad cuius nutum absentis tumultus cierentur. quod alioquin suum delictum? quam cuiusquam offensionem? an quia veram progeniem penatibus Caesarum data sit? malle populum Romanum tibicinis Aegyptii subolem imperatorio fastigio induci? denique, si id rebus conducatur, libens quam coactus acciret dominam, vel consuleret securitati iusta ultione. et modicis remediis primos motus consedissee: at si desperent uxorem Neronis fore Octaviam, illi maritum duros.

62. Varius sermo et ad metum atque iram accommodatus terruit simul audientem et accendit. sed parum valebat suspicio in servo et quaestionibus ancillarum elusa erat. ergo confessionem alicuius quaeri placet, cui rerum quoque novarum crimen adfingeretur. et visus idoneus maternae necis patrator Anicetus, classi apud Misenum, ut memoravi, praefectus, levi post admissum scelus gratia, dein graviore odio, quia malorum facinorum ministri quasi exprobrantes aspiciuntur. igitur accitum eum Caesar operae prioris admonet: solum incolumitati principis adversus insidiantem matrem subvenisse; locum haud minoris gratiae instare, si coniugem infensam depelleret. nec manu aut telo opus: fateretur Octaviae adulterium. occulta quidem ad praesens, sed magna ei praemia et secessus amoenos promittit, vel, si negavisset, necem intentat. ille insita vaecordia et facilitate

61, 11 ait *Bezzenger*: agi (agi ait *Ritter*) | 14 ausis *Lipsius* | 17 ipsa *Bötticher*: ipsam | 20 mallet, *em. Puteolanus* | 62, 3 elusa erat *Faërnus*: eluserat | 11 instaret

priorum flagitiorum, plura etiam quam iussum erat fingit fateturque apud amicos, quos velut consilio adhibuerat princeps. tum in Sardiniam pellitur, ubi non inops exilium toleravit et fato obiit.

63. At Nero praefectum in spem sociandae classis corruptum, et incusatae paulo ante sterilitatis oblitus, abactos partus conscientia libidinum, eaque sibi conperta edicto memorat insulaque Pandataria Octaviam claudit. non alia exul visentium oculos maiore misericordia adfecit. meminerant adhuc quidam Agrippinae a Tiberio, recentior Iuliae memoria obversabatur a Claudio pulsae: sed illis robur aetatis adfuerat; laeta aliqua viderant et praesentem saevitiam melioris olim fortunae recordatione adlevabant. huic primum nuptiarum dies loco funeris fuit, deductae in domum, in qua nihil nisi luctuosum haberet, erepto per venenum patre et statim fratre; tum ancilla domina validior et Poppaea non nisi in perniciem uxoris nupta, postremo crimen omni exitio gravius.

64. Ac puella vicensimo aetatis anno inter centuriones et milites, praesagio malorum iam vitae exempta, nondum tamen morte adquiescebat. paucis dehinc interiectis diebus mori iubetur, cum iam viduam se et tantum sororem testaretur communesque Germanicos et postremo Agrippinae nomen cieret, qua incolumi infelix quidem matrimonium, sed sine exitio pertulisset. restringitur vinclis venaeque eius per omnes artus exsolvuntur; et quia pressus pavore sanguis tardius labebatur, praefervidi balnei vapore enecatur. additurque atrocior saevitia, quod caput amputatum latumque in urbem Poppaea vidit. dona ob haec templis decreta quem ad finem memorabimus? quicumque casus

62, 16 iussus *Acidalius* | 18 sardinia, *em. Puteolanus* | 63, 1 socianda, *em. Puteolanus* | 3 conperta dicto, *em. Lectius* | 9 primus *Lipsius* | 64, 1 at puella *malim* | duo et vicesimo *Nipperdey*, quinto et vic. *Ritter* | 2 vitae *Heinsius*: uita | 12 decreta quem *Döderlein*: decretaque (decreta. quae eum ad finem memoravimus, ut quicumque *Puteol. perperam*; nam eum ad finem non significat idem quod propterea; cf. 14, 52, 11. *Cic. in Cat. I, 1. Nep. Epam. 2* exercebatur luctando ad eum finem, quoad etc.)

temporum illorum nobis vel aliis auctoribus noscent, praesumptum habeant, quotiens fugas et caedes iussit princeps, totiens grates deis actas, quaeque rerum secundarum olim, tum publicae cladis insignia fuisse. neque tamen silebimus, si quod senatus consultum adulatione novum aut patientia postremum fuit.

65. Eodem anno libertorum potissimos veneno interfecisse creditus est, Doryphorum quasi adversatum nuptiis Poppaeae, Pallantem, quod immensam pecuniam longa senecta detineret. Romanus secretis criminationibus incusaverat Senecam ut C. Pisonis socium, sed validius a Seneca eodem crimine percussus est. unde Pisoni timor et orta insidiarum in Neronem magna moles et inprospera.

64, 18 nosset | 65, 5 socium] amicum *Nipperdey* | 7 sed *al.*

CORNELII TACITI

AB EXCESSU DIVI AUGUSTI

LIBER XV.

1. Interea rex Parthorum Vologeses cognitis Corbulonis rebus regemque alienigenam Tigranen Armeniae impositum, simul fratre Tiridate pulso spretum Arsacidarum fastigium ire ultum volens, magnitudine rursus Romana et continui foederis reverentia diversas ad curas trahebatur, cunctator ingenio et defectione Hyrcanorum, gentis validae, multisque ex eo bellis inligatus. atque illum ambiguum novus insuper nuntius contumeliae exstimulat: quippe egressus Armenia Tigranes Adiabenos, conterminam nationem, latius ac diutius quam per latrocinia vastaverat, idque primores gentium aegre tolerabant: eo contemptiois descensum, ut ne duce quidem Romano incursarentur, sed temeritate obsidis tot per annos inter mancipia habiti. accendebat dolorem eorum Monobazus, quem penes Adiabenum regimen, quod praesidium aut unde peteret rogicans. iam de Armenia concessum, proxima trahi; et nisi defendant Parthi, levius servitium apud Romanos deditis quam captis esse. Tiridates quoque regni profugus per silentium aut modice querendo gravior erat: non enim ignavia magna imperia contineri; virorum armorumque faciendum certamen; id in summa fortuna aequius quod validius, et sua retinere privatae domus, de alienis certare regiam laudem esse.

2. Igitur commotus his Vologeses concilium vocat et proximum sibi Tiridaten constituit atque ita orditur: hunc

1, 2 alienigena tigranē | 18 aut *Beroaldus*: haud (modo haud *Sirker*)

ego eodem mecum patre genitum, cum mihi per aetatem summo nomine concessisset, in possessionem Armeniae deduxi, qui tertius potentiae gradus habetur: nam Medos Parthos ante ceperat. videbarque contra vetera fratrum odia et certamina familiae nostrae penates rite composuisse. prohibent Romani et pacem numquam ipsis prospere lacessitam nunc quoque in exitium suum abrumpunt. non ibo infitias: aequitate quam sanguine, causa quam armis retinere parta maioribus malueram. si cunctatione deliqui, virtute corrigam. vestra quidem vis et gloria in integro est, addita modestiae fama, quae neque summis mortalium spernenda est et a dis aestimatur. simul diademate caput Tiridatis evinxit, promptam equitum manum, quae regem ex more sectatur, Monaesi nobili viro tradidit, adiectis Adiabenorū auxiliis, mandavitque Tigranen Armenia exturbare, dum ipse positus adversus Hyrcanos discordiis vires intimas molemque belli ciet, provinciis Romanis minitans.

3. Quae ubi Corbuloni certis nuntiis audita sunt, legiones duas cum Verulano Severo et Vettio Bolano subsidium Tigrani mittit, occulto praecepto, compositius cuncta quam festinantius agerent: quippe bellum habere quam gerere malebat. scripseratque Caesari proprio duce opus esse, qui Armeniam defenderet: Suriam ingruente Vologese acriore in discrimine esse. atque interim reliquas legiones pro ripa Euphratis locat, tumultuariam provincialium manum armat, hostiles ingressus praesidiis intercipit. et quia egena aquarum regio est, castella fontibus inposita; quosdam rivos congestu harenae abdidit.

4. Ea dum a Corbulone tuendae Suriae parantur, acto raptim agmine Monaeses, ut famam sui praeiret, non ideo nescium aut incautum Tigranen offendit. occupaverat Tigranocertam, urbem copia defensorum et magnitudine moenium validam. ad hoc Nicephorius annis haud spernenda latitudine

2, 7 certamina *Rhenanus*: certam in | 9 in absitium | 12 in om. | 15 monaesi hic *Med.*, sed c. 4 moneses, c. 5 monesen | 17 exturba, em. *Ernesti* | 3, 3 cuncta confestinantius | 4 malebant | 4, 3 (item 5, 17) tigranocerta al. cf. *Wölfflin*, *Philol.* 26, 211

partem murorum ambit, et ducta ingens fossa, qua fluvio dif-
fidebatur. inerantque milites et provisi ante commeatus, quo-
rum subvectu pauci avidius progressi et repentinis hostibus
circumventi ira magis quam metu ceteros accenderant. sed
10 Partho ad exsequendas obsidiones nulla comminus audacia:
raris sagittis neque clausos exterret et semet frustratur.
Adiabeni cum promovere scalas et machinamenta inciperent,
facile detrusi, mox erumpentibus nostris caeduntur.

5. Corbulo tamen, quamvis secundis rebus suis, mode-
randum fortunae ratus misit ad Vologesen, qui expostularent
vim provinciae inlatam: socium amicumque regem, cohortes
Romanas circumsideri. omitteret potius obsidionem, aut se
5 quoque in agro hostili castra positurum. Casperius centurio
in eam legationem delectus apud oppidum Nisibin, septem et
triginta milibus passuum a Tigranocerta distantem, adiit regem
et mandata ferociter edidit. Vologesi vetus et penitus infixum
erat arma Romana vitandi, nec praesentia prospere fluebant.
10 inritum obsidium, tutus manu et copiis Tigranes, fugati qui
expugnationem sumpserant, missae in Armeniam legiones, et
aliae pro Suria paratae ultro inrumpere; sibi inbecillum equi-
tem pabuli inopia: nam exorta vis locustarum ambederat quid-
quid herbidum aut frondosum. igitur metu abstruso mitiora
15 obtendens, missurum ad imperatorem Romanum legatos super
petenda Armenia et firmanda pace respondet. Monaesen omit-
tere Tigranocertam iubet, ipse retro concedit.

6. Haec plures ut formidine regis et Corbulonis minis
patrata ac magnifica extollebant: alii occulte pepigisse inter-
pretabantur, ut omisso utrumque bello et abeunte Vologese
Tigranes quoque Armenia abscederet. cur enim exercitum
5 Romanum a Tigranocertis deductum? cur deserta per otium
quae bello defenderant? an melius hibernavisse in extrema

4, 6 ambiit | fluvio non defendebatur Haase | 5, 4 circum-
sedere, em. Agricola | ocius Faërnus | 6 legionem | 7 Tigrano-
certis Ritter, cf. Nipperdey ad 14, 24 | adit | 8 vetus studium
et Ritter | 10 manu | moenibus Neue | 13 ui | ambederat Lipsius:
aberat (vi loc. ambesum erat Ritter) | 6, 2 patrata magnifice
Puteolanus

Cappadocia, raptim erectis tuguriis, quam in sede regni
modo retenti? dilata prorsus arma, ut Vologeses cum alio
quam cum Corbulone certaret, Corbulo merita tot per an-
nos gloriae non ultra periculum faceret. nam, ut rettuli, pro- 10
prium ducem tuendae Armeniae poposcerat, et adventare
Caesennius Paetus audiebatur. iamque aderat, copiis ita di-
visis, ut quarta et duodecima legiones addita quinta, quae
recens e Moesis excita erat, simul Pontica et Galatarum Cap- 15
padocumque auxilia Paeto oboedirent, tertia et sexta et de-
cima legiones priorque Suriae miles apud Corbulonem man-
nerent; cetera ex rerum usu sociarent partirenturve. sed ne-
que Corbulo aemuli patiens, et Paetus, cui satis ad gloriam
erat, si proximus haberetur, despiciebat gesta, nihil caedis
aut praedae, usurpatas nomine tenus urbium expugnationes 20
dictitans: se tributa ac leges et pro umbra regis Romanum
ius victis impositurum.

7. Sub idem tempus legati Vologesis, quos ad princi-
pem missos memoravi, revertere inriti bellumque propalam
sumptum a Parthis. nec Paetus detrectavit, sed duabus le-
gionibus, quarum quartam Funisulanus Vettonianus eo in tem-
pore, duodecumam Calavius Sabinus regebant, Armeniam in- 5
trat tristi omine. nam in transgressu Euphratis, quem ponte
tramittebant, nulla palam causa turbatus equus, qui consula-
ria insignia gestabat, retro evasit. hostiaque, quae munie-
bantur, hibernaculis adsistens semifacta opera fuga perrupit
seque vallo extulit. et pila militum arsere, magis insigni 10
prodigio, quia Parthus hostis missilibus telis decertat.

8. Ceterum Paetus spretis omnibus, necdum satis firma-
tis hibernaculis, nullo rei frumentariae provisu, rapit exer-
citurum trans montem Taurum reciprandis, ut ferebat, Tigra-
nocertis vastandisque regionibus, quas Corbulo integras omi-
sisset. et capta quaedam castella, gloriaeque et praedae non- 5
nihil partum, si aut gloriam cum modo aut praedam cum cura
habuisset. longinquis itineribus percursando quae obtineri

7, 6 tristionē . nam | 7 tramittebat al. | 8 hostiaque quae
Puteolanus: ostia quaeque | 8, 1 hominibus 1 m.

nequibant, corrupto qui captus erat commeatu et instante iam hieme, reduxit exercitum composuitque ad Caesarem literas quasi confecto bello, verbis magnificis, rerum vacuas.

9. Interim Corbulo numquam neglectam Euphratis ripam crebrioribus praesidiis insedit; et ne ponti iniciendo impedimentum hostiles turmae adferrent (iam enim subiectis campis magna specie volitabant), naves magnitudine praestantes et conexas trabibus ac turribus auctas agit per amnem catapultisque et balistis proturbat barbaros, in quos saxa et hastae longius permeabant, quam ut contrario sagittarum iactu adaequarentur. dein pons continuatus collesque adversi per socias cohortes, post legionum castris occupantur, tanta celeritate et ostentatione virium, ut Parthi omisso paratu invadendae Suriae spem omnem in Armeniam verterent, ubi Paeus imminentium nescius quintam legionem procul in Ponto habebat, reliquas promiscis militum commeatibus infirmaverat, donec adventare Vologesen magno et infenso agmine auditum.

10. Accitur legio duodecima, et unde famam aucti exercitus speraverat, prodita infrequentia, qua tamen retineri castra et eludi Parthus tractu belli poterat, si Paeto aut in suis aut in alienis consiliis constantia fuisset: verum ubi a viris militaribus adversus urgentes casus firmatus erat, rursus, ne alienae sententiae indigens videretur, in diversa ac deteriora transibat. et tunc relictis hibernis non fossam neque vallum sibi, sed corpora et arma in hostem data clamitans, duxit legiones quasi proelio certaturus. deinde amisso centurione et paucis militibus, quos visendis hostium copiis praemisérat, trepidus remeavit. et quia minus acriter Vologeses institerat, vana rursus fiducia tria milia delecti peditis proximo Tauri iugo imposuit, quo transitum regis arcerent; alares quoque Pannonios, robur equitatus, in parte campi locat. coniunx ac filius castello, cui Arsamosata nomen est, additi, data in praesidium cohorte ac disperso milite, qui in

8, 10 magnificas *Lipsius* | 9, 6 quos *Puteolanus*: quo | 7 permanebant | 10, 1 fama (fama . . sperata erat *Jac. Gronovius*) | 12 pedites, *em. Pichena* | 13 quo] qui *Jo. Fr. Gronovius*, quae *Muretus* | 15 Armosata *Ryck*, at *v. Plin. N. H. VI, 9, 26*

uno habitus vagum hostem promptius sustentavisset. aegre compulsum ferunt, ut instantem Corbuloni fateretur. nec a Corbulone properatum, quo gliscentibus periculis etiam subsidii laus augetur. expediri tamen itineri singula milia ex tribus legionibus et alarios octingentos, parem numerum e cohortibus iussit.

11. At Vologeses, quamvis obsessa a Paeto itinera hinc peditatu inde equite accepisset, nihil mutato consilio, sed vi ac minis alares exterruit, legionarios obrivit, uno tantum centurione Tarquitio Crescente turrim, in qua praesidium agitabat, defendere auso factaque saepius eruptione et caesis, qui barbarorum propius suggredebantur, donec ignium iactu circumveniretur. peditum si quis integer longinqua et avia, vulnerati castra repetivere, virtutem regis, saevitiam et copias gentium, cuncta metu extollentes, facili credulitate eorum, qui eadem pavebant. ne dux quidem obniti adversis, sed cuncta militiae munia deseruerat, missis iterum ad Corbulonem precibus, veniret propere, signa et aquilas et nomen reliquum infelicis exercitus tueretur: se fidem interim, donec vita subpeditet, retenturos.

12. Ille interritus et parte copiarum apud Suriam relictis, ut munimenta Euphrati inposita retinerentur, qua proximum et commeatibus non egenum, regionem Commagenam, exim Cappadociam, inde Armenios petivit. comitabantur exercitum praeter alia sueta bello magna vis camelorum onusta frumenti, ut simul hostem famemque depelleret. primum e percussis Paccium primi pili centurionem obvium habuit, dein plerosque militum; quos diversas fugae causas obtinentes redire ad signa et clementiam Paeti experiri monebat: se nisi victoribus immitem esse. simul suas legiones adire hortari, priorum admonere, novam gloriam ostendere. non vicos aut oppida Armeniorum, sed castra Romana duasque in iis legiones pretium laboris peti. si singulis manipularibus praecipua servati civis corona imperatoria manu tribue-

10, 17 sustentavisset et (et *del. Rhenanus*, signum lacunae posuit *Haase*) | 20 subsidiis, *em. Puteolanus* | 11, 2 sed *del. Faërnus* | 14 vitā

15 retur, quod illud et quantum decus, ubi par eorum numerus aspiceretur, qui adtulissent salutem et qui acceperant! his atque talibus in commune alacres (et erant quos pericula fratrum aut propinquorum propriis stimulis incenderent) continuum diu noctuque iter properabant.

13. Eoque intentius Vologeses premere obsessos, modo vallum legionum, modo castellum, quo inbellis aetas defendebatur, adpugnare, propius incedens quam mos Parthis, si ea temeritate hostem in proelium eliceret. at illi vix contuberniis extracti, nec aliud quam munimenta propugnabant, pars iussu ducis, et alii propria ignavia aut Corbulonem opperientes, ac vis si ingrueret, provisus exemplis *cladis* Caudinae Numantinaeque; neque eandem vim Samnitibus, Italico populo, ac Parthis, Romani imperii aemulis. validam quoque
10 et laudatam antiquitatem, quotiens fortuna contra daret, saluti consuluisset. qua desperatione exercitus dux subactus primas tamen litteras ad Vologesen non supplices, sed in modum querentis composuit, quod pro Armeniis semper Romanae ditionis aut subiectis regi, quem imperator delegisset, hostilia faceret: pacem ex aequo utilem; ne praesentia tantum spectaret. ipsum adversus duas legiones totis regni viribus advenisse: at Romanis orbem terrarum reliquum, quo bellum iuvarent.

14. Ad ea Vologeses nihil pro causa, sed opperandos sibi fratres Pacorum ac Tiridaten rescripsit; illum locum tempusque consilio destinatum, quid de Armenia cernerent; adiecisse deos dignum Arsacidarum, simul ut de legionibus Romanis statuerent. missi posthac Paeto nuntii et regis colloquium petitura, qui Vasacem praefectum equitatus ire ius-

12, 16 aspiceretur *Lipsius*: apisceretur | 13, 5 extrahi *Nipp.* | 6 aut] ut *Rhenanus*, at v. *Pichenae* adnot. | 7 si hic add. *Walther* (ac si vis al.) | *cladis* hic add. *Bezenberger* | caudi nenum antineque eandem (Caudii et Numantiae, neque eandem *Orelli*) | 9 ac Parthis nos: aut paenis (ut Parthis *Nipperdey*, aut Hispanis ut *Freinsheim*, aut Hispanis quam Parthis *Jo. Fr. Gronovius*) | 12 uologesei (Vologesem al.) | 14 rei | 14, 4 dignum familia (vel fortuna) A. *Heracius* | ut *Ursinus* et *Vertranius*: et | 5 posthac a *Haase*, post a al.

sit. tum Paetus Lucullos, Pompeios et si qua Caesares optinendae donandaeve Armeniae egerant, Vasaces imaginem retinendi largiendive penes nos, vim penes Parthos memorat. et multum in vicem disceptato, Monobazus Adiabenus in diem
10 posterum testis iis quae pepigissent adhibetur. placuitque liberari obsidio legiones et decedere omnem militem finibus Armeniorum castellaque et commeatus Parthis tradi, quibus perpetratis copia Vologesi fieret mittendi ad Neronem legatos.

15. Interim flumini Arsaniae (is castra praefluebat) pontem imposuit, specie sibi illud iter expedientis, sed Parthi quasi documentum victoriae iusserant; namque iis usui fuit, nostri per diversum iere. addidit rumor sub iugum missas legiones et alia ex rebus infaustis, quorum simulacrum ab
5 Armeniis usurpatum est. namque et munimenta ingressi sunt, antequam agmen Romanum excederet, et circumstetere vias, captiva olim mancipia aut iumenta adgnoscentes abstrahentesque: raptae etiam vestes, retenta arma, pavido milite et concedente, ne qua proelii causa existeret. Vologeses ar-
10 mis et corporibus caesorum aggeratis, quo cladem nostram testaretur, visu fugientium legionum abstinuit: fama moderationis quaerebatur, postquam superbiam expleverat. flumen Arsaniam elephanto insidens, proximus quisque regem vi equorum perrupere, quia rumor incesserat pontem cessurum
15 oneri dolo fabricantium: sed qui ingredi ausi sunt, validum et fidum intellexere.

16. Ceterum obsessis adeo suppeditavisse rem frumentariam constitit, ut horreis ignem inicerent, contraque pro-
diderit Corbulo Parthos inopes copiarum et pabulo attrito relicturos oppugnationem, neque se plus tridui itinere afuisse. adicit iure iurando Paeti cautum apud signa, adstantibus iis,
5 quos testificando rex misisset, neminem Romanum Armeniam ingressurum, donec referrentur litterae Neronis, an paci ad-

14, 7 qua Caesares *Pichena*: quaces cum spatio vacuo | 11 his | 15, 1 Arsaniae *Acidalius*: arsanieti (Arsaniae etenim *Lipsius*) | Paetus pontem *Ritter* | 2 experientis | 11 aggeratis *Heinsius*: aggregatis | 16, 4 affuisse

nueret. quae ut augendae infamiae composita, sic reliqua non in obscuro habentur, una die quadraginta milium spatium
 10 emensum esse Paetum, desertis passim sauciis, neque minus deformem illam fugientium trepidationem, quam si terga in acie vertissent. Corbulo cum suis copiis apud ripam Euphratis obuius non eam speciem insignium et armorum praetulit, ut diversitatem exprobraret. maesti manipuli ac vicem com-
 15 militonum miserantes ne lacrimis quidem temperare; vix prae fletu usurpata consalutatio. decesserat certamen virtutis et ambitio gloriae, felicitum hominum adfectus: sola misericordia valebat, et apud minores magis.

17. Ducum inter se brevis sermo secutus est, hoc conquerente iam inritum laborem, potuisse bellum fuga Parthorum finiri: ille integra utrique cuncta respondit: converterent aquilas et iuncti invaderent Armeniam abscessu Vologesis infirmatam. non ea imperatoris habere mandata Corbulo:
 5 periculo legionum commotum e provincia egressum; quando in incerto habeantur Parthorum conatus, Suriam repetiturum: sic quoque optimam fortunam orandam, ut pedes confectus spatii itinerum alacrem et facilitate camporum praevenientem equitem adsequeretur. exim Paetus per Cappadociam hibernavit: at Vologesis ad Corbulonem missi nuntii, detraheret castella trans Euphraten amnemque, ut olim, medium faceret. ille Armeniam quoque diversis praesidiis vacuam fieri expostulabat. et postremo concessit rex; dirutaque quae
 15 Euphraten ultra communiverat Corbulo, et Armenii sine arbitro relictis sunt.

18. At Romae tropaea de Parthis arcusque medio Capitolini montis sistebantur, decreta ab senatu integro adhuc bello neque tum ommissa, dum aspectui consulitur sprete conscientia. quin et dissimulandis rerum externarum curis Nero
 5 frumentum plebis vetustate corruptum in Tiberim iecit, quo

16, 15 temperauere al. | 17, 1 conquerente iam Walther: conquerentium (conquerente Faërus) | 11 uologeses, em. Puteolanus (uologesi al. ut c. 14 missi Paeto nuntii) | 14 diruta queque, em. Puteolanus | 15 communiuerat, em. Bekker (communierat Puteolanus) | 18, 3 amissa | spreto | 5 plebis] publicum Ursinus

securitatem annonae sustentaret. cuius pretio nihil additum est, quamvis ducentas ferme naves portu in ipso violentia tempestatis et centum alias Tiberi subvectas fortuitus ignis absumpsisset. tris dein consulares, L. Pisonem, Ducenium Geminum, Pompeium Paulinum vectigalibus publicis prae-
 10 posuit, cum insectatione priorum principum, qui gravitate sumptuum iustos redditus anteissent: se annum sextentiens sestertium rei publicae largiri.

19. Percrebruerat ea tempestate pravissimus mos, cum propinquis comitiis aut sorte provinciarum plerique orbi fictis adoptionibus adsciscerent filios, praeturasque et provincias inter patres sortiti statim emitterent manu, quos adoptaverant. magna cum invidia senatum adeunt, ius naturae, labores edu-
 5 candi adversus fraudem et artes et brevitatem adoptionis enumerant. satis pretii esse orbis, quod multa securitate, nullis oneribus gratiam honores cuncta prompta et obvia haberent. sibi promissa legum diu expectata in ludibrium verti, quando quis sine sollicitudine parens, sine luctu orbus longa
 10 patrum vota repente adaequaret. factum ex eo senatus consultum, ne simulata adoptio in ulla parte muneris publici iuaret ac ne usurpandis quidem hereditatibus prodesset.

20. Exim Claudius Timarchus Cretensis reus agitur, ceteris criminibus, ut solent praevalidi provincialium et opibus nimiis ad iniurias minorum elati: una vox eius usque ad contumeliam senatus penetraverat, quod dictitasset in sua potestate situm, an proconsulibus, qui Cretam obtinuissent, gra-
 5 tes agerentur. quam occasionem Paetus Thrasea ad bonum publicum vertens, postquam de reo censuerat provincia Creta depellendum, haec addidit: 'usu probatum est, patres conscripti, leges egregias, exempla honesta apud bonos ex de-

18, 6 ostentaret Agricola; at ait Tacitus: populus eo usque de annonae securus fuerat; eam securitatem imperator sustentavit frumento corrupto in Tiberim iacto, quasi integri magna copia suppeteret | 8 tyberī | 9 assumpsisset | 19, 1 pravissimos cum | 4 post adoptaverant Nipperdey signum lacunae posuit, supplet Dräger at patres | 5 adeunt ius Rhenanus: adeuntibus | 20, 3 contumelia

10 lictis aliorum gigni. sic oratorum licentia Cinciam rogationem, candidatorum ambitus Iulias leges, magistratuum avaritia Calpurnia scita pepererunt; nam culpa quam poena tempore prior, emendari quam peccare posterius est. ergo adversus novam provincialium superbiam dignum fide constantiaque Romana capiamus consilium, quo tutelae sociorum nihil derogetur, nobis opinio decedat, qualis quisque habeatur, alibi quam in civium iudicio esse.

21. Olim quidem non modo praetor aut consul, sed privati etiam mittebantur, qui provincias viserent et quid de cuiusque obsequio videretur referrent, trepidabantque gentes de aestimatione singulorum: at nunc colimus externos et adulamur, et quo modo ad nutum alicuius grates, ita promptius accusatio decernitur. decernaturque et maneat provincialibus ius potentiam suam tali modo ostentandi: sed laus falsa et precibus expressa perinde cohibeatur quam malitia, quam crudelitas. plura saepe peccantur, dum demeremur quam dum
10 offendimus. quaedam immo virtutes odio sunt, severitas obstinata, invictus adversum gratiam animus. inde initia magistratuum nostrorum meliora ferme et finis inclinatur, dum in modum candidatorum suffragia conquirimus: quae si arceantur, aequabilibus atque constantius provinciae regentur. nam
15 ut metu repetundarum infracta avaritia est, ita vetita gratiarum actione ambitio cohibebitur.

22. Magno adsensu celebrata sententia, non tamen senatus consultum perfici potuit, abnuentibus consulibus ea de re relatum. mox auctore principe sanxere, ne quis ad concilium sociorum referret agendas apud senatum pro praetoribus prove
5 consulibus grates, neu quis ea legatione fungeretur.

Isdem consulibus gymnasium ictu fulminis conflagravit, effigiesque in eo Neronis ad informe aes liquefacta. et motu

20, 14 provincialium *Faërnus*: prouinciarum | 21, 4 estimatione (existimatione *Ernesti*) | 7 ius *add. Ad. Schmidt* (potestas sententiam *Madvig*), cf. *Andresen, Jahresb. II p. 113* | optentandi | 8 cohibeantur | 14 aequabilibus *Agricola*: aequalibus | 16 cohibetur, *em. Lipsius* | 22, 7 effigiesque *Puteolanus*: effigies usque

terrae celebre Campaniae oppidum Pompei magna ex parte proruit. defunctaque virgo Vestalis Laelia, in cuius locum
10 Cornelia ex familia Cossorum capta est.

23. Memmio Regulo et Verginio Rufo consulibus natam sibi ex Poppaea filiam Nero ultra mortale gaudium accepit appellavitque Augustam, dato et Poppaeae eodem cognomento. locus puerperio colonia Antium fuit, ubi ipse generatus erat. iam senatus uterum Poppaeae commendaverat
5 dis votaet publice susceperat, quae multiplicata exsolutaque. et additae supplicationes templumque Fecunditati et certamen ad exemplar Actiacae religionis decretum, utque Fortunarum effigies aureae in solio Capitolini Iovis locarentur, ludicrum circense, ut Iuliae genti apud Bovillas, ita Clau-
10 diae Domitiaeque apud Antium ederetur. quae fluxa fuere, quartum intra mensem defuncta infante. rursusque exortae adulationes consentium honorem divae et pulvinar aedemque et sacerdotem. atque ipse ut laetitiae, ita maeroris immodicus egit. adnotatum est, omni senatu Antium sub recentem
15 partum effuso, Thraseam prohibitum inmoto animo praenuntiam imminentis caedis contumeliam excepisse. secutam dehinc vocem Caesaris ferunt, qua reconciliatum se Thraseae apud Senecam iactaverit, ac Senecam Caesari gratulatum: unde gloria egregiis viris et pericula gliscebant.
20

24. Inter quae veris principio legati Parthorum mandata regis Vologesis litterasque in eandem formam attulere: se priora et totiens iactata super optinenda Armenia nunc omittere, quoniam di, quamvis potentium populorum arbitri, possessionem Parthis non sine ignominia Romana tradidissent.
5 nuper clausum Tigranen; post Paetum legionesque, cum opprimere posset, incolumes dimisisse. satis adprobatam vim; datum et lenitatis experimentum. nec recusaturum Tiridaten accipiendi diademati in urbem venire, nisi sacerdotii religione
10 attineretur. iturum ad signa et effigies principis, ubi legionibus coram regnum auspicaretur.

25. Talibus Vologesis litteris, quia Paetus diversa tam-

23, 1 uirginio | consule | 24, 3 committere

quam rebus integris scribebat, interrogatus centurio, qui cum legatis advenerat, quo in statu Armenia esset, omnes inde Romanos excessisse respondit. tum intellecto barbarum inrisu, qui peterent quod eripuerant, consuluit inter primores civitatis Nero, bellum anceps an pax inhonesta placeret. nec dubitatum de bello. et Corbulo militum atque hostium tot per annos gnarus gerendae rei praeficitur, ne cuius alterius inscitia rursus peccaretur, quia Paeti piguerat. igitur inriti remittuntur, cum donis tamen, unde spes fieret non frustra eadem oraturum Tiridaten, si preces ipse attulisset. Suriaeque executio C. Cestio, copiae militares Corbuloni permissae, et quinta decuma legio ducente Mario Celso e Pannonia adiecta est. scribitur tetrarchis ac regibus praefectisque et procuratoribus et qui praetorum finitimas provincias regerant, iussis Corbulonis obsequi, in tantum ferme modum aucta potestate, quem populus Romanus Cn. Pompeio bellum piraticum gesturo dederat. regressum Paetum, cum graviora metueret, facetiis insectari satis habuit Caesar, his ferme verbis: ignoscere se statim, ne tam promptus in pavorem longiore sollicitudine aegresceret.

26. At Corbulo quarta et duodecima legionibus, quae fortissimo quoque amisso et ceteris exterritis parum habiles proelio videbantur, in Suriam translatis, sextam inde ac tertiam legiones, integrum militem et crebris ac prosperis laboribus exercitum, in Armeniam ducit. addiditque legionem quintam, quae per Pontum agens expertis cladis fuerat, simul quintadecumanos recens adductos et vexilla delectorum ex Illyrico et Aegypto, quodque alarum cohortiumque, et auxilia regum in unum conducta apud Melitenen, qua tramittere Euphraten parabat. tum lustratum rite exercitum ad contionem vocat orditurque magnifica de auspiciis imperatoris rebusque a se gestis, adversa in inscitiam Paeti declinans, multa auctoritate, quae viro militari pro facundia erat.

25, 4 barbarorum *al. cf. ad 14, 39* | 6 inhonesta *Victorius: inhosta* | 12 executio (*iurisdicatio Madvig*) | C. *add. Nipperdey* | Cestio *Pighius: citio* (C. *Itio Orelli*) | 26, 12 adversa in *Victorius et Freinsheim: adversa*

27. Mox iter L. Lucullo quondam penetratum, apertis quae vetustas obsaepserat, pergit. et venientes Tiridatis Vologesisque de pace legatos haud aspernatus, adiungit iis centuriones cum mandatis non inmitibus: nec enim adhuc eventum, ut certamine extremo opus esset. multa Romanis secunda, quaedam Parthis evenisse, documento adversus superbiam. proinde et Tiridati conducere intactum vastationibus regnum dono accipere, et Vologesen melius societate Romana quam damnis mutuis genti Parthorum consulturum. scire, quantum intus discordiarum quamque indomitas et praeferoce nationes regeret: contra imperatori suo immotam ubique pacem et unum id bellum esse. simul consilio terrorem adicere, et megistanas Armenios, qui primi a nobis defecerant, pellit sedibus, castella eorum excindit, plana edita, validos invalidosque pari metu complet.

28. Non infensum nec cum hostili odio Corbulonis nomen etiam barbaris habebatur, eoque consilium eius fidum credebant. ergo Vologeses neque atrox in summam, et quibusdam praefecturis indutias petit: Tiridates locum diemque colloquio poscit. tempus propinquum, locus, in quo nuper obsessae cum Paeto legiones erant, cum barbaris delectus esset ob memoriam laetioris sibi rei, Corbulo non vitavit, ut dissimilitudo fortunae gloriam auget. neque infamia Paetiangebatur, quod eo maxime patuit, quia filio eius tribuno ducere manipulos atque operire reliquias malae pugnae imperavit. die pacta Tiberius Alexander, inlustris eques Romanus, minister bello datus, et Vinicianus Annius, gener Corbulonis, nondum senatoria aetate, set pro legato quintae legioni inpositus, in castra Tiridatis venire, honori eius ac ne metueret insidias tali pignore; viceni dehinc equites ad-

27, 6 documento | 7 perinde | 8 vologeses | 14 pellit | 28, 1 nec cum] *nedum Lipsius* | 6 est (tum barbaris delectus est *Jac. Gronovius, item Döderlein, sed hic deleto cum*) | 7 vitavit *Bekker: vitatus* (Corbuloni non vitatus *Agricola*) | 12 Vinicianus *Ryck: vinianus* | 13 aetates et | 14 honori *Lipsius: honor* (*honore al.*)

sumpti. et viso Corbulone rex prior equo desiluit; nec cunctatus Corbulo, sed pedes uterque dexteras miscuere.

29. Exim Romanus laudat iuvenem omissis praecipitibus tuta et salutaria capessentem. ille de nobilitate generis multum praefatus, cetera temperanter adiungit: iturum quippe Romam laturumque novum Caesari decus, non adversis Parthorum rebus supplicem Arsaciden. tum placuit Tiridaten ponere apud effigiem Caesaris insigne regium nec nisi manu Neronis resumere; et conloquium osculo finitum. dein paucis diebus interiectis, magna utrimque specie, inde eques compositus per turmas et insignibus patriis, hinc agmina legionum stetero fulgentibus aquilis signisque et simulacris deum in modum templi: medio tribunal sedem curulem et sedes effigiem Neronis sustinebat. ad quam progressus Tiridates, caesis ex more victimis, sublato capiti diadema imagini subiecit, magnis apud cunctos animorum motibus, quos augebat insita adhuc oculis exercituum Romanorum caedes aut obsidio. at nunc versos casus: iturum Tiridaten ostentui gentibus, quanto minus quam captivum?

30. Addidit gloriae Corbulo comitatem epulasque; et rogitante rege causas, quotiens novum aliquid adverterat, ut initia vigiliarum per centurionem nuntiari, convivium bucina dimitti et structam ante augurale aram subdita face accendi, cuncta in maius attollens admiratione prisca moris adfecit. postero die spatium oravit, quo tantum itineris aditurus fratres ante matremque viseret; obsidem interea filiam tradit litterasque supplices ad Neronem.

31. Et digressus Pacorum apud Medos, Vologesen Ecbatanis repperit, non incuriosum fratris: quippe et propriis nuntiis a Corbulone petierat, ne quam imaginem servitii Tiridates perferret neu ferrum traderet aut complexu provincias optinentium arceretur foribusve eorum adisteret, tantusque ei Romae quantus consulibus honor esset. scilicet

29, 3 multum *Puteolanus*: militum | 13 sublato | capite *Rhenanus* | 16 iturum *idem*: iterum | 30, 1 rogitantem regem *Jo. Fr. Gronovius* | 4 auguralē, *em. Agricola* | 7 fort. tradidit

externae superbiae sueto non inerat notitia nostri, apud quos vis imperii valet, inania tramittuntur.

32. Eodem anno Caesar nationes Alpium maritimarum in ius Latii transtulit. equitum Romanorum locos sedilibus plebis anteposuit apud circum; namque ad eam diem indiscreti inibant, quia lex Roscia nihil nisi de quattuordecim ordinibus sanxit. spectacula gladiatorum idem annus habuit pari magnificentia ac priora; sed feminarum inlustrium senatorumque plures per arenam foedati sunt.

33. C. Laecanio M. Licinio consulibus acriore in dies cupidine adigebatur Nero promiscas scaenas frequentandi. nam adhuc per domum aut hortos cecinerat Iuvenalibus ludis, quos ut parum celebres et tantae voci angustos spernebat. non tamen Romae incipere ausus Neapolim quasi Graecam urbem delegit: inde initium fore, ut transgressus in Achaiam insignesque et antiquitus sacras coronas adeptus maiore fama studia civium eliceret. ergo contractum oppidanorum vulgus, et quos e proximis coloniis et municipiis eius rei fama acciverat, quique Caesarem per honorem aut varios usus sectantur, etiam militum manipuli, theatrum Neapolitanorum complent.

34. Illic, plerique ut arbitrabantur, triste, ut ipse, providum potius et secundis numinibus evenit: nam egresso qui adfuerat populo vacuum et sine ullius noxa theatrum collapsum est. ergo per compositos cantus grates dis atque ipsam recentis casus fortunam celebrans petiturusque maris Hadriae traiectus apud Beneventum interim consedit, ubi gladiatorium munus a Vatinio celebre edebatur. Vatinus inter foedissima eius aulae ostenta fuit, sutrinae tabernae alumnus, corpore detorto, facetiis scurrilibus; primo in contumelias adsumptus, dehinc optimi cuiusque criminatione usque valuit, ut gratia, pecunia, vi nocendi etiam malos praemineret.

35. Eius munus frequentanti Neroni ne inter voluptates

33, 3 cecinerat aut Iuvenalibus *Haase* | 6 transgressis | 10 ciuerat | 34, 1 arbitrantur, *em. Rhenanus* | 11 evaluit *Acidalius*

quidem a sceleribus cessabatur. isdem quippe illis diebus Torquatus Silanus mori adigitur, quia super Iuniae familiae claritudinem divum Augustum abavum ferebat. iussi accusatores obicere prodigum largitionibus, neque aliam spem quam in rebus novis esse: quin eum inter libertos habere, quos ab epistulis et libellis et rationibus appellet, nomina summae curae et meditamenta. tum intimus quisque libertorum vincti abreptique. et cum damnatio instaret, brachiorum venas Torquatus interscidit. secutaque Neronis oratio ex more, quamvis sontem et defensionem merito diffusum victurum tamen fuisse, si clementiam iudicis exspectasset.

36. Nec multo post ommissa in praesens Achaia (causae in incerto fuere) urbem revisit, provincias Orientis, maxime Aegyptum, secretis imaginationibus agitans. dehinc edicto testificatus non longam sui absentiam et cuncta in re publica perinde immota ac prospera fore, super ea profectio adiiit Capitolium. illic veneratus deos, cum Vestae quoque templum inisset, repente cunctos per artus tremens, seu numine exterrente, seu facinorum recordatione numquam timore vacuus, deseruit inceptum, cunctas sibi curas amore patriae leviores dictitans. vidisse maestos civium vultus, audire secretas querimonias, quod tantum *itineris* aditurus esset, cuius ne modicos quidem egressus tolerarent, sueti adversum fortuita aspectu principis refoveri. ergo ut in privatis necessitudinibus proxima pignora praevalerent, ita in re publica populum Romanum vim plurimam habere parendumque retinenti. haec atque talia plebi volentia fuere, voluptatum cupi-

35, 4 abavum *Ch. Ad. Rupertus* (ep. 60 ad Reinesium): atavum | iussis, fort. iussi sunt | 6 quin eum inter libertos scripsi: qui ne innobiles (quin eum domi libertos *Jo. Fr. Gronovius* et sine domi ed. *Bipontina*, quin eum *Lipsius*, quin in villis *R. Seyffert*) cf. 16, 8, 3 | 10 interscidit *Zumpt* ad *Curt.* p. 138, ut est 16, 14 et *Plin. N. H. XI, 37, 174*; at dixit *Tacitus* venas abscindere 15, 69 et 16, 11 | 36, 3 edicto *Rhenanus*: dicto | 5 perinde, em. *Pichena* | prospere | 11 itineris add. *Heinsius* post esset, iter add. al. cf. 15, 30 | auditorus | 14 in re p. supplevit *Wurm* (apud se addidi ipse olim) | 16 volenti *Rhenanus*

dine et, quae praecipua cura est, rei frumentariae angustias, si abesset, metuenti. senatus et primores in incerto erant, procul an coram atrocior haberetur: dehinc, quae natura magnis timoribus, deterius credebant quod evenerat.

37. Ipse quo fidem acquireret nihil usquam perinde laetum sibi, publicis locis struere convivia totaque urbe quasi domo uti. et celeberrimae luxu famaepulae fuere, quas a Tigellino paratas ut exemplum referam, ne saepius eadem prodigientia narranda sit. igitur in stagno Agrippae fabricatus est ratem, cui superpositum convivium navium aliarum tractu moveretur. naves auro et ebore distinctae, remigesque exoleti per aetates et scientiam libidinum componebantur. volucres et feras diversis e terris et animalia maris Oceano abusque petiverat. crepidinibus stagni lupanaria adstabant inlustribus feminis completa, et contra scorta visebantur nudis corporibus. iam gestus motusque obsceni; et postquam tenebrae incedebant, quantum iuxta nemoris et circumiecta tecta consonare cantu et luminibus clarescere. ipse per licita atque illicita foedatus nihil flagitii reliquerat, quo corruptior ageret, nisi paucos post dies uni ex illo contaminatorum grege (nomen Pythagorae fuit) in modum sollemnium coniugiorum denupsisset. inditum imperatori flammum, visi auspices, dos et genialis torus et faces nuptiales, cuncta denique spectata, quae etiam in femina nox operit.

38. Sequitur clades, forte an dolo principis incertum (nam utrumque auctores prodidere), sed omnibus, quae huic urbi per violentiam ignium acciderunt, gravior atque atrocior. initium in ea parte circi ortum, quae Palatino Caelioque montibus contigua est, ubi per tabernas, quibus id mercimonium inerat, quo flamma alitur, simul coeptus ignis et statim validus ac vento citus longitudinem circi corripuit. neque enim domus munimentis saeptae vel templa muris cincta aut quid aliud morae interiacebat. impetu pervagatum incendium plana primum, deinde in edita adsurgens et rursus inferiora po-

37, 4 exemplā | 12 Jestus | 19 visi *Rhenanus*: misit (missi *Lipsius*, missi et *Döderlein*, fort. visi et) | 38, 3 occiderunt *1 m.*

pulando, anteiit remedia velocitate mali et obnoxia urbe artis itineribus hucque et illuc flexis atque enormibus vicijs, qualis vetus Roma fuit. ad hoc lamenta paventium feminarum, fessa aetate aut rudis pueritiae [aetas], quique sibi
 15 quique aliis consulebant, dum trahunt invalidos aut opperiuntur, pars mora, pars festinans, cuncta impediabant. et saepe, dum in tergum respectant, lateribus aut fronte circumveniebantur, vel si in proxima evaserant, illis quoque igni correptis, etiam quae longinqua crediderant in eodem casu re-
 20 periebant. postremo, quid vitarent quid peterent ambigui, complere vias, sterni per agros; quidam amissis omnibus fortunis, diurni quoque victus, alii caritate suorum, quos eripere nequiverant, quamvis patente effugio interiëre. nec quisquam defendere audebat, crebris multorum minis restin-
 25 guere prohibentium, et quia alii palam faces iaciebant atque esse sibi auctorem vociferabantur, sive ut raptus licentius exercerent seu iussu.

39. Eo in tempore Nero Antii agens non ante in urbem regressus est, quam domui eius, qua Palatium et Maecenatis hortos continuaverat, ignis propinquaret. neque tamen sisti potuit, quin et Palatium et domus et cuncta circum hauri-
 5 rentur. sed solacium populo exturbato ac profugo campum Martis ac monumenta Agrippae, hortos quin etiam suos patefecit et subitaria aedificia exstruxit, quae multitudinem inopem acciperent; subvectaque utensilia ab Ostia et propin-
 10 quis municipiis, pretiumque frumenti minutum usque ad ternos nummos. quae quamquam popularia in inritum cadebant, quia pervaserat rumor ipso tempore flagrantis urbis inisse eum domesticam scaenam et cecinisse Troianum excidium, praesentia mala vetustis cladibus adsimulantem.

40. Sexto demum die apud imas Esquilias finis incendio factus, prorutis per inmensum aedificiis, ut continuae violen-

38, 13 [feminarum] *Haase* | 14 pueritiae *Jac. Gronovius*: pueritiae aetas (fessa aut rudis pueritiae aetas *Lipsius*, fessa aut rudis aetas *Haase*) | 19 repperiebantur, *em. Jo. Fr. Gronovius* | 22 diurno quoque victu *Brotier*, diurni q. victus copia *Nipperdey* | 26 auctore *1 m.* | 39, 11 rumori (rumor in *Ernesti*) | 40, 2 proruptis, *em. Jo. Fr. Gronovius*

tiae campus et velut vacuum caelum occurreret. necdum positus metus, et rediit haut levius rursum grassatus ignis patulis magis urbis locis, eoque strages hominum minor: de-
 5 lubra deum et porticus amoenitati dicatae latius procidere. plusque infamiae id incendium habuit, quia praediis Tigellini Aemilianis proruperat; videbaturque Nero condendae urbis novae et cognomento suo appellandae gloriam quaerere. quippe in regiones quattuordecim Roma dividitur, quarum
 10 quattuor integrae manebant, tres solo tenus deiectae: septem reliquis pauca tectorum vestigia supererant, lacera et semusta.

41. Domuum et insularum et templorum, quae amissa sunt, numerum inire haud promptum fuerit: sed vetustissima religione, quod Servius Tullius Lunae, et magna ara fanum-
 que, quae praesenti Herculi Arcas Evander sacraverat, aedes-
 que Statoris Iovis vota Romulo Numaeque regia et delubrum
 5 Vestae cum Penatibus populi Romani exusta; iam opes tot victoriis quaesitae et Graecarum artium decora, exim monu-
 menta ingeniorum antiqua et incorrupta, ut quamvis in tanta resurgentis urbis pulchritudine multa seniores meminerint, quae reparari nequibant. fuere qui adnotarent XIII Kal. 10 *July*
 Sextiles principium incendii huius ortum, quo et Senones captam urbem inflammaverint. alii eo usque cura progressi sunt, ut totidem annos mensesque et dies inter utraque incendia numerent.

42. Ceterum Nero usus est patriae ruinis exstruxitque domum, in qua haud proinde gemmae et aurum miraculo es-
 sent, solita pridem et luxu vulgata, quam arva et stagna et in modum solitudinum hinc silvae, inde aperta spatia et pro-
 spectus, magistris et machinatoribus Severo et Celere, qui-
 5 bus ingenium et audacia erat etiam, quae natura denegavisset, per artem temptare et viribus principis inludere. nam-

40, 4 positus metus et *Jacob*: post metus aut | rediit haut nos: rediebat | levius *Lipsius*: lebis (positus metus auctus redibat: saevus rursus *Haase*, positus metus haud levius redibat: rursus *Bezenberger*,posito metu redibat levius *Hiller*) | 11 delectae *Acidalius* | 41, 7 quaesitas *Ernesti* | 8 ut *addidi* | 11 quo et *Rhenanus*: et quo | 42, 2 perinde *al.* | 7 temperare

que ab lacu Averno navigabilem fossam usque ad ostia Tiberina depressuros promiserant, squalenti litore aut per montes adversos. neque enim aliud umidum gignendis aquis occurrit quam Pomptinae paludes: cetera abrupta aut arenosa, ac si perrumpi possent, intolerandus labor nec satis causae. Nero tamen, ut erat incredibilium cupitor, effodere proxima Averno iuga conisus est, manentque vestigia inritae spei.

43. Ceterum urbis quae domus perierant non, ut post Gallica incendia, nulla distinctione nec passim erectae, sed dimensis vicorum ordinibus et latis viarum spatiis cohibitae aedificiorum altitudine ac patefactis areis additisque porticibus, quae frontem insularum protegerent. eas porticus Nero sua pecunia exstructurum purgatasque areas dominis traditurum pollicitus est. addidit praemia pro cuiusque ordine et rei familiaris copiis, finivitque tempus, intra quod effectis domibus aut insulis apiscerentur. ruderi accipiendum Ostienses paludes destinabat, utique naves, quae frumentum Tiberi subvectavissent, onustae rudere decurrerent, aedificiaque ipsa certa sui parte sine trabibus saxo Gabino Albanove solidarentur, quod is lapis ignibus impervius est; iam aqua privatorum licentia intercepta quo largior et pluribus locis in publicum flueret, custodes, et subsidia reprimendis ignibus in propatulo quisque haberet; nec communiione parietum, sed propriis quaeque muris ambirentur. ea ex utilitate accepta decorem quoque novae urbi attulere. erant tamen qui crederent, veterem illam formam salubritati magis conduxisse, quoniam angustiae itinerum et altitudo tectorum non perinde solis vapore perrumperentur: at nunc patulam latitudinem et nulla umbra defensam graviore aestu ardescere.

44. Et haec quidem humanis consiliis providebantur. mox petita dis piacula aditique Sibyllae libri, ex quibus supplicatum Volcano et Cereri Proserpinaeque, ac propitiata

42, 14 irrita | 43, 1 domus perierant *Lipsius*: domui supererant (domus insulaeque perierant *Heraeus*) | 2 erectae *Lipsius*: erecta | 11 subvectavissent *nos*: subvecta essent (subnectassent *al.*) | 14 largitior | 16 nec comm. — ambirentur *Nipperdey ante iam* (v. 13) *posuit* | 44, 2 dis *Jo. Fr. Gronovius*: a dis

Iuno per matronas, primum in Capitolio, deinde apud proximum mare, unde hausta aqua templum et simulacrum deae 5 perspersum est; et sellisternia ac pervigilia celebrare feminae, quibus mariti erant. sed non ope humana, non largitionibus principis aut deum placamentis decedebat infamia, quin iussum incendium crederetur. ergo abolendo rumori Nero subdidit reos et quaesitissimis poenis adfecit, quos per 10 flagitia invisos vulgus Christianos appellabat. auctor nominis eius Christus Tiberio imperitante per procuratorem Pontium Pilatum supplicio adfectus erat; repressaque in praesens exitiabilis superstitio rursus erumpebat, non modo per Iudaeam, originem eius mali, sed per urbem etiam, quo cuncta 15 undique atrocita aut pudenda confluunt celebranturque. igitur primum correpti qui fatebantur, deinde indicio eorum multitudo ingens haud proinde in crimine incendii quam odio humani generis convicti sunt. et pereuntibus addita ludibria, ut ferarum tergis contacti laniatu canum interirent, multi 20 crucibus adfixi aut flamma usti, aliique, ubi defecisset dies, in usum nocturni luminis urerentur. hortos suos ei spectaculo Nero obtulerat et circense ludicrum edebat, habitu aurigae permixtus plebi vel curriculo insistens. unde quamquam adversus sontes et novissima exempla meritos miseratio orie- 25 batur, tamquam non utilitate publica, sed in saevitiam unius absumerentur.

45. Interea conferendis pecuniis pervastata Italia, provinciae eversae sociique populi et quae civitatum liberae vocantur. inque eam praedam etiam di cessere, spoliatis in urbe templis egestoque auro, quod triumphis, quod votis omnis populi Romani aetas prospere aut in metu sacraverat. 5

44, 6 respersum *malebat Bezenberger coll. 16, 10* | 18 perinde *al.* | in *del. Faërnus* | 19 coniuncti | 20 interirent aut crucibus adfixi aut flammandi atque ubi *Med. correximus ex Sulpicio Severo qui II, 29 haec habet*: quin et novae mortes excogitatae, ut f. tergis contacti laniatu canum interirent, multi crucibus adfixi aut flamma usti, plerique in id reservati, ut. cum defecisset dies, in usum nocturni luminis urerentur | 21 flammata *Agricola* | 22 usu | 24 curriculo *Agricola*: circulo | 45, 5 prospera re *Acidalius*

enimvero per Asiam atque Achaiam non dona tantum, sed simulacra numinum abripiebantur, missis in eas provincias Acrato ac Secundo Carinate. ille libertus cuicumque flagitio promptus, hic Graeca doctrina ore tenus exercitus animum
 10 bonis artibus non inbuerat. ferebatur Seneca, quo invidiam sacrilegii a semet averteret, longinqui ruris secessum oravisse, et postquam non concedebatur, ficta valetudine, quasi aeger nervis, cubiculum non egressus. tradidere quidam venenum ei per libertum ipsius, cui nomen Cleonicus,
 15 paratum iussu Neronis vitatumque a Seneca proditione liberti seu propria formidine, dum per simplicem victum et agrestibus pomis, ac si sitis admoneret, profluente aqua vitam tolerat.

46. Per idem tempus gladiatores apud oppidum Praeneste temptata eruptione praesidio militis, qui custos adesset, coerciti sunt, iam Spartacum et vetera mala rumoribus ferente populo, ut est novarum rerum cupiens pavidusque.
 5 nec multo post clades rei navalis accipitur, non bello (quippe haud alias tam immota pax), sed certum ad diem in Campaniam redire classem Nero iusserat, non exceptis maris casibus. ergo gubernatores, quamvis saeviente pelago, a Formiis movere; et gravi Africo, dum promunturium Miseni superare contendunt, Cumanis litoribus incompacti triremium ple-
 10 rasque et minora navigia passim amiserunt.

47. Fine anni vulgantur prodigia, imminentium malorum nuntia. vis fulgurum non alias crebrior, et sidus cometes, sanguine industri semper Neroni expiatum. bicipites hominum aliorumve animalium partus abiecti in publicum aut in
 5 sacrificiis, quibus gravidas hostias inmolare mos est, reperti. et in agro Placentino viam propter natus vitulus, cui caput in crure esset; secutaque haruspicum interpretatio, parari

45, 8 Carinate *Puteolanus*; caprinatae | 10 imbuerat *Lipsius*: induerat | 16 per simplicem victum *nos*: persimplici uictu | 18 toleraret *Ernesti* | 46, 2 adest *Nipperdey*, adsidet *Döderlein* | 47, 3 semper *del. Grotius*, Neroni obelo notavit *Ernesti* ob locum *Suetonii Ner. 36* | 5 immolari *malim coll. 2, 34, 22. 4, 70, 11. H. 3, 56, 4.*

rerum humanarum aliud caput, sed non fore validum neque occultum, quia in utero repressum aut iter iuxta editum sit.

48. Ineunt deinde consulatum Silius Nerva et Atticus Vestinus, coepta simul et aucta coniuratione, in quam certatim nomina dederant senatores eques miles, feminae etiam, cum odio Neronis, tum favore in C. Pisonem. is Calpurnio genere ortus ac multas insignesque familias paterna nobilitate complexus, claro apud vulgum rumore erat per virtutem
 5 aut species virtutibus similes. namque facundiam tuendis civibus exercebat, largitionem adversum amicos, et ignotis quoque comi sermone et congressu; aderant etiam fortuita, corpus procerum, decora facies: sed procul gravitas morum
 10 aut voluptatum parsimonia; levitati ac magnificentiae et aliquando luxu indulgebat. idque pluribus probabatur, qui in tanta vitiorum dulcedine summum imperium non restrictum nec perseverum volunt.

49. Initium coniurationi non a cupidine ipsius fuit: nec tamen facile memoraverim, quis primus auctor, cuius instinctu concitum sit quod tam multi sumpserunt. promptissimos Subrium Flavum tribunum praetoriae cohortis et Sulpicium Asprum centurionem extitisse constantia exitus do-
 5 cuit; et Lucanus Annaeus Plautiusque Lateranus vivida odia intulere. Lucanum propriae causae accendebat, quod famam carminum eius premebat Nero prohibueratque ostentare, vanus adsimulatione: Lateranum consulem designatum nulla iniuria, sed amor rei publicae sociavit. at Flavius Scaevinus
 10 et Afranius Quintianus, uterque senatorii ordinis, contra famam sui principium tanti facinoris capessivere. nam Scaevino dissoluta luxu mens et proinde vita somno languida: Quintianus mollitia corporis infamis et a Nerone probroso carmine diffamatus contumelias ultum ibat.
 15

47, 9 aut] et *Ernesti*, at v. ad 1, 16 | 48, 11 levitati *Ernesti*: lenitati | 49, 1 coniurationis *al.* | 4 Flavum *Bekker*: flavium | 6 Lateranus *idem*: lateranus consul designatus (*cf. v. 9*) | 9 aemulatione *Lipsius*; cum Tacitus tam multa in verborum significationibus novaverit, religioni fuit adsimulatione, i. e. studio eius adaequandi, immutare | 15 multum

50. Ergo dum scelera principis, et finem adesse imperio deligendumque, qui fessis rebus succurreret, inter se aut inter amicos iaciunt, adgregavere Claudium Senecionem, Cervarium Proculum, Vulcatium Araricum, Iulium Augurinum, Munatium Gratum, Antonium Natalem, Marcium Festum, equites Romanos. ex quibus Senecio, e praecipua familiaritate Neronis, speciem amicitiae etiam tum retinens eo pluribus periculis conflictabatur: Natalis particeps ad omne secretum Pisoni erat, ceteris spes ex novis rebus petebatur. adscitae sunt super Subrium et Sulpicium, de quibus rettuli, militares manus, Gavius Silvanus et Stadius Proximus tribuni cohortium praetoriarum, Maximus Scaurus et Venetus Paulus centuriones. sed summum robur in Faenio Rufo praefecto videbatur, quem vita famaue laudatum per saevitiam in pudicitiamque Tigellinus in animo principis anteibat, fatigabatque criminationibus ac saepe in metum adduxerat quasi adulterum Agrippinae et desiderio eius ultioni intentum. igitur ubi coniuratis praefectum quoque praetorii in partes descendisse crebro ipsius sermone facta fides, promptius iam de tempore ac loco caedis agitabant. et cepisse impetum Subrius Flavius ferebatur in scaena canentem Neronem adgrediendi, aut cum ardente domo per noctem huc illuc cursaret incustoditus. hic occasio solitudinis, ibi ipsa frequentia tanti decoris testis pulcherrima animum exstimulaverant, nisi impunitatis cupido retinisset, magnis semper conatibus adversa.

51. Interim cunctantibus prolatantibusque spem ac metum Epicharis quaedam, incertum quonam modo sciscitata (neque illi ante ulla rerum honestarum cura fuerat), accendere et arguere coniuratos, ac postremum lentitudinis eorum

50, 2 deligendum quique, *em. Puteolanus* | 3 Claudium Ritter: tullium, *cf. 13, 12* | 4 vulgacium, *em. Rhenanus* | 19 sermonis | 22 abscedens domo *Haase* | 24 pulcherrima *Urlichs: pulcherrimum (pulcherrimum ad facinus Orelli)* | exstimulaverat *ante veterem correctionem, cf. ad 16, 20* | 51, 1 spe ac metu *Lipsius*, spem inter ac metum *Acidalius* | 4 arguere *Pluygers*: arguere

pertaesa et in Campania agens primores classiariorum Misenensium labefacere et conscientia inligare conisa est tali initio. erat navarchus in ea classe Volusius Proculus, occidendae matris Neroni inter ministros, non ex magnitudine sceleris provectus, ut rebatur. is mulieri olim cognitus, seu recens orta amicitia, dum merita erga Neronem sua et quam in inritum cecidissent aperit adicitque questus et destinationem vindictae, si facultas oreretur, spem dedit posse inpelli et plures conciliare: nec leve auxilium in classe, crebras occasiones, quia Nero multo apud Puteolos et Misenum maris usu laetabatur. ergo Epicharis plura; et omnia scelera principis orditur, neque senatui *neque populo* quidquam manere. sed provisum, quonam modo poenas eversae rei publicae daret: accingeretur modo navare operam et militum acerrimos ducere in partes, ac digna pretia exspectaret; nomina tamen coniuratorum reticuit. unde Proculi indicium inritum fuit, quamvis ea, quae audierat, ad Neronem detulisset. accita quippe Epicharis et cum indice composita nullis testibus innisum facile confutavit. sed ipsa in custodia retenta est, suspectante Nerone haud falsa esse etiam quae vera non probabantur.

52. Coniuratis tamen metu proditionis permotis placitum maturare caedem apud Baias in villa Pisonis, cuius amoenitate captus Caesar crebro ventitabat balneasque et epulas inibat omissis excubiis et fortunae suae mole. sed abnuvit Piso, invidiam praetendens, si sacra mensae dique hospitales caede qualiscumque principis cruentarentur: melius apud urbem in illa invisam et spoliis civium exstructa domo vel in publico patraturos quod pro re publica suscepissent. haec in commune, ceterum timore occulto, ne L. Silanus eximia nobilitate disciplinaque C. Cassii, apud quem educatus erat, ad omnem claritudinem sublatus imperium invaderet, prompte daturis, qui a coniuratione integri essent quique miserarentur Neronem tamquam per scelus interfectum. plerique Vestini

51, 7 erant uarchus | 8 Neroni *Heinsius*: neronis | 16 senatui sancti *Thomas* | neque populo *add. Madvig ante neque senatui* | quidquam *idem*: quid | 18 multum | 19 duceret *al.* | 52, 2 quo eius *Pichena* | 3 crebro eo *Lipsius*, creber eo *Heinsius*

quoque consulis acre ingenium vitavisse Pisonem crediderunt,
 15 ne ad libertatem oreretur, vel delecto imperatore alio sui
 muneris rem publicam faceret. etenim expers coniurationis
 erat, quamvis super eo crimine Nero vetus adversum in-
 sontem odium expleverit.

53. Tandem statuere circensium ludorum die, qui Cereri
 celebratur, exsequi destinata, quia Caesar rarus egressu do-
 moque aut hortis clausus ad ludicra circi ventitabat prom-
 ptioresque aditus erant laetitia spectaculi. ordinem insidiis
 5 composuerant, ut Lateranus, quasi subsidium rei familiari
 oraret, deprecabundus et genibus principis accidens proster-
 neret incautum premeretque, animi validus et corpore in-
 gens. tum iacentem et impeditum tribuni et centuriones et
 ceterorum, ut quisque audientiae habuisset, adcurrerent tru-
 cidarentque, primas sibi partes expostulante Scaevino, qui
 pugionem templo Salutis sive, ut alii tradidere, Fortunae
 Ferentino in oppido detraxerat gestabatque velut magno
 operi sacrum. interim Piso apud aedem Cereris opperiretur,
 unde eum praefectus Faenius et ceteri accitum ferrent in
 15 castra, comitante Antonia, Claudii Caesaris filia, ad elicien-
 dum vulgi favorem, quod C. Plinius memorat. nobis quoque
 modo traditum non occultare in animo fuit, quamvis absur-
 dum videretur aut inanem ad spem Antoniam nomen et pe-
 riculum commodavisse, aut Pisonem notum amore uxoris alii
 20 matrimonio se obstrinxisse, nisi si cupido dominandi cunctis
 adfectibus flagrantior est.

54. Sed mirum quam inter diversi generis ordinis, ae-
 tatis sexus, dites pauperes taciturnitate omnia cohibita sint,
 donec proditio coepit e domo Scaevini; qui pridie insidia-
 rum multo sermone cum Antonio Natale, dein regressus do-
 5 mum testamentum obsignavit, promptum vagina pugionem,
 de quo supra rettuli, vetustate obtusum increpans, asperari

52, 15 libertate moreretur, *em. Pichena* | 53, 2 celebrantur
Agricola | 6 accedens, *em. Rhenanus* | 9 audientiae | 10 expostu-
 lanti | 11 Salutis *Ernesti*: salutis in etruria | sive utilia tr. |
 12 Ferentino *Cluverius*: frentano | 13 operis, *em. Pichena* | 18
 inanem ad *idem*: inane aut | 54, 6 asperari

saxo et in mucronem ardescere iussit eamque curam liberto
 Milicho mandavit. simul affluentius solito convivium ini-
 tum, servorum carissimi libertate et alii pecunia donati. at-
 que ipse maestus et magnae cogitationis manifestus erat, 10
 quamvis laetitiam vagis sermonibus simularet. postremo vul-
 neribus ligamenta quibusque sistitur sanguis parare eundem
 Milichum monet, sive gnarum coniurationis et illuc usque
 fidum, seu nescium et tunc primum arreptis suspicionibus,
 ut plerique tradidere de consequentibus. nam cum secum 15
 servilis animus praemia perfidiae reputavit simulque inmensa
 pecunia et potentia obversabantur, cessit fas et salus pa-
 troni et acceptae libertatis memoria. etenim uxoris quoque
 consilium adsumpserat muliebri ac deterius: quippe ultro
 metum intentabat, multosque adstittisse liberos ac servos, 20
 qui eadem viderint: nihil profuturum unius silentium, at prae-
 mia penes unum fore, qui indicio praevenisset.

55. Igitur coepta luce Milichus in hortos Servilianos per-
 git; et cum foribus arceretur, magna et atrocia adferre dicti-
 tans deductusque ab ianitoribus ad libertum Neronis Epa-
 phroditum, mox ab eo ad Neronem, arguens periculum, gra-
 ves coniuratos et cetera, quae audierat *aut* coniectaverat, 5
 docet. telum quoque in necem eius paratum ostendit acci-
 rique reum iussit. is raptus per milites et defensionem or-
 sus, ferrum, cuius argueretur, olim religione patria cultum
 et in cubiculo habitum ac fraude liberti subreptum respondit,
 tabulas testamenti saepius a se et incustodita dierum obser- 10
 vatione signatas. pecunias et libertates servis et ante dono
 datas, sed ideo tunc largius, quia tenui iam re familiari et in-
 stantibus creditoribus testamento diffideret. enimvero libera-
 les semper epulas struxisse, vitam amoenam et duris iu-
 dicibus parum probatam. fomenta vulneribus nulla iussu suo, 15
 sed quia cetera palam vana obiecisset, adiungere crimen,

54, 9 karissimi | 12 parare *Puteolanus*: partiebatq; (*fort.*
 parat itemque) | 14 suscipionibus | 15 [de consequentibus]
Heinsius | 18 ut enim | 21 audierint *Heinsius*, viderint audierint
Nipperdey | 55, 5 aut *add. Wurm* | 14 struxisse, diffideret enim
 vero (*repet. ex v. 13*) vitam (struxisse, egisse vitam *Agricola*)

cuius se pariter indicem et testem faceret. adicit dictis constantiam; incusat ultro intestabilem et consceleratum, tanta vocis ac vultus securitate, ut labaret indicium, nisi Milichum
 20 uxor admonisset Antonium Natalem multa cum Scaevino ac secreta conlocutum et esse utrosque C. Pisonis intimos.

56. Ergo accitur Natalis, et diversi interrogantur, quisnam is sermo, qua de re fuisset. tum exorta suspicio, quia non congruentia responderant, inditaque vincla. et tormentorum aspectum ac minas non tulere: prior tamen Natalis,
 5 totius conspirationis magis gnarus, simul arguendi peritior, de Pisonē primum fatetur, deinde adicit Annaeum Senecam, sive internuntius inter eum Pisonemque fuit, sive ut Neronis gratiam pararet, qui infensus Senecae omnes ad eum opprimendum artes conquirebat. tum cognito Natalis indicio Scaevinus quoque pari inbecillitate, an cuncta iam patefacta credens nec ullum silentii emolumentum, edidit ceteros. ex quibus Lucanus Quintianusque et Senecio diu abnuere: post promissa impunitate corrupti, quo tarditatem excusarent, Lucanus Aciliam matrem suam, Quintianus Glitium Gallum,
 15 Senecio Annum Pollionem, amicorum praecipuos, nominavere.

57. Atque interim Nero recordatus Volusii Proculi indicio Epicharim attineri ratusque muliebri corpore impar dolori tormentis dilacerari iubet. at illam non verbera, non ignes, non ira eo acrius torquentium, ne a femina spernerentur, pervicere, quin obiecta denegaret. sic primus quaestionis dies contemptus. postero cum ad eosdem cruciatus retraheretur gestamine sellae (nam dissolutis membris insistere nequibat), vinclo fasciae, quam pectori detraxerat, in modum laquei ad arcum sellae restricto indidit cervicem
 10 et corporis pondere conisa tenuem iam spiritum expressit, clariore exemplo libertina mulier in tanta necessitate alienos ac prope ignotos protegendo, cum ingenui et viri et equites

55, 17 cuius se *Acidalius*: Iussisse (fort. cuius sese) | 56, 12 *quintilianusque*, em. *Lipsius*, et sic *deinceps* | 14 *Aciliam Puteol.* (ex 15, 71): *atillam* | *quintilianus*, item 57, 15 et 70, 7 | 15 *praecipuae* | 57, 2 *apichari*, em. *Puteol.* (*Epicharin Bekker*)

Romani senatoresque intacti tormentis carissima suorum quisque pignorum proderent. non enim omittebant Lucanus quoque et Senecio et Quintianus passim conscios edere, magis
 15 magisque pavido Nerone, quamquam multiplicatis excubiis semet saepsisset.

58. Quin et urbem per manipulos occupatis moenibus, incesso etiam mari et amne, velut in custodiam dedit. volitabantque per fora, per domos, rura quoque et proxima municipiorum pedites equitesque, permixti Germanis, quibus fidebat princeps quasi externis. continua hinc et vincla
 5 agmina trahi ac foribus hortorum adiacere. atque ubi dicendam ad causam introissent, clam actum erga coniuratos et fortuitus sermo et subiti occursus, si convivium, si spectaculum simul inissent, pro crimine accipi, cum super Neronis ac Tigellini saevas percontationes Faenius quoque
 10 Rufus violenter urgueret, nondum ab indicibus nominatus, et quo fidem inscitiae pararet, atrox adversus socios. idem Subrio Flavo adsistenti adnuentique, an inter ipsam cognitionem destringeret gladium caedemque patraret, renuit infregitque impetum iam manum ad capulum referentis.
 15

59. Fuere qui prodita coniuratione, dum auditur Milichus, dum dubitat Scaevinus, hortarentur Pisonem pergere in castra aut rostra escendere studiaque militum et populi temptare. si conatibus eius conscii adgregarentur, secuturos etiam integros; magnamque motae rei famam, quae plurimum in novis consiliis valeret. nihil adversum haec Neroni
 5 provisum. etiam fortes viros subitis terreri, nedum ille scaenicus, Tigellino scilicet cum paelicibus suis comitante, arma contra cieret. multa experiendo confieri, quae segnibus ardua videantur. frustra silentium et fidem in tot consciorum
 10 animis et corporibus sperare: cruciatui aut praemio cuncta pervia esse. venturos qui ipsum quoque vincirent, postremo indigna nece adficerent. quanto laudabilius periturum, dum

57, 13 *intactis* | *carissimā* | 58, 5 hinc et inde *vincla Wurm* | 7 *clam actum scripsi*: *latatum* (*laetatum al.* non *celatus tantum Haase*) | 8 et (*ante fort.*) *Walther*: set *incerta nota* (esse *Madvig*) | 12 et *Acidalius*: sed | 59, 11 *sperari al.* | 12 *vincerent*

amplectitur rem publicam, dum auxilia libertati invocat. miles potius deesset et plebes desereret, dum ipse maioribus, dum posteris, si vita praeriperetur, mortem adprobaret. inmotus his et paululum in publico versatus, post domi secretus, animum adversum suprema firmabat, donec manus militum adveniret, quos Nero tirones aut stipendiis recentes delegerat: nam vetus miles timebatur tamquam favore inbutus. obiit abruptis brachiorum venis. testamentum foedis adversus Neronem adulationibus amoris uxoris dedit, quam degenerem et sola corporis forma commendatam amici matrimonio abstulerat. nomen mulieris Atria Galla, priori marito Domitius Silus: hic patientia, illa inpudicitia Pisonis infamiam propagavere.

60. Proximam necem Plautii Laterani consulis designati Nero adiungit, adeo propere, ut non complecti liberos, non illud breve mortis arbitrium permetteret. raptus in locum servilibus poenis sepositum manu Statii tribuni trucidatur, plenus constantis silentii nec tribuno obiciens eandem conscientiam.

Sequitur caedes Annaei Senecae, laetissima principi, non quia coniurationis manifestum compererat, sed ut ferro grassaretur, quando venenum non processerat. solus quippe Natalis et hactenus prompsit, missum se ad aegrotum Senecam, ut viseret conquerereturque, cur Pisonem aditu arceret: melius fore, si amicitiam familiari congressu exercuissent. et respondisse Senecam sermones mutuos et crebra conloquia neutri conducere; ceterum salutem suam incolumitate Pisonis inniti. haec ferre Gavius Silvanus tribunus praetoriae cohortis, et an dicta Natalis suaque responsa nosceret percontari Senecam iubetur. is forte an prudens ad eum diem ex Campania remeaverat quartumque apud lapidem suburbano rure substiterat. illo propinqua vespera tribunus venit et villam globis militum saepsit; tum ipsi cum Pompeia

59, 19 quis | 20 tamquam *Rhenanus*: quamquam | 24 mulieri *Acidalius* | 60, 15 Gavius *Bekker*: grauius | 16 agnosceret *Acidalius*

Paulina uxore et amicis duobus epulanti mandata imperatoris edidit.

61. Seneca missum ad se Natalem conquestumque nomine Pisonis, quod a visendo eo prohiberetur, seque rationem valetudinis et amorem quietis excusavisse respondit. cur salutem privati hominis incolumitati suae antefereat, causam non habuisse; nec sibi promptum in adulationes ingenium. idque nulli magis gnarum quam Neroni, qui saepius libertatem Senecae quam servitium expertus esset. ubi haec a tribuno relata sunt Poppaea et Tigellino coram, quod erat saevienti principi intimum consiliorum, interrogat an Seneca voluntariam mortem pararet. tum tribunus nulla pavoris signa, nihil triste in verbis eius aut vultu deprensus confirmavit. ergo regredi et indicere mortem iubetur. tradit Fabius Rusticus non eo quo venerat itinere redisse tribunum, sed flexisse ad Faenium praefectum, et expositis Caesaris iussis an obtemperaret interrogavisse, monitumque ab eo ut exsequeretur, fatali omnium ignavia. nam et Silvanus intercuratos erat augebatque scelera, in quorum ultionem consenserat. voci tamen et aspectui pepercit intromisitque ad Senecam unum ex centurionibus, qui necessitatem ultimam denuntiaret.

62. Ille interritus poscit testamenti tabulas; ac denegante centurione conversus ad amicos, quando meritis eorum referre gratiam prohiberetur, quod unum iam et tamen pulcherrimum habeat, imaginem vitae suae relinquere testatur, cuius si memores essent, bonarum artium famam fructum constantis amicitiae laturus. simul lacrimas eorum modo sermone, modo intentior in modum coërcentis ad firmitudinem revocat, rogitans ubi praecepta sapientiae, ubi tot per annos meditata ratio adversum imminetia? cui enim ignaram fuisse

61, 13 redisse tribunum *nos*: reditum (reditum a tribuno *Agricola*) | 62, 5 fructum *nos*: tam (pretium tam *Nipperdey*, tum *Muretus*, cuius si m. essent b. artium, famam constantis *Ernesti*) in illo tam substantivum videri latere *Weissenborn* in *Ann. phil.* v. 52, 44 bene monuit; cf. *Suet. Cal.* 4 quarum virtutum fructum uberrimum tulit

10 saevitiam Neronis? neque aliud superesse post matrem fratremque interfectos, quam ut educatoris praeceptorisque necem adiceret.

63. Ubi haec atque talia velut in commune disseruit, complectitur uxorem, et paululum adversus praesentem fortitudinem mollitus rogat oratque temperaret dolori neu aeternum susciperet, sed in contemplatione vitae per virtutem
5 actae desiderium mariti solaciis honestis toleraret. illa contra sibi quoque destinatam mortem adseverat manumque percussoris exposcit. tum Seneca gloriae eius non adversus, simul amore, ne sibi unice dilectam ad iniurias relinqueret, 'vitae' inquit 'delenimenta monstraveram tibi, tu mortis decus mavis: non invidebo exemplo. sit huius tam fortis exitus constantia penes utrosque par, claritudinis plus in tuo fine.'
10 post quae eodem ictu brachia ferro exsolvunt. Seneca, quoniam senile corpus et parco victu tenuatum lenta effugia sanguini praebebat, crurum quoque et poplitum venas abrumpit;
15 saevisque cruciatibus defessus, ne dolore suo animum uxoris infringeret atque ipse visendo eius tormenta ad inpatientiam delaberetur, suadet in aliud cubiculum abscedere. et novissimo quoque momento suppeditante eloquentia advocatis scriptoribus pleraque tradidit, quae in vulgus edita eius ver-
20 bis invertere supersedeo.

64. At Nero nullo in Paulinam proprio odio, ac ne glisceret invidia crudelitatis, iubet inhiberi mortem. hortantibus militibus servi libertique obligant brachia, premunt sanguinem, incertum an ignarae. nam, ut est vulgus ad deteriora
5 promptum, non defuere qui crederent, donec inplacabilem Neronem timuerit, famam sociatae cum marito mortis petivisse, deinde oblata mitiore spe blandimentis vitae evictam; cui addidit paucos postea annos, laudabili in maritum memoria et ore ac membris in eum pallorem albertibus, ut

62, 10 post] quam | fratresque *Nipperdey* | 63, 2 formidinem (a. fortitudinem *interpretatur A. Greef* im Widerspruch mit etc.) | 3 dolori neu (vel neve) *Heinsius*: dolorem (dolorem aet. suscipere *Jo. Fr. Gronovius*) | 20 supersideo | 64, 2 iubet *add. Heinsius* | 5 promptus | 6 fama societatem, *em. Puteolanus*

ostentui esset multum vitalis spiritus egestum. Seneca inter-
10 rim, durante tractu et lentitudine mortis, Statium Annaeum, diu sibi amicitiae fide et arte medicinae probatum, orat provisum pridem venenum, quo damnati publico Atheniensium iudicio extinguerentur, promeret; adlatumque hausit frustra, frigidus iam artus et cluso corpore adversum vim veneni.
15 postremo stagnum calidae aquae introiit, respergens proximos servorum addita voce, libare se liquorem illum Iovi liberatori. -exim balneo inlatus et vapore eius exanimatus, sine ullo funeris sollemni crematur. ita codicillis praescripserat, cum etiam tum praedives et praepotens supremis suis
20 consuleret.

65. Fama fuit Subrium Flavum cum centurionibus occulto consilio, neque tamen ignorante Seneca, destinavisse, ut post occisum opera Pisonis Neronem Piso quoque interficeretur tradereturque imperium Senecae, quasi insontibus claritudine virtutum ad summum fastigium delecto. quin et
5 verba Flavi vulgabatur, non referre dedecori, si citharoeus demoveretur et tragoedus succederet, quia ut Nero cithara, ita Piso tragico ornatu canebat.

66. Ceterum militaris quoque conspiratio non ultra fellit, accensis indicibus ad prodendum Faenium Rufum, quem eundem conscium et inquisitorem non tolerabant. ergo instanti minitantiue renidens Scaevinus neminem ait plura
5 scire quam ipsum, hortaturque ultro redderet tam bono principi vicem. non vox adversum ea Faenio, non silentium, sed verba sua praepediens et pavoris manifestus, ceterisque et maxime Cervario Proculo equite Romano ad convincendum eum conisis, iussu imperatoris a Cassio milite, qui ob insigne corporis robur adstabat, corripitur vinciturque.
10

67. Mox eorundem indicio Subrius Flavus tribunus pervertitur, primo dissimilitudinem morum ad defensionem tra-

64, 13 quod anti | 15 frigidis iam artubus *al.* | 65, 1 flavium et 6 flavii, *em. Bekker* | 4 in sontibus *Jansen*, sontibus *Wurm*, insonti et *Acidalius* | 6 dedecoris *Heinsius* | 66, 2 accensis *Lipsius*: accensis quoque | 6 faenius | 8 equite Ro. *Orelli*: equiter | 9 iussu

hens, neque se armatum cum inermibus et effeminatis tantum facinus consociaturum; dein, postquam urgebatur, confessionis gloriam amplexus. interrogatusque a Nerone, quibus causis ad oblivionem sacramenti processisset, 'oderam te' inquit, 'nec quisquam tibi fidelior militum fuit, dum amari meruisti. odisse coepi, postquam parricida matris et uxoris, auriga et histrio et incendiarius extitisti.' ipsa rettuli verba, quia non, ut Senecae, vulgata erant, nec minus nosci decebat militaris viri sensus incomptos et validos. nihil in illa coniuratione gravius auribus Neronis accidisse constitit, qui ut faciendis sceleribus promptus, ita audiendi quae faceret insolens erat. poena Flavi Veianio Nigro tribuno mandatur. is proximo in agro scrobem effodi iussit, quam visam Flavius ut humilem et angustam increpans, circumstantibus militibus, 'ne hoc quidem' inquit 'ex disciplina.' admonitusque fortiter protendere cervicem, 'utinam' ait 'tu tam fortiter ferias!' et ille multum tremens, cum vix duobus ictibus caput amputavisset, saevitiam apud Neronem iactavit, sesquiplaga interfectum a se dicendo.

68. Proximum constantiae exemplum Sulpicius Asper centurio praebuit, percontanti Neroni, cur in caedem suam conspiravisset, breviter respondens non aliter tot flagitiis eius subveniri potuisse. tum iussam poenam subiit. nec ceteri centuriones in perpetiendis suppliciis degeneravere: at non Faenio Rufo par animus, sed lamentationes suas etiam in testamentum contulit.

Opperiebatur Nero, ut Vestinus quoque consul in crimen attraheretur, violentum et infensum ratus: sed ex iniuratis consilia cum Vestino non miscuerant, quidam vetustis in eum simultatibus, plures, quia praecipitem et insociabilem credebant. ceterum Neroni odium adversus Vestinum ex intima sodalitate coeperat, dum hic ignaviam principis penitus cognitam despicit, ille ferociam amici metuit, saepe asperis faciliis inlusus, quae ubi multum ex vero traxere, acrem sui

67, 8 matris et fratris et ux. *Nipperdey* | 16 quam visam *Walther*: quamvis (qua visa *Faërnus*, quam *al.*) | 68, 9 atraheretur, *em. Orelli* (traheretur *al.* crimina trah. *Ritter*)

memoriam relinquunt. accesserat repens causa, quod Vestinus Statilium Messalinam matrimonio sibi iunxerat, haud nescius inter adulteros eius et Caesarem esse.

69. Igitur non crimine, non accusatore existente, quia speciem iudicis induere non poterat, ad vim dominationis conversus Gerellianum tribunum cum cohorte militum inmittit iubetque praevenire conatus consulis, occupare velut arcem eius, opprimere delectam iuventutem, quia Vestinus imminentes foro aedes decoraque servitia et pari aetate habebat. cuncta eo die munia consulis impleverat conviviumque celebrabat, nihil metuens an dissimulando metu, cum ingressi milites vocari eum a tribuno dixere. ille nihil demoratus exurgit et omnia simul properantur: clauditur cubiculo, praesto est medicus, abscinduntur venae, vicens adhuc balneo infertur, calida aqua mersatur, nulla edita voce, qua semet miseraretur. circumdati interim custodia qui simul discubuerant, nec nisi provecta nocte omissi sunt, postquam pavorem eorum, ex mensa exitium opperientium, et imaginatus et inridens Nero satis supplicii luisse ait pro epulis consularibus.

70. Exim Annaei Lucani caedem imperat. is profluente sanguine ubi frigescere pedes manusque et paulatim ab extremis cedere spiritum fervido adhuc et compote mentis pectore intellegit, recordatus carmen a se compositum, quo vulneratum militem per eius modi mortis imaginem obisse tradiderat, versus ipsos rettulit, eaque illi suprema vox fuit. Senecio posthac et Quintianus et Scaevinus non ex priore vitae mollitia, mox reliqui coniuratorum periere, nullo facto dictove memorando.

71. Sed compleri interim urbs funeribus, Capitolium victimis; alius filio, fratre alius aut propinquo aut amico interfectis, agere grates deis, ornare lauru domum, genua

68, 16 recens *Lipsius* | 69, 2 ispeciem indicis | 4 occuparet, *em. Puteolanus* | 8 celebrat | 12 aqua: aqua uersa (aqua infusa *Weissenborn*) | 15 ex mensa *Fr. Medices*: et mensae | 70, 1 Annaei *Ritter*: mane na et (*M. Annaei Rhenanus*)

ipsius advolvi et dextram osculis fatigare. atque ille gaudium id credens Antonii Natalis et Cervarii Proculi festinata indicia impunitate remuneratur. Milichus praemiis ditatus conservatoris sibi nomen, Graeco eius rei vocabulo, adsumpsit. e tribunis Gavius Silvanus, quamvis absolutus, sua manu cecidit; Staius Proximus veniam, quam ab imperatore acceperat, vanitate exitus corruptit. exuti dehinc tribunatu ** Pompeius, Cornelius Martialis, Flavius Nepos, Staius Domitius, quasi principem non quidem odissent, sed tamen existimarentur. Novio Prisco per amicitiam Senecae et Glitio Gallo atque Annio Pollioni infamatis magis quam convictis data exilia. Priscum Artoria Flaccilla coniunx comitata est, Gallum Egnatia Maximilla, magnis primum et integris opibus, post adeptis, quae utraque gloriam eius auxere. pellitur et Rufrius Crispinus occasione coniurationis, sed Neroni invisus, quod Poppaeam quondam matrimonio tenuerat. Verginium *Flavum et Musonium* Rufum claritudo nominis expulit: nam Verginius studia iuvenum eloquentia, Musonius praeceptis sapientiae fovebat. Cluidieno Quietio, Iulio Agrippae, Blitio Catulino, Petronio Prisco, Iulio Altino, velut in agmen et numerum, Aegaei maris insulae permittuntur. at Caedicia uxor Scaevini et Caesennius Maximus Italia prohibentur, reos fuisse se tantum poena experti. Acilia mater Annaei Lucani sine absolutione, sine supplicio dissimulata.

72. Quibus perpetratis Nero et contione militum habita bina nummum milia viritim manipularibus divisit addiditque sine pretio frumentum, quo ante ex modo annonae utebantur. tum, quasi gesta bello expositurus, vocat senatum et triumphale decus Petronio Turpiliano consulari, Cocceio Nervae praetori designato, Tigellino praefecto praetorii tribuit, Tigellinum et Nervam ita extollens, ut super triumphales in

71, 4 osculis *Puteolanus*: oculis oculis | 10 navitate *Anquetil* | lacunam notavit *Ritter* | 15 data] decreta *Bezenberger coll. 16, 9* | 16 et *gnatia* | 20 *Flavum et Musonium* *add. Walther* | 25 *caedicia*, *em. Orelli ex titulis* | *Caesonius Lipsius ex Martiale 7, 44* | 27 absolutiones in | 72, 5 *Turpiliano Vertrianus*: turpiano

foro imagines apud Palatium quoque effigies eorum sisteret. consularia insignia Nymphidio, qui quia nunc primum oblatum est, pauca repetam: nam et ipse pars Romanarum claudium erit. igitur matre libertina ortus, quae corpus decorum inter servos libertosque principum vulgaverat, ex Gaio Caesare se genitum ferebat, quoniam forte quadam habitu procerus et torvo vultu erat, sive Gaius Caesar, scortorum quoque cupiens, etiam matri eius inludit ***

73. Sed Nero vocato senatu, oratione inter patres habita, edictum apud populum et conlata in libros indicia confessionesque damnatorum adiunxit. etenim crebro vulgi rumore lacerabatur, tamquam viros claros et insontes ob invidiam aut metum extinxisset. ceterum coeptam adultamque et revictam coniurationem neque tunc dubitavere, quibus verum noscendi cura erat, et fatentur, qui post interitum Neronis in urbem regressi sunt. at in senatu cunctis, ut cuique plurimum maeroris, in adulationem demissis, Iunium Gallionem, Senecae fratris morte pavidum et pro sua incolumitate supplicem, increpuit Salienus Clemens, hostem et parricidam vocans, donec consensu patrum deterritus est, ne publicis malis abuti ad occasionem privati odii videretur, neu composita aut obliterata mansuetudine principis novam ad saevitiam retraheret.

74. Tum [decreta] dona et grates deis decernuntur, propriusque honos Soli, cui est vetus aedes apud circum, in quo facinus parabatur, qui occulta coniurationis numine retexisset; utque circensium Cerealium ludicrum pluribus equorum cursibus celebraretur mensisque Aprilis Neronis

72, 9 qui *add. Weissenborn*, de quo *add. alii*, Nymphidio Sabino. de Nymphidio *Ritter*, maiorem defectum *Nipperdey* statuit | quan̄c | 10 ipsa | 15 lacunam indicavit *Wurm*; nam apparet narrationem de Nymphidio via coeptam, nedum perfectam esse. | 73, 1 [vocato senatu] *Nipperdey* | 4 claros *add. Agricola* | 9 dimissis, *em. Puteolanus* | 14 composita aut obliterata mansuetudinē, *em. Lipsius* | 74, 1 decreta *del. Jo. Fr. Gronovius*, contra *Lipsius* decernuntur (indiscreta haud scio an recte *Bezenberger coll. 1, 35*, ubi item indiscretus et proprius contra posita sunt) | 3 suo numine *Ritter*

cognomentum acciperet; templum Saluti extrueretur eo loci, ex quo Scaevinus ferrum prompserat. ipse eum pugionem apud Capitolium sacravit inscripsitque Iovi Vindici: in praesens haud animadversum post arma Iulii Vindicis ad auspicium et praesagium futurae ultionis trahebatur. reperio in commentariis senatus Cerialem Anicium consulem designatum pro sententia dixisse, ut templum divo Neroni quam maturime publica pecunia poneretur. quod quidem ille decernebat tamquam mortale fastigium egresso et venerationem hominum merito, *sed ipse prohibuit, ne interpretatione* quorundam ad omen malum sui exitus verteretur: nam deum honor principi non ante habetur, quam agere inter homines desierit.

74, 6 post loci *Nipperdey* signum lacunae posuit | 14 venerationem *Rhenanus*: ueneratio item | 15 sed . . interpretatione *supplevi* | 16 ad omen malum (*an dirum?*) *nos*: ad omnia dolum (ad omen ac votum *Heinisch et R. Seyffert*, ad ominationen *Wurm*)

CORNELII TACITI

AB EXCESSU DIVI AUGUSTI

LIBER XVI.

1. Inludit dehinc Neroni fortuna per vanitatem ipsius et promissa Caeselli Bassi, qui origine Poenus, mente turbida, nocturnae quietis imaginem ad spem haud dubiae rei traxit, vectusque Romam, principis aditum emeratus, expromit repertum in agro suo specum altitudine immensa, quo magna vis auri contineretur, non in formam pecuniae, sed rudi et antiquo pondere. lateres quippe praegraves iacere, adstantibus parte alia columnis; quae per tantum aevi occulta augendis praesentibus bonis. ceterum, ut coniectura demonstrabat, Dido Phoenissam Tyro profugam condita Carthagine illas opes abdidisse, ne novus populus nimia pecunia lasciviret, aut reges Numidarum, et alias infensi, cupidine auri ad bellum accenderentur.

2. Igitur Nero, non auctoris, non ipsius negotii fide satis spectata nec missis, per quos nosceret an vera adferrentur, auget ultro rumorem mittitque, qui velut paratam praedam adveherent. dantur triremes et delectum remigium iuvandae festinationi. nec aliud per illos dies populus credulitate, prudentes diversa fama tulere. ac forte quinquennale ludicrum secundo lustro celebrabatur, ab oratoribusque prae-

1, 1 neronis | 2 plenus | 3 dubiae rei traxit *Döderlein*: dubie retraxit | 8 occultata *Nipperdey* | 9 [ut] *Madvig* | 10 demonstrabat *nos*: demonstrat (demonstraret *Ernesti*, at est coniectura *ablativus*) | 2, 2 missis *Ernesti*: missis visoribus | 3 paratam *Acidalius*: partam | 4 adveherent *Ernesti* | remigium *Boehm*: nauigium | 6 prudentes *idem*: prodentis | 7 celebratur, *cm. Puteol.* | ab oratoribusque *Baier*: avaratoribus oratoribusque (oratoribusque *Bekker*, a vatibus oratoribusque *Brotier*)

cipua materia in laudem principis adsumpta est. non enim solitas tantum fruges nec confusum metallis aurum gigni, sed
 10 nova ubertate provenire terram et obvias opes deferre deos, quaeque alia summa facundia nec minore adulatione servilia finge-
 bant, securi de facilitate credentis.

3. Gliscebat interim luxuria spe inani, consumebanturque veteres opes quasi oblati, quas multos per annos prodigeret. quin et inde iam largiebatur; et divitiarum expectatio inter causas paupertatis publicae erat. nam Bassus, effosso agro
 5 suo latisque circum arvis, dum hunc vel illum locum promissi specus adseverat, sequunturque non modo milites, sed populus agrestium efficiendo operi adsumptus, tandem posita vaecordia, non falsa antea somnia sua seque tunc primum elusum admirans, pudorem et metum morte voluntaria effugit.
 10 quidam vinctum ac mox dimissum tradidere ademptis bonis in locum regiae gazae.

4. Interea senatus, propinquo iam lustrali certamine, ut dedecus averteret, offert imperatori victoriam cantus adicitque facundiae coronam, qua ludicra deformitas velaretur. sed Nero nihil ambitu nec potestate senatus opus esse dicti-
 5 tans, se aequum adversum aemulos et religione iudicum meritam laudem adsecuturum, primo carmen in scaena recitat; mox flagitante vulgo ut omnia studia sua publicaret (haec enim verba dixere) ingreditur theatrum, cunctis citharae legibus obtemperans, ne fessus resideret, ne sudorem nisi ea,
 10 quam indutui gerebat, veste detergeret, ut nulla oris aut narium excrementa viserentur. postremo flexus genu et coetum illum manu veneratus sententias iudicum opperiebatur ficto pavore. et plebs quidem urbis, histrionum quoque gestus iuvare solita, personabat certis modis plausuque com-
 15 posito. crederes laetari, ac fortasse laetabantur per incuriam publici flagitii.

5. Sed qui remotis e municipiis severaque adhuc et

2, 9 metallis aliis *Nipperdey* | 10 novam ubertatem p. terra *Agricola* | 11 minores | 3, 9 ammirans (affirmans *Nipperdey*) | 4, 11 viserent | 15 incuriam *Acidalius*: iniuriam | 5, 1 severaque . . retinente Italia *Agricola*: seueramque . . retinentes italiam

antiqui moris retinente Italia, quique per longinquas provincias lascivia inexperti officio legationum aut privata utilitate advenerant, neque aspectum illum tolerare neque labori inhonesto sufficere, cum manibus nesciis fatiscerent, turba-
 5 rent gnaros ac saepe a militibus verberarentur, qui per cuneos stabant, ne quod temporis momentum in pari clamore aut silentio segni praeteriret. constitit plerosque equitum, dum per angustias aditus et ingruentem multitudinem enituntur, obritos, et alios, dum diem noctemque sedilibus conti-
 10 nuant, morbo exitiabili correptos. quippe gravior inerat metus, si spectaculo defuissent, multis palam et pluribus occultis, ut nomina ac vultus, alacritatem tristitiamque coeuntium scrutarentur. unde tenuioribus statim inrogata supplicia, adversum inlustres dissimulatum ad praesens et mox redditum
 15 odium. ferebantque Vespasianum, tamquam somno conivert, a Phoebio liberto increpitum aegreque meliorum precibus obtectum, mox imminentem perniciem maiore fato effugisse.

6. Post finem ludicri Poppaea mortem obiit, fortuita mariti iracundia, a quo gravida ictu calcis adflita est. neque enim venenum crediderim, quamvis quidam scriptores tradant, odio magis quam ex fide: quippe liberorum cupiens et
 5 amori uxoris obnoxius erat. corpus non igni abolitum, ut Romanus mos, sed regum externorum consuetudine differentum odoribus conditur tumuloque Iuliorum infertur. ductae tamen publicae exsequiae, laudavitque ipse apud rostra formam eius et quod divinae infantis parens fuisset aliaque
 10 fortunae munera pro virtutibus.

7. Mortem Poppaeae ut palam tristem, ita recordantibus laetam ob impudicitiam eius saevitiamque, nova insuper invidia Nero complevit prohibendo C. Cassium officio exsequiarum, quod primum indicium mali. neque in longum dilatum est, sed Silanus additur, nullo crimine, nisi quod Cas-
 5 sius opibus vetustis et gravitate morum, Silanus claritudine

5, 2 longinquas *Muretus*: lonquas | 3 lasciviã experti, *em. G. Otto divin. Liv. p. 41* | 4 labori *Rhenanus*: labore | 8 consistit | 6, 6 Romanis *Kellerbauer* | 7, 1 laetam recordantibus *Ernesti* | 4 dilatus *Acidalius*, ut est 4, 19

generis et modesta iuventa praecelebant. igitur missa ad senatum oratione removendos a re publica utrosque deseruit, obiectavitque Cassio, quod inter imagines maiorum etiam C. Cassi effigiem coluisset, ita inscriptam 'duci partium': quippe semina belli civilis et defectionem a domo Caesarum quaesitam. ac ne memoria tantum infensi nominis ad discordias uteretur, adsumpsisse L. Silanum, iuvenem genere nobilem, animo praeruptum, quem novis rebus ostentaret.

8. Ipsum dehinc Silanum increpuit isdem quibus patrum eius Torquatum, tamquam disponderet iam imperii curas praeficeretque rationibus et libellis et epistulis libertos, inania simul et falsa: nam Silanus intentior metu et exitio patri ad praecavendum exterritus erat. inducti posthac vocabulo indicum, qui in Lepidam, Cassii uxorem, Silani amitam, incestum cum fratris filio et diros sacrorum ritus confingerent. trahebantur ut conscii Volcatius Tullinus ac Marcellus Cornelius senatores et Calpurnius Fabatus eques Romanus; qui appellato principe instantem damnationem frustrati, mox Neronem circa summa scelera distentum quasi minores evasere.

9. Tunc consulto senatus Cassio et Silano exilia decernuntur: de Lepida Caesar statueret. deportatusque in insulam Sardiniam Cassius, et senectus eius expectabatur. Silanus, tamquam Naxum deveheretur, Ostiam amotus, post municipio Apuliae, cui nomen Barium est, clauditur. illic indignissimum casum sapienter tolerans a centurione ad caedem misso corripitur; suadentique venas abrumpere, animum quidem morti destinatum ait, sed non remittere percussori gloriam ministerii. at centurio quamvis inermem, praevalidum tamen et irae quam timori propiorem cernens premi a militibus iubet. nec omisit Silanus obniti et intendere ictus, quantum manibus nudis valebat, donec a centurione vulneribus adversis tamquam in pugna caderet.

7, 12 ne add. *Faërnus* | 8, 4 intetior metu et etio patri | 5 inducti *Ferretus*: inducit | 8 Tertullinus *coni. Lipsius ex H. 4, 9* | 9, 1 senatu | 3 senectus *Fr. Medices*: senatus | 4 ostia, *em. Lipsius* | 8 remittere *Nipperdey et Med. corr. teste Rittero*: peremittere 1 m. (permittere al.)

10. Haud minus prompte L. Vetus socrusque eius Sextia et Pollitta filia necem subiere, invisī principi, tamquam vivendo exprobrarent interfectum esse Rubellium Plautum, generum L. Veteris. sed initium detegendae saevitiae praebuit interservis patroni rebus ad accusandum transgrediens Fortunatus libertus, adscito Claudio Demiano, quem ob flagitia vinctum a Vetere Asiae pro consule exsolvit Nero in praemium accusationis. quod ubi cognitum reo, seque et libertum pari sorte componi, Formianos in agros digreditur. illic eum milites occulta custodia circumdant. aderat filia, super ingruens periculum longo dolore atrox, ex quo percussores Plauti mariti sui viderat; cruentamque cervicem eius amplexa servabat sanguinem et vestes respersas, vidua inpeza luctu continuo nec ullis alimentis nisi quae mortem arcerent. tum hortante patre Neapolim pergit. et quia aditu Neronis prohibebatur, egressus obsidens, audiret insontem neve consulatus sui quondam collegam dederet liberto, modo muliebri eiulatu, aliquando sexum egressa voce infensa clamitabat, donec princeps immobilem se precibus et invidiae iuxta ostendit.

11. Ergo nuntiat patri abicere spem et uti necessitate: simul adfertur parari cognitionem senatus et trucem sententiam. nec defuere qui monerent magna ex parte heredem Caesarem nuncupare atque ita nepotibus de reliquo consulere. quod aspernatus, ne vitam proxime libertatem actam novissimo servitio foedaret, largitur in servos quantum aderat pecuniae; et si qua asportari possent, sibi quemque deducere, tris modo lectulos ad suprema retineri iubet. tunc eodem in cubiculo, eodem ferro abscindunt venas, properique et singulis vestibis ad verecundiam velati balineis inferuntur, pater filiam, avia neptem, illa utrosque intuens, et certatim precantes labenti animae celerem exitum, ut relinquerent suos superstites et morituros. servavitque ordinem

10, 2 Pollitta *Nipperdey*: polutia | inuisit | 3 vivendo *Puteolanus*: uincendo | esse: a se *Ernesti* | 14 inpeza *Petavius*: Inpeza | alim. usa nisi *Agricola* | 18 mulieri | 11, 12 relinqueret

fortuna, ac seniores prius, tum cui prima aetas extinguntur.
 15 accusati post sepulturam decretumque ut more maiorum punirentur. at Nero intercessit, mortem sine arbitro permit-
 tens: ea caedibus peractis ludibria adiciebantur.

12. P. Gallus eques Romanus, quod Faenio Rufo intimus et Veteri non alienus fuerat, aqua atque igni prohibitus est. liberto et accusatori praemium operae locus in theatro
 5 demque Neroneum sequebantur, Maius Claudii, Iulius Germanici vocabulis mutantur, testificante Cornelio Orfito, qui id censuerat, ideo Iunium mensem transmissum, quia duo iam Torquati ob scelera interfecti infaustum nomen Iunium fecissent.

13. Tot facinoribus foedum annum etiam di tempestatibus et morbis insignivere. vastata Campania turbine ventorum, qui villas arbusta fruges passim disiecit pertulitque violentiam ad vicina urbi; in qua omne mortalium genus vis pestilentiae depopulabatur, nulla caeli intemperie, quae occurreret oculis. sed domus corporibus exanimis, itinera funeribus complebantur; non sexus, non aetas periculo vacua; servitia perinde et ingenua plebes raptim extingui, inter coniugum et liberorum lamenta, qui dum adsident, dum deslent, saepe
 10 eodem rogo cremabantur. equitum senatorumque interitus, quamvis promisci, minus flebiles erant, tamquam communi mortalitate saevitiam principis praevenirent.

Eodem anno dilectus per Galliam Narbonensem Africamque et Asiam habiti sunt supplendis Illyricis legionibus, ex
 15 quibus aetate aut valetudine fessi sacramento solvebantur. cladem Lugdunensem quadragens sesterterio solatus est princeps, ut amissa urbi reponerent; quam pecuniam Lugdunenses ante obtulerant urbis casibus.

11, 14 seniore, *em. Acidalius* (senior prius, tum ut cui proxima *Sirker*) | extinguntur | 16 at nos: et | suo arbitrio *Faber* | 12, 1 P.] *Rubrius coni. Nipperdey ex H. 2, 51 et 99* | 4 menses . . sequebantur *idem*: mensis . . sequebatur | 5 *Julius Lipsius*: iunius, *cf. Madvigii Advers. II, 558* | 7 *Iunium Lipsius*: iunctum | 13, 4 uenia (moenia urbis *al.*) | 16 *post Lugdunensem Nipperdey lacunam notavit* | 18 urbis *Furia*: turbis

14. C. Suetonio Luccio Telesino consulibus Antistius Sosianus, factitatis in Neronem carminibus probrosis exilio, ut dixi, multatus, postquam id honoris indicibus tamque promptum ad caedes principem accepit, inquietus animo et occasionum haud segnis Pammenem, eiusdem loci exulem et Chal-
 5 daeorum arte famosum eoque multorum amicitii innexum, similitudine fortunae sibi conciliat. ventitare ad eum nuntios et consultationes non frustra ratus, simul annuam pecuniam a P. Anteio ministrari cognoscit. neque nescium habebat Anteium caritate Agrippinae invisum Neroni opesque eius
 10 praecipuas ad eliciendam cupidinem eamque causam multis exitio esse. igitur interceptis Antei litteris, furatus etiam libellos, quibus dies genitalis eius et eventura secretis Pammenis occultabantur, simul repertis quae de ortu vitaeque
 15 Ostorii Scapulae composita erant, scribit ad principem magna se et quae incolunitati eius conducerent adlaturum, si brevem exilii veniam inpetravisset: quippe Anteium et Ostorium imminere rebus et sua Caesarisque fata scrutari. exim missae liburnicae advehiturque propere Sosianus. ac vulgato eius indicio inter damnatos magis quam inter reos Anteius
 20 Ostoriusque habebantur, adeo ut testamentum Antei nemo obsignaret, nisi Tigellinus auctor extitisset, monito prius Anteio ne supremas tabulas moraretur. atque ille hausto veneno, tarditatem eius perosus intercisus venis mortem ad-
 25 properavit.

15. Ostorius longinquis in agris apud finem Ligurum id temporis erat. eo missus centurio, qui caedem eius maturaret. causa festinandi ex eo oriebatur, quod Ostorius multa militari fama et civicam coronam apud Britanniam meritis, ingenti corporis robore armorumque scientia metum Neroni
 5 fecerat, ne invaderet pavidum semper et reperta nuper con-

14, 1 *Luccio Chr. A. Rupertus*: L. | 3 tanquam | 6 innexum *Freinsheim*: innixum | 16 incolunitatis | 22 monito *Agricola*: monitus | 23 *Anteius al.* | 24 interscissis *Bezenberger coll. 15, 35; at est incidere venas 16, 19 et apud Vell. Pat. 2, 22* | 15, 5 corp. robore *Beroaldus*: corporis corporis (vi corporis *Wurm*) | 6 ne imperium invaderet pavidum s. et . . exterrito *Acidalius*

iuratione magis exterritum. igitur centurio, ubi effugia villae clausit, iussa inperatoris Ostorio aperit. is fortitudinem saepe adversum hostes spectatam in se vertit: et quia venae quamquam interruptae parum sanguinis effundebant, hactenus manu servi usus, ut innotum pugionem extolleret, adpressit dextram eius iuguloque occurrit.

16. Etiam si bella externa et obitas pro re publica mortes tanta casuum similitudine memorarem, meque ipsum satias cepisset aliorumque taedium expectarem, quamvis honestos civium exitus, tristes tamen et continuos aspernantium: at nunc patientia servilis tantumque sanguinis domi perditum fatigant animum et maestitia restringunt. neque aliam defensionem ab iis, quibus ista noscentur, exegerim, quam ne oderim tam segniter pereuntes. ira illa numinum in res Romanas fuit, quam non, ut in cladibus exercituum aut captivitate urbium, semel edito transire licet. detur hoc illustrium virorum posteritati, ut quo modo exsequiis a promisca sepultura separantur, ita in traditione supremorum accipiant habeantque propriam memoriam.

17. Paucos quippe intra dies eodem agmine Annaeus Mela, Cerialis Anicius, Rufrius Crispinus, C. Petronius cecidere, Mela et Crispinus equites Romani dignitate senatoria. nam hic quondam praefectus praetorii et consularibus insignibus donatus ac nuper crimine coniurationis in Sardiniam exactus, accepto iussae mortis nuntio semet interfecit. Mela, quibus Gallio et Seneca parentibus natus, petitione honorum abstinerat per ambitionem praeposteram, ut eques Romanus consularibus potentia aequaretur; simul acquirendae pecuniae brevius iter credebat per procuraciones administrandis principis negotiis. idem Annaeum Lucanum genuerat, grande adiumentum claritudinis. quo interfecto dum rem familiarem eius acriter requirit, accusatorem concivit Fabium Romanum, ex intimis Lucani amicis. mixta inter patrem filiumque con-

15, 8 imperatoris *Beroaldus*: In .p̄. | 16, 4 et continuo (ex continuo *Wurm*) | 6 restinguunt *Madvig* | 7 his | 8 oderint *al.* | 10 captivitatē | 17, 2 Rufrius nos: rufus | *C. Wesenberg*: ac (ac *C. Rhenanus*, *T. Haase*, ac *T. Nipperdey*)

iurationis scientia fingitur, adsimilatis Lucani litteris: quas inspectas Nero ferri ad eum iussit, opibus eius inhians. at Mela, quae tum promptissima mortis via, exsolvit venas, scriptis codicillis, quibus grandem pecuniam in Tigellinum generumque eius Cossutianum Capitonem erogabat, quo cetera manerent. additur codicillis, tamquam de iniquitate exitii querens ita scripsisset, se quidem mori nullis supplicii causis, Rufrium autem Crispinum et Anicium Cerialem vita frui infensos principi. quae composita credebantur de Crispino, quia interfectus erat, de Ceriali, ut interficeretur. neque enim multo post vim sibi attulit, minore quam ceteri miseratione, quia proditam Gaio Caesari coniurationem ab eo meminere.

18. De C. Petronio pauca supra repetenda sunt. nam illi dies per somnum, nox officii et oblectamenti vitae transigebatur; utque alios industria, ita hunc ignavia ad famam protulerat, habebaturque non ganeo et profligator, ut plerique sua haurientium, sed erudito luxu. ac dicta factaque eius quanto solutiora et quandam sui neglegentiam praeferebant, tanto gratius in speciem simplicitatis accipiebantur. pro consule tamen Bithyniae et mox consul vigentem se ac parem negotiis ostendit. dein revolutus ad vitia, seu vitiorum imitatione, inter paucos familiarium Neroni adsumptus est, elegantiae arbiter, dum nihil amoenum et molle adfluentia putat, nisi quod ei Petronius adprobavisset. unde invidia Tigellini quasi adversus aemulum et scientia voluptatum potiore. ergo crudelitatem principis, cui ceterae libidines cedebant, adgreditur, amicitiam Scaevini Petronio obiectans corrupto ad indicium servo ademptaque defensione et maiore parte familiae in vincla rapta.

19. Forte illis diebus Campaniam petiverat Caesar, et Cumas usque progressus Petronius illic attinebatur; nec tulit ultra timoris aut spei moras. neque tamen praeceps vitam expulit, sed incisas venas, ut libitum, obligatas aperire rur-

17, 15 finguntur, *em. Puteolanus* (consilia finguntur *Haase*) | 20 addit *Haase* | 21 scripsisse *al.* | 18, 1 *C. del. Nipperdey* | 2 somnium

5 sum et adloqui amicos, non per seria aut quibus gloriam
constantiae peteret. audiebatque referentes, nihil de immor-
talitate animae et sapientium placitis, sed levia carmina et
faciles versus. servorum alios largitione, quosdam verberibus
adfecit. iniit et epulas, somno indulsit, ut quamquam
10 coacta mors fortuitae similis esset. ne codicillis quidem,
quod plerique pereuntium, Neronem aut Tigellinum aut quem
alium potentium adulatus est: sed flagitia principis sub no-
minibus exoletorum feminarumque et novitatem cuiusque stu-
pri perscripsit atque obsignata misit Neroni. fregitque anu-
15 lum, ne mox usui esset ad facienda pericula.

20. Ambigenti Neroni, quonam modo noctium suarum
ingenia notescerent, offertur Silla, matrimonio senatoris haud
ignota et ipsi ad omnem libidinem adscita ac Petronio per-
quam familiaris. agitur in exilium, tamquam non siluisset
5 quae viderat pertuleratque, proprio odio. at Minucium Ther-
mum praetura functum Tigellini simultatibus dedit, quia li-
bertus Thermi quaedam de Tigellino criminoze detulerat,
quae cruciatibus tormentorum ipse, patronus eius nece in-
merita luere.

21. Trucidatis tot insignibus viris, ad postremum Nero
virtutem ipsam excindere concupivit interfecto Thræsea Paeto
et Barea Sorano, olim utrisque infensus, et accedentibus
causis in Thræseam, quod senatu egressus est, cum de Agrip-
5 pina referretur, ut memoravi, quodque Iuvenalium ludicro
parum spectabilem operam praebuerat; eaque offensio altius
penetrabat, quia idem Thræsea Patavi, unde ortus erat, ludis
† cetastis a Troiano Antenore institutis habitu tragico cecine-
rat. die quoque, quo praetor Antistius ob probra in Nero-

19, 9 et epulas nos: et uias (epulas *Menagius*) | quamquam
Rhenanus: quam | 13 novitatem *Neue*: novitate | 20, 2 offertur
| 5 municium, *em. Ryck* | 6 dedit *Rhenanus*: deditum | 9 luere
Acidalius: lueret (*adhaesit t ex sequ. trucid.*) *Tacitus in tali*
sententiae conformatione pluralem numerum verbi usurpat, ut
J, S. 6, 46. 12, 41 et 50. 14, 31 et 53. 15, 7. 16, 7 etc. | 21, 5
ferretur | 6 spectabilem *Agricola*: et expectabilem | 8 caestatis
Döderlein, cetariis *Nipperdey*, vetustis *R. Seyffert*; priorum
commenta v. in ed. Waltheriana | traiano

nem composita ad mortem damnabatur, mitiora censuit ob-
tinuitque; et cum deum honores Poppaeae decernuntur, sponte
absens, funeri non interfuerat. quae obliterari non sinebat
Capito Cossutianus, praeter animum ad flagitia praecipitem
iniquus Thræseae, quod auctoritate eius concidisset, iuvantis
Cilicum legatos, dum Capitonem repetundarum interrogant. 15

22. Quin et illa obiectabat, principio anni vitare Thra-
seam sollemne ius iurandum; nuncupationibus votorum non
adesse, quamvis quindecimvirali sacerdotio praeditum; num-
quam pro salute principis aut caelesti voce immolavisse; ad-
siduum olim et indefessum, qui vulgaribus quoque patrum 5
consultis semet fautorem aut adversarium ostenderet, trien-
nio non introisse curiam; nuperrimeque, cum ad coërcendos
Silanum et Veterem certatim concurreretur, privatis potius
clientium negotiis vacavisse. secessionem iam id et partes
et, si idem multi audeant, bellum esse. 'ut quondam C. Cae-
sarem' inquit 'et M. Catonem, ita nunc te, Nero, et Thra-
seam avida discordiarum civitas loquitur. et habet sectato-
res vel potius satellites, qui nondum contumaciam sententiarum,
sed habitum vultumque eius sectantur, rigidi et tristes,
quo tibi lasciviam exprobreant. huic uni incolumitas tua sine 15
cura, artes sine honore. prosperas principis res spernit:
etiamne luctibus et doloribus non satiatur? eiusdem animi
est Poppaeam divam non credere, cuius in acta divi Augusti
et divi Iuli non iurare. spernit religiones, abrogat leges.
diurna populi Romani per provincias, per exercitus curatius 20
leguntur, ut noscatur, quid Thræsea non fecerit. aut transe-
amus ad illa instituta, si potiora sunt, aut nova cupientibus
auferatur dux et auctor. ista secta Tuberones et Favonios,
veteri quoque rei publicae ingrata nomina, genuit. ut impe-
rium evertant, libertatem praeferunt: si perverterint, liber- 25
tatem ipsam adgredientur. frustra Cassium amovisti, si gli-
scere et vigere Brutorum aemulos passurus es. denique ni-

21, 11 et dum *Heinsius* | decernerentur *al.* | 12 interfuerit
(*interfuit al.*) | 22, 3 adasset | 7 introisset | 11 te Nero et
Puteolanus: tenebo | 15 quo tibi *Rhenanus*: quod ibi | 16 *cura*
add. Lipsius | 19 legiones | 25 evertentur | 26 admovisti

hil ipse de Thræsea scripseris: disceptatorem senatum nobis relinque. extollit ira promptum Cossutiani animum Nero adicitque Marcellum Eprium acri eloquentia.

23. At Baream Soranum iam sibi Ostorius Sabinus eques Romanus poposcerat reum ex proconsulatu Asiae, in quo offensiones principis auxit iustitia atque industria, et quia portui Ephesiorum aperiendo curam insumpserat vimque civitatis Pergamæ, prohibentis Acratum Caesaris libertum statuas et picturas evehere, inultam omiserat. sed crimini dabatur amicitia Plauti et ambitio conciliandæ provinciae ad spes novas. tempus damnationi delectum, quo Tiridates accipiendæ Armeniæ regno adventabat, ut ad externa rumoribus intestinum scelus obscuraretur, an ut magnitudinem imperatoriam caede insignium virorum quasi regio facinore ostentaret.

24. Igitur omni civitate ad excipiendum principem spectandumque regem effusa, Thræsea occursum prohibitus non demisit animum, sed codicillos ad Neronem composuit, requirens obiecta et expurgaturum adseverans, si notitiam criminum et copiam diluendi habuisset. eos codicillos Nero properanter accepit, spe exterritum Thræseam scripsisse, per quæ claritudinem principis extolleret suamque famam dishonestaret. quod ubi non evenit vultumque et spiritus et libertatem insontis ultro extimuit, vocari patres iubet.

25. Tum Thræsea inter proximos consultavit, temptaretne defensionem an sperneret. diversa consilia adferebantur. quibus intrari curiam placebat, securos esse de constantia eius disserunt; nihil dicturum, nisi quo gloriam augeret. se-gnes et pavidos supremis suis secretum circumdare: aspiceret populus virum morti obvium, audiret senatus voces quasi ex aliquo numine supra humanas: posse ipso miraculo

23, 1 Ostorius Lipsius (ex c. 33): torius (sic item c. 30) | 2 quo Nipperdey: qua | 6 evehere P. Victorius et Baïter: seuehere (avehere al.) | 8 accipiendæ | 9 ut versis ad e. Acidalius | 24, 3 dimisit, em. Rhenanus | 8 quo dubie non venit, em. idem | 25, 2 an sperneret] asperneret | 4 disserunt Haase: dixerunt | gloria (fort. gloria augesceret) | 7 humanos

etiam Neronem permoveri. sin crudelitati insisteret, distingui certe apud posteros memoriam honesti exitus ab ignavia per silentium pereuntium.

26. Contra qui opperendum domui censebant, de ipso Thræsea eadem sed ludibria et contumelias imminere: subtraheret aures conviciis et probris. non solum Cossutianum aut Eprium ad scelus promptos: superesse qui forsitan manus ictusque per immanitatem ingesturi sint; etiam bonos metu sequi. detraheret potius senatui, quem semper ornavisset, infamiam tanti flagitii, et relinqueret incertum, quid viso Thræsea reo decreturi patres fuerint. ut Neronem flagitiorum pudor caperet, inrita spe agitari; multoque magis timendum, ne in coniugem, in filiam, in cetera pignora eius saeviret. proinde intemeratus, inpollutus, quorum vestigiis et studiis vitam duxerit, eorum gloria peteret finem. aderat consilio Rusticus Arulenus, flagrans iuvenis, et cupidine laudis offerebat se intercessurum senatus consulto: nam plebei tribunus erat. cohibuit spiritus eius Thræsea, ne vana et reo non futura, intercessori exitiosa inciperet. sibi actam aetatem, et tot per annos continuum vitae ordinem non deserendum: illi initium magistratuum et integra quæ supersint. multum ante secum expenderet, quod tali in tempore capessendæ rei publicæ iter ingrederetur. ceterum ipse, an venire in senatum deceret, meditationi suæ reliquit.

27. At postera luce duæ prætoriae cohortes armatæ templum Genetricis Veneris insedere. aditum senatus globus togatorum obsederat non occultis gladiis, dispersique per fora ac basilicas cunei militares. inter quorum aspectus et minas ingressi curiam senatores, et oratio principis per quæstorem eius audita est: nemine nominatim compellato patres arguebat, quod publica munia desererent eorumque exemplo

25, 8 si in | 26, 2 subtrahere, em. Puteolanus | 5 ingesturi (vel aggesturi) Heinsius (sed sine sint): augusti (ausuri sint Acidalius) | 6 semper ornavisset coni. Lipsius: perornavisset | 7 infamia | 10 filiam Nipperdey: familiam | 12 gloriam peteret sine Madvig | 14 plebei Ritter: plebi | 27, 2 insidere, em. Puteolanus

equites Romani ad segnitiam verterentur: etenim quid mirum e longinquis provinciis haud veniri, cum plerique adepti consulatum et sacerdotia hortorum potius amoenitati inservirent. quod velut telum corripuere accusatores.

28. Et initium faciente Cossutiano, maiore vi Marcellus summam rem publicam agi clamitabat; contumacia inferiorum lenitatem imperitantis deminui. nimium mites ad eam diem patres, qui Thraseam desciscentem, qui generum eius Helvidium Priscum in isdem furoribus, simul Paconium Agrippinum, paterni in principes odii heredem, et Curtium Montanum detestanda carmina factitantem eludere inpune sinerent. requirere se in senatu consularem, in votis sacerdotem, in iure iurando civem, nisi contra instituta et caerimonias maiorum proditorem palam et hostem Thrasea induisset. denique agere senatorem et principis obtrectatores protegere solitus veniret, censeret, quid corrigi aut mutari vellet: facilius perluros singula increpantis vocem quam nunc silentium perferrent omnia damnantis. pacem illi per orbem terrae, an victorias sine damno exercituum displicere? ne hominem bonis publicis maestum, et qui fora theatra templa pro solitudine haberet, qui minitaretur exilium suum, ambitionis pravae compotem facerent. non illi consulta haec, non magistratus aut Romanam urbem videri. abrumperet vitam ab ea civitate, cuius caritatem olim, nunc et aspectum exuisset.

29. Cum per haec atque talia Marcellus, ut erat torvus ac minax, voce voltu oculis ardesceret, non illa nota et celebritate periculorum sueta iam senatus maestitia, sed novus et altior pavor manus et tela militum cernentibus. simul ipsius Thraseae venerabilis species obversabatur; et erant qui Helvidium quoque miserarentur, innoxiae adfinitatis poenas daturum. quid Agrippino obiectum nisi tristem patris fortunam? quando et ille perinde innocens Tiberii saevitia concidisset.

27, 8 uterentur (*pro* uterentur) | 9 haud *Lipsius*: had (haud adveniri *Acidalius*) | 28, 5 ragonium, *em. Rhenanus ex c. 33* | 11 ageret *Madvig* | 13 increpantis vocem *Madvig*: increpatium (increpantem *al.*) | 29, 1 ut erat *Pichena*: uteret | 2 crebritate *Rhenanus*

enimvero Montanum probae iuventae neque famosi carminis, quia protulerit ingenium, extorrem agi.

30. Atque interim Ostorius Sabinus, Sorani accusator, ingreditur orditurque de amicitia Rubellii Plauti, quodque proconsulatum Asiae Soranus pro claritate sibi potius adcommo- datum quam ex utilitate communi egisset, alendo seditiones civitatum. vetera haec: sed recens et quo discrimini patris filiam conectebat, quod pecuniam magis dilargita esset. acciderat sane pietate Serviliae (id enim nomen puellae fuit), quae caritate erga parentem, simul imprudentia aetatis, non tamen aliud consultaverat quam de incolumitate domus, et an placabilis Nero, an cognitio senatus nihil atrox adferret. igitur accita est in senatum, steteruntque diversi ante tribunal consulum grandis aevo parens, contra filia intra vicensimum aetatis annum, nuper marito Annio Pollione in exilium pulso viduata desolataque, ac ne patrem quidem intuens, cuius onerasse pericula videbatur.

31. Tum interrogante accusatore, an cultus dotales, an detractum cervici monile venum dedisset, quo pecuniam faciendis magicis sacris contraheret, primum strata humi longoque fletu et silentio, post altaria et aram complexa 'nullos' inquit 'impios deos, nullas devotiones, nec aliud infelicibus precibus invocavi, quam ut hunc optimum patrem tu, Caesar, vos, patres, servaretis incolumem. sic gemmas et vestes et dignitatis insignia dedi, quo modo si sanguinem et vitam poposcissent. viderint isti, antehac mihi ignoti, quo nomine sint, quas artes exerceant: nulla mihi principis mentio nisi inter numina fuit. nescit tamen miserrimus pater et, si crimen est, sola deliqui.'

32. Loquentis adhuc verba excipit Soranus proclamatque non illam in provinciam secum profectam, non Plauto per aetatem nosci potuisse, non criminibus mariti conexam: nimiae tantum pietatis ream separarent, atque ipse quamcumque sortem subiret. simul in amplexus occurrentis filiae

29, 10 sed quia *Acidalius* | 30, 1 accusationem *idem* | 2 proconsulatum *Lipsius*: procos. | 5 quo *Jac. Gronovius*: quot (quod *al.*) | 31, 8 dedit | 32, 2 plautio

ruebat, nisi interiecti lictores utrisque obstitissent. mox datus testibus locus; et quantum misericordiae saevitia accusationis permoverat, tantum irae P. Egnatius testis concivit. cliens hic Sorani, et tunc emptus ad opprimendum amicum, auctoritatem Stoicae sectae praeferebat, habitu et ore ad exprimendam imaginem honesti exercitus, ceterum animo perfidiosus, subdolos, avaritiam ac libidinem occultans; quae postquam pecunia reclusa sunt, dedit exemplum praecavendi, quo modo fraudibus involutos aut flagitiis commaculatos, sic specie bonarum artium falsos et amicitiae fallaces.

33. Idem tamen dies et honestum exemplum tulit Cassii Asclepiodoti, qui magnitudine opum praecipuus inter Bithynos, quo obsequio florentem Soranum celebraverat, labentem non deseruit, exutusque omnibus fortunis et in exilium actus, aequitate deum erga bona malaque documenta. Thraseae Soranoque et Serviliae datur mortis arbitrium. Helvidius et Paconius Italia depelluntur. Montanus patri concessus est, praedicto ne in re publica haberetur. accusatoribus Eprio et Cossutiano quinquagens sestertium singulis, Ostorio duodecians et quaestoria insignia tribuuntur.

34. Tum ad Thraseam in hortis agentem quaestor consulis missus vesperscente iam die. inlustrium virorum feminarumque coetum frequentem egerat, maxime intentus Demetrio Cynicae institutionis doctore, cum quo, ut coniectare erat intentione vultus et auditis, si qua clarius proloquebantur, de natura animae et dissociatione spiritus corporisque inquirebat, donec advenit Domitius Caecilianus ex intimis amicis et ei quid senatus censuisset exposuit. igitur flentes queritantesque, qui aderant, facessere propere Thrasea neu pericula sua miscere cum sorte damnati hortatur, Arriamque temptantem mariti suprema et exemplum Arriae matris sequi monet retinere vitam filiaeque communi subsidium, unicum non adimere.

32, 6 interiectis | 11 exercitus *Agricola: et exerciti* | 33, 5 aequitate | 34, 1 ad] a | 3 cetus frequentē, *em. Bitter* (coetus frequentes *al.*) | intentū | 9 neu] nec *Nipperdey* | 10 hortantur

35. Tum progressus in porticum illic a quaestore reperitur, laetitiae propior, quia Helvidium generum suum Italia tantum arceri cognoverat. accepto dehinc senatus consulto Helvidium et Demetrium in cubiculum inducit; porrectisque utriusque brachii venis, postquam cruorem effudit, humum super spargens, propius vocato quaestore 'libamus' inquit 'Iovi liberatori. specta, iuvenis; et omen quidem di prohibeant, ceterum in ea tempora natus es, quibus firmare animum expediat constantibus exemplis.' post lentitudine exitus graves cruciatus adferente, obversis in Demetrium ***

35, 5 brachiis | 10 obversus *Acidalius*.



